

م . شمس الدین

# مَاضِیَتِ الْاِخْتِیَارِ

برنجی طبع

صاحب و ناشری :  
قناعت کتب خانہ سی صاحبی  
الباس

مرحقی محفوظدر

قناعت کتب خانہ و مطبعہ  
بابا علی جادو سندھ نوردر ۱۳۲۶

درمہادت — قناعت مطبعہ و کتب خانہ سی

۱۳۳۹

قَنَا الْحَمْدُ كَيْفَ جَاءَ الْإِنْسَانُ وَمَطْبَعَةُ  
بَابِ عَلِيٍّ جَارِدِ سَنَةِ ٢٠

# باش تېج

جهانى سنه لرحه قاووران حرب عمومى بادره سى ، هيچ شېه يوق كه  
بشريته يكي بر دوره حيات آچه جقدر . بودوره نك بارز خطوطى  
شميدن سچيله بيلور . يالكز انترقه واحتراسلرك پك كنش بر  
ساحه انكشاف اولان آروپا سكه سنى دكل ، ارضك بوتون انسانلرخ  
سنه لرحه آل قانلر ايچنده يوزديرن ذهيت ومؤسسەلرك طرافه انهدامى  
داها شميدن سامەلرى تخریش اتمكه باشلادی . ميلادك ۱۹۱۴  
سنه سنه قدر ، كوچوك آروپانك سجار آغى ايچنده قورانان چشيد  
چشيد ملتلر ، نك رنك قوملر ، كنديلرنى سينديران آغ اپلرينك  
ينه كندى بازولرله باغلانيلمش اولدينى پك كوزل آكلاديلر .

هرماتك اكثريت عظماسنى تشكيل ايدن ( قره خلق ) ، شمدى يه  
قدر كوزلرنى قاپايان سياه پرده نك اوتە سندن بريندن آچه بيلەكارى  
كوچوك منفذلره حقيقى حيات وسياست صحه لرنى كوره بيلەك  
باشلاديلر . كنديلرنى بيلديران قدرت وسطوتك ، ينه كندى قوتلرله  
استناد اتمكه اولدينى ، حيرتلكش اولدقلى ثروت وسعادت تملكه  
كندى اوموزلى اوزرله قورولش بولندينى ، عقور برحس انتقام ،  
درين وكينلى برهيجان ايله آرتق پك كوزل طوبورلر . هركون برآز  
داها آرتان بوهيجان ، هرديقه داها مخوف برشكل آلان بوحرص  
انتقام ، آكلاشيلوركه ، درجه فورانك پك چوق فوئنه چيغمشدر .  
كهنه مؤسسەلرك برطرافه قيامت نمون ايله ييقيله جنى دملره ، آن بآن  
انتظار ايده بيليرز .

بويكى عالمده مسلمانلرك وبالخاصه بوكونه قدر اسلاميتك مەقاملىكى  
وظيفه سنى كمال شان وشرفله ايفا اتمش اولان توركارك وضعت ومقدراتى  
ناصيل اوله جق ؟ ... هيچ شېه يوق كه ، اون اوچ عصر دنبرى اولدينى  
كى بوندن صوكره ده ، اسلامك ومسلمانلرك مقدراتى ينه توركلرك مقدراته

صربوط اولمده دوام ايده جكدرد. ذات رسالتپناهينك ( فلنعم الامير اميرها ولنعم الجيش ذاك الجيش ) يولنده مظهر تقدير وتبجيل اولان قسطنطينيه فاتحلمرى دون اولديني كې يارينده بوتون غرب عالمه قارشى ، مسلمان دنياسنك ممثلى اوله جق ، جهانك مختلف اقليلميرنده ياشايان مسلمانلرده خلاص واعتلا نورلرني توركياده آرايه جقلردرد. آوروپانك ، آصريقانك اسلامى اعجاب متوجه پروژهلرني الهى برعزم ايله بارچالايان توركار ، يالكز يكي توركيائي دكل ، اسلامي وبوتون مسلمانلرى ده قورتاومشدر . شايان شكراندركه عالم اسلام ، توركيانك بومعظم وصمداني خدمتي دونه نسبتله بوكون داما ابي آكلامش ، يكي توركيائي اسلام دنياسنك راس مديري اولرق طائمشدر. وجدان عمومي اسلامك ، توركلرك مقدراتنه بو قدر ياقيندن علاقه داران كوسترملرى ، بو حقيقتنه اولان شعور عمومينك پارلاق برنتيجه سى در. دمك كه كنديمزي طائيق ، اعتلاض يوللرني آراق ، سقاريه ظفرينك تا مبن اينديكي استقبالي نورانور بر دوريه قلب ايتك يالكز حياتي ولى بروظيفه دكل ، عيني زمانده دينى بروجيه در. چونكه ، جهانك يكي حياستنده ، يكي توركيانك رولى ، بوكون تصور ايده ميه جكز قدر مهم در. يكي نسل بو معظم روللرى حقبيله ايفا ايده بيله جك صورتده تجهيز ايتمه من اعجاب ايتكده در .

جهانده باشلايان يكي جريان نه شكل آليسه آلسون ، ايمان ايتلى و اونو تماملر كه عالم خريستيايني ينه مسلمانلر مواجهه سنده بر آن بيله ( پيهرله ريميت ) روحندن آيريلش كوره ميه جكز . عصرك بو كونه قدر متاديا انكشاف ايند برديكي بو روح و ذهنيته ، ينه حرص منفعت اوزرينه مؤسس بر قاج پارلاق و جاذبه دار دستورلره سونه چكنه اينانق احمقچه بر صافدك اولور . آوروپانك ، انسانيت پرنسيپلرينك ساحة تطبيقى عالم خريستياينه حصر ايتكده اولدنه شمدى به قدر نه خبيث مثاللره شاهد اولدق ! روم ايلده ، مسلمان خاناني سوندوريلير ، مسلمانك عرضى هتك ، املاكى غصب ، اموال ياغما ، قانى مباح عد ايديليركن ، آوروپانك انسانيت طمارلرينك قورومش اولدني كورمدمكى ؟ بو فاجمه لرك اينى غربده اك خفيف برمعكس بوله بيليمى ؟ نه حاجت ، حرب ائناسنده متفكرلر مرك ، متارك دوره سنده خالبرك عفرتي حركانته شاهد اولدق ؟ بلغارستان قراغتك ، آلمانيا و آوستريا امپراطورلرلرينك مدافعه سى ايجون بدبخت مسلمانلر طونه بويلرنده

قاراپات طاغلارنده سينه لرندن بررقله پاپاركن ، اولكه مزده كي آلمانر ، سوريه و عراقده ير اشكه چاليشيور ، ( بره ستليتووسق ) ده كي سياسيلر ، قارص دن بر آديم اوتيه كچه مزه بر درلو راضى اوله ميورلردى . يونانيلر ، ازميزده قانلى هائله لر اويناديني ، آيديني ، مندى ييقدينى ، غربى آناطولى و تراكيانى معصوم قانلريله بوياديني ائنده مدنيت و انسانيت پيشوالنى دعواسنده بولنان غربلى قوماندان وضابطلرك ، خاطره سى بيله توپلرى اورپرتن بو خونين ماجرالره ، تياروده برهائله سير ايدر كې فتورسز ، هيچانسز ، لاقيد برر تماشا كر اولدقلرينى كورمىدكى ؟ ( پهرله رमित ) روحنك هيچ بر زمان سونه ميه جكنه حكيم ايده بيك ايچون ، بو صوك ماجرالر كافي وقناعت بخش واقعه لر دكليدر . جهان نه شكله كيرسه كيرسون ، ذهنيترده كي تحول نه قدر بويوك اولورسه اولسون ، عالم خرستيان ، مسلمانله قارشى دائما اسكى وضमित كينداريني محافظه ايده جكدرد ! بونده هيچ شبهه ايتيم لم ...

توروك بارلهدايان قيلمى سايه سنده اجتماع ايدن لوزان قونفرانسده بيله بو روحنك وقت وقت فورانى كوريلميورمى ؟ اكر بو قونفرانس ده توروك حقوق طامنش ، مسلمانلرك سسى طوبولمش ايسه ، بونك سىرى ازميزد افقرنده بارلهدايان قهار سونكولرده آرامق ايجاب ايدر . ديمك كه بوتون بر جهان خصوصته قارشى حقه زى تسام ايتديرمك ايچون دائما سونكولر بارلهدايميدر . فقط ، يكي حيانده دائما يوكسلمك ، تاريخك بزه تعين ايتدىكى شانلى روللارى دائما شرفى برصورتده ايفا ايده بيلمك ايچون يالكز سونكولرك بارلاق قالماسى كافي دكلدر . خارجى دشمنلرى الهى برضربه ايله سينديران ظفر اوردوسى كې ، علمى ، اجتماعى ، اقتصادى و صناى ظفرى ده تأمين ايده جك اوردولر احضارينه مجبورز . بويوك پيغمبرمىزك بووردىنى كې جهاد اصغر دن دونن ملت ، جهاد اكبره باشلايه جقدر . بوايكي مجاهده نكده اولكى قدر بارلاق و جهانسه - ول اوله بيلمىسى ايچون ، رهبرلرده عىنى صميميتك ، عىنى خلوصك ، عىنى عزمك بولمىسى ، بوتون ملتكده رهبرلرینه قارشى عىنى اعتمادى پرورده ايتمى ، ايمانلى بروحنله ، صارصيله قسزىن ، كوستريله جك هدفه طوغرى يورعىسى لازمدر .

يكي توركيانك اءتلاى مستقبلى ايچون اك بويوك تهلكه ، ملتك رهبرلرینه قارشى پرورده ايتمى ضرورى اولان صميمى اعتمادك صارصيلمسنده در . هر هانكى ياكلكش برخطوه ، فوضاوى بر حركتله بواعتماد بر كره صارصيلرسه ،

بر چوق تلقینات مضره ایله تدریجاً درینلشمک اوزره خلق ایله رهبرلر آره سنده بر اوچوروم تکیون ایده جکدر . خلق بو سو رتده ، روحاً ، حساً رهبرلرندن آیریلنجه ، احتراصکار وطنسزلرک ، مقرب فرصت دشمنلرک عقل و خیاله کلز آنتریکه و تلقینلریله ، داخلی تفرقه لر باش کوسترمه جک ، نتیجه ده بو کونه قادار یابیلان بوئون فداکارا فلر هدر اوله جقدر . تورکی هیچ بر شی ییلدیرمن . فقط تفرقه ثولدی بریرر . تورکک الک قورقونج دشمنی تفرقه دره . حضرت محمدک امتنه الک حار توصیه سی ده تفرقه دن اجتناب دکلیدر ۱۹ ..

تورکیانک بویوک خلاصکارلرینه توجه ایدن الک قدسی وظیفه ، خلقک کندیلرینه قارشى پرورده ایتدیکی صمیمی اعتمادک صارصیلمه سنه ، ملتی تفرقه به دوشوره جک جریانلرک انکشاف ایتمه سنه میدان ویرمه مکدر .

برملتی یوکسکتمک ایچون اولنک تاریخی ایچه طانیش ، روحنی حقیله تحلیل ایتش اولتی ایجاب ایدر . بناءً علیه ، یکی تورکیانک اجتماعی عمده لری تقریر ایدیلیرکن تورکک تاریخی ایله روحی دائماً کوزاوکنده بولدی بر ییلیدر . تورکک تاریخی ، تفرقه نک دائماً اضمحلال ایله نتیجه لشمش اولدیفنی کوسترمکده در . خلقک روحنی طانیما فلک انتاج ایتدیکی عواقبه کلنجه ، بونک ایچون ده ملکتک اجتماعی اختلاجدن بلیغ بر مثال اوله من طن ایدرم .

( ماضیدن آتی به ) ، تورکک تاریخی طانیق ، ملی روحنی تحلیل ، ملی سجه لرینی تعین ایتک غایه سنه متوجه بر تجربه قلمیه در . بر دور تاریخی نک قاپانه رق یکی بر دور تاریخیک باشلادینی شو هنکلمده بویله بر تحریریه قطعی احتیاج اولدیفنی قناعتده یز . یکی تورکیا ، ناصل قملر اوزرینه قورولمیدر ۱۹ . بونک جوابی آنجق تورکک ملی روحی ، ملی سجه لری آراشدیریلدندن ، یکی احتیاجلری ، یکی وضعیتی تعین ایدیلد کدن سوکره ویریله ییلیر .

استخلاص مجاهده سی نه قدر مشکل اولمش ، نه قدر اهانتلر قارشوسنده قالمش ایسه ، شبهه یوق که اعتلا مجاهده سی ده او قدر جتین و او قدر متعصب اوله جقدر . بو مجاهده نکه ده احتمالکه علی کمالری ، دری زاده لری حقیقه جقدر . بناءً علیه ، او یله حرکت ایتلیدر که اولنرک یازیلری و فتوالری ده علی کمال و دری زاده لرک یازیلری و فتوالری کبی روح ملته صاحب و صرتلرینه قارشى درین بر حسن نفرت او یاندیرمقدن باشقه بر تأثیر بر افش اولسون ! استخلاص مجاهده سنده ملنک روحنه و الک معزز حساباته استناداً یوریمک دهاسنک کوستریلش اولمی سایه سنده اهانتکار تلقینلر ناصیل بوغولیش

ایسه ، اعتلا مجاهده سنده دینه ملنك روحنه و معزز حسبیاته استناد  
ایدیلیرسه ، هر درلو دسیسه لر حقانته محکوم ایدیلش اوله جقدر .  
اعتلا مجاهده سی ایچون اك بویوك تهلكه ملنك روحنی ، معزز تحسسلرینی  
چیکینه به جك قدر فوضاوی حرکتلری ترویج ایدنلردن کله بیلیر . نوامیس  
طبیعیه و اجتماعیه بی لایقيله تدقیق ایتمه مش ، قانون تکاملک ماهیت و درجه  
شمولنی آکلا به مامش اولانلرک ، کلپشی کوزل نشر یانده بولنلری اعتلا  
مجاهده سنك انکشافنه بویوك برمانه احداث ایده بیلیر . چونکه بوکی نشریات  
و افکار ، ملی وحدتی صارصارق ، فکرلرده تشدت و اعتماد مزلق حاصل  
ایدر . نتیجه ده ملت آره سنده تفرقه لر حادث اولور . تفرقه ایسه تورکک  
تولومیدر . منور کنجلاکده ملی تاریخی ، ملی روحی تعمیق ، ملی سجه لری  
تحریر ، یکی حیات ده اعتلا ایچون ایجاب ایدن عمده لری تفحص غایه لرینه  
طوغری بر شوق او یان دیر مقصد یله قلمه آلشان شواثرده احتماله  
بعضاً یانیله یغمز جهتلر اولمشدر . فقط خطا ، بشریتله توأم دکلیدر . . .  
شواثر ، محترم قارئلری مملکتک اعتلاسی بولنده بر لحظه دوشون دیره بیلیرسه ،  
مؤلف کندیسنی بختیار عد ایدر . اولو تا کیری ، مؤانی ده قارئی ده هر  
خصوصده توفیقنه مظهر ایتمسون !

م . شمس الدین









## برملت مقررانی آنجی کنری تعیین ابر.

ملترك مقدراتی ، بش اون سیاسینك مقدراتنه باغلی اولدینی عقیده سنه صابلانالر ، حقیقتاً زوالی انسانلردر . روسیه جارانی ۱۹۱۴ و ۱۹۱۵ سنه لرنده متفقرلیله عقد مقاوله ایدرکن ، جهانك مقدراتی ( چارسقوئه ) سکنه سنك آئنده عد ایدیوردی . قیصر ك رجال عسکریه سی ، ( برهست لیتووسق ) ده ، بوتون آسیانك مقدراتنده فرمان فرما اوله بیله جکری قناعتنده بولنشلردی . ( ورسای ) و ( سهوهر ) معاهده لرینك ناظم لری ده ، ترتیب ایتدکاری مصالحه نامه لری مغلوبلره امضا ایتدیر برکن ، بوتون دنیانك مقدراتی ایتدکاری شکله تعیین ایتدکاری ظن ایدیوردی . فقط ، هیات !! یکی دن بر جوق ملت لری ، بر جوق اولک لری ربه اسارتنه صوقفه حاضر لانان چارلق ، مدھش بر طراقه ایله نه قدر آز زمانده ییقیلدی کیتدی . چارلق بایراغنك سایه سی بر آزداها توسیع ایتك حرصیله جیرینانلر ، جوق کچمه دن اسکی ایمپراطورلنك انھدام وانقاسامی قارشوسنده تتره دیلر . بوتون آسیایی بنمسه یں ، متفقر لری اولان تورکلر ك قافقاسیایه طوغری ایلریله ملرینی استرقاب ایدن آلمانیا ، اسکی ایمپراطورلنك بعض اقسامندن بیله جدا دوشدی . روس ایله جیلرینه آغیر وقابا بر لسانله ایکی ده بر مغلوبیتلرینی خاطر لانان جنرال ( هوفان ) ك ارقداش لری ، متفقین قوماندانی جنرال ( فوش ) طرفندن عینی معامله یه معروض قالدیلر . ( برهست لیتووسق ) ده دیدیشه دیدیشه

تقریر ایدیلن مقاوله لر ، مصالحه لر ، بوز اوزرینه یازیلش کبی ، داها مرکبلی قورومه دن سیلیندیلر. عجیبا دیگر مقاوله لر ، مصالحه لر ، طرح و تکلیفلر یابدار قاله جقمی ؟ امثالنه ، وقوعات جه-انك طرز روشنه نظراً ، بو سؤاله مثبت بر جواب ویرمك حقیقتاً بك مشکل در. بالعکس ، بك آز بر مدت صوکره بوتون بونلرك ده کیشه جگکری داها قطعی کورونمکده در .

شئونات تاریخیه نك کونا کون تجلیاتی ، مقدرات مللك بش اون رجل سیاسی نك الندہ اولدیغی نه قدر چوق واقعه لرله تأییدایتش وایتمکده در . روس ، آلمان و آووستریا ایمپراطورلقلری لهستانی تقسیم ایدرکن له ملتلك آرتق مؤبدأ ٹولش اولدیغی اعلان ایتش ، بوتون آوروپاده ، بو تقسیم قبول ایتك صورتيله مراسم تدفینیه به اشتراك ایلشدی . فقط ، بو فجیع عاقبت اوزرندن داها بر چوق زمان کچمه دن ، نملر کورولدی : بو اوچ معظم ایمپراطورلنك هر اوچی ده قیامت نمون برر طراقه ایله طرفه العین ده بیقیدیلر . اولجه مراسم تدفینیه سی اجرا ایدیلن ( لهستان ) ده بر دولت حالنده یکیدن صحنه شئونه چیقدی ...!

ایتالیایی سنه لرجه حاکمیتی آلتنده قیوراندیران آوستریا ، بو کون ٹولومه محکوم بیگلرجه اولادینك اعاشه سی ایچون ، ایتالیانلرك حس مرحمت و شفقتنه التجا ایدمك بر درکيه ایندی . رومانیان آلدینی یرلرله اکتفا ایدمه یں بلغارستان ، بواراضی دن باشقه تراکیا و ماکدونیا دن ده وازکچمکه مجبور اولدی .

فعلاً هابسبورغلرك تحت حاکمیتده بولنان ( بوسنه هرسك ) ك آوستریا به الحاق ایدیلدیکنی اعلان کبی صوری بر ایش ایله بالقانلری

آتشله یه رک بالآ خره حرب عمومینک طهورینه یول آجان (قوت  
مئرنتال) ک خلفری، آرەدن اون سنه کچمه دن، دکل یالکز بوسنه  
هرسکی، ایمراطورلک هان ایکی نلثی دشمنلرینه ترک ایتمک اضطرارنده  
قالدیلر...!

مقدرات جهانده فرمان فرما اولقی قدرتی رجال سیاسیه نک آلتده  
تولسیدی، هر حالده بوتون شوخادنه لر او یله معکوس نتیجه لره منتهی  
اولزلردی. دیمک که مقدرات جهانک تعینی، رجال سیاسیه نک  
مقرراتندن زیاده شئونات و ابجاباتک تظاهریله علاقه دار بولینیور.  
سینه سنده لایموت بر جرئومه حیات طاشیان ملتلر، اک مدهش  
قاصیرغله رغماً، ینه موجودیتلرینی محافظه ایدیورلر. چونکه  
برملک مقدراتی معاهده لرله دکل، ماضیسی، قابلیت حیاتیسی،  
افرادیکنک عزم و ایمانی ایله علاقه دارد. توملکه عزم ایدن، روحنده  
لایتزلزل بر ایمان، بنه سنده لایموت بر جرئومه حیات طاشیان  
برملت، هیچ بروقت و هیچ بر صورتله توملز و تولدیر یله مز. برملتی  
تولدیره جک قهار حامل، ارباب سیاستک قرارلری دکل او ملت  
افرادیکنک عزمی بر اقامسی، یاسه صار یله سی، ایماناً صار صیلمه سی در.  
برملت ایچون اک قورقونج تهاکه، نه مغلوبیت، حتی نه ده محکومیت در.  
اک مدهش تهاکه، بالعکس، امیدسنزلک، ایمانسنزلقدر. مغلوبیت  
و محکومیت کی تجلیات، بعضاً اوزون ییله اولسه، هر حالده موقت  
برماهیتی حائزدر. دون بلغارلرک تولدیریمی جیزمه لری آلتده  
ازیلن صربلر، بوکون غالبترینک میراننه قونمش بولنیورلرمی؟  
حرامم محکومیتلری اوزرندن سنه لر کچن اهلر، بوکون موازنه دولیده  
بر موقوع مخصوص اشغال ایتنیورلرمی؟ (سه وەر) ده تورکیایی کندی

حکیم اعدامی ایلله امضالامغه دعوت ایدنلر ، (لوزان) ده غالب تورکیانک مظاهر قوماندانی اوکونده اوپاچاوره بی کندی آلرله بیرتمه مجبور اولمیدلرمی ؟

تورکیایه ، میراث موعود نظریله باقان ، تورکیا خریطه سینه ( خسته آدم ) اتیکتی بابشديران چارلنک اوحشمت جهانشمولی یرنده بوکون نهر ، نه فاجعه لر کورییوروز . اوسطوت ، اودبدیه ، اوسلطنت اواحتراص نه اولدی ؟ برهیچ ... دکلی ؟ .. حالبوکه تورکیا معجزوی برحایتله هم بوچارانی ییقمش همده اوزرینه سوق ایدیلن قتللری محو ایتش ، اعدامی قارارلاشديران سیاسیلری ده ویرمش ، بوتون دنیایه حق حیات واستقلالنی طانتمشدر .

شبهه یوق که ، ملتلرک سرنوشت تاریخیلری ، شخصلرک سرگذشت حیاتیلری قدر متحول وپوروزلیدر . هر فردک صفحات عمری ، قسماً دیکنلی وپورالی قسماً ده چیچکلکی وکونشلی منظره لر عرض ایدر . بو ایکی منظره آره سنده قاریشیق واعوجاجلی صفحه لر توالی ایدر . عینی احوال و صفحات ، ملتلرک حیات سیاسیله رنده ده مشاهده اولنور . برملت ، برعصرده شوکت و سطوتک ذروه عظمتنه اعتلا ایدر . فقط ، برزمان کلورکه ، اوموقعدن ؛ چیقیدنندن ده ا سریع خطوه لرله سوروکله نیر ، اینر . شوکت ، انحطاطه ، عزت ، ذلته منقلب اولور .

بعضاً دوره عظمتنده مست و بی پروا پلشایان برملتک اک شانلی سمادتلری ، اونک ایچون بر مقدمه ادبار ماهیتده بولنور . بعضاً ده سرنوشت سفالتی آلتنده ایکلرکن معروض قالدینی مدهش فلاکتلر ، انتباه ملی بی تأمین ایتک کی فیاض بر نتیجه یه منتهی اولور . یکی

طوغان نیر انتباه اساسلی وایدار اولورسه ، هیچ شبهه یوق، حرکت سقوطیه توقف حتی صعوده انقلاب ایدر. انتباه ، سقوطک برحال طبیعی اولدینی و اوله میه جنی قناعتیه باشلارسه ، حرکت رجعیه دهها سرعتلی اولور . قورتولش احتمالی ده. داها زیاده قوت بولور .

ملتلی یاشاتان ویا قهر انقراضه سوروکله یین عوامل، یأس ویا امیده منتی ثابت و عمومی قناعتلردر. امید یئولمهش برملت ، اک مدھش صدمه لره رغماً موجودیتی محافظه ایدمیلیر. انقراضه محکوم اولدینی قناعتی بسله یین برملت ده ، خارجدن برصرصر فلاکت اسمه سه بیله مرور زمانله کندیلککندن چوکر کیدر. تاریخ، قورقونج فلاکتلر ایچنده انقراضه طوغری سوروکلندیکی ظن اولنان ملتلك امید وایمان سایه سندده ، ینه دیریش اولدقلرینه دأثر برجوق مثال کوستر میورمی؟ ینه تاریخ ده، یأس ونومیدی ایله اولا اسارته، سوکره انقراضه یو واردلانمش آز ملتلی کوریوروز ؟..

۱۸۶۰ ده ، آلمانیا بوکونککندن دهها مدھش برانهزام اوغرامشدی. ۱۹۱۹ ده متفقلك مشترک باش قوماندانی جنرال (فوش) آلمانیا ایچنه کبره مهش اولدینی حالده اوزمان ، جرمان اولککسی باشدن باشه پرواسز (نابولیون)ک مغرور اردولرینک آققلری آلتنده قالمشدی. بوانهزام آلمانلرده درین واساسلی برانتباه طوغوردی. نابولیون استیلا سندن اول ، آلمانلرده ملیت حمی مفقود ، وطن محبتی مجهول ایدی. اختلال کبر قهرمانلرینه قارشى هر آلمان قلبنده عمیق بر محبت واردی. فقط ، نابولیون اردولرینک حقارتلری آلتنده سورونمک محکوم اولور اولماز ، بوتون آلمانیا ده وطن و ملیت عشقی فورانه باشلادی. طالع، آلمانلره بو عمومی اقتباهی

تهیج ایدە جک هائی دماغلری دە یتشدیرمک لطفکارلغندە بولندی .  
 بویوک فیلسوفلری ( قات ) ، عزم و مرامک ذکایە فائق اولدیغی  
 دستورینی قورمشدی . بو دستور آلمانلرک رهبر حرکاتی اولدی .  
 آلمان کنجگری عزم ایله هر مشکله غلبه ایدە جگری قناعتیله تربیه  
 ایدیلمک باشلاندى . بو تربیه نک ایلمک ملی لسانی ( پالم ) اولدی .  
 متعاقباً ، ( فلايست ) ، ( آرند ) ، ( کورنر ) و ( روقکرت )  
 کبی آتشین و ملی شاعرلر یتیشدی . آلمان کنجگری لاهوتی  
 برعشقله اتحاد ملی یه سوق ایدیلى .

نهایت آلمان انتباهی تهیج ایدن بو کتله دهانک باشه ( فیخته )  
 کچدی . فیخته ، متین دهاسی ، آهنگدار نطقلری ایله ملتی انتباهه  
 دعوت ایدیور ، سونمش روحلره ( عزم و امید ) شراره لری  
 صاجوردی . نتیجه ( ۱۸۷۰ ) ده بوتون عظمتیله میدانە چیقدی .  
 نابولیونک خلفلری ، ( وەرسای ) ده ( آلساس لورن ) ی آلمانلره  
 ترک ایدن آغیر معاهدەیی امضایه مجبور اولدیلر . . . . عینی حال ،  
 ( موندروس ) متارکە سندن سوکرە مملکتە زده ده کورولمیدی ؟  
 آوروپا مدنیتنه ، انگلیز عدالتنه مفتون اولانلر ، نه أليم ماجرالره  
 شاهد اولدیلر؟ . . . بوتون بو قان و اهانت قوفان ماجرالردکلیدرکە  
 بزده ده عمومی بر انتباه اوپاندیردی . انگلیز عدالتنک مفتونلرینی ،  
 فرانسز کوانورینک پرستشکارلرینی بیله اک آتشی برر ملیت پرور  
 یابدی . . . .

۱۹۱۹ ده ( وەرسای ) ده ینه بر مصالحه عقد ایدیلى : بودفعه  
 فرانسه ( ۱۸۷۰ ) انهزامنک اوپاندیردی انتباه سایه سنده یاریم عصر  
 سوکرا ( آلساس لورن ) ، قاووشوردی . قیصرک سوسیالیست

خلفاری ده ، غالب ( قله مانسو ) نك اوزاتدینی آغیر و محقر صلحنامه بی امضایه مجبور اولیورلردی . اسکی مغلوب آلمانیا کبی دونکی مغلوب فرانسه ده ، شبهه یوق که ، بو کونکی نتیجه به عزم و امید سایه سنده واصل اولمشلردی . بعضاً غالب ، بعضاً مغلوب اولان آلمانیا ایله فرانسه ، متبادل غلبه بی دائماً مغلوبیتی تعاقب ایدن دوره انتباهده ، داها آتشین بر شکل آلان عمومی عزم و امید سایه سنده قازانمشلردر . بو کونکی وضعیتک یارین نه شکل آله جغنی ده زمان کوستره جکدر ....

حالبوکه ، امیدسز و عزمسز ملنلر ، بر مغلوبیتیه اوغرادقلری تقدیرده ، آرتق بر داها باشلری قالدیره منزلر . بلاتردد ریه بیلیرزکه ، بدبخت اندلس سلطنتک افولنی حاضرلایان عامل ، خونخوار ( فردیناند ) ایله دسساس ( ایزابللا ) نك جسارت و درایتلرندن زیاده ، ( غرناطه ) بی استیلا ایتمش اولان امیدسزلك ، عزمسزلك ایدی . داها اسکی بر زمانده رومالی ( قاتون ) ، سناتوده « قارتاجه تخریب ایدیلمی در ! » دیه باغیردینی زمان ، بوتون رومالیر عینی امید و عزم ایله چیرپینیورلردی . قارتاجه ده ایسه ، بالعکس یاشایه بیلیمک امید سونمشدی . نهایت قهرمان فقط بدبخت ( آندیال ) ین خارقه نما شهامتیه رغماً ، قارتاجه داخلک امیدسزلكی ، رومانک عزمی کبی ایکی عامل تأثیریه مؤبدأ ییقلدی ! ...

دییمک که امیدسزلك آفت زده بر ملت ایچون اك مدھش مغلوبیتلردن داها فجیع عواقب احضار ایتمکده در . چونکه افراد ملتده یاشامق قناعی برلشمش بولنورسه ، مغلوبیتک موجب اولدینی وضعیتدن قورتیلیمق دائماً ممکن در . فقط ، امیدسز افراددن متشکل بر جمعیت ، هیچ بر صورتله یاشامز و یاشایه مز . امیدسزلكک عاقبتی ،

قطعی اضمحلال در . ایشته بونك ایچوندرکه دشمنلریز (موندروس)  
متارکه سنی متعاقب استانبوله کیرنجیه، بوتون غیرتلینی ماتده عمومی  
بر امید سزلك تولید ایتك ، نتیجه ده تصور ایتدکاری (سه وهر)  
اعدامنامه سی احکامنی قولایجه موقع تطبیقه قویق امکاتی تأمینه صرف  
ایتمشلردی .

فقط ، سیاست عفريتلرينك بوتون بو شیطانی دسیسه لری  
توركك عزم واصلاتی قارشوسنده هیچ بر شیئه موفق اوله مدی .  
توركك مقدرات تاریخیه سنی ابدیاً قاباقی حرصیله یانان دماغلر ،  
کرچه بش اون سفیلی تاریخك لغت ابدیه سنه معروض اوله جق  
افعال و حرکاته سوق ایده بیلدیلر . فقط توركك احساسنی هدف اتخاذا  
ایده رك تنظیم ایتدکاری (سه وهر) عهدنامه سی (سه وهر) معمولاتی  
قدر پایدار اوله مدی . توركك الهی عزمنه چاربان بو جنایت و  
اهانت محمولی پارچالاندی ، کیتدی !... نه (لوتید جورج) ك  
شیطنی ، نه اختیار قابلاک غیرتی ، نه ده خان سلطانك اهاتی توركك  
مقدرات نهاییه سنده مؤثر بر عامل اوله مدی !...

توركك الهی عزمی ، صمدانی حیاتی هریشنی منطق صوری  
ایله محاکمه ایدن سیاسیونی شاشیرندی . خیانت آغلرینی پارچالادی  
و مستقبلك اجتماعیانجیلرینه بر دستور قطعی اوله رق شو حقیقی  
اوکرتدی : برملت مقرراتنی آنجه کنری تعیین ابر



## هاكيت مليه - سلطنت شخصيه

توركلر صوك اوج سنهك مجاهده لريله برملتك مقدراتي آنجق اوملتك تعيين ايده بيله جكني بر حقيقت علميه اولق اوزره بوتون جهانه اثبات ايتشلردر. فقط ، ينه بودوره مجاهده كوسترمشدر كه برملتك مقدرات تاريخيه سي اوزرنده بالذات عامل اوله بيلمه سي ، اوملتك مقدراتنه فعلاً حاكم اولمسنه متوقفدر . فعلي حاكيت بو خصوصده شرط اساسيدر. حاكيت مليه ، بوشرطك تحققي ديمكدر. مقدراتنه فعلاً حاكم اولان برملتك فردلريله سلطنت شخصيه سلطه سي آلتنده ازيلن برملتك فردلري آره سنده اميد ، عزيم ، وروحي هيچان اعتباريله بك بويوك برفرق وارددر. سلطنت شخصيه نك قهار سلطه سي ، عزيم واميدك قاتليدر. بوسلطه ، آلتنده قيورانان فردلرده وروحي هيچاني قوروتور. اونلري اراده سز ، هيچانسز بهاييم دركسنا اينديرير. بوسورتله بو بدبخت فردلر قهر و ظلمه ، ذلت و مسكنته آلبشيرلر. حيواني برانقيادله هر شيشه تحمل ايدر و كيتدكجه ذلت و مسكنت چوقورينك داها درينلرينه كومولورلر .

يلداي حياتك بو زواللي يولجيلري ، كومولدكلري يأس و ذلت چوقورندن قورتيلمق ايجون بهوده يره ، يرلدن كوكلردن استمداد ايدرلر . فقط ، انين استمدادلري اولويان يأسك غممه سي ، دو كولن سفالتك دمدمه سي آره سنده بوغولور و صوصار . بو ييجاره لر دوشونه مزلر كه نجانلري يرلرده كوكلرده دكل ، كنديلرنده در. حالبوكه

امیدسز فردلردن متشکل بر جمعیت ، ملیتی ، دینی ، بئلکنی ادراك ایتمین ابتدائی مخلوقات کومهسی دیمکدر . بویله کومهلرده طبیعی عزم و هیجانده بولانه میه جفی ایچون ازلی نصیبه لری بئلکلرینی مدرک ، امیدلی و عزمکار قوملرک اقتصادی ، عرفانی و حتی سیاسی اسارتلری آتیشه دوشمکدر .

فردلری و بالنتیجه جمعیتلری بودر که یه سور و کله یین عواملی تحلیل ایتدی کمز زمان منشأ لرینک سلطنت شخصییه سلطه سنه پیوسته اولدقلرینی کورییورز . دیمک که برملت ایچون سلطنت شخصییه سلطه سی افراده یأس و حرمان صاچان ، اولنرده کی عزم و امید منبعلرینی قوروتان بر آفت عظمی در . بو آفت ، فردک یالکیز عزم و امیدینی قوروتماق قالمز . بئلکنی و دینی ده بوغار . چونکه یأس ایله ایمان برسینه ده برلشه من !!!

دونکی تاریخمزی ، اسباب ظاهریه ماوراسنه نفوذ ایتک شرطیله تحلیل ایدمک اولور سق ، شومطالعنک صحتی مؤید بیکارجه دلائل بولورز . تاریخک کوستردیکی اسباب ظاهرییه باقیلیرسه ، بزی دونه قدر ، هرکون بر آزا داها کومولک اوزره یأس و نومیدی غیاسنه سور و کله یین عامل ، متوالی مغلوبیتلر در . کوپرلی ( قره مصطفی پاشا ) نك ویانه رجعتیله باشلایان و کیتدکجه داها فاحش بر شکل آلان هزیمتلك زمانزه قدر توالیسی ، هر مغلوبیتی متعاقب وطنک قیمتدار بر پارچه سنک آلدن چیقمه سی ، روحلرده کی یأس عمیقک الهمهم طامی اولمشدر . بونده شبهه یوق . فقط ، عجبا حقیقی اسباب بوندن عبارتیدر ؟ بو مغلوبیتلر ، نیچون بو قدر فاحش بر صورتده دوام ایتش و نیچون مملکتک حدودلری ، محافظه ایدیله میه جکی بدیهی اولان اولکلره و حتی ویانه اوکلرینه قدر

میدیدایدیلشدر؟ تاریخك كوستردیكى بوتون ظاهری سبیلری بوصورتله استیكناه ایدرسهك حقیقی سببك بونلردكل، بوسبیلری ده احضار ایدن سلطنت شخصییه اصولی اولدینی تعین ایدر. چونكه سلطنت شخصییه نظریاتنه كوره، دولت ملتك دكل، تاجدارك مال موروثی در. تاجدار افراد ملتك رقبه سنه مالكدرد. بناء علیه بوتون ملت منحصر آ تاجدارك آرزو واراده سنه منقاد اولمغه محكوم برسروردرد. بوسورونك جانی، مالی، حكمدارك كیفی آرزولرینی اجرا ایچون صرف ایدلمسی مباح، حتی مشروع برمتاعدرد. تاجدارك بونا متنبهی نفوذ وسلطه سنه دینی برماهیت ویرمك، شغاعت ومظالمی محق ومشروع كوسترمك ایچوندركه اوكا اسلام اساسلریله هیچ بر وجهله قابل تألیف اولمیان، حتی روح قرآنه برنوع تجاوز ماهیتنده اولان (ظل الله فی العالم) کیبی برعنوان ویرمشلردرد. تاجدارلره خالق كائناتك ظلی اولمق پایه سی احداث ایدیلدكدن صوكر، اونلرك كیف وآرزولرینی تحدید ایدمك آرتق هیچ بر قوت قالمیوردی. چونكه اللهم ظلی اولمق پایه سی، صاحب سلطه یه احكام شرعییه ده كیف وهوسنه كوره تعدیل ایتمك صلاحیتی بخش ایتمش اولیوردی. بونتیجه بزه اسلام وعثمانلی تاریخك مظلم وخون آلود صحائفی ایضاح ایدمبیلیر. حتی باب عالی حكومتك ماهیتی ده بونتیجه یه كوره بك كوزل تقدیر ایدمبیلیرز: فی الحقیقه سلطنت شخصییه نظریاتنه كوره جسمانی وروحانی بوتون سلطه پادشاهلرده طویلاندینی ایچون مملكت ده یكانه نافذ اراده، بالطبع حكمدارلرك كیف و آرزولری اولیوردی. باب عالی ایسه ملتك حكومتی دكل، مردرلو قیوددن آزاده بر حالده فرمانفرما اولمق پایه سی تعقیب ایدن سرائك حكومتی موقعنده بولینیوردی. بناء علیه باب عالی، ملتك منافعی، مملكتك اسباب استخلاص و اعتلا سی، خلقك اقتصاداً، عرفاناً

اعتلاسنی دوشونمکدن زیاده پادشاهلرک آرزو واحتراسلرینی، سرای کوزده لرینک حیوانی هوسلرینی درپیش ایتمکه مجبور ایدی .

صدراعظم لر ، شیخ الاسلام لر وبوتون او برسورو ناظرلر سرایه عریضه لر تقدیم ایدرکن دولت وملتک منافع واحتیاجلرینی دکل ، افندیلرینک توجه والتفانلرینی دوشونبورلردی . سرایه صونولان مجلس وکلا مضبطه لرنده کی ا.ضالرک بالاسنی توشیح ایدن ( قوللری ! ) قلیشه سی، باب عالی حکومتک حقیقی برطرارز هویتی ایدی . وکلای فحام بو قلیشه ایله مملکتی ، سرایک بلا قید وشرط تصرف ایده بیله چکی برجیفه تلتک، کندیلرینی ده پادشاهک وکیل خرجی ویا داها طوغریسی اوشاغی تلتی ایتمکه اولدقلرینی اعتراف واعلان ایدیورلردی .

دیمک که سلطنت شخصییه طرز حکومتنه کوره باب عالی ده جداً ناموسکار، وطنپرور، منسوب اولدینی ملت بهر شهره اعتلا آجه بیله چک قدر یوکسک عرفانی ذوات بوانسه ده بونلرک برشی یاپمالری امکانی یوقدی و اوله مزددی . چونکه تاجدارک علی العاده بر اراده سی، هرشیئی آلت اوست ایدر، حتی او ناموسکار شخصیتلری بیله عدم آباده کوندره بیلیردی . حالبوکه ، باب عالی حکومتی پادشاهلرک اطرافنی آلان منفعت برستلرک، جاهل آغالرک تلقیناته کوره تشکل ایتدیکندن ایچلرنده بوکبی اوصافی حائز ذوات تصادفی ونادر اوله رق بولنوردی . بولنانلرده آرزولرینه رغماً هیچ برشی یاپه مازلردی . ا کثریت وکلاء سرایه تقدیم ایدیلن عریضه لرده کی ( قوللری ! ) قلیشه سنک حقیقی ماصدقی اولان انسانلردن متشکل اولوردی . بوماهیتده اولان باب عالی حکومتلرینک ده ملتک امللرینی ، آرزو واحتیاجلرینی دوشونمه لری

احتمالی یوقدی . بونک ایچوندرکه بابعالی ده؛ افرادماتی یأس ونومیدی چوقورینه یورارلامقده؛ سرایله متحدبولانیوردی . ینه بونک ایچوندرکه ویانه رجعتندن اعتباراً هزیمتله توالی ایتدیکجه ، خلق ده ملی وعمومی بر انقباض تولیدینه غیرت ایدیه جکمه بالعکس افراده طویقوسزاق میقروبلری زرقه چالیشیلمش ، سفاهت واسراف قابولری آچیلمشدر .

کرچه تنظیمات دورینک بعضی یوکسک سیاری ، یک الیم فلا کتلدن صوکره ، زمانک احتیاج وایجاباتی نظر اعتباره آماق ضرورتی طویقوش وبعضی تشبیلرده بولنشلردر .

فقط بوتون بوتون تشبیلر ماتی یأسدن ، دواتی انقراضدن قورتاره . مامشدر . چونکه بوتون بوتون تشبیلر صوری وفرعی شیلردی . اساسلی اولانلرده حکمدارک بر اراده سیله آلت اوست ایدیلور ، ینه اسکی حاله رجعت اولینیوردی . چونکه عمومی یأسک ، منظر انقراضک یکانه عاملی اولان طرز حکومت ینه اسکی شکلده طورییوردی . بوندن باشقه ، بو حیثیلی و منور شخصیتلرده روح ملی بی استبصار ایدهرک بویکی ایجاباتی اونکله توفیق ایتکه اهمیت ویرمه مش ، اولدقلرندن حرکتلریله دائماً ارتجاعه مساعد بر وضعیت احداث ایدیورلردی .

اساساً بونلرده یالکیزاسکی شکل دائره سنده صوری بر اصلاحات یایمغه چالیشمش ، بلاقید وشرط ملتک حاکمیتی تأمین لزومی خاطرلرینه کتیره مه مش ، بلکه ده بونی دوشونمکه بیله جسارت ایده مه مشلردی .

حالبوکه حرکت انقراضیه بی طور دیرمق ، ملتیه یکی بر روح نفخ ایده بیلمک ایچون اوله ، عمومی استیلا ایدن یأسی بوغمق ، صوکراده افرادده صارصیلمز بر عزم و ایمان او یاندیرمق لازمدی . بوده آنجق ملتیه کندی مقدراتی اوزرنده بلاقید وشرط بر حاکمیت تأمین ایلله

ممکن اوله جقدی. آنجق بو صورتله ملت تجدد احتیاجنی بالذات طویار، و بو یولده کی فعالیت ده متمر و پایدار اوله بیلیردی. چونکه تجدد احتیاجی روح ملی دن طوغماد قجه، پایدار اوله ماز. کتله دن معروض قاله جنی مقاومت قارشو سنده یا محو اولور کیدر و یا آنجق صوری بر شکله قالیر و بناء علیه مظهر انکشاف اوله من. ناصیل که (سلیم ثالث) زماننده کی تنظیماتجیلرک مساعیسی برنجی شکله، (عبدالحجید اول) دورندن اعتباراً همنه یه چیقان تنظیماتجیلرک بوتون غیرتلی ده آنجق ایکنجی شکله نتیجه لشمدر.

متوالی مغلوبیتلرله تشکیلات اداریه و عسکریه سی بوزوان دولتک قورتاریلمه سی درین و اساسلی بر انتباه ایله ممکن اوله بیلیردی. بر انموذج اقوام اولان ایمپراطورلغک شیرازه سی تورکاردی. بو ایمپراطولنی تورکر تأسیس ایتمش اولدقلری کبی تأمین انتظام و اعتلاسی ده تورکرلرک علمی، صناعی اساسلی بر انتباهه مظهر اولملزینه متوقفدی. مملکت ده کی ملیت و دین اختلافک نتایج اجتماعی و سیاسی بنیه دواتی متصل صارصارکن ایمپراطورلغک الحقوق اھمال ایدیلن عنصری اک حق دوشونیللمه سی ایجاب ایدن تورکاردی. بو وضعیت داخلنده تنظیماتجیلرک تجدد و اصلاحات تشبیلری، پک طبیعی ایدی که؛ دولته اھمال ایدیلن تورکرله نسبتله داها زیاده تنور ایدرک ملی جریانلره قابیلیمش اولان غیر مسلملرک لهنه برطاقم نتایج تولید ایده چکبدی.

۱۸۵۶ تاریخنده تنظیمات خط هایونی کلخانه ده قرائت ایدیلورکن

(ایپسیلانتی Ypsilanti) نک، (فهنیکس Phénix) رسمی سیاه بایراخی، ایمپراطورلق داخلنده کی غیر مسلملرک تمثال آمالی اولمشدی. (عبدالحجید اول) اصلاحات فرماننده: «روابط قلییه وطنداشی

ایله بربرلرینه مربوط اولان و نظر معدلت اثر مشفقانه لرنده مساوی بولنان كافة صنوف تبعه شاهانه لرینك هر یوزدن حصول تمامی سعادتحالترینی « امر ایتمه ن اوتوز آلتی سنه اول ( اوده سا ) ده تشكلی ایتمش اولان ( اتریا Hétairie ) جمعیت خفیه سنك قهرمانی ( ایپسیلاتی ) ، عناصر غیر مسلممه یه قارشلی نشر ایتمدیکی بیاننامه ده شو سطرلری یازمشدی : « ( ماراتون ) ایله ( ترموپیل ) آره سنده بولنه لم . . مستبدلرك قانی ، ( آیامینونداس ) ك ( تراسیبول ) ك ، ( میلتیاد ) ك ، ( لئونیداس ) ك ارواحی شادایده جكدرد . ( دارا ) لرك ( سرخس ) لرك محروم جسارت احفادی اولان توركار ، قدیم ایرانیسردن داهای قولای مغلوب ایدیه جكدردر . . . » .

عاصی ( قاراویاس Karavias ) ، طونه بویلرنده ( قالاص ) شهرینی آنسزین باصهرق ، جامعلری تخریب ، عساکر محافظه ایله مسلمانلری قتل عام ایتمكه بویاننامه یه ایلك جوابی ویرمشدی . ( مورد ) عصیان ایسه هنوز اوتونوله مشدی . عناصر مسلممه یه كلنجه ، اولرنده تنظیمات جریانی عادتاً دینسزلك كهی تلقی ایتمش ، مقاومتكار بر وضعیت آلشلردی . . ( خسرو پاشا ) ، تنظیمات قهرمانی ( رشید پاشا ) بی رأس كاردن آتدیردینی زمان ، ارتجاع غلبه ایتمش اولیوردی . مسلمانلرك وبالخاصه توركلرك طبیعی برحسله تنظیمات فعالیتته مقاومتلری سببسز دكلدی . تنظیمات ، انهدامه یوز طوتان بوتون ملی تشکیلاتلرینی ، صناعتلرینی تحت تهلكیه براقیوردی . توركار ، علماً اولدینی كهی اقتصاد آده ، رعیه نك تحت اسارتنه سوروكله نیورلردی . روح ملی ، بوتهلکیك حس ایتمش ، فقط ، چاره سنی آرایه بیله جك قدر اویانما مشدی . او ، بوتون بو حالاته قارشلی عطالتی محافظه و ارتجاعه میلاندن باشقه برشی

دوشونه میوردی . قورق دینی وضعیتک تحققدن صوکره کندیسنی  
عمومی بر یأس ونومیدی به قابدیره جقدی و اوילה اولدی .

سواد اعظم ، غیر شعوری بر حسله ، باب عالینک مملکتی باطیره جنی  
قناعتی بسلیوردی . منور طبقه ایسه ، سواد اعظمک روحنی تحلیل ،  
سجیه سنی تدقیق ، وجدان ملی بی تخری ایدرهک خلقی تنویر وارشاد  
ایده جکلیرینه ، اونو ازیله سی مطلوب بر کتله جهل کی تلقی ایدیور ، هر  
حرکتلیله اونو قوشقولا ندیریور لر دی . و اسفا که ، سواد اعظمک  
تحسینی ، تحققی ایتدی . غیر ملی تنظیمات فعالیتی ، عناصر غیر مسلمنه ک  
داهاز یاده قوتلنمه لرندن ، داهاقانلی حرکتیه جرئت ایتلرندن باشقه برشی  
تأمین ایتدی . نتیجه ده یوردلر تارومار اولدی . اولادوطن قان دریا لرند  
بوغولدی . ملی ثروت ، ملی صنعت محو اولدی وروم ایلی آلدن جیقدی !...  
فقط ، آنا طولینک آلهی ظفری سایه سنده بو کون ، بوس بوتون  
یکی بروضیتله تقابل ایدیورز . قارشو مزده ملیتلی ، املاری ،  
مفکوره لری آیری آیری بر کتله اقوام دکل ، دینی طویغوسی ،  
ملی فایه سی متحد تک بر قوم بولینیور . بو بدبخت قوم ، عصر لرجه  
دوام ایدن لاقید واکثریا ظالم اداره لر ، آلم انهمزاملر ، بنیه وروحنه  
اویغون اولمیان طرزتداویلرله پیرانمش ، بی تاب دوشمشدر . اونو  
قورتارمق ، کندیسنه یکی بر نفخه حیات ویرمک ایچون ایلاک اوله  
الهی بر امید و عزم اوایلدیرمق ایجاب ایدر . ملی مجاهده و بونک  
شانلی نتیجه سی ملت ده کی اویوشوق امید و عزمی اوایلدیردی . شیمدی  
بو امید و عزمی شعورلی بر ایمان حالنده هر ساحه ده انکشاف  
ایتدیرمک ایجاب ایتکده در . بو امید و عزمک منبئی ، تورکک تاریخنده ،  
ملی روحنده ، دینی تحسساننده مکنوزدر . بومنبع آراشدیریله رق



میدانه چیقاریلورسه ، شبهه ایتمه یه لم که ، روح ملی بوتون قدرتیله انکشاف ایده جک ، تورکک اوزرنده ابدیت دامغاسی طاشیان قابلیت حیاتیه سی ، هر ساحه ده ، حیرتبخش تجلیات کوسـتره جکدر . حاکمیت ملیه ، بزه نورلی برشهر اه اعتلا آچمشدر . بو شهر اهده صارصیلمسزین یورو یه بیلمک ایچون افراد ملتده کی عزم و امید یی داها زیاده تهییج و تقویه ایتلی یز . بوتک ایچون فردلرک ملیتنی ، دینی خلاصه بئیلکنی حقیله بیلمه سی کافیدر . چونکه بئیلکنه شعوری اولان برفردک قلبی ، دائماً عزم و امید ایله ضربان ایدر . روحی ، ایمانی هیجان ایله یاشار . حاکمیت ملیه ، ملتک بلاقید و شرط مقدراتنده بالفعل مؤثر اولمی دیمکدر . بو حاکمیت یالکیز هر هانکی بر صنفه دکل ، بوتون ملتیه شاملدر . بناء علیه ، اجتماعی وضعیتی نه اولورسه اولسون ، هر فردک بو حاکمیت ده دیگر فردلرککنه مساوی بر حصه اشتراکی واردر . افراد ملتک یکی شکل حکومتله صمیمی برصورتده مربوط اوله بیلملری ایچون حاکمیت ده مساوی بر حصه اشتراکری اولدیغنی بیلملری کافی دکلدر . بونی فعلاً ده طویمالری لازمدر . خلق ده بو طویموینی تولید ایتک ، منورلرک القدسی بر وظیفه سیدر . شو حالده ، حاکمیت ملیه دورنده منورلرک شعاری ، ملتی طانیق اولمیلدر . منورلر ملتی نه قدر یاقیندن نه قدر ائی طانیرلرسه ، حاکمیت ملیه ده اوقدر اساسلی و اونسبتده تهلکدن سالم اولور .

فقط ، اعتراف ایده لم که بو عظیم انقلابه رغماً آره مزده حالا تورکلر آره سنده بولمقدن بی حضور اولان لوانتن روحلی ده زه نه ره لر واردر . آناطولینک ، پرستش ایتدکاری آوروپایه قارشى استقلال مجاهده سنه قیام ایتمنی برجنت ، حق بر جنایت عد ایدن بو مقوله

متفسخ شخصلر - که اوج سنه متبادیاً محیطه یأس و نومیدی میقرو بلری صاحبشلر در - تمنی ایدلم که بی مانند ظفیری اوکنده آوروپایی رکوع ایتدیرن تورکی آرتق سومکه باشلار، اونک یوکسک ونجیب روخندن بر آزاو لسون، عزیم و امید نوری آلیرلر . بوسایه ده نسل مستقبلده عینی صورتله زهرلنمک تهلمکه سنندن قورتیلیمش اولور .

بر ملت ایچون اک بویوک فلاکت ، ( کزیده ) لر ایله ( خلق ) آره سننده روحی و حسی براوچوروم بولنمقدر . بواوچوروم سرعتله طولدیر یله رق بوابکی طبقه آره سننده حسی ، روحی مشتر بر دویغو تأمین ایدیلزسه ، حاکمیت ملیه نقطه نظرندن استقباله امنیتلی بر نظرله باقیله هنر . منورلرایله سواد اعظم آره سننده صمیمی بروحدت، آنجق ملتک تاریخی ، روحی ، وجدان معشریسنی ، ساجیه سنی ، ناصیل بر انموذج اجتماعی اولدیفنی بیلمکله تحقق ایدر .



## تورك ظفري ملي رومك هاردمير

تورك ، عصرلك كردباد شؤنى آره سنده رايست استقلالى اصلا سرنگون اولمهش يكانه قومدر. تاريخ ، آرقه سنده برسلسله شهامت يوكسه لن ملتله آره سنده هيچ برزمان وارلقى استقلالنه ترجيح ايتمهش اولان تك برملت كوستره بيلير: تورك .

شبهه سز تورك ده اوزون تاريخنك دونم يرلنده بعضاً بك اليم ماجرالر قارشوسنده قالمش ، بك فلاكتلى كونلر كچيرمشدر. حتى استقلالى ، ملي وارلقى آرتق ابدىاً غائب ايتدىكى ظننى ويرن بويوك فلاكتلر، مظالم بحرانلر كچيرمشدر. فقط ، هيچ بر فلاكت اونى ياسه درشوره مامش ، هيچ برضربه ييلديره مامشدر. تورك بوقورقونچ فلاكتلر قارشوسنده ده الهى برعزم ، صمدانى براميد ايله رايست استقلالنى مدافعه ايتمش وقورقارمشدر. مخوف تهلكلر توركى ييلديره جفته بالعكس ملي روحنك تهيجنه سبب ، ملي سسجيه لر ينك انكشافنه خادم اولمش ، سينه سندن مشترك دويغويى اك جوق تجلى ايتديرن قهرمانلر چيتماسنى انتاج ايتش ، نتيجه ده قاره كونلر دائماً برصبيح فلاح ايله نهايتلنمشدر .

عرق ، مشترك و متحد سسجيه لره مالك اولان وبوسسجيه لرى وراثت طريقيله خلفلرينه دور ايدن فردلردن متشكل بر كومه در . بر جمعيت محتاجانس برملت اوله بيلمك ايچون محيطك ، نصالب وتوارنك ، غنغنك ، اوجميت افرادى آره سنده جسمانى ، روحانى برطاقم مشترك سسجيه لر ياراتمش اولسى ايچاب ايدر . مشترك دويغويى اك زياده تجلى

ایتدیرن کومه لر ، سلسلهٔ موجودیتلری ماضی به طوغری اک فضلہ کومواش اولان ملتدرر . چونکه اوزون سنه لرك محصولی اولان وعرقی تمایز ایتدیرن مشترک سجیه لر ، آنجق سنه لرك کذارشیلہ یرلشیر . عصر لرك تعاقبیلده کوکلشیر . دیمک که بر ملت نه قدر اوزون ماضیلی اولورسه اومت افرادنده یرلشن سجیه لرده اوقدر متین ، اودرجه زوال ناپذیر اولور .

ملی سجیه لری درین ، ملی دوینوسی حساس اولان بر قوم ، بی پایان بر حیاتیت مدخری در . بو حیاتیت علی العاده زمانلرده اوقدر تجلی ایتمز . حتی بعضاً محیطی تأثیرات التنده سونمش کبی کورینیر . فقط ، بو کورینش ظاهری ، بناء علیه آلداتیجی در . چونکه فوق العاده مهیج حادثه لر ، از جمله ملی موجودیتک ته لکه یه معروض بولنمسی ، رایت استقلالک سرنکون اولمق احتمالی قارشوسنده قالینماسی کبی حالار ، اوحیاتیتک بفتناً فورانی انتاج ایدر . بو ته لکه کوریندیکی ، بو احتمال بلیردیکی آنده ، مشترک دوینوده در حال بر هیجان ، مشترک سجیه لرده بر اقباه باش کوستیرر . فقط ، بو هیجان وانقباه هر فردده عینی نسبتده اولماز . مستقلاً بعض شخصیتلرده مستقلاً اوله رق اک شدید بر صورتده تجلی ایدر . مشترک دوینو بو مستقلاً شخصیتلرده وجدی بر روح ، صمدانی بر اراده ، الهی بر عزم ایلہ مترافقاً منکشف اولور . مشترک دوینو ایلہ جوشان ، کوکره یین بو وجدی روح لر ، نشر ایتدکلری عزم و اراده موجه لر یله دیگر فردلرده مشترک دوینونک ته یجنی تشدید ایدر لر . اوزمان بوتون بر ملت ، عینی دوینو ایلہ عینی عزمی ، عینی اراده یی اظهار ایتکه باشلار ، بو صورتله هر کسی حیرتده براقه جق خارقه لر ، توالی ایدر کیدر .

وجدی رو-ك عزم و اراده سی منطق صوری ایله تقدیر ایدیله من.  
اونك منشأ مهیجی میزان منطقله اولچوله مهین صمدانی بر قدرت،  
یعنی بوتون برملته عائد اولان مشترك سجیه لر، مشترك دویغولردر.  
ایشته بونك ایچوندرکه وقوعات و حادثاتی میزان منطقله اولچوب بچلر،  
بو قدر تك نه ماهیتی، نه ده شدتی حقننه مثبت برفکر ایدینه منلر.  
حکم و قرارلری هیچ بروقت خطا آلود اولمقدن وارسته قاله ماز.  
تورك تاریخی، ملی دویغو و مشترك سجیه لرک خارقه لرله مالا  
مالدر. ملی دویغونك احیاکار قدرتی آکلامق ایچون تورکک ملی  
تاریخی تدقیق ایتلیدر. اوتوز بش، قرق عصر دنبری، بلا فاصله دوام  
ایدن بر حیات استقلال، تورک کرده بک قوتلی سجاای میزه تقریر  
ایتمس اولدینی کی، بک مستثنا خصوصیتلرده ابداع ایلشدر. بوسجیه لرک  
منشأ و تجلیاتی کوره بیلیمک ایچون، تورکک ملی تاریخنه سریع بر نظر  
عطف ایدلم :

تورک تاريخک طایرہی اک اسکی ملندردہ بربر .

دنیاہ تاریخى مضبوط الاسكى قوم ، (چونغ قوعو Tchong-kou) يعنى (وسطايمپراطورلى) سکنہسى در . بزم (چين) نامنى ويرديکمز اسكى دنياک عمق عصارہ کومولان سکنہسى ، کندی کنديلرينہ (چونغ قوعو ژين Tel ong-kou jin) يعنى وسطايمپراطورلى آدملى نامنى ويررلر . چين تاريخى ، (دور اساطير) و (ادوار تاريخى) ديه ايکي قسمہ آبريلور . (ين Yin) ايلہ (يانغ Yang) ک اسرار انکيز مولودى ، قوت ، قدرت وکثرت تناسلک ديواآسامشخصى (پوان قو Pouan-kou) ايلہ باشلايان دور اساطير ايجون بر مبدأ تعيينى ممکن دکلدرد . ميلیونلرجه سنهلى احتوا ايدن بودور ، ميلاد عيسى دن ايکي بيک سکيز يوز اللى ايکي سنه اولنه قدر تهادى ايدر . بش حکمدارک يعنى (عوتى Ou - ti) لرك برنجيسى اولان (فوى Fou - hi) ايلده ادوارتاريخيه باشلار . ميلاد عيسادن (۲۸) عصر اولندن اعتبارآ بو اوزون عصرلرک تاريخى تماميله ضبط ايدن چينلير ، عيسى زمانده اقوام مجاوره نک ده وقوعات تاريخه لرينى قيد ايتشلردر . چينک بو اسكى وقایعنامہلى (توکیو) نامنى ويردکلرلى اورخون تورکلرينک جدى اولان (هيوئغ-نو) لرك ، قديم (شان-يونغ Chan - yong) لردن اينخس اولدقلىنى قيد ايدييورلر .

ايشنه تورکلرک تاريخآ معلوم اولان اک اسكى جدلى بو (شان - يونغ) لردر . شان - يونغلر ، شيمديکي (اورتوس) خطہ سنک

شمالندن (ایرتیش) نهری بویلرینه قدر امتداد ایدن ساحه ده اوطور-  
بیورلردی . تورککرك بو اگ اسکى یوردلرینه چینلیلر (تا - تان  
(Ta-Tan) نامنى ویریورلردی .

چین جغرافیونسه نظراً تانان خطه سی ، شرقده مانچوریا ،  
شمالده بایقال کولی و آلتای سلسله سی ، شمال شرقی ده (هامی)  
خطه سی و (ایرتیش) بویلری ، غربده (ووسون) لر اولکسی ایله  
محاط بولینیور ، جنوب حدودی ایه چینه طیانوردی . چینلیلرک  
ایلك دفعه بو خطه ده طانیدقلى شان یونغلرک منشائی (تاغنو - اول  
(Tagnu-ola) و (بویوک آلتای) سلسله لرینه منتهی اولیورلدی . ایلك  
یوردلری بو طاغلق حوالی اولدینی ایچون ، چینلیلر بونلره (طاغلیلر)  
مناسنه اوله رق (شان یونخ) اسمنى ویرمشلردی .

دنیاك اگ اسکى قومى اولدقلىنى ادعا ایدن چینلیلر ، شان  
یونغلر ده کندیلری قدر بر قدم اسناد ایتیش ، (چونخ - قوعو)  
قطعه سنك ایلك ایمپراطوری طانیلان (یاغو Yao) زماننده ، تانان  
حوالیسنك شان یونغلرله مسكون اولدینی قید ایشلردر . (شو - کینگ  
(Chou - King) . وچینک دیکر قلاسیک کتابلرینه کوره « طبیعت  
متفکره یه مستعد بولندینی بوتون انکشافی ویرمکی بیلن ، خلق آره سند  
عدالت و مساواتی ، اتحاد و وفاقی تأسیس ایدن ، هر کسه طوغری و حقلى  
دوشونمکی اوکره تن » بویوک ایمپراطور (یاغو) ، میلاد عیسادن  
۲۳۵۷ سنه اول کلشدر . دیمک که تورککرك اگ اسکى جدلری ، فرق  
عصر اول چینلیلرجه معلوم بولنیورلردی .

چین وقایضنامه لرینه کوره ، اوزمانلر ، هربری بر رئیس اداره سی  
آلتنده متفرق قبائلدن مرکب اولان شان یونغلر ، سوریلریله

کچینیور، سیاه چادیرلر آلتنده اوطوریورلردی . سوریلری بسله مک  
مجبوریتی اونلری دائماً کوچیه حالتده طولاشمغه ، نهر بویلرینه ،  
منبت و اوتلی وادیلره کوچ ایتمک سوق ایدیوردی .  
حیات و ثروتلری ، سوریلری ایدی . سورینک ت اوسودیله  
تعیش ، دری و یونلریله تلبس ایدیورلردی . قیصراق سودندن  
یابدقلری قومیز ، باشلیجه مشروبلی ایدی . چوجوقلری  
کوچوک یاشدن عسکری حیاتک بوتون مشاق و تعلیملریله الفت  
ایتدیریور ، اونلری حرب و ضربه قادر بر محارب اوله رق  
یتشدیریورلردی . چوجوقلر ، هنوز سوریلری کودمک چاغنده  
ایکین ، قویونلره یینه رک سواریلکه آلیشیور ، قوشلره اوق آتیه رق  
تیراندازلق اوکرمه نیورلردی [۱] .

شانغ یونغلر ، قبل المیلاد (۲۲۰۵) تاریخنده ( تا - یو - هه نو  
Ta-yu-Hiau ) طرفندن تأسیس اولنان ( هیا Hia ) سلاله سی زماننده  
ایلک دفعه اوله رق چین آقینلر اجراسنه باشلامشلردر . بو سلاله نک  
دوامی مدتجه کسپلمه یین بو آقینلر ، قبل المیلاد (۱۷۶۶) تاریخنده  
بوایمپراطورلغه خلف اولان ( شانغ chang ) سلاله سی دورنده براستیلا  
شکلنی آلمشدر .

( شون - غوه ی chun-goei ) نامنده بر باشبه غ ، متشتت  
ومتفرق بر حالده یاشایان قبیله لری ایلک دفعه اوله رق صنجانغی آلتنده  
طوبلامش ، قدرتی بر حکومت قورمشدر . شان یونغلرک تاریخاً  
معلوم اولان ایلک باشبوغی ، ( شون غوه ی ) در . ( شانغ ) سلاله سی  
چین ده حکمران اولدینی (۶۴۴) سنه ظرفنده ، شان یونغلر وقت  
[۱] چین وقایعنامه لرندن ( Ven-Hien-tung-kaio ) و ( Kang-mo ) .



ماضیدن آتی به  
 وقت آقینلرینه دوام ایتمش، وسط ایمپراطورلغی دائمی بر خوف و خشیت  
 ایچنده یاشامشلردر.

میلاد عیسی دن (۱۱۲۲) سنه اول (شانغ) لره خلف اولان  
 (جه نو Tehou) سلاله سی وقایعنامه لرنده شان یونغلره دائر داهای  
 فضله تفصیلات و بریش اولدیغی کوریورز: بوسلاله نك عنمكارمؤسی  
 (وو - وانغ Wou-Wang)، شان یونغلره قارشى قطعی بر غلبه  
 قازانه رق چینیه وقوعبولان آقینلری دوردیریور. شان یونغلر،  
 (تاپی Ta-pi) و (په شی Pe-chi) اسملرنده کی رییسلرینک وفاتندن  
 سوکره، جه نو ایمپراطورینه عرض انقیاد ایدیورلر. فقط، بوانقیاد  
 اوزون مدت دام ایتمیور. چین مورخلرینه کوره، ایمپراطور (چینگ-وانغ  
 Tehing-Vang ق. م ۱۰۷۹) دن سوکره بوسلاله حکمدارلرینک  
 «طریق فضیلتدن انحرافلرینک بر مجازاتی اوله رق» شان یونغلر تکرار  
 کسب استقلال و چینیه آقینلر اجرا ایدیورلر. چین ایچریلرینه قدر  
 سوقوله رق اورالرده یرلشیورلر. شان یونغلرک باصقینلرندن یزار  
 قالان چینلیر، (شانسی) و (په کینگ) ایالتلرینک شمال حدودلرینه  
 برر سور پامغه مجبور اولیورلر [۱].

جه نو سلاله سنک اواخر سلطنتلرینه طوغری، اوزمانه قدر  
 (شان یونغ) نام عمومیی آلتنده آنیلان شمالی قوملرک آری آری  
 و حقیقی اسملریله یاد ایدیلرک باشلانمش اولدقلرینی کوریورز.  
 هربری بر جوق اولوسلردن مرکب اولان بواچ قومدن شرقده کیلر،  
 (تونغ - هو Tong - Hou) یعنی (طوغولو)، وسطده کیلر،  
 [۱] بوسورلر بالاخره تسین سلاله سی ایمپراطورلرندن (شه - هوانغ فی)  
 طرفندن اکمال ایدیلرک الیوم سد چین دینیلن معظم دیوار وجوده کتیریلشدر.

( هیون - یو Hiun-yu ) یعنی ( قویونلو )، بونلرک غریبنده ( شفی )  
 و ( قان سو ) ایالتلرنده ساکن اولانلرده ( یوئه - چی Yue-tchi ) یعنی  
 ( یوشی ) ناملریله یاد اولیئورلر . تورکار اوڭجه ( شان یونغ ) نام  
 عمومیسیه یاد ایدیلش اولان بو اوچ قومدن وسطده ( تانان )  
 وایکسندە اقامت ایدن وبلاآخره چینلیلرجه اسملری ( هیونخ - نو )  
 شکلنه صوقولان قومدن ایتمشلردر . آلتنجی عصر میلادی ده  
 ( اورخون ) بویلرنده حکمران اولان ( توكيو ) لرك ، بو ( هیونخ - نو )  
 ویا ( هیون - یو ) لردن اینخ اولدقلری چین وقایعنامه لرندە برتفصیل  
 قید ایدیشدر . حالبوکه ، توكيولره عائد اولوب ( اورخون ) بویلرنده  
 کشف ودانبارقلی ( تومسن ) طرفندن قرائت ایدیلن تورکجه کتابه لر،  
 توكيولرك تورک اولدقلری صورت قطعیه ده اثبات ایتمشدر .

چینگ هان سلاله سی ( ق. م ۲۰۲ - ب. م ۲۵ ) وقایعنامه لرندە  
 هیونخ نولری تشکیل ایدن اولوسلردن اک مهملرینک صره سیه  
 ( هون Houn ) ویا ( قون Koun )، ( هون - یه Houn - ye ) و ( هو -  
 یه Houn - yen ) اسملرنده اولدقلری تصریح ایدیشدر . بونلردن  
 ( هون ) اولوسنی تشکیل ایدن بش بوی دیگرلرندن ممتاز بولیئورلردی -  
 هیونخ - نو باش - بوغلری ده بوبویلردن ( هیو - لیئ - تی - تی  
 Hiu - lien - ti - chi ) اسمندە کی بویه منسوب بولیئورلردی .

هان سلاله سی وقایعنامه لرندە [۱] ویریلن شومعلومات، هیونخ - نو  
 اسمنک منشائی تعین ایتمه مزه پک مساعددر . فی الحقیقه ، بوايضاحات  
 کوستریورکه ، ( هیونخ - نو ) آدی بوقومی تشکیل ایدن اولوسلردن  
 برنجیسنک ( هون Houn ) اسمندن آلتش وبو شکله قونیلمشدر .

سینولوغلرک تحقیقنه کوره چینلیلر (ق K) حرفله (H) حرفی، اکثریا بربرلرینک مقامنده استعمال ایدیورلر مش. شو حالده (هون)، ایله (قون Kaun) عیفی برشی دیمکدر. ناصیل که بو اسم بعضی وقایعنامه لرده (هون) و بعضیلرنده ایسه (قون) شکلنده یازیلشد. دیمک که، چینلیلرک هیونخ نو دیدکاری قومک آصیل اسمی (قون) ویا (قویون) ایدی. چین جغرافیونی، هیونخ نولرک بولندینی اولمکده کی (اورخون) نهرینک قونارندن برینکده (هون) ویا (قون) اسمنده اولدینی خبر وریورلر. بوده (قون) لرک اورخونلکه یوقولی بولرنده یاشادقلرینی کوسترمکده در.

(اوقسای قان)، زماننده، بوحوالی بی زیارت ایدن مورخ (اتابک علاءالدین جویی) ده، تورک و موغوللرک اورخون نهرینه (قون) اسمنی ویردکارینی قید ایدیور. دیمک که وقتله بونهر بولبرینی یایلاق اتخاذا ایدن (قون) لر، نهرده کنیدی اسملرینی ویرمشلرد. چینلیلرک بوللره ویردیکی (هیونخ نو) اسمی ده، اساساً تورکجه اولان (قون) ک چینلیلرک سدریش برشکلیدی. (القانون المسعودی) ایله (جامع الحکایات ولامع الروایات) ده چینک حوالی شمالیه سنده ساکن اولان تورکلرک (قون) اسمنی طاشیدقلری بولنده کی تصریحلری ده بونی تأیید ایتمکده در. (محمود کاشغری) قیمتدار اثرنده یعنی (دیوان لغات الترك) ده (قون) لفظنک تورکلردن (آرغو) لرک لهجه سنه کوره (قویون) معنا سنه اولدینی خبر وریور. بو مؤلفه کوره (آرغو) تورکاری اسلامیتک بدایت اتشارنده (ایبجباب) ایله (بلا ساغون) آره سنده اوطورریورلر مش.

محمود کاشغریدن آکلایورز که (آرغو) تورکاری (قویون)

دیمك اولان قدیم ( قون ) لفظی عیناً محافظه ایتش، غرب اوغوزلری  
 عینی لفظی ( قویون )، شرق تورک لری ایسه ( قوی ) شکلنه صوقشلردر.  
 دیمك که چینلیلرک ( هیونخ - نو ) دیدکاری اس-کی تورکر کنبدی  
 آرم لرنده ( قون ) ویا ( قویونلو ) اسمیله یادایدیلورلردی. اساساً چینلیلرک  
 اك اسکی وقایعنامه لرنده بواسم ( هیون-پو Hiun-Yu ) شکلنده ضبط  
 ایدیلش اولدینی کبی بونلرک شرقدنه کی قومده ( تونغ-هو Tong-Hou )  
 نامیله قید اولمشدر. بوصول اسمك ( شرق ازلری ) معناسنه اولدینی  
 تصریح ایدیلش اولسنه نظراً ( طوغولو ) محرفی اولدینی آشکاردر. [۱]  
 ناصیل که بالاخره ( هیونخ-نو ) شکلنه صوقولش اولان ( هیون-یو )  
 ویا ( قیون - یو ) اسمك ده تورکجه ( قویونلو ) لفظلندن عئرف  
 اولدیغنده شبه یوقدر. هیونخ - نو دولتنك سقوطلندن سوکره غربه  
 هجرت ایدن و تاریخده ( آق هونلر ) نامی آلان قومك اسمك ده  
 ( آق قونلر ) یعنی ( آق قویونلیر ) اولدینی معلومدر. بواسمك  
 تورکر آرم سنده ( آق قویونلیر ) و ( قاره قویونلیر ) نامیله ایکی  
 تورک حکومتنك عنواننده یاشامش اولدیغی بیلورز. بو ایضاحاته  
 استناداً ( قویونلو ) نامیله تعقیب ایده جکمز اسکی هیونخ نولری،  
 چین ده ( تسین ) سلاله-نی تأسیس ایدن ( شه - هوانخ - تی )  
 دورندن سوکره داهایا یاقیندن طانیه بیلورز. چین مورخلری،  
 میلاد عیسی دن ایکی یوزاون سنه اولندن اعتباراً، قویونلورلی داهایا  
 ابی طانیس، وقوعات تاریخیه لرینی داهایا مکمل قید ایتشلردر.

بوتاریخده قویونلورلی، عسکری و سیاسی تشکیلاته مالک منتظم  
 بردوات حالتده کوریورز. بوتون تورک اولوسلری، برحکم دارک

سنجائی آلتنده طویلانش بواینیورلر. بالاخره ، توکیو ، اوغوز ، اویغور ، قارلوق ، قاقلی ، قیچاق ، قیرغیز ناملرینی آلان اولوسلركده بومتجده ایچنده بولندقلرینه حکم ایدهبیلیرز .

قویونلورلك بوايلك تشکیلاتی صوکره کان تورك حکومتلرنجهده ، آز جوق برفرقله ، قبول وتطبیق ایدلمشدر . بوتشکیلات ، ایلریده ایضاح ایده جکمز اجآات محیطیه الحبابی اوله رق ، عسکری برماهیتی حازدی . هیئت اجتماعیه ، ( رؤسا ) و ( بودون ) دن یعنی ( کزیده ) لرله ( خلق ) دن متشکلدی . مملکت ( صاغ ) ، ( صول ) و ( مرکز ) اولق اوزره اوج قسمه بولونمش اولدینی کبی اوروده بوتقسیمه تابع بواینیوردی .

مختلف اولوسلردن مرکب اولان متجده نك باشنده ( تانزو ) بولینیوردی . قویونلور ، تانزولر ینه ( تاگری قوتوشنیو ) یعنی ( تاگری نك قوتولادینی بویوک باشبوع ) عنوانی ویریورلردی . تانزولرك تشکیلات دولتده مهم بر موقی اولدینی آکلاشیلان زوجهلریده چین وقایعنامه لرنده ( یه - شی Yen - chi ) یعنی ( اولو خانون ) عنوانیه یاد ایدلمشدر . تانزولرك خلفلری اکثریا حیاتلرنده تمین ایدیلیردی . چینایلر ، باشبوعك خلفنه ( هیه - وانغ Hien - Vang ) یعنی ( صولك عقللی باشبوع ) ی ، قویونلورلك کندیلری ایسه ؛ ینه عینی معناده اوله رق ؛ ( تو - شی Tou - chi ) عنوانی ویریورلردی .

میلاد عیسی دن ۲۱۰ سنه اول قویونلورلك باشنده ، اسمی مضبوط اک اسکی تانزو اولان ( ته نومان Teou - man ) بولینیورلردی . قویونلو دولتشك اک بویوک تانزوسی اولان ( مه ته ) بونك اوغلی در .

تاژونك قرارگاهى ، ( آلتای ) ماغلرینك ( ایرتیش ) نهرى منبعه  
طوغرى اوزایان شعباتندن ( این شان In - chan ) طاغنده و بونكى  
( قونى- هوا- چنگ koei - Hoa - Tcheng ) شهرینك شمال شرقیسنده  
بولنیوردی .

جین وقایعنامه لری ، اسكى قويونلورك عرف و عادتلینه دائر  
بزه شو معلوماتی ویریورلر [۱] : « اسكى قويونلور ، سوریلرینك  
آت و سودلیله تعیش ایدر ، دریلرندن البسه و سنجاق یاپارلردی .  
اراضی ، اولوسلره کوره تقسیم اولونمشدی . هر اولوس ، تقسیمده  
کندیسنه اصابت ایدن طوبراقلری زرع ایدردی . یازیلری یوقدی .  
فقط ، سوزلرنده صوكدرجه صادق و ساغلام اولدقلرندن ، تمهدلری  
تحریره هیچ لزوم حس ایتزلردی . قتل ، سرقت و عرضه تجاوز ،  
نظرلرندن اك بوبوك برجنایتدی . مهم برسرقتده بولنان ، صاحب  
زوج بر قادینه تسلط ایدن ، حقمنزیره آدم اولدیرن ، درحال  
اعدام جزاسنه محکوم اولوردی . چوجوقلرینك تربیهسنه پك زیاده  
اعتنا و طرز تربیهلرنده بالحصه منفعت ملییه تعقیب ایدرلردی .  
چوجوقلره ، داهاکوچوك یاشده ، آو آولامنی ، محاربه ایتمكى  
اوکړه تیرلردی . چوجوقلر ، سوریلری کودرکن ، آت کبی قويونلره  
بینر ، کوچوك پایلرله قوشلره ، حیوانلره اوق آتار ، بو صورتله  
سواریلک و تیراندازلق تعلیملری یاپارلردی . بر آز بویودکن صوکره  
آوجیلغه باشلار ، قوتلی و آغیر سلاهلری قوللانیهیلک بر سنه  
کلیر کلزده محاربهلره اشتراك ایدرلردی . کنجیلر ، محاربهده بر  
دشمن اتلاف ایتمکجه ، آدم صاییلمزدی . حرب اك شرفبخش

مشغله‌لرینی تشکیل ایدردی . ملت نظرانده بر موقع احترام قازانقی ایچون یکانه واسطه ، حربده فداکارلق ، قهرمانلق کوسترمکدی . کنجلر ، هر درلو منافع واحترامه مظهر اولور ، حیات فعاله‌دن چکیلن اختیارلرده کنجلرک شوق وغیرتلرینی تهیج ایله وقت کچیریرلردی . »

زنکین و مثبت چین ، قویونلور نظرانده بیتمز توکنمز بر خزینه ایدی . متبادیاً ، آقینلر یاپار ، برچوق اغتنامه عودت ایدرلردی . طالع حرب مساعد اولنجه ، دشمن اراضیسنده ایلریرلر ، مغلوبیت یوز کوستریر کوسترمز ، غوبی چولنک اعماقه طالار وقورتیلورلردی . دشمن ایچون رجعتلریده ، هجوملری قدر تهلیکلی اولوردی . چونکه ، رجعتلری ، اکثریا دشمنی اغفال ایدن بر خدعه حربیه اولوردی . حرکات عسکریه‌لرینی صوک درجه بر چالاکی ایله یاپارلردی . بعضاً میدان حربی بردنبره ترک ایدر ، کوزدن غائب اولور و صوکره بردنبره ینه میدانه چیقار ، دشمنلرینی شاشیرتیرلردی . آتلی‌لریده بو حرکاتی سرعت و سهولته یابه‌بیله‌جک صورتده تعلیم ایدرلردی . چینک معظم اوردولرینی ، آنجق بو یولده پریشان ایدرلردی . چین اوردولری چوله کیرنجه قویونلور بردنبره برانهمز شکلنده اطرافه طاغیلور ، اورته‌دن غائب اولورلردی . بونلری تعقیبه قالدیشان چین اوردولری ، ایصسر جول ایچنه طالنجه ، آجلق ، حرارت و قویونلورک باصقینلریله محو اولورلردی .

قویونلور ، میدان حربده تلف اولانلرک جسدلرینی دشمنه بر اقامنه یک زیاده اعتنا ایدرلردی . بونی تأمین ایچون ، حربده مقتول دوشنک جسدینی قورتاران ، اونک وارنی اوله جفی یولنده بر قانون قومیشلردی .

حربده ، دشمن دن ممکن اولدینی قدر چوق اسیر آلمغه جالیشیرلردی .  
 اسیرلره ، سوریلرینی باقدیریر ، حیوانلرینی بسپله تیر ، آتلیرینی تیمار  
 ایتدیریر ، بوتون بیتی خدمتلیرینی کوردیریرلردی . سلاحرلی ، اوق ،  
 یای ، مزراق و قیلجیدن عبارتدی . بوتون بونلری کندیلری اعمال  
 ایدرلردی . تانژونک قرارگاهی اولان ( این شان ) جوارنده بیکلرجه  
 انسانلر ، اسلحه و لوازم حربیه اعمالیله اشتغال ایدرلردی . قویونلور ،  
 مجاور دشمن قوملرک مالارینی ، اشیارینی غارت ایتمکه پک حریص  
 اولدقلری حالده ، کندی آره لرنده ، بربرلرینک اموال و حقوقنه صوک  
 درجه رطایتکار بولینورلردی . سنه ده اوچ دفعه ، بویوک مراسم دینی  
 اجرا ایدرلردی : سنه نك برنخی آینده ، بویوک کوچوک بوتون اصراء  
 ضابطان و اختیارلر ، تانژونک اوتاغنه طوپالانیر ، بویوک برقورولتای  
 قورار ، مطمئن مراسمه قربانلر کسرلردی . بشنجی آیده ده ایکنجی  
 بویوک مراسم ، ( لون - چینغ Lun - tching ) ده یاییلیردی .  
 بوراده ده معظم بر قورولتای قوروله رق ، تاگری به ، یرصولره ،  
 پریرلره ، ارواح اجداده قربانلر نذر ایدرلردی . دینی مراسمک  
 اوچونجی صوک بهارده اجرا اولنوردی . آتلیک ایجه بسیلی بولندینی  
 بوزمانده ، ( تای - لین Tai - Iin ) ده بویوک بر اجتماع یاییلیردی .  
 تانژونک اوتاغی ، کندیلرنجه مقدس اولان صولده ( شرقده )  
 قورولوردی . اوتاغک قابوسی ده ضربه متوجه بولنوردی . بواجتماعده ،  
 هر اولوسک افرادی ، آتلی ، سوریلری تعداد ایدیلیر ، اوسنه  
 ظرفنده وقوعبولان تزايد ویا تنافض تانژویه وقورولتایه عرض  
 اولنوردی . قورولتای دوام ایتدیکی مدتجه ، تانژو هر صباح کونشه



وهر آقشام آیه عبادت ایتک اوزره اوتاغندن چیقار وهر کس ده کندیسنه توفیق حرکت ایدردی .

قویونلور ، جنازه لرك دقنده ده برطاقم مراسم اجرا ایدرلردی . تابوتلر ، متوفی نك موقع اجتماعیسنه ، درجه ثروتنه کوره ، آلتون ، کوموش ، مجوهرات و سائر قیمتدار شیلرله تزین ایدیلر ، جنازه قبره کوتوریلرکن خدمتچیلری ، جاریه لری برابر کیدر ، حیاتهده ایمش کبی افندیلرینک خدمتمنه مهیا بولنورلردی . جنازه نقل ایدیلرکن ، برچوق بهادر کنجلرده برابر کیدرلردی . مهتاب باشلار باشلامز ، بهادرلر محاربه مانوراسنه باشلار ، مهتاب باتجهیه قدر بومانورالره دوام ایدرلردی . مهتاب غائب اولدقدن صوکره ، هر کسه قومیزلر ویریلردی . قویونلورده مزارلری یوکسلیتمک عادت یوقدی .

قویونلورک تشکیلات عسکریه لری ، تقسیمات ملکیه لریله متناظر دی . میدان حربده ( اوردو ) ؛ مرکز ، صول و صاغ قول اولمق اوزره بر وضعیت آلیردی . ( تانزو ) مرکزده بولنوردی . صول و صاغ قولهده برر ( تکین ) قوماندا ایدردی . تانزونک منسوب اولدینی ( بوی ) ، صول قولهده بولندینی ایچون ، بو قول محترم طانیله یغندن قوماندانلغنده همه حال باشبوغلغه ناصرد اولان تکین بولنوردی . ضابطان وامرا ، فایتله صبقی و منتظم بر سلسله مراتبه تابع بولنورلردی . افراد ملت دن الی سلاح طوته بیلن هر فرد ، عسکر دی . محاربه لره قادینلرده اشتراك ایدر ؛ بالخاصه یارایلرک تداویسنه ، اعاشه نك تأمیننه چالیشورلردی . ایچلرنده حرب ساحه لرنده فوق العاده قهرمانلقلر کوسترنلرده اولوردی .

قویونلورک صاغ و صول تقسیماتی ، بالاخره تأسس ایدن تورک

حکومتلرنجه عیناً محافظه و تطبیق ایدلشدرد. بزدهده آناطولی و روم ایلی بکلربکیلکی بو اسکی تشکیلاتله متناظر در .

چینده حکمران اولان سلاله لارک الک شوکتلیسی بولتان (هان) لار دورنده تانزولر، کندیلرینی فغفورلرله هم مرتبه عد ایدیورلردی. چین وقایعنامه لرینه کوره، تانزو، ایمپراطوره کوندردیکی نامه یه (کوک و یرک طوغوردینی، کون و آیلک تحتیه چیقاردینی قویونلورک حشمتپناه بویوک تانزوسی چین فغفورندن احترامله رجایدرکه ....) عباره سیله باشلار، ایمپراطورده جوابنامه لرندهده عینی لسانی استعمال ایدردی .

شمدی تاریخک پک اسکی بر زماندنبری طانیدینی بو انموذج لاجتماعی نک شرائط محیطیه سنی، تدقیق ایده لم :

## تاریخی نورک انموزج اجتماعینی ایلک محیطی یار انمشر

اقوام ، اوزون بر ماضی نك ازی اوله رق ، ثابت بر روح اجدادی به مالکدر لر . بر قومك ماضیسی نه قدر اوزون ونه قدر چوق سرگذشتلرله مالامال ایسه ، روح اجدادینك افراد اوزرنده کی حاکمیتی ده او قدر مؤثر ، او درجه نافذ اولور . اقوام کتله لری نی منافع عمومی به اك مفید بر صورتده حرکت ایتدیرن عامل ، خاصه بو روح اجدادی ، بو روح ملی در . روح فردی ، آنجق شخصك مدت حیاتیجه پادار اولدینی حالده روح ملی بالعکس دائمی و اوزون عصرلر ك محصولی در .

روح ملی سایه سنده در که بر قومك بوتون افرادی ملی بوبوك ایشلرده ، عینی طرزده دوشونور ، عینی صورتله حرکت ایدر لر . بر قومك شانلی و غنه دار ماضیسی نه قدر درین ، نه قدر مالامال سرگذشت ایسه ، ملی روحی ده او قدر مستقر در . بناء علیه بوبوك و ملی تهلکه لر قارشوسنده بوروب ، فردی و فرقوی روحلره غلبه ایدر ك ملت عظیم بر قدرت و تجلد افاضه ایدر . اوملت ، افرادك کونا کون احتراصات و منافعلرینك تصادم لری آره سنده موجودیت و بقاسی ، وحدت و استقرارینی آنجق بو روح ملی نك فورانی سایه سنده قازانور . روح ملی ، حیاتمzk هر آننده حال فورانده دکلدرد . بو روح ، بالخصه فوق العاده زمانلرده ، ملتك حیاته تعلق ایدن فوق العاده حادثه لر مواجهه سنده غلیان ایدر . احوال عادی و حیات

روزمره‌ده ناظم حرکات ، فردی روحدر . فقط ، موجودیت ملیه ایله علاقه‌دار احوال عظیمه قارشوسنده فردی روح ، موقعتی تمامیه ملی روحه براقبر . بو کبی فوق العاده زمانلرده افرادی اداره ایدن آنجیق روح ملی در .

هر تاریخی قوم ، معین تشکیلات ، معین دساتیر اخلاقیه ، معین اعتقادات و معین صناعات ایله تمایز ایدر . اساساً او قومه دیگر قوملره نظراً بر باشقلق ، بر خصوصیت و یرن شی‌ده بودر . روح ملی نك شکل انكشافی‌ده بو خصوصیتله صیقی صیقی به رابطه‌دار در .

سرد ایدیلان شو اجتماعی ویسقه‌ولوجیایی حقایقه نظراً بر قومی علمی بر صورتده تتبع ایده‌رك یاقیندن طانیه‌بیلیمك ایچون ایلك اوله اونك ناصیل بر ( انموزج اجتماعی Type sociale ) اولدیغی آراشدیرمق ایجاب ایتکده‌در . حالبوکه مختلف اجتماعی انموزج‌لری وجوده کتیرن عوامل آره‌سنده اك مهمی محیط ارضی‌در . هر محیط ارضی اوزرنده یاشایان قوملری ، ایجاباتنه کوره معین بر شکل حیات تعقیبه مجبور ایدر . بالضروره او قومده بو ویا شو حیاتی تعقیبه مضطر اولور . بو اضطرار ایسه قومك معین تشکیلاتی ، معین دساتیر اخلاقیه‌سنی ، معین اعتقادات و صناعاتی استلزام ایدر . محیطك انكکاری قبل اوله میان بو یولده کی تأثیراتی ، توالی انسال ایله ، ارثی سجه‌لر حالنده اخلاقه انتقال و قومك جبلت ابدیه‌سنی تأسیس ایدر .

ایجابات محیطیه بالکیز روحی و اجتماعی انموزج‌لر تولید ایتمز . عینی زمانده ، جسمانی تأثیراتده براقه‌بیلیر : یازین بك صیجاق ، قیشین بك صوغوق اولان اقلیم‌لرده یتیشن انسالرك صااعلام وجودلی ، متین سجه‌لی ، شجیع قابلی ، غزمکار و اداره‌لی اولدقلری

طالمشاهده ثابت در. ینه محققدر که براقسمالر، کوکب کیجهلر، یوکسک  
شاهقهلر، پایانسز اووهلر، قورقونج بورالر، روح بشره بر حس  
پرستش تلقین ایدرلر. واسع وجوراق فیفالر ایسه یاشامق عزمنی  
آرتیریر، جنکجولاق احتراضنی اویاندیریر، استیلا امللرینی تحریک  
ایدر. ساحهسی عارضهلی، اقلیمی شدتلی طاعلق محللرده اقامت ایدن  
انسانلرده قناعتکار، کهوهزه لکدن مجتنب، جنسکار و تهلیکه دن  
احترازسز اولورلر. اقلیمی معتدل وادیلرده، محیطی ساکن و آسوده  
خطهلرده اوطورانلر ایسه، طوپراغه مربوط اولور. اطاعتکار،  
مونس، نباتی وچالیشقان کی بر طاقم اوصافی حائز بولورلر.

ایشته محیطک متعاقب اعصار ایله وراثت شکلی آلان بو کی  
تأثیراتی درکه، انموزج اجتماعیلرک الک اساسلی سجیهلرینی طوغورمش،  
اقوامی طریق تمدنله مختلف بولاردن یوروتمشدر.

تورکلر؛ ازمنه اولیهده آسیانک ایکی مختلف محیطنده یاشامشلر  
در. برنجی محیط اورخون، سلنگنا، تولا، هوانغ هو، تاریم، جو،  
ایلی، نیمیل، سیحون، تالاس، زرافشان وجیحون... کی نهر  
حوضه لری، ایککنجی محیط ایسه طوغریدن طوغرییه آسا استیلری  
در. اعماق تاریخه کومولدکجه تورکلری ایلک اول ایککنجی محیط  
داخلنده کورییورر. بو محیطده یاشایان تورکلر، تأمین معیشت ایچون  
سوریلر یتشدیرمکه مجبور اولمش و بالتیجه کوچبه حیاتی کچیرمک  
اضطرارنده قالمشلردر. تورکلردن بالاخره نهر بویلرینه یرلشمش  
اولانلر ایسه، زراعت و حراستله مشغول اولمش، حضری برحیات  
تعقیب ایتشلر در.

تورک انموزج اجتماعیسنک تسکوننده الک مهم عامل استب حیاتی

اولمشدرد : ازمنه قديمده ، توركلارك جولانكاهي ، خلقتك زير پاي  
بشريته فرش ايتمش اولديني كنيش آسييا استي ايدي . بو يايلا ،  
شمالده آلتاي سلسله سي ، ( لئا ) ، ( ايرتيش ) ، ينسيه ني ( يكي چاي )  
و ( اوبي ) كي نهرلك نيمان ايتدكلري طاغلرك جنوب اتكلري ،  
شرقده مانجوري قطعه سنك غرينده كي طاغلر ، جنوبده ( هالايا ) ،  
سلسله سي ، غريده ( آرال ) كولنه آقان نهرلرك چيقدني سلاسل  
جبال و ( بامير ) اووه سي ايله محدوددر . دنياك اك كوربوز ، اك  
مرد ، اك شجيع جنكاورلري ، اك دلبر ، اك چالاك آتلي ، اك كوزل  
ده وهرلي ، اك سوتلي سوريلى بو يايلاده يتشمش ، تاريخ بشريتده  
عظيم انقلابلر ياراتان داهيله لر بورالردن چيقمشدر .

آسيانك اورته استيني تشكيل ابدن بو يايلايه ، شمالده وشرقده  
داها كوچوك استپلر ملاصقدر . غرب طرفده توركستان ،  
سيبيريا و جنوبى روسيه دن كچرك طونه نهرى آغيزلرینه قدر طايانان  
واسع براستب داها واردر . استپلرك وبالخاصه اورته استپك ارتفاع  
خارق العاده سي ، اقليم اعتباريله بر خصوصيت توليد ايتمشدر . بو  
خصوصيت دركه بويوك استپده ياشايان انسانلرك طرز معيشه تنده  
بك بويوك تاثيرات حصوله كتيرمشدر .

اورته آسياده ارتفاع ارضى دن متولد غايته صوغوق و قوه  
انباتيه دن محروم بر قيش ، قوراكلنى هر درلو نباتى محو ايدن بر ياز  
حكيمفرمادر . زمين ، سنه نك قسم اعظمده ، قيشين كشيپ برمقدارده  
دوشن قار طبقه ليه مستور قالور . بو ايكي شدتلى موسمى بر برندن  
آز باغورلى اوچونجى بر موسم آيبرمقددر . شدتلى قيش دوره سنى  
تعقيب ايدن بو موسمده قارلر ارييه رك ماوراق رطوبتى لايقيه امر .

حرارت ، تدریجاً اوتلرک نشوونماسنه مساعد بر درجه‌یی بولور .  
 اوزمان کنیش استیک اوتلاق اقسامی ، زمردین قالیجه‌ایله اورتولور .  
 چوق کچمه‌دن حرارت یوکسک بر درجه‌یه واصل اولور . اوتلرده  
 خارق العاده بر سرعتله بوبومکه باشلار . بعضاً بر قاج هفته قدر  
 آز بر مدت ظرفنده ایکی متره قدر بر ارتفاعه چیقار . نسبتاً آز  
 دوام ایدن بو موسمه ، اوتلرله برابر آغاج فیلزیری ده ظاهر  
 ایدرسه‌ده ، بولر تبدلات هواشیه‌نک شدتی قارشوسنده پایدار اوله منزلر .  
 شدتلی صیجاقلر باصار باصمز ، اوتلرله برابر بولرده قورور . بو  
 سبیدن استپده آغاجه تصادف ایدلر ، دایماً وهر یرده جاییر و اوتدن  
 باشقه برشی کورولر . استپیری تحدید ایدن منطقه‌لرده ایسه ، افلاکه  
 سرچکمش شاهقه‌لر مشاهده اولور .

بویله بر محیطک ناصیل برانئوذج اجتماعی تولید ایده‌جکئی تقدیر  
 ایتمک مشکل بر مسئله دکلدر . مادامکه استپلر داخنده محصول نامنه  
 یالکز اوت نشوونما بوله‌بیلیمکده‌در . اوحالده استپ محیطنده ساکن  
 اولان انسانلرده ، محصولک بو وحدتی ایجاباتی اوله‌رق بالضروره یکنسق  
 بر حیات تعقیبنه مجبور اوله‌جقلر دیمکدر . استپلرده جاییر و اوتدن باشقه  
 برشی یتشم‌دیکی ایچون ، بورالرده کی طرز حیات ده ، راعیلیمکدن  
 باشقه برشی اوله‌من . تاریخده ، بو حقیقتی بویله‌جه کوستریور . فقط ،  
 استپ‌ده کی راعیلک ، دیگر مرعالرده کی راعیلکک عینی دکلدر .  
 بی پایان استپلرده بو طرز حیاتک ممکن اوله‌بیلیمه‌سی ایچون ، قویون ،  
 کچی ، اینک وده‌وه سوریلرندن باشقه ، ییلخیلرده قطعی بر احتیاج  
 واردر . اوجی بوجانی کوریله‌مین استپلرده ، انسان آنجق آت سایه‌سند  
 یاشایه‌بیلیر . آت اولمدینی تقدیرده استپ‌ده حیات راعیانه ممکن اوله‌من .

اساساً استپلر ، آت یتشمه سی ایچون اقتضا ایدن بوتون شرائطی جامع برطاقم طیبی ( حارا ) دن باشقه برشی دکلدرد. آتلك بوتون دنیا به ، آسیا استپلرندن طاغیلمش اولمش بو حقیقتی پك كوزل كو سترمكده در: آت یاراد یا شی ایجاباتی ، برینك حیوانی در. طیبی جولانی ایچون اك مساعد زمین ، آنجق کنیش وپایانسزاووه لراوله بیلور. بوکی محملرده ، صنعی بر اصطفایه محتاج اولمقسزین ، اك كوزل آتلی تیشیرلر. مجارستان ، عراق ، جنوبی روسیه و جنوبی آمریقا نك کنیش و دوزاووه لرنده یتیشن آتلك ممالك ساثره آتلی نه مرجع اولملرینك بوندن باشقه برسبی یوقدر. حالبوکه استپلر داها کنیش اولدقلرندن آتلك جولان و تعیشنه مجارستان و آمریقای جنوبی مرعالرندن داها مساعد و طیبی برچاردر.

محیط ارضی نك حیوانات اوزرینه اولان تأثیری ده انسانلر قدر و بلکه داها زیاده اولدیغی دوشونیلیرسه ، استپلرده یتیشن آتلك داها قوتلی ، داها چویك ، داها آتیک ، داها سیگیرلی ، داها قناعتکار و داها چوق قوشیجی اولملرینك سبی آشیلور. استپ ، آتلك تعیشی ایچون اقتضا ایدن اك بول غدایی محتوی طیبی برمرعی اولدیقندن حیوان بوراده کیجه کوندوز ، سربست برحاله طولاشور ، یاواش یاواش و صورت دائمده اولانیر . استپلرك مرتفع و بناء علیه شدید روز کارلرك اوغراغی اولملری ده آتلك بورالرده ای یتشمه سنی تأمین ایدر. چونکه تجربه و مشاهده آتلك قورو اقلیملرده داها كوزل یتشدکلرینی مثبت در. استپلرایسه ، مرتفع و شدتلی روز کارلرك اوغراغی اولدقلرندن ، اقلیم اعتباریله ظایت قورو و سرت در .

استپ ، آتلك یتشمه سنه نه قدر مساعد ایسه ، آتده انسانك استپلرده یتشه بیلمه سی ایچون اوقدر لازم در. چونکه متادیا بر محلدن



دیگر محله کوچی ایجاب ایدن راعیلك حیاتی ، آت اولزسه ؛ استپلرده امکانشز برحاله کلیر . قیصرعك سودی ، آنك قوت و سرعتی دركه استپلرده یاشایان انسانلره حیاتك بار ثقیلی چككمك قدرتی بخش ایدر . قیصرعك سودی غذا ایچون اقتضا ایدن موادی حاوی اوینی کی ( قومیز ) حالته کتیریلدیکی زمانده مشروبات یرینی طونار .

توركلرك آت نه دن اوقدر مجلوب و مربوط اولدقلری ، معروضات سابقه ایله ایضاح اولنه بیلیر . توركلر ، آتلی سایه سنده دركه ، طبیعتك اوكلرینه آچدینی كذرگاهلری تعقیب ایدر ك اولاجنوبه و صوكره لری شرقه طوغری شانلی استیلا حرکتلرینی باشلر بیلیمشلدرد . چینیلرك ؛ توركدن قورتولمق ایچون آتی اورمه لیدر ؛ یولنده کی دستورلری ده ، استپ حیاتك بو ضرورتی بك كوزل آكلاتمقده در . استپلرده حیاتك ادامہ سی ایچون آتدن باشقه سورولرده احتیاج وارد . استپ ، سورولرك زحمتسزجه تكتیزی ایچون كمساعد بر زمین اولدینی کی سوروده ، آتی ، سودی ، یاغی ، دریسی ، یوکی ، قیلی و بوینوزی ایله استپ سکنه سنك بوتون حیاتی احتیاجلرینی تأمین ایدر . استپلی ، غداسنی ، مسکننی ، لباسنی خلاصه محتاج اولدینی هر شئی سورودن تدارك ایدر بیلیر . سورونك سودی ، آتی ، یاغی ، آیرانی غذا احتیاجنی تأمین ایتدیکی کی دریسی ، یوکی و قیلی ده مسکن و لباس احتیاجلرینی برطرف ایدر . چادیر ، استپده یاشایان انسانلرك اكتمكل و اك موافق مسکنی در . استپلی ، غذا و مسکن دن باشقه ، مواد تنویریه سنی ده سورونك ایچ یاغندن استحصال ایدر . استپ خلقنك ، تعقیب ایتدكلری طرز حیاتده سورولرینك محکومی

اولملری ، کندیلرندن زیاده سورولری دوشونمک مجبوریتنی طوبعهلری ،  
بك قوتلی اسبابه مبتدی در . کنیش استیلرده اوتهدنبری تمادی ایدن  
مهاجرتلك عواملنی ده بو سبیلرده آرامق ایجاب ایدر .

استب خلقنك ، محتاج اولدینی هر شیئی سورودن تدارك  
ایده یلمه لری ، سورونك تأمین حیاتی ایچون ده تمادیاً کوجه بر  
حائده یاشامق مجبوریتنده قالمملری ، کندیلرینی زراعت و صناعت  
رغبتدن وارسته براقشدر . استبلی ، غذا ، سکننا و لباس ایچون  
شکلاً جمماً وزناً قولایجه قابل نقل اولمق ، قیریلوب پارچالانمق  
محدورندن آزاده بولنمق شرطیله ، آنجق اك لزوملی و اك بسیط بعضی  
اشیا ایله اکتفایه مجبوردر . بو مجبوریت ، استیلرده صنایع مرکبه نك  
انكشافه مانع اولمش ، آلات و ادوات اعمالی احتیاجنی قالدیرمشدر .  
فقط استبلی نك آت و سورودر محتاج اولدینی وسائط تحفظیه نك  
تدارکی مجبوریتی ، صنایع حربیه نك انكشافی تأمین ایتمشدر .  
توركلرك ، بك اسکی زمانلرده ، اوق ، یای ، قارغی ، قیلیج کبی  
آلاتك اعمالنده کوستردکلری مهارت ، ده میر معدنلرینی ایشلاتمک  
خصوصنده ابراز ایلدکلری وقوف ، بو انكشافك ثمره سی ایدی .

استب راعیلک حیاتی موجب اولدینی کبی ، راعیلک ده ( پدر -  
شاهی عائله La famille patriarcale ) تشکیلاتی مستلزمدر . بواجابات  
و تشکیلات ، استب خلقی آره سنده ( اصول جماعت - Règime dela com -  
munauté ) ، ( اشتراك اراضی Socialisation du Sol ) یوللرینی  
بالضروره طوغورمشدر . چونکه استب سکنه سی ، الجآت محیطه  
نتیجه سی اوله رق محتاج اولدقلری هر شیئی آلریله وعن جماعه تدارك  
مجبوریتنده بولنور . هر فرد ، جماعت ایچون چالیشور . هر کسک

نمره سعی بیه هر کس آره سنده تقسیم اولنور. استبدده فردک ، یالکنز کندی احتیاجی ایچون دکل، بلکه جماعتک بوتون اعضاسی ایچون ده. چالیشماسی و بوصورتله هر شیئک جماعت داخلنده مشترک قالماسی ، منفعت شخصییه حسنک مولودی اولان حرص و دسیسه کبی آهنگ اجتماعی بی صارصه حق اخلاقمزلقلرک ظهورینه مانع اولمشدر. کرچه بو حال ، صنایعک عدم انکشافی انتاج ایتمشدر . فقط افراد جماعت آره سنده صمیمی بر تساند طوغوروش ، فردلری بر برلرینه جوق سودیرمش ، اولنرک بحرسفید اطرافنده یاشایان اسکی قوملرده کوریلن سیئات اخلاقیه دن مصون قالمالریخی تأمین ایشدر. استپلرده ، صنایعک که مهم عامل ترقیسی اولان حس رقابت طوغوامش ، اعمالات حال ابتدائی ده قالمش ، فقط فردلری صمیمی و متساند ، خلوق و فضیلتلی بر جمعیت یتشمشدر.

استب خلقی ، سوریلری اعاشه ایچون کوچیه بر حیات یاشامق مجبوریتنده اولدیغندن معین بر محله یرلشمک ، صوکرده اوراده کی اراضی بی افراد جماعته تقسیم ایدرک بر نوع ملکیت تأسیس اینمک احتیاجندن وارسته در . چونکه استبک بی پایان مرعالرنده اوت خدایی نابت اوله رق یتیشدیکندن ؛ زراعت ده اولدینی کبی ، محصول آلمق ایچون اولجه چالیشمق احتیاجی یوقدر . جماعتک مال مشترکی اولان سورولر ، هیچ کیمسه نک سعیله علاقه دار بولنمین بو اوتلرله ایستدکاری کبی تعیش ایدر و بسله نیرلر .

انسانلرده حس ملکیت ، بر سعی متقدمک نتیجه سی اوله رق طوغار . چیفتچی ، معین بر قطعه ارضیه بی سورمک ، اکمک ایچون بر سعی ابتدائی ده بولندیغندن ناشی درکه او پارچه یه تملک ادعاسنه

قالقیشور . چونکه نمره مساعیسنی باشقه لرینه ویرمک ایسته من . استبلرده کی اوتی یتیشدیرمک ایچون ، هیچ کیمسه برسی متقدمه بولنمز . بناء علیه هیچ کیمسه ده دعوا ی ملکیته قالقشمز . استبدده سوریلر جماعتک مال مشترکی اولدینی کبی ، مرعالرده عمومک مالی در . استبلرده عائله تشکیلاتنک پدر شاهی اولدینی کورمشدک . بو طرز عائله لرده ( پدر - شاه Patriarcale ) ، متأهل ، غیر متأهل بوتون قارداش و اوغولارینی یاننده محافظه ایتمکک مجبوردر . چونکه استبدده هر عائله محتاج اولدینی اشیا یی بالذات تدارک ایتمکک مجبوریتنده اولدیغندن افراد عائله نك تنکیزی جماعتک منفعتی اقتضاسندر . بوندن باشقه استبدده بر پدر شاهک جماعتی نه قدر چوق اولورسه ، نفوذی ده او نسبتده آرتار . جماعتک خارجی تجاوزلردن مصونیتی اونسبتده قولایلاشور . باشند باشه اوت یایلارلرندن متشکل اولان استبلرده معیشت بول ، اسکی خیمه لر باننده یکی چادیرلر احداثی پک قولایدرد . بو حال ، استبلرده پدر شاهی عائله لری ابداع ایتشدرد . بوکبی عائله لرده ( پدر - شاه ) ، جماعتک حاکمی ، پدری ، حکمداری ، دین اولوسی در . افراد جماعتک اعاشه سی ، محافظه حقوق و حیاتی سورولرک اداره سی منحصر آوکا عائددر .

استبلرده ( اویماق ) تشکیلاتنک فوقنده برده ( بوی ) تشکیلاتی کوربلیور . بویلر ، منشاری متحد اویماقلرک تجمعندن تنکون ایتمش ، پدر شاهک موقعنه بوی یکی قائم اولمشدر . بو طرز تجمع ، بالضروره ، افرادده قطعی بر حس اقیاد و اطاعت تنیه ایدرد . تشبث شخصی ، اراده فردی یرینه ، پدر شاهک و یا بوی بکنک تشبث و اداره سی قائم اولور . افراد ، صمیمی و متوکل ، اولنره کمال امنیت و اعتمادله

فرمانبر اولور. بوتشکیلات واستپ حیاتنک الجا آتی دوشونیلورسه ، فوق العاده عزم و اراده صاحبی بر رئیس چیقهرق بوتون بو اویماق وبویلیری اداره سی آلتندله طوبیلادینی زمان ، واسع استپلرده انتظام وانقیادی حیرتبخش معظم بر اوردو وجوده کلمسی پک طبییی کورولمک اقتضا ایدر . چونکه احوال عادیه ده بیله استپ ده حیات آنجق عسکری بر طرزده کچر . رئیسک یاپه جنی ایش ، تین بر عزم ، صارصیلمز بر ایمان ، ییلماز بر جرثله بویلیری ، اویماقلری بر یایراق آلتنده . طوبیلامق ، صوکرده حرکانه باشلامقدن عبارتدر . بوکا موفق اولان باشبوغک معظم استیلا اوردولری تشکیل ایدرک اولککلر ضبط ایتمی پک طبییی در .

نهر بویلرنده ، صولاق وقابل زرع منطقه لرده ساکن اولان تورکلر ایسه طبیعتیله طوبراغه مربوط قالمش ، زراعت و حراشله اوغراشمش لدرده . چیقمتجیلک حیاتی ده ، راعیلک حیاتنک انکشاف ایتدیرمش اولدینی جسمانی کوربوزلک ، صاغلالمق ، روحانی صمیمیت ، اساند ، طوغریلق ، اطاعت ، سخاوت ، مرحمت ، دیگر کاملق ، نظام پرورلک کی یوکسک سجیه لری نمالاندیرمشدر . باشقه محیطلرده یتیشن انموذجلرده کوریلن یایغارا جیلق ، خود کاملق ، اهانت کارلق ، پالانجیلق کی سفالت اخلاقیه نک تورکلرده انکشاف ایدمه مش اولسنک اسبابی بو ایکی شکل حیات پک کوزل ایضاح ایدمه بیایر . زراعت حیاتی ده مشاقه تحمل ، مربوطیت ، ( ایل ) جیلک کی سجیه لری انکشاف ایتدیرمکده عیناً راعیلک حیاتنک تأثیرینی پاپش اولدیفندن هر ایکی شکل حیاته کورده تورک ، نصیلت پرور ، ملی

ظفر و استقلاله عاشق و بو استقلالی محافظه و تأمین ایچون هر فداکارلغه مهیا بر انموذج اجتماعی اولمشدر .

بو یوک و قهرمان تورک باشبوغلرینک ، حیرتبخش موفقیتلرینی ایضاح ایدیه بیلیمک ایچون ، معتبلرنده کی اوردونک بوازی روحی نظراعتباره المی ایجاب ایدر . بو روح ، تورکک ، عزیمکار ، اراده لی ، شدید فقط شفیق باشبوغلرینه قیلیجلری کی منقاد ، ایمانلری قدر صادق اولسنی تأمین ایتمشدر .

استب حیاتنک تشریحی ، تورکک باشلیجه سجه لریخی ایضاح ایتدیکی کی تورکده کی ملی استقلال روحنک بو قدر درین اولسنی اسبابی ده کوسترمکه کافیدر . تورکک استیلا حرکتلری ، بو حرکاتده تعقیب ایتمش اولدقلری استقامتلرده ینه استیلرله علاقه داردر . شمدی ده بو خصوصی تشریح ایدم :

توركلارك مقدرات تاريخيه بوللرني طبيعت اخصار ايتمشدر .

توركلارك سعيه اصليله لرني ايلك محيطلري تايمين ايتمش اولديني  
كي مقدرات تاريخيه لرني تجلي ايتديرن شهرامي ده طبيعت تعين  
ايتمشدر. استيك بول بول يتشديرديكي آت وسوريلرله حيات راعياه  
ايچاتنك ، توركلري معظم بر اردو حالنده يتشديرمش اولديني  
كورمشدك . بواوردو آتئين روحلي ، قهرمان رئيسلرك اداره سي  
آلنه كچكدكن صوكره ، آرتق استيلرده طوره مزدی . كنديسنه  
موعود فطرت اولان اولمكلره آقهي يك طبيعي ایدی . فقط  
نه طرفه آقه جقدی ؟ بو شهره استيلايي ده ينه فطرتك تعين ايتمش  
اولديني كوريورز :

بويوك استيك برطاقم استطاله لري اولديني سويله مشدك . بولردن  
بري شالده سايبان انكلرندن سيبريا ايچريلرينه طوغري امتداد ايدر .  
بو استطاله ، بويوك استيك سيبريايه آچيلمش طبيعي برقابوسي دره . ايكنجي  
استطاله شرقده مائله لي برصوان حالنده در . بوده ، استپدن چين  
ايچريلرينه اوزانان طبيعي بر كذرگاهدر . مركزي استيك اك بويوك  
استطالهي ، غرب جهتنده در . چونكه بوجهت ده بويوك استيه ؛ همان  
همان كندينه مساوي ديكر براستپ ملاصق بولنمقده در .

تاغزو اولا - آلتاي منطقه سندن نشأت ايدن توركلار ايچون ،  
ايلك زمانلرده اك مساعد شهره استيلا ، جنوب شرقي استطالهي  
اولمشدر . بوده يك طبيعي ایدی ، چونكه شمالي استطاله توركلار ايچون

بك جاذب اولیان، سیریا ایجریلرینه کیدیوردی. حالبوکه اوزمانلرده شمديکی قدر مسكون ومعمور اولیان سیریا، استپ خلفنك حرص استیلاسنی تهییج ایتدیره بیله چك هرشیدن محرومدی.

غرب طریقنه کلنجه، اوده، ازمنه اولیهده تورکاری بك جذب ایده مه مشدر. چونکه بو طریق، تورکار ایچون مجهول ایدی. ثانیاً بو طریقله معموره لره واصل اولق ایچون بك اوزون مسافه لر قطعی ایجاب ایدیوردی. ثانیاً، کذرکاھده، (ووسونلر) و. (ساقا) لر کی جسور ومحارب قوملر بولنیوردی. بونلری ازمه دجه ماوراءالنهر وایران معموره لرینه ایریشمك ممکن دکلدی.

ایشته بوکی اسباب وعوامل سبیلهدرکه تورکار ایلك زمانلرده یالکیز چینه قارشى آقینلر اجراسنه باشلامش، برتضیق ویا قطعی بر مجبوریت کورمدجه، شمال وغرب استقامتنده استیلا حرکاتنه آتیلمه مشلدر. چین، عصرلرک ییغیدینی ثروت وسامان، منبت اراضینك تأمین ایتدیکی بول غذا ایله شمالی اقوام نظرنده برارض موعود جاذبه منی حائزدی. بونك ایچوندرکه تورکار، بك اسکی زمانلرده، طبیعتك کندیلرینه احضار ایتمش اولدینی کذرکاھدن چینه اینمش، به - کینغ (اليوم چینك بايختي اولان یکین)، شنسی، شانسی وقان سو ایالتلرنده حکومتلر قورمشلدر. ایلك آقینلرک تاریخی تعین ایدیله میه چك قدر اسکی در. حتی، قدیم چین وتورك تاریخلری حقننده کی عمیق تدقیقاتیله اشتهار ایدن (ده کینی Deguignés) میلاد عیسی دن (۲۲۰۵) سنه اول چین ده (هیا) سلاله سنی تأسیس ایدن (تا - یو - هه نو Ta-yu-Heou) نك تورک داستانك اسملری



بوکونه قدر محافظه ایتمش اولدینی اسکی خاقانلردن ( دیب باقوی )  
خان اولدینی ادعا ایتمکده در [۱] .

مشابهت لفظیه دن نتایج تاریخیه استخراجی او قدر قوتلی کورولمسه  
بیله ینه تورکلرک چین ده بک ابرکندن تأسیس حکومت ایتدکلرینی  
قبول ایتک ضروریدر . چونکه ، چین منابع تاریخیه سنی تدقیق ایدن  
سینولوغلر ، میلاد عیسی دن ( ۱۱۲۲ ) سنه اول بو خطه ده اوچونجی  
سلاله حکمرانی بی تأسیس ایتمش اولان ( چه ئو Tchou ) لرک اسکی  
تورکلرک اجدادی اولدقلرینی مؤید بر چوق دلائل بولملشدر .

صوک زمانلرده ، اوزون مدت چین ده تدقیقات تاریخیه ایله  
اشتغال ایدن ( ادوار شاوان ) ده میلاد عیسی دن ( ۲۴۹ ) سنه  
اول بوتون جینی استیلا ایدرک اوراده بر سلاله تأسیس ایدن  
( تسین ) لرک ده اصلاً تورک اولدقلرینی بک قوتلی وراثتله اثبات  
ایتمکده در . بو سلاله نك بویوک ( پترو ) سی عد ایدیلن بویوک  
ایمپراطوری ( چین - شه - هوانغ - تی ) نك وضع ایتمش اولدینی

[۱] ده کینی به کوره ( تا - یو - هه ئو ) اسمی ( دیب باقوی )  
اسمنک محرف برشکلیدر . اسکی تورک وچین تاریخ ولسانلرینی ایجه تدقیق  
ایتمش اولان ( ده کینی ) دعواسنی شوصورتله تأیید ایدیور : چینلیرداثما  
( د ) حرفه مقابل ( ت ) قولاندقلری کبی ، تورک لهجه لرنده ده ( ی ) ایله  
( ب ) هروقت بربرلریله قارپشدیریلقدده در . تورکلر ، جنکیزخانک پدرینک  
اسمنی بعضاً ( بسوکه ) بعضاً ده ( بسوکه ) شکلنده تلفظ ایتملشدر . بوندن  
باشقه چینلیر ( II ) ایله ( k ) ی ده بربرلرینک یرنده قولانورلر . بوکا کوره  
بک کوزل حکم ایدیله بییرکه ، ( تا - یو - هه ئو ) اسمی ( دا - یو - قه ئو )  
لفظنک برشکل محرفیدر . ( دا - یو - قه ئو ) ده ( دیب باقوی ) دن باشقه  
برشه دکلدلر . اسکی یازمه کتابلرده ( دیب باقوی ) اسمنک بعضاً ( دابوقو  
Dabou-kou ) شکلنده اولسی بو استدلالی مؤیددر .

( تقويم ) ايله دينی آيين و مراسيمك اسكى توركلرك عینی اولمسی ده ادوار شاونك بو دعواسنی مؤیددر .

بویك اسكى دورلردن تاریخنك بالنسبه داهایی احاطه ایتمش اولدینی عصرلره اینرسهك توركلرك چینی کندیلری ایچون برمالکانه موعود عد ایتمش ، طبیعتك آجیدینی کذرکاھدن وقت وقت اینهرك بوخطهده مختلف اسملرله سلطنتلر قورمش اولدقلىنی کورورز. قویونلورك شمالی چینی استیلارلیله باشلایان بوحرکت بالاخره ینه بوقومدن آریلهرق چین ده مختلف ناملرله برر حکومت قوران سلاله لر دورنده تمادی ایدوب کیتمشدر. چین وقایعنامه لرنده تسینلر ، هانلر ( تسین چاؤلر )، هه ئوچاؤلر، هیالر، به لو آنغلرکی مختلف ناملرله وقوعات تاریخیه لری ضبط ایدیلش اولان سلاله لر استبدن اینن توركلره منسوب بولینیورلردی. دها سوکره شمالی چین ده بونلره ( توكیولر ) یعنی اورخون توركلری وبر آره لقده اویغورلر خلف اوله جقلردی .

توركلر، آنجق یرلی سلاله لر طرفندن چین ده قوتلی ایمپراطورلقلر تشکیل ایدیلرهك استبدن اینن یولی قاپادقلری و آرقه دن ده تضییق کورمکه باشلادقلری زمان یوزلرینی ضربه جویرمشلردر. بوتضییق ایلاک اول چینك هان [ ق . م ۲۰۲ - ب . م ۲۵ ] و هه ئوهان [ م ۲۵ - م ۲۲۱ ] سلاله لری زماننده باشلادی . ( آق قون ) لرك یمنی ( افتالیت لرك ) ضربه دوغری مهاجرتلری بو صره لرده اولمشدر . فقط توركلرك تمامیه ضربه توجه ایتك مجبوریتنده قالمالری ، چینك اك بویك سلاله لرندن تانغلر [ م ۶۱۸ - م ۹۰۷ ] زماننده اولمشدر. بودوردن اعتباراً، توركلر ارض موعودلرینی غریبه آرامغه قویولمش وخارقه لر یاراتمشلردر.

توركلرك الك بويوك واک دواملی اولان غربي مهاجرتلری ، بويوك استپك استطاله سی اوزرندن اولمش و باشلیجه ايکی طريقه وقوع بولمیشدر . بو طريقلردن برنجیسی چينليرك ( په - لو Pe-lou ) ديدكلری شمالی بولدر . بو طريق ، ( تیهن - شان ) طاغلرينك شمالندن و ( چونغاریه ) دن كجهرك ( ايلي ) نهري واديسنه داخل اولور . اورادن ياقسارت ( سبجون ) نهري نك صاغ ساحلی تعقیباً آرال كولك شمالندن كجهرك جنوبی روسیه دن ( طونه ) نهري اغیزلرينه قدر امتداد ايدر .

بو بولاردن ايكنجیسی ده ( نان - لو Nan-Lou ) یعنی جنوبی طريقدر . بو طريق ، ( تیهن - شان ) طاغلرينك جنوبی دن ( كاشغر ) حواليسندن كجهرك سفد ، فرغانه ، ایران و آذربایجان ، اورادن ده قافقاسیا ، استانبول ، الجزیره و سوریه یه طوغری اوزانیر كيدر .

هرايکی بولده استپ حياتنك تمامدیسنه مساعد اولدینی ایچوندرك حرکزی یا بلانك ده میر وجودلی ، سرآزاد راعیلری اوکلرنده سوریلری ، آلتلرنده آتلی ضربیه طوغری یوریش ، یکی اقلیملره کیرمش ، سدر اهلری اولق ایستین قوملری چيكنه مش ، یکی هیئتلر ، یکی حكومتلر ، یکی ملتلر طوغورمیشلردر .

تورانیلرك شمالی طریق تعقیباً اورال نهري نی آشهرق جنوبی روسیه یه كچمه لرینك سبی ، یالکز آرقه دن كلن بر تضیق اولمه مشدر . بو مهاجرت ده عوامل محیطیه نك بويوك بر سبب تشكيل ایتمش اولدینی تخمین ایده بیلورز . بوسبی تعیین ایده بیلیمك ایچون ( نایزه ره قلوبس ) ك بو ايكنجی استپ حقدیه کی شو فیاض تصویرینی اوقومق كافیدر : « آشاغی استپلر منطقه وسیعیه سی ، ( تیهن - شان ) طاغلرينك اورمانلره مستور یا ماجلرندن باشلایه رق تورکستانی حوزه سی داخلنه آلدقدن صوكره ، اورال نهري نی بلرور روسیه داخلنه طوغری

امتداد ایدر . بو استپ ، هان هان هر طرفده چپلاق برمنظره عرض ایدر . اوزرنده امتداد ایدن نظر ، اوزاقلرده افقلا آئنده کوزدن نهار اولان طوپراقلا اوزرندن قایه رق نامتناهیلکلا ایچنه کومولور . ایلک بهارک ایلک کونلرندن فیضانه باشلایان ایرماقلرله راکد صولرک یکیدن یاقاقلرینه کیرمه لرینی ، قیرغیزلرک چادیرلر اوزرنده کی قوری چالیرلی یاقالرینی متعاقب ، استپک مختلف منطقه لرنده منظره لر تنوع ایتمهک باشلار . تازه فدائلر ، فلیز ویریر ، برقاچ کون ایچنده دال بوداق سالارلر . استپک چپلاقلفنی یشیل چنلر ، رنگارنک چیچکلر تعقیب ایدر . بوئانده درکه قوم ، بالچق ، قایا ، طاتلی و طوزلی صولردن متحصل باطافله لر سببیه اراضی ده مشهود اولان متنوع لوحه لرده ، زمردین چنلر ، رنگارنک چیچکلر منظره سنه انضمام ایده رک بر شکل دلفریب وجوده کتیریرلر . اراضی دن هر نوعی ، جنس و طبیعته کوره ، کندی حیواناتی ، کندی چیچکلری ایله انکشاف ایدر . بو اراضیدن هر قسمنده بولنان حیوانات و نباتات ، باشقه هیچ بریرده ؛ بوراده اولدینی قدر ؛ منسوب بولندینی طوپراقله بو درجه مناسبه تدار دکلدر . فقط ، ایلک بهاره مخصوص اولان شوئروت ، شو احتشام مناظر ، چوق امتدا ، ایتمز . موسم صیفده غایت صیجاق و موسم شتاده غایت صوغوق اولق کبی قطعه نك شداند اقلیمیه سی ، حرارت و برودتک شدتنه مقاومت ایده بیلن غایت آز مقدارده کی نباتاتدن باشقه سنک نشو ونماسی عقیم براقیر . یشیل یشیل فلیزلر و یرن شجیره لر ، یازک شدت حرارتیه یانار قاورولور . چیچکلر صولار . استپک بعض اقسامی ، تکرار ، قیش موسمنده کوستردیکی سنجابی وتوز رنگلی یکنسق منظره سنی اکتساب ایدر . صوک بهارک محدود کونلرنده یاخان یاغورلر ، نباتاته یکی برحیات ویریر

برایکنجی ایلك بهار خاطرده سی او یاندیررسده بو حال چوق سورمز، نباتات یکی دن صولار ، محو اولور . قیشك حزین ومغموم منظرده سی ظلمتلر اوزرند اوزانوب کیدر ... »

کوریلور که بویوک استپك غربی استپاله سی تشکیل ایدن بویاکنجی استپ ، سوریلرک اعاشه سی نقطه نظرندن بالنسبه فقیردر . آلتایلردن اینن قوملری اوزون مدت بسله یه جک بر طبیعت و ثروتده دکادر . بئله علییه شوالجا آتله ، بو قوملر ، کندیلرند دها اول کلش اولان اقوامی الیری سورمکه کافی بر قوت حس ایتدکاری آند ، اورال نهرنی تجاوز ایدیور ، جنوبی روسیه نك دها منبت ، دها فیاض ، دهاا برکتلی ودهاا مساعد استپلرینه اینورلردی .

غربه طوغری جنوب یوانی تمقیب ایدن و ( تیهن - شان ) طاغلرینک جنوبندن و ( پامیر ) دن باشلایه رق استانبول بوغازلرینه قدر امتداد ایدن آشانی استپ منطقه سی ده غرب آقینلری ایچون ، بویوک سهولت تأمین ایده جک بر طبیعت ده در . بو استپ استقامتنده بولنان ( ایران یایلاسی ) ، جنوب طریقيله وقوعبولان آقینلر ایچون عصرلردنبری بر معبر عمومی ودائمی وظیفه سی کورمشدر . تورکلر ، خطر نك کندیلرینه آجیدینی اولسکلره ، بالخاصه بو معبردن کچرک واصل اولمشلردر . پابردن ، افغانستان وسند طریقيله جنوبه طوغری اینن کذرکاه ایه ، تورکلری هندستانه ایصال ایدن طبیعی برشهرام اولمشدر . چینه اینن طریق قیاندقدن صوکره ، تورکلر ایچون آراتق شهرام انتشار غرب استقامتی اولمشدی . کندیلرندن اول ، ماوراءالنهر ، باقتریان وسند بویلرینه اینن یوئه چی ( یوشی ) لری تمقیباً ، اعصار متوالیه ده ، شمالی وجنوبی طریقلردن وقوعبولان مهاجرتلر تورک تاریخی تنویج ایدن پارلاق موفقیترلره نتیجه لشمدر .

طبیعتك توركلرك بیشكاه استیلاسنه كشاده ایتدیكى اوج طریقندن وقوعبولان استیلا حرکتلرینك اذ طالعهسزی ، شماله طوغری اولان آقینلردر . بواسقامتده کی مهاجرتلر ، شمالك ( توندرأ Toundra ) لرینه منتی اولیوردی . ( شبیه ) نباتاتندن باشقه بللی ماشلی محصول ویرمه بن ( توندرأ ) یعنی مناطق قطبیه ایسه ، توركلرك حیات و معیشتلرینه اصلا اویغون دکلدی . فقط ، شمالك توندرالریله آسیای مرکزینك بویوك استی آره سنده کی واسع اورمان منطقه سی ، توركلرك بارینه بیلملرینه آز جوق مساعددی .

هائزه ره قورس ، بزه بو منطقه یی شو فقره لرله طانتدیریور : « شمال توندرالریله جنوب استیلری آره سنده سبیرانك اورمانلق منطقه سی ، اراضینك اذ کنیش بر ساحه سنی اشغال ایلمشدر . بر سیاح ، اورالدن ( قامچاتقا ) به قدر کیده جك اولورسه ، ( نایغه ) نامی ویریلن کثیف اراضی داخلنده ، متادی بر اورمان کولکسی آلتنده یوریمکه مجبور اولور . بو منطقه ده کی یکنسقی ، آنجق نهرلر و بك نادر اولان چالیاقلر و مزروع طوبراقلر ایله بك مستثنا اوله رق اخلاص ایلمشدر .

شانلی بر طالع آرقه سندن قوشان توركلر ایچون توندرالره منتی اولان بو منطقه نك هیج بر جاذبه سی اوله مزدی . اونلرك بو منطقه به کیرملری ، آنجق بر تضیق تختنده اوله یلوردی . حقیقت حالده بویله اولمشدر . غربه و جنوبه طوغری متادی آقینلر اجرا ایدن توركلردن شماله آنجق ( یاقوت ) لر کینمشدر . اونلری ده بو هجرته مجبور ایدن ، قیرغیزلرك تضیق اولمشدر . مع مافیه ، بو تضیقه رغماً ( یاقوت ) لرینه توندرالره دوشمه مش ، مناطق قطبیه ایله بویوك استی آره سنده بولنان و ( ۵۵ ) نجی عرض درجه سنه قدر امتداد ایدن اورمانلق حوالیده

ساکن اولان (طونعوز) لری توندارلره ایتهرک کندیلری اولنرک برلرینی آملشدر .

استپلرک بیتیشدیردیکی انموذج اجتماعی ایله ینه استپلرک بوانموذجه آچش اولدینی شهره انتشار ، بوقهرمان قومک مقدرات تاریخیه سنی تعین ایتمشدر : تورک ، وقت وقت ؛ عظیم کتلهلر حالنده ؛ بو طبیعی یوللردن کچهرک واسع اقلیملر ضبط ایتمش ، اوراندره مستقل و معظم ایمراطورقلر قورمشدر . مختلف استقامتلرده کی استیلا مهاجرتلری ، جماعت حالنده ، فقط عزم و اراده صاحی بر باشبوغ قیادتنده یوروین بر کتله عسکریه طرزنده وقوعبولمشدر .

تورکر ، سرگذشت جویانه اولان بومعظم حرکتلرنده ، یابانچی اقلیملره دوشدکری ، بک کوتلی دشمنلره قارشولاشدقلری حالده ، بیلیمقسزین ، وحدتلرینی غائب ایتمکسزین ، یوللرینه دوام ایده بیلیمشدر . تورکر بو حالی استپک مولودی اولان ملی تشکیلات و روحلرینه مدیوندرلر . اساساً باشقه شرائط داخلنده ، یعنی هر درلو حاکمیت و صلاحیتی حائر بر باشبوغ اداره سنده اولمقسزین ، سرگذشتلره مالامال ، عظیم آقینلر ، مهاجرتلر اجرا ایدیه مزدی . چونکه عائله لرله ، سوریلرله برابر حرکت ایتدکلرندن ، انشای راهده آسایشی محافظه ایتک ، یوللری آمین ایتک ، سوریلرک بسانمه سینه مساعد برلری بولمق ، اولمکلرندن کچیله جک قوملرله ، ممکن ایسه حسن مناسبتی تأسیس ، دکلره اولنره قارشو مظفریتی تأمین ایچون عزیمکار وده میرنجه لی بر باشبوغه احتیاج ضروریدر . تورکرک و عینی شرائط داخلنده یاشایان تورانیلرک ، تاریخده معلوم اولان مهاجرت و آقینلرنده دائماً بویله بر باشبوغک یوکسلمش اولمسنک سببی ده بوضورتدن باشقه برشی دکلدر .

## تورک تارىخىك مىلتلارنىڭ ماڭا يېقىنلىقىنىڭ اسكى اقوامىدىكى دورى

صحنه شۇندە بىر مىلت حالئەدە ادامە موجودىت ايدىن قوملار بوحالە برچوق اجتماعى صفىلەر كچىرىدىكىن سوكرە واصل اولمشلاردىر. بىر يوزىندە موجود اولان انسان غىروپلارى آره سىندە بوكون بىلە بوشكىللىك مختلف صفحاتى تىكاملىيەسى كورىلىپور. اجتماعات عالملىرى، بوضفجەلىرى تىبع ايدىر كىن قوملىرى ، بىرى ( ابتدائى قوملار *peuples primitifs* ) ودىكىرى ( مىلتلار *Nations* ) اولمىق اوزره باشلىجە ايكى صنفە آيىرىپورلر. ابتدائى قوملار، ايلك اجتماعى انمودىلاردىر. بوانمودىللىرى آيىران ك مەم ووصف مىز ، ك اساسلى تشكىلات ، ( سىمىيە ) دىدىكىمىز ( قىلان *Glan* ) در. ك ابتدائى اشكالى آووسترايادە كورىيان سىمىيە ، دىنى برقرابتلە بربرىنە مەربوط يوزلرچە ، حتى بىكىلرچە فردلردىن مىركب عائىلوى برزىمە در. قىلان ، مەم دىنى ، مەم عائىلوى برشكىل تىجمە در. دىكىر شكىل تىجمەلردىن، باشلىجە ايكى صورتلە آرىقەدەر : اولان برقىلانە مىنسوب اولان افراد ، كىندىلرنى بررابطە قرابتلە يىكدىكىرىنە مەربوط تىلقى ايدىپورلر. فقط ، بوقرابت بزم بىلدىكىمىز شكىلدە ، قانداشلىق كېى برمناسىبەتە مىستىدەكلىدر. خصوصى برماهىتى حائزدر. برقىلان افرادى ، يىكدىكىرىنىڭ اقرباسى در. چونكى ھېسى عىنى نامى طاشيور ، پدرلك ، والدەك ، عمجەلق ، دايىللق ، قانداشلىق ... كېى قرابت خارچىندە اولەرق؛ بربرىلىنى عىنى عائىلەدن عد ايدىپور ، برئائە افرادى آره سىندە رعايت ايدىلىسى اىجاب ايدىن شرائطە ، تمامىلە تىبعىت كوسترىپورلر. وظىفە مظاهرتى اىفا ايدىپور،



قان دعواسی کودیور؛ برینک وفاتنده قلان افرادینک کافه سی عمومی ماتم طوتیور وکندی آرملرنده ازدواج ایدمه میورلر .

ثانیاً قلان ، فردلرینک مشترک جدی اعتبار اولنان غیل ویا حقیقی بر موجودک اسمی طاشیور . بواسم ، اکثریا قلانله یک صبیقی وخصوصی برشکلده مناسبته دار عد ایدیلن اشیای مادیه دن برینک مثلاً بر حیوانک ویا بر نباتک اسمی در . قلان افرادینک مشترک جدی عد اولنان حیوان ویا نبات ، قلانک ( توتهم ) ی یعنی ( رب خاص ) ی در .

ابتدائی قوملرده ، حقوق عامه و حقوق فردیه حسی هنوز اویانمیشدر . بو شکل تجمه لمرده یالکیز بر حقوق خاصه طویغوسی واردر . ذی حق صفتی ده قلانه عائددر . بناءً علیه بونلر آرهمسندده ولایت عامه اساسی ده تأسس ایتمش دکلددر . بالعکس هر قلانه مخصوص برولایت خاصه واردر . قلانک فردلری آرهمسندده ( مشترک مسؤولیت ) و ( مشترک انتقام ) قاعده لری موجوددر .

قلانلرک یکپردکلری ایلک صفحات تکامل ، ( قبیله Phratry ) و ( عشیرت Tribu ) شکلده کی متجده لرددر . قلانک اتحاددن طوغان قبیله لرله قبیله لرک برلشمه سبیلده وجود بولان عشیرتلر ، قلانه نسبتله داها متکامل بر شکل تجمع عرض ایدرلر . مع مافیه ، بونلرده ینه توتهمی تشکیلاتک اک بارز ایزلرینه تصادف اولنور . متجده رئیس ، قلان رئیس کی دینی برماهیته ده حائز اولمق اوزره برعائله بویوکی در . یعنی هنوز ولایت خاصه اساسی پایداردر . جزا ، حقوق خاصه ماهیتی حائز اولوب اخذنار وقصاص صورتنده اجرا اولنور . قوملر ، شهره حیائده تکامل ایتدکجه ، ابتدائیه عائد قلان

وعشیرت تشکیلاتی تدریجاً موقعی داهای عمومی اساسی را برقرار کرد. رب خاص برینسه رب عام، ولایت خاصه مقامه ولایت عامه، حقوق عشیره بدلده حقوق عامه قائم اولور. بوحاله کلن قومده، وجدان عمومی تشکیل ایتمش، ملی طویغورل اویانمش دیمکدر. بناء علیه اوقوم، آرتق متحد بر (ملت) در.

تورک تاریخک تدقیقی و ملی افسانه لک تحلیلی، بوقومک ابتدائی مرحله لری یک اسکی زمانلرده کچیره رک صحنه تاریخه یک ایرکن بر دورده، (امامی برملت Nation théocratique) حالنده چیقمش اولدیغی کوستریبور. چین وقایضامه لربنه استناداً، تورکلرک مفشاً وایلك حیاتلری حقنده ویردی کمز تفصیلات سابقه (قویونلو) دولتنک تأسس و (مهته) تانزونک صحنه تاریخه چیقیدینی زمانده تورکلرک آرتق تهوقراتیک برملت حالنده بولندقلرینی یک کوزل ایضاح ایتمشدی. ملی تورک داستاننده، تورکلرک کچیردکلری بواجتماعی صفحات تکامل داهای بارز بر شکلده کوریه بیلیر. بو نقطه نظر دن ملی منقبیه بویوک بر اهمیت عطف ایدلمسی ضروریدر.

خارق العاده لک لره مالامال اولان ملی داستانلر طبیعی برملتنک تمامیه صفحات تاریخیه سنی چیزمه که مساعد دکلدر. فقط، داستانلره عائد اولدقلری ملتنک تجلیات روحیه لرنک، اجتماعی حیاتلرینک پایدار برر معکسی نظریه باقه بیلیر. نافذ نظری بر سوسیولوغ، بعضاً قبا، بعضاً خرافه دار، بعضاً ده پرشعروفسون بر کسویه بورونمش اولان افسانه لرده عائد اولدینی ملتنک روحی سچر و اوقویه بیلیر. صوک عصرلرده، تاریخ واجتماعیات عالم لرنک ملی منقبیه، ملی داستانلره یک بویوک بر اهمیت عطف ایتلمی بوسبیه مبتنی در.

اساطیری داستانلر سایه‌سندهدرکه ، ماضی\* تاریخیلری ظلمت  
ایچنده قالمش اولان اسکی قوملرک اجتماعی ، ملی و دینی حیاتلری آز  
جوق تشریح ایدیه‌بیلیمشدر . بک ابتدائی افسانه‌لرله مالامال اولان  
(قاله‌ولا Kalevala) لرک شمال قوملرینک منشأ تاریخیلرینی ، دینی  
و اجتماعی مؤسسه‌لرینی تنویر خصوصسندده نه قدر ایشه یارامش  
اولدقلری ارباب تببعک معلومیدر . ملنلرک ظلام آلودادوار ماضیه‌سنه  
نفوذ ایده‌بیلیمک ایچون افسانه و داستانلرک سینه‌سندده صاقلانان  
سونوک شه‌لرک بعضاً اک واضح کتابه‌لردن زیاده استفاده بخش  
اولدینی کورولمورمی ؟ هله ملی منقبه‌لردن استخراج اولنان  
نتایج ، تاریخی وثیقه‌لرله ده تأید ایدرسه صحته‌لرندده شبهه‌یه دوشمک  
ایچون هیچ بر سبب قالمش اولمز . مبدئی تعیین ایدیه‌میه‌جک بر  
زماندنبری اورتا آسیایه حاکم اولان تورکلر ، ظفردن ظفره قوشان  
شانلی باشبوغلرینک خاطره‌لرینی ملی داستان حالنده حفظ ایتمکی عادت  
ایدنمشلردی . اوغوزلر ، ملی افسانه‌لری ، اوغوز خان دستانی ،  
اویغورلر بوغوتکین داستانی ، توکیولر ، ارکنه‌قون دستانی شکلنده  
ترنم ایدیورلردی . بو کوچوک داستانلر ، بویوک و ملی داستانک  
برر صحیفه‌لرینی تشکیل ایدیوردی .

فردوسی ، تورک پادشاهی (سوک‌تکین) زاده (محمودغزنوی) نک  
امریله ایران داستانی شهنامه شکلنه صوقدقندن صوکره ، تورک  
خاناتلرینک نسلدن نسله انتقال ایدن خاطره‌لرینک جمعی آرزولری ده  
اویاتمه باشلامشدی . سکیز عصر اول (دولت ایلخانیه) نک بویوک  
حکمداری (سلطان محمود غازان) دورنده بو آرزونک تحقق ایتمش  
اولدینی کوریورز . سینه‌سندده پیشدادیان ، کیانیان ، اشکانیان ،

ساسانیان کبی معظم سلاله لرك خاطره لرینی طاشیان ایرانك بومستولی حکمداری ، شهنامه یی ملی بر غرور ایله ازبرله یین تبعه سی نظرندمه کندی ماضیینی بک سونوک کورییوردی . بویوک جدی ( تیموچین ) ، موغولستانده اوتهدنبری تورك خاقانلرینك تحت اداره سنده یاشایان ( شی و هی Chi-Wei ) لره منسوب بولینیوردی . تورك ( توکیو ) خاقانلرینه چوبانلق ایدن ( شی و هی ) اردن ، ( تیموچین ) ك منسوب بولندی ( بورجیک ) عائله سی ایسه ، آنجق ( تیموچین ) ایله طانیلمشدی . ( تیموچین ) ك باباسی ( یسوکه باغاتور ) ك اسمنی قبیله سی افرادندن باشقه کیسه طویمامشدی .

فقط ، ( تیموچین ) داستان شهامتلی عصرلردنبری بوتون آسیایی طولدیران تورك خاقانلرینك اولککسندمه ظهورایتمش ، ( جنکیز خان ) عنوانیله اونلرك سلطنته وارث اولمشدی . بو خاقانلرك ، آغزندن آغزه انتقال ایدن داستانلرینی طوبلامق ، صوکرده جنکیز خانك نسبنی بو خاقانلر داستاننه ربط ایتمك بر مهارت قلمیه دن باشقه برشی دکلدی . بو صورتله شهنامه نك فریدونلرینه ، رستم لرینه ، اسفندیارلرینه مقابل ایلخانیلركده ألنجه خانلری ، اوغوز خانلری ، كوك خانلری اوله جقدی . محمود غازانك وزیر ( ابوالفضل رشید ) ، ایرانك اك بویوک برصاحب قلمی ایدی . اولککسندمه تورك خاقانلرینك داستانی ازبرله مش اولانلرده آز دکلدی . هجرتك ( ۷۰۰ ) تاریخنده ( ابوالفضل رشید ) ی بووظیفه مأمور ایتدی . بوداستان تاریخی طوبیلاندقدن صوکره شهنامه یه نظیره اوله رق بر ( خاقاننامه ) نظمیده ( شمس الدین قاشانی ) به حواله اولنه جقدی .

ایلیخانیلر خزینه سنده کی ( آلتان دبتیر )ك یعنی ( آلتون کتاب )ك  
 محتویاتی ، اوغوز داستانی ترنم ایدن تورك اوزانلرینك ذنکین  
 حافظه لری ، اویغور کاتبیلرینك دفترلری ، ( قوبلای قآن )ك ایلیخانیلر  
 سراینده کی سفیر و سرداری ( پولاد چکسان Poulad tcheng-sang )ك  
 واسع معلوماتی ، ابوالفضل رشیده بواصر اکیفاسی ایچون پک  
 قیمتدار برر منبع اوله بیلمشلردی [۱].

ابوالفضل رشید ، هجرتك ۷۰۰ تاریخنده باشلادینی اثرینی ،  
 (۷۰۴) تاریخنده اکمال ایلدی . فقط ، کتابی تبیض ایتدیرمه دن اول  
 ( غازان خان ) وفات ایتدیکندن ( تاریخ مبارک غازانی ) نامی ویردیکی  
 اثرینی خلنی ( سلطان اولجاتیو خربندا ) به تقدیم ایلدی . تورک لرك  
 عصر لر دنبری آغیزدن آغیزه نقل ایدیلک صورتیه محافظه ایدیلش  
 اولان ملی داستانلری بوسورتله ؛ موغوللر تاریخله ده قاریشديريلش  
 اولدینی حالده ؛ تثبیت ایدیلش اولیوردی [۲].

E. Blochet , Introduction à l'histoire de Mongole, [1]

[۲] ابوالفضل رشیدك معاصر لرندن ( شمس الدین قشانی ) ، بواثری  
 اساس اتخاذا ایدرك فردوسیك شهنامه سنه نظیره اولقی اوزره نظم ایتدیکی  
 ( شمس شهنامه ) ده تورك داستان و تاریخك تحریرینی شوصورتله ترنم  
 ایدیور :

بزرک سخن ران وجکسان لقب	پیش جهاندار بکشاداب
که تاریخ شاهان مرا از برست	ولی نظم ، کارکس دیگرست
بخواجه رشید آنکھی گفت شاه	که ای دانش موبد نیکخواه
زمنشور تاریخ ترکان نخست	همه بشنو از راست گویان درست
بنشر آن سخنها چو کرد آوری	در آرند از آن پس بنظم دری
همه بستو کرد فکر اندران	پیوست با گفته دیگران
زیبدا رودانده ترکان پیر	ز تاریخ دان مردم یادگیر

ابوالفضل رشید ، تورک داستان و تاریخچی ایلك دفعه اوله رق قلمه  
آلیرکن ، چین منابع تاریخچه سندن ده استفاده ایتیمکی اهامل ایتمه مشدی .  
رشیدك وفاتندن سوکره اثرخی قلمه آلان ( تاریخ بنا کتی ) مؤلفی  
( ابوسلیمان ) ك تصریحنه کوره ، اوئاناده ایلمخانیلر پایتختنده بولنان  
چینیلی لیتاجی ( لی - تا - جو Li-Ta-Tzeu ) ایله یکسون ( یوک - سون  
Yuk-Soun ) ناملرنده طب ، هیئت و تاریخده متبحر ایکی عالمك دلالتیله  
چین منابعندن ده خبردار اوله بیلمش - دی . بالاآخره ( حافظ ابرو  
نورالدین ) ك ( زبدة التواریخ ) ی ، ( کمال الدین عبدالرزاق ) ك  
( مطلع السعدین ) ی ، ( میر خواند ) ك ( روضة الصفا ) ی ، ( حمدالله ) ك  
( تاریخ کزیده ) سی ، ( خواند میر ) ك ( حبیب السیر ) ی ایله  
( فردوس اقبال ) و ( اوشال شجره ترکیه ) کی مهم مؤلفانده توسیع  
ایدیلن تورک داستان یو قومك بك اسسکی زمانلرده اجتماعی و سیاسی  
اساسلی تشکیلاته مالک اولدقلرینی کوسترمکده در .

داستان ملی نك اوتنه دئبری تورکلر آرده سنده متواتر اولدینی ( بیات )

چوپولاد چکسان وخواجه رشید	نشستند باهم چوبیر وهرید
روایت همی کر دفر خنده میر	وزومینو پسید دانا وزیر
بنزدیک هر بیر وهرمهری	زترکان درین باب بد دفتری
از ایشان همه بستد ونقل کرد	ورا رهنمای درین عقل کرد
دوسه سال بود اندرین جستجوی	نمی کرد باکس جزاین گفت وکوی
نمود این همه جوشش واجتهاد	که تا کرد هر دفتری را سواد
زایام نوح نبی تاکنون	بیا ورد کردار کردون دون
روشهای هرکس درو یا دکرد	دل و جان خوانندگان شاد کرد
ز تاریخ ترک و مغول پیش ازین	نبودی کتابی بایران زمین
کنون هست از اقبال شاه و وزیر	بدست این چنین دفتر دلپزیر
که هرکز کتابی چنان کس نساخت	کز ان می توان نسل هرکس شناخت
چو شدنر تاریخ ترکان تمام	( غران ) خواست کز نظم باید نظام

بویندن (حسن بن محمود بیانی) نك (جام جم) ده کی افاده سندن و (ابن بیی) نك سلجوقنامه سندن آ کلاشیلور : فاتح محمد ثانی نك طالعسر اوغلی (جم) ، مکة مکرمه ده (دهده روشنی) خلفا سندن (حسن بن محمود بیانی) ایله ملاقات ایتدیکی زمان اوندن اوغوزلره منسوب اولان آل عثمانك سلسله سنه دأر بررساله یازمه سنی رجا ایتمشدی . حسن بیانی ده ؛ کندی افاده سنه کوره ؛ اوغوز نامه یی خلاصه ایده رك بر هفته ده (جام جم آیین) ی قلمه آلدی . اوغوز نامه دن خلاصه ابدیان (جام جم آیین) ده کی خاقانلر اسامی و سلسله سنده ، ایرانده کی موغول برنسلری نامه یازیلان اثرلر ده کوریلن بعض اسملرک یولناماسی یوقاریکی مطالعه منری تأیید ایتمکده در .

ایرانلی مورخلر ، تورک دستتاتی شرقده منتشر اولان عننه توراتیله ایله توفیق ایچون تورکلرک جداعلاسنی حضرت (نوح) ک اوغلی (یافت) ، قدر جیقارمشلردر [۱] .

داستان ملی نك ایلك قسملری تورکلرک (قلان) تشکیلاتی محافظه ایتدکلی ادوارک خاطره سی دره . اک اسکی (بدرشاه) ، اسمی تورکلرک قومی آدی اولان (تورک) در . ملی داستانه کوره تورکدن صوکره (بدرشاه) اولان اوغلی (توتوک) ، باباسی کبی برجوق عادتلر ، برجوق تورهلر قوریور . حتی یمکلره توزقونیلمه سنی تصادفاً کشف ایده رك سسمیه افرادینه ده اوکره تیور . تورکلرک اک بویوک ملی اککنجه لرینی تشکیل ایدن (آلانمه) منراسمی ده بونک زماننده باشلا یور .

- [۱] شمس شهنامه نك شواکی بیی بواسکی عننه یی نرم ایدیور :  
جو یانت بتوران زمین رونهاد . همه رسم و آیین نیکو نهاد  
بتورانش می خواندند ایلجه خان . توکر یافتش خوان وکر ایلجه خان

بك اوزون سورن قلان حياتنك تماريسي مدتجه ، پدر شاهلرك  
يكنسق بر حيات كچيردكلريني كورييورز . بو حال ( ألنجه ) زمانه  
قدر دوام ايدييور . احتمالكه چينه باشلامش اولان صيقي مناسبات  
نتيجه سي اولارق ( ألنجه ) خان دورنده حيات اجتماعي و ديني ده  
بويوك بر انقلاب كوروليور . او دورلرده چينه صيقي مناسبات  
باشلامش اولديغنه چينه ( هيا ) سلاله سي تاسيس ايدن ( تا - يو -  
هه تو ) نك داستان ملي ده ألنجه خاندن اول ذ كر ايديش اولان  
( ديب باقوي ) اولديني يولنده كي ادعا ايله ده استدلال اولنه بيلير .

مراحله داستان ملي دن آكلايورز كه النجه خان دورنده  
بويوك بر تحول وقوعه كليور : هر طرف معمور ، هر كس مسعود  
وزنكين اوليور . ذوق و سفاقت باشلايور . ثوان سوكيليرينك  
تصويرلريني ياهرق اولرنده حفظ ايدويورلر . وقت وقت بوتصويرلري  
يوزلرينه كوزلرينه سورييور ، اولره عبادت ايتمه باشلايورلر .

ديمك كه ، بو دورده ، اجتماعي و ديني برانقلاب باش كوسترييور .  
( توتهميزم ) يرينه اجداد پرستلك و ( مانيزم ) قائم اوليور . سميه  
تشكيلاتنه ، عشيري تشكيلات خاف اوليور . مع مافيه ، اسكي  
تشكيلاتك ايزلري بوس بوتون غائب اولمديغندن سميه رياستندن  
عشيرت باشبوغلغنه ارتقا ايدن رئيس ينه بر پدرشاه وضعيتنده  
بولينيور . فقط بو دورده ولايت عامه ، هنوز تاسس ايتمش دكلدر .  
حاكم ، حكمدار ، آتا بوباشبوغدر .

عشيرت ، بويودكجه ، مانيزم ده موقعي خاكي ( ناتوريزم ) ترك ايتمه  
باشلايور . داها صوكره ده ، سماوي ( ناتوريزم ) ظهور ايدويور .  
( قره خان ) دورنده توركلري قره قوروم حواليسنده كورييورز .



چین تاریخلرینک (قویونلو) تانروسی اولدیغنی خبر ویردکلی  
(ته تومان) اولسی بک محتمل بولسان (قره خان) دورنده ، خاکی  
وساوی ناتوریزم نتیجه سی اوله رق بک زیاده تشعب ایتیش اولان (ایل)  
آرتق وحدتی ادراک ایتمکه باشلايور .

بویوک خارقه لرله طوغان ، بک طاتلی خاطرات عاشقانه ایله  
یتیشن (اوغوز خان) بو وحدتک ممثلی در : داستان ملی به کوره ،  
« قاره خانک بو بویوک حرمدن طوغان چهره سی آیدن پارلاق ،  
کونشدن نورلی اوغلی اوچ کون اوچ کیجه والده سنک  
مه سی آلیور . هر کیجه آناسنک رؤیاسنه کیره رک ، تاگری به  
ایمان ایتدکجه ، سودینی ائمه به جکینی سویلیور . آناسی ، یاوروسنه  
قیامیور . باشقه لرینه افشا ایتمکسزین ، تاگری به ایمان ایدیور .  
قاره خان ، اوغلنه آد قویمق ایچون توره موجنبجه ، بویوک  
بر طوی ترتیب ایدیور . هر طرفه دعوتجیلر کونده ریور . خلق  
طوبالانیور . دوکون ، درنک پاییلیور . قاره خان اوغلنی قوجاغنه  
آله رق خلق ایچنه کوتوریور . اولولره ، بریاشنه کیرن اوغلنه برآد  
قویملرینی سویلیور . بکلر جواب ویرمه دن اول ، طفل شیرخوار ،  
دیله کلیور . آدینک (اوغوز) اولدیغنی سویلیور . دعوتلیلر حیرتده  
قالیورلر . آدینک اوغوز اولسنه قرار ویریورلر .... »

جوجوقلنی خارقه لرله کچن (اوغوز) ، افسانه ده عادتایریغمبر  
رولی ایفا ایتدیریلیور : « تام بریکیت اولنجه ، پدری کندیسنه  
قارداشی (کور خان) ک قیزی آلیور . اوغوز ، ایلاک کیجه ده  
زوجه سنه تاگری به ایمان ایتکی تکلیف ایدیور . فقط کور خانک  
قیزی باباسنک دیتندن آیریلیور . اوغوزده کندیسيله مناسبت ده

بولنیور. قره خان، اوغلنك زوجه سیله مناسبتده بولندیغنی اوکره نیور. قیزی سومدیکنه حمل ایدیور. دیگر قارداشی (کوز خان) ك قیزیله اولندیریور. اوغوز، یکی زوجه سنده عینی تکلیفده بولینیور. فقط، عینی مقابله یی کوریور. اونکله ده مناسباتده بولنیور. برکون آودن کلبرکن بر ایرماق کنارنده چاشیر ییقان قیزلر آره سنده، عموجه سی (اوز خان) ك قیزی کوریور. احتمالکه اوتهدنبری بربرلینه کیزی بر عشق ایله مربوط اولان بو ایکی کنج، برکوشیه چکیلدور، طاتلی طاتلی دردلشیورلر. اوغوز، زوجه لرله کچن ماجرای سوکیلسنه آکلاتیور. کنج قیز بو اعلان عشقه؛ سن نه یولده اولسه ك بنده او یولده اولورم؛ جوابیله مقابله ایدیور. قاره خان، بویوک طویلرله، قارداشی (اوز خان) ك قیزی اوغلنه آایور، فقط، اوغوزك بو مسعود کونلری چوق سورمیور. کندیسى آوده ایکن اولی زوجه لری یی بر دین طاشیدیغنی باباسنه خبر ویریورلر. قاره خان، بو عاصی اوغلنك وجودنی ازاله ایتمه قرار ویریور. عسکر طویلامغه باشلايور. فقط، سوکیلی زوجه سی اوغوزه کیزی بر آدم کونده رهرك ماجرای خبر ویریور. اوغوزده اطرافه آدم لر صالیور. آتام اوردو حاضر لایه رق بنی اولدیرمکه کلیورمش، بنی ایستیانلربکا، بابای ایستیانلرده اوکا کیتسون، بولنده خبرلر کونده ریور. خلقلک بر قسمی قاره خان طرفی، بر قسمی ده (اوغوز) طرفی الزام ایدیور. قاره خانك قارداش لرینك اوغوللری ده اوغوز طرفنه کچورلر. بابا ایله اوغل آره سنده حرب اوليور. غلبه ایدن (اوغوز)، بو دون طرفدن ایل خانی اعلان ایدیور. اوغوز، تورکلری برلشدیریور. هپسنی یکی دینه ادخال ومخالفت ایدنلری محو ایدیور...

داستانك شو قسمی توركلر آره سنده وقوعه كلش اولان دینی ، سیاسی و اجتماعی بر تبدل عظیمك خاطره سی در . اوغوز خان ده بو انقلابك قهرمانی ، ممثلی در . اوغوزخان ایستبرشخص مخیل اولسون ، ایستر برچوق مورخلرك ادعا ایتدكاری کبی چین وقایعنامه لرینك ( قویونلو ) دولتلك ابویوك ( تازو ) سی اوله رق طانتدقلری ( مته ) اولسون هرا یکی احتماله کوره ده داستان ملی نك بو قسمی توركلرده ( ایل ) و ( دولت ) تشكلكك پك اسکی بر زمانه عائد اولدیفنی کوسترمکده در . اوغوز داستانك اویغورجه بر مته استناداً ( رادولف ) ك خبر ویردیکی دیگر بر شکلی داها واردر . داستانك اسلامیتدن اول تثبیت ایدیش اولدیفنی تحمین ایدیلن بوشکلی ، کرچه ( ابوالفضل رشید ) و ( ابوالغازی بهادر ) طرفندن تصویر ایدیلن شکلدن فرقلیدر . فقط بوده اوغوزله سیاسی و دینی بر انقلاب وقوعه كلش اولدیفنی تأیید ایتمکده در . هرا یکی شکلندن آکلایورزکه ( ایل ) یعنی ( دولت ) تشکل ایدرایتمز ، ( تاگری بیلک ) ده حصوله كلش ، مختلف اوروقلرك ممثللری اولان ( یرسو ) لره قارشى حاکم اوروغك ممثلی ده ( تاگری ) اولمشر . اوغوزخانه اسنادایدیلن بوتون مجادلات و محاربات ، حاکم اوروغله یرسوسنك غلبه قطعیه سی درمزدن باشقه برشی دکلدر .

دولت تأسس و کسب قوت ایتدکدن صوکره متبوع اوروق تمثالنك ده داها عمومی ، داها مبجل و داها قدرتلی تلقی ایدلمسی طبیعی ایدی . داستان ملی ده کوستریورکه ، اجتماعی و سیاسی تشکیلات کتدکجه قوتلنمش ، ( تاگری قوتی ) نك یعنی ( تازو ) ویا ( باشبوغ ) ك قدرت و سطوتی آرتدقجه ، متبوع قومك ممثلی بولنان ( تاگری ) ده

وجدانلرده داها زیاده بویومش ، داها زیاده قدرتی اولمشدر .  
 ملی داستانی ( اوشال شجره ترکیه ) سنده درج ایدن ( ابوالقاری  
 بهادر خان ) بواقلابی شو سطرلرله افاده ایدیور : « قاره خان  
 زماننده ایل او قدر قارارمشدی که آره لرنده تا کری بی یاخشی طانیوب  
 برلکینی ییلن تک آدم قالمامشدی . اولوتا کریک مادرزاد ولی یاراتدیغی  
 ( اوغوز خان ) ایله ( ایرقیل آنا ) نك غیرت و همتلری ، ایل یوقرا کاکدن  
 قورتاردی . اولره تا کریک برلکینی و قدرتی طانتدی ... »

( ایل ) نك تشکلی عمومی وجدانک تشکلی دیمکدی . عمومی  
 وجدانک تشکلی ایسه اله خالصلریرینه اله عامک قائم اولسی ،  
 حقوق خاصه به بدل حقوق عامه فیکرینک طوغمه سی ایدی . اله  
 خاصلرک یعنی ( برصو ) لرك ضررینه اولان بواقلابی محیطلک  
 تلقیناتی ده تقویه ایتمشدی . تورانک واسع بایلاری ، پایانسز استپلری ،  
 براق و بیلدیزلی کیجهلری ، آلتون طاغلرینک معظم شاهقهلری ،  
 کچیدسز اورمانلری ، نك و اولو بر تاگری عقیده سنک انکشافنه  
 پک مساعد ایدی . ( ایدی قوت ) ، متفرق و منشئت اولوسلری ،  
 اوروقلری برلشديره رک متحد ( ایل ) وجوده کتیرنجیه اله  
 خالصلرکده اله عامک عظمت و جبروتی قارشوسنده الوهیت ماهیتلرینی  
 غائب ایدره رک باشقه برشکله انقلاب ایتلری قدر طبیعی برشی اوله مزیدی .  
 داستان ملی ده بونک بویله اولدیغی کوستریور . اوغوز خاندن صوکره  
 حاکم اوروقلرک ( صاغ قول ) و ( صول قول ) ناملریله ایکی به آیریش  
 اولدقلرینی و بونلردن هر برینک دورت بویه بولونه رک مجموعنک یکرمی  
 دورت بوی اولدیغی کوریورز . بونلردن صاغ قولی تشکیل ایدن  
 اوچ بویک مقدس جدلری ، ( کون خان ) ، ( آی خان ) ،

«ییلدیزخان» در . سول قولده کی اوچ بویوک مقدس جدده (کوک خان)، (طاغ خان) و (ده کیزخان) در . اوغوز خانک اوغلاری اولان بو آتی مقدس جدک اسم لرندن اوچ اولکیلر (سماوی) ، اوچ سوکنجیلرده (ارضی) در .

دیمک که (ایل) ک تشکلندن اول ، تورکک رک سماوی و ارضی آللهلری اولان (تانه کده) و (یرصو) لری ، (ایل) ک تشکلندن سوکره اوغوز خانک اوغلاری و بویوک مقدس جدلری شکله استحالیه ایتشلر در . داستان ملی ده سماوی و ارضی (ناتوریزم) ایله «مانیزم» دورلرینک خاطره سی بو صورته یاشاتدیریش اولدینی کبی یونلرک باندیه پک اسکی بر (توته میزم) ک پس - زنده ایزلری ده پایدار قالمشدر . چونکه داستان ده ، صاغ و سول قوللری تشکیل ایدن یکریمی دورت بویوک برر (اونغون) ی بولندیغنی کوریپورز . (جامع التواریخ) ده (اونغون) حقنده ویریلن معلومات ، (توته م) ک اوصافیه توافقی ایتکده ر [۱] . (ابوالفضل رشید) ک تفسیرینه کوره (اونغون) مبارک معناسه در . دیمک که (توته م) کبی مقدس در . ثانیاً اکثر (توته م) لر کبی (اونغون) لرده برر حیوان در . ثالثاً هر بویوک فردلرینه ، کندی بویلرینک (اونغون) ی اولان حیوانی اولدیرمک ، اتنی یمک ممنوعدر . حالبوکه ، توته می تشکیلاته تابع اولان خلانلرده توته م حقنده کی تلقی نک تمامیه بویله اولدیغنی کوریپورز . اوغوز بویلرینک اونغونلری ، آرجی قوشلر در . اونغونلرک آرجی قوشلر دن انتخاب ایدلمش اولمسی تصادفی بر شی دکلدر .

[۱] توته م و توته میزم حقنده فضله تفصیلات ایچون (تاریخ ادیان) کتابمیزک برنجی جلدینه مراجعه .

بلکه، تورکلرک ملی حیاتلریله علاقه دارد. چونکه اسکی تورکلرکده خالمرک بودونله برلکده یاپدیغی (سفر) یعنی ملی آو، مقدس ایدی. خلاصه ملی داستان بزه، تورکلرک بر (ملت) حافی آلمالرینک بک اسکی اولدیغی کوستردییی کبی، او زمانه قدر کچیرمش اولدقلری اجتماعی و سوسیالی صفحاتک دینی تحولاته علاقه دار بولندیغی ده آکلاتمقده در کوریلپورک: ایلمک دورده تورکلری توتومی تشکیلاته مربوط بولیورز. بو دورده متشت کتله لر قلان حالده تجمع ایتش، ملی وحدت طویغوسی هنوز اویانماشدر. قلانلر بویویه رک قبیله لر تشکل ایتدکن صوکره؛ توتومیزم خاطره لری ده اونوتولماق اوزره؛ مانیزم یعنی اجدادپرستلک و ناتوریزم صفحه سی باشلامشدر. ناتوریزم دوری، ارواح اجداد یرینه بولرک مقدس مقاملری اولان طاعلر و بویوک صولر اقامه سیله ایتدار ایتش و بوندن (یرصو) لر طوغمشدر. یرصولر، ارضی ناتوریزم دورینک مولودیدر. بو دورده، مرکزک و دورت جهتک یرصولری اولدیغی کبی، مختلف قبیله لرکده کندی اولکله رینه مخصوص یرصولری واردی.

قبیله لر بویویه رک عشیرت تشکل و بر قبیله رئیسی قبائل سائرینی تحت انقیادینه آله رق بر حاکم سلاله تأسیس ایتدکن صوکره (ارضی ناتوریزم) یرینه (سماوی ناتوریزم) قائم اولمشدر. بو دورده حاکم سلاله نک معبودجلری (ناگری) نانی آلمش، بوصورتله (یرصو) لر، و (ناگری) لر نامیله بر ایکیلک وجود بولمشدر. سماوی ناتوریزم تشکل ایتدکن صوکره (یرصو) لر دینی، سحری بر ماهیت آلمش، بوندن دن (شامانیزم) طوغمشدر. دیمک که شامانیزم، دینی بر منظومه دکل بلکه سحری بر منظومه در.

( اوغوز خان ) ویا ( مهته تانزو ) ایله ملی وحدت تقرر و ( ایل ) تأسس ایدنجه ( برصو ) لر اونوتیله رق ( اولو تاگری ) عقیده سی باشلامش ، یریوزینك ( اولو باشبوغی ) ده ( تاگری قوتی ) اولمشدر [۱] .


( ایل ) ك تأسسی ، تعبیر دیکرله توركلرك مهنه جدالده برملت حالنده کورینه لری عجباً نه زمان باشلامشدر . داستانہ کوره ، بومبدئی صورت قطمیه ده تعیین ممکن دکدر . داستان ملی ده ، تورك برلیکی مثلی کبی تصویر ایدیلن ( اوغوز خان ) ، ( حضرت ابراهیم ) ایله معاصر عد ایدیشدر . طیبی بوتوقته قطعی برماهیت عطف ایدیله من . فقط ، اوغوزك حضرت ابراهیم ایله معاصر طوتیلمش اولسنه نظراً ( ایل ) تشکلك پك اسکی برزمان ده باشلامش اولدیغنه حکم ایتك ضروری در . تورك تاریخی حقنده پك عمیق تدقیقاتده بولنان ( ده کینی ) یه توفیقاً ، ( اوغوز خان ) له ( مهته تانزو ) نك عینی بر شخص اولدقلرینی قبول ایتدیکمز تقدیرده بوزمان تاریخیاً تعیین ایدر . چونکه ( مهته ) تانزونك ، میلاد عیسی دن ۲۱۰ سنه اول ، یاشامش اولدینی چین وقایعنامه لریله مثبت در . کوریلورکه ، هرایکی منبعه کوره ده ، توركلرك متحد بر ملت حالنده مهنه تاریخ ده بر موجودیت کوسترمکه باشلامش اولدقلری زمان پك اسکی در . چین وقایعنامه لرینه نظراً ، بومبدأ یکریمی برعصر قدر برقدمه مالکدر . موجودیت ملیه سی اعماق اعصار ایچنه کومولن واوزماندنبری استقلال و موجودیتی پك شالی برصورتده محافظه ایدن بوبویوک [۱] ( تاریخ ادیان ) عنوانی اثریمزک یاقینده انتشار ایده جک ایکنجی کتانبده توركلرك اسلامیتدن اولکی دینلرینه عائد معلومات کافییه ویریشدر .

ملتك بوكونكى نسلى آره سنده ، اعتلاي آتيدن نوמיד اولانلره تصادف ايديله سي نه آچيقلی برحالدر . ( بز آدم اولمیز !! ) نقراتی ورد زبان ايدنلر ، منسوب اولدقلری ملتك ماضيسنی ، قابليت حیاتیه سنی ، ملی سجه سنی بر آزدقيق زحمتنه قاتلانسه لردی بوقدر بدین اولمز ، کرداب یأسه بوقدر کومولزلردی . تورکک بکونکی حیات مجادله سنک اقتضا ایتدیکی درجه ده تکمل ایتمه مش اولدقلری محققدرد . فقط ، تورکک بکونکی بو خصوصده کیری قالمش اولملرینک سببی قابلیتسزلیکلری دکلدرد . بو عامل ، دونه قدر تورکک مقدراتی اوزرینه چوکش اولان سلطنت شخصیه واونک اویوشدیریحی و بوغیچی شکل حکومتی در . بو حکومت یالکزا سماً تورک ایدی . فقط روحی و حاکم عناصری اعتباریه تورکه نسبنی بک آز ایدی . سرگذشتجو مختص کوزده لردن ویا خود ماورو یانیر ، نورادونکیانلر کبی دولته علاقه لری بانقه عثمانی نك عثمانلیانی درجه سنده اولان اشخاصدن متشکل حکومتلرک تورکرده کی قابليت واستعدادک انکشافنه جالیشمه لری امکانی یوقدی . اولکیلر احتراصلرینی تطمین ، سفاهتلرینی تأمین ایتک ایچون تورکک قانی اتمکدن ، ایکنجیلرده هم اتمک ، هم ده قوروتمقدن باشقه برشی فایه تعقیب ایده مندی . اک زنده والک کنج عنصرلری آرناوودلق طاغلرند ، یمن چوللرند ناهق یره تولدیرتیلن ، اختیارلرینک ، قادینلرینک ، چوجوقلرینک سفاتله چاریشه چاریشه آله ایتدکلری بغدایلری غصب وسفاهت دکرمنلرینه سوق ایدیان برملت ، ترقی و تکامل ایده بیلیرمیدی ؟ تورکک ، برملت حالده صحنه جدالده کورونمکه باشلا دقلری زماندن بو کونه قدر بک عظیم ، بک مهلك ورطه لر کچیرمش فقط هر شیده رغماً ینه بقا و موجودیتلرینی محافظه ایتمش ، آلرندن چیقارکبی کورینن استقلاللارینی قورتارمشلردر .



یو موفقیتی کوستن بر قوم مساعد شرائطه مظهر ومقدراتنه بالذات  
 حاکم اولورسه ، شبه یوق که دیگر ساحه لرده ده خارقه لر کوستره جکدر .  
 ملت ده کی لایفنی قابلیت حیاتیه بی آکلامق ایچون معتوه مرتجملرک ویا  
 درنه نه ره بایقوشلرک یاوملری دکل ، شواوچ سنه لک معجزوی فعالیتله  
 عصرلری طولدیرن صفحات تاریخی نظر اعتباره آلمق ایجاب ایدر  
 فکرنده یز . استقبال ، آنجق تاریخ ملی دن آله جق عزم وامید ، روح  
 ملی دن آله جق قدرت حیاتیه ایله قورناریلور وقوریلور . بو حقیقه  
 ایمان و ایجاباتنه توفیق حرکت ایدیلیرسه ملت بو کونکی وضعیتدن  
 یک چابوق تخلص واعلا اولنه بیلیر . ملت ده کی حیایت و غیر مکشوف  
 قابلیتله نظر آهیچ شبه یوق که استقبال مؤمن در . لا اقل یکرمی بر  
 عصر دن بری موجودیت ملیه سنی مدرک اولان وبواوزون حیاتی یاشامق  
 ایچون ایجابات حیاتیه به انطباقی بیلن بر قوم یالکنز یاشامق دکل  
 یوکسلمک طلسمی ده حائز دیمکدر . الیریرکه او قوم ، ماضی سنی ،  
 ملی روح وسجیه سنی بیلسون ، کندی مقدراتنه فعلاً حاکم اولسون!  
 الیریرکه کزیده لری ده عصرک ایجاباتنه کوره مجهز اولمقد قصور  
 کوستره مسون ، استقبال حقنده لایتزلزل بر عزم و ایمان بسله مسون!  
 ودائما بو عزم و ایمانی کتله یه ده نفخ ایدرک ترقی وتکامل شهر اهنده  
 اولنره رهبرلک اینسون!...

ملتک قابلیت حیاتیه سیله سجیه وروحنه بو قدر بویوک برامید  
 دبط ایتمه مزک سینی ، آشاغیکی صحیفه لر کوستره جکدر .



نور کلمه ، تاريخك - امر ضبطه کير دکتری زمانه به بکوته قدر  
دائماً مستقل و ماکم با نامشروع .

ارضك بسله ديكي مخلوقاتدن بشر نامي طاشيان كتله معظمه ،  
شمدي به قدر کور و لوله مش و ايشيديله مش ، بر انقلاب عظيمه طوغري  
قوشيور . سکنه ارضك آري ، سامي ، توراني ، زنجي ... کي بر  
جوق نامرله آريلن انسانلرينك بش سینه متدياً آقيتدقلري قان  
سيلا به سيلاه بسله ن شجره انقلاب بوتون دنيای قابلايه جوق بر استعداد  
کوسترييور . شمدي به قدر تاريخك ضبط ايتديكي الك بويوك انقلاب  
ارضك آنجق محدود بر ساحه سنده و پک بطي بر حرکتله وقوع بولمش  
اولدینی حالده مؤسسات حاضره بشريه يي تهديد ایدن بويکي انقلاب  
جهانشمول بر ماهيت مرض ايدييور . دونه قدر کندیلرینی من طرف الله  
عرق ابيضك ابدی خدمتکارلری اولمق اوزره ياراديلش اولدقلری  
قناعتده بولنان اقوامه ، حرب عمونی ، نه درين بر درس ويردی ؟  
بو درسك تجلياتی هر حالده ، یاقين بر آتیده کوره جکزر ....

زمانك حاضر لادینی بويکي حیاته قارشى اوج يوز مليون مسلمانك  
وضعیتی نه اوله جقدر ؟ بو کوندن اونى دوشونمك ، بوتون اسلام  
متفکر لرینه توجه ایدن الك مبرم بر وظیفه در .

بيك كسور سنده دئيرى ، بوتون بو عالمه رهبرلك ايدن ، بوتون  
 بو عالمك حقوق و موجوديتنى قورتارمق ايجون قان دوكن توركلر؛  
 شېه يوق كه ؛ بويكى حيات ، بوجھانشمول انقلابه قارشى ده ، بك  
 مقدس وظائفه مكلف بوليئورلر . بو وظائف اولاكندى مى  
 وارلقلى نايا بوتون مسلمانلر كمقدرات مستقبليه-سى ايله علاقه داردر .  
 تورك اولاكندىنى بيلمى ، كندىنى قورتارمى دركه دىندا شلرېنه  
 قارشى ايفاسنه مجبور اولدىنى تنوير وظائفى ده ايفا ايدم بيلسون !  
 تورك ميرانسى وضع يدايتك غايه-سى تمقيب ايدن ، بو غايه بك  
 تحققي تامين ايجون تورك قابليت حياتيه-سى منطقى اولدىنى قناعتى  
 هر دلر و سائلطه آرم مزده نشره چالشانلر تلقيناتيله آولانلر  
 قارشى ؛ شايد شكراندركه ؛ كتله ملت ، هر وسيله ايله قابليت  
 حياتيه-سى كوسترمشدر . فقط ، بو قابليت حياتيه آثارىنى شعورلى  
 برشكل ده تحقق ايتدېر بيلمك ايجون ، كتله بك تنويرى ايجاب ايدر .  
 حرب عمومى به نهايت ورن متاركى متعاقب كوچوك بويوك  
 ايمپريالېت ملتلر سونمز احتراضلرله مراسم تدفينه-سى اجرا ايدىلك  
 ايسته-يلان تورك ملتى ، شمدى به قدر بودرجه وخيم فلاكتلرله مالا مال  
 بك چوق ورطه لر كچر مش ، فقط لايفى قابليت حياتيه-سى سايه-سند ،  
 ئولم مش ، حيرت بخش خارقلر كوسترمك صورتيله باشامشدر .  
 كندىنى تورك ايمپراطورلقنك وارث طبعىسى عد ايدن ، سهاوت  
 جهانشمولى او كنده بو ايمپراطورانى بر ( خسته آدم ) مثابه-سند  
 كورن چاراق ، بوكون تاريحك منسى صحيفه لرېنه كومولش اولدىنى  
 حالده ، عىنى صدمه به معروض قالان ( خسته آدم ) ، ينه ئولم مش ،  
 اليم فلاكتلر رغماً ابدىآده اولميه جگنى بوتون جهان به كوسترمشدر .

تۈرك دەھى قىسا ناپذىر قابىلىت ھاياتىيە ، اك قورقۇنچ ھاھلەلرە .  
رەغمأ ؛ ( لاتقنطوا ... ) فرمانىلە بوقابلىتى ياشاتان دىنىك تامين  
ايتىدىكى لايتزلزل ايمان ، بوملتك بقاسنى مؤمن ايكى ( آب ھايات ) منبى در .  
تۈركلەر ، اك مدهش صدمەلر قارشوسىندە ، موجودىنلرنى بوكونە قدر  
ياشاتان روح آتشىنى بولايكى منع دن آلمش اولدقلىرى كې الى الابد  
حق بقالرىنى تامين ايتدىرەك يكانە قدرتى دە آنجق يىنە بوايىكى  
منبى دە بولە بىلورلر .



شوسە طرلرک يازىلدىنى تارىخىدن ( م ۱۹۲۲ ) ايكى بىك يوز  
يىكرمى برىسنە اول ، صوك بهارك ايللىق برکونىندە ، چىن دە معظم  
( ھان ) سلالەنىك مؤسسە بويوك ايمپراطور ( قانۇتى - Kao - ti ) نىك  
سراينىدە انئالسىز برفوق العادەلەك كورايوردى . سرايىك بولندىنى  
جادەلر ، قوجوق قالپاقلى ، اوزون مىزراقلى كىلان آتلى ، كوربوز  
سوارىلرلە طولمىشىدى . اووقت چىن پايتختى اولان ( سىيغافو ) نىك  
متجسس خلقى ، بوجسور سوارىلرى كورمىك اوزرە سوقاقلرە  
دوگولمىش ، نىجرەلرە قوشمىشلىرىدى . اردحاملى جادەلردن تلاشلى  
برسرعتلە سرايە كىدن ارکان دولنىك اوزون صاچلىرى آرەسىندىن  
سچىلن سىپالرىندە درىن براندىشە نشانىلرى كورىنىوردى .

بويوك ( چىن - شە - ھوانغ - تى ) نىك انقاز سلطىتى اوزرىندە  
اوزون وشانلى براستقبالە نامزد معظم برخاندان تأسىس واوجىوز  
حلىون انسانى كىندىسە فرمانبر ايدىن ايمپراطور ( قاعوتى - Koa - ti )  
اندىشەلى برحالدە ، سرايە دعوت ايتىدىكى وكلا وامراسنىك ورودلرىنى  
صبرسىزلقە بىكلەيوردى .

مدعوین ، عمیق بر سه کت ایچنده یرلره قاپانه رق شرفشوله  
 مظهر اولدقلری زمان ایمپراطور (فاعو-تی) پایتخت جاده لرینی طولدیران  
 جسور سواریلرک قوماندانی طرفندن برآزاول تقدیم ایدیان نامه نك  
 قرائت ایدلمسنى امر ایلدی: « كوك ویرك طوغوردینی کون و آلك  
 تحته کچیردیكى هیونغ-نو(قویونلو)لرک حشمتپناه بویوك نائروسى، چین  
 فغفورندن احترامله رجا ایدرکه...، عبارتیه باشلايان نامه ده قویونلورلرک  
 غالب باشبوغى (مه ته) ، چینگ استرحام ایلدیكى مصالحه نك تحقیق  
 ایچون برطاقم شرائط درمیان ایدیوردی. بوشرطلر آره سنده اك  
 مهمی ، ایمپراطورک سوکیلی قیزینك نائرویه تزویجی تکلیفی ایدی.  
 حابوکه چینگ مقدس عنعنه سینه کوره (ابن سما) نك کریمه سی،  
 برانجییه تزویج ایدیه مزدی. فقط ، ایمپراطور معیتنده کی اوج یوز  
 بیك کشی لك براردویه رغماً (شانسی) ده (په - تنغ Pe-teng)  
 قلمه سنده (مه ته) نك قرق بیك کزیده سواریسى طرفندن تحت  
 محاصره یه آلتین ، اوردوسنك قسم اعظمی کبی کندیسى ده اسارتیه  
 دوشمك اوزره ایکن (مه ته) نك زوجیه سی (یهن - شی Yen-chi)  
 خاتونك معاونتیه قوریتیه بیلیمشدی. بومدهش خاطرله ایله اعصابی  
 صاارصیلمش اولان ایمپراطوری ، بوتون شمالی چینی استیلا ایدن  
 (مه ته) نك شرائط صلحیه یی قبوله اجبار ایتك مقصدیه پایتخت  
 اوزرینه یوریمکده اولدینی خبری بوس بوتون شایرتمشدی. (مه ته)  
 قبل المیلاد (۲۱۴) تاریخندن اعتباراً قویونلورک حاکمیتنده بولنان  
 (ته ئومان)ک اوغلی و خلغی ایدی. مه ته بدری زماننده متشقت برحاله  
 بولنان اولوسلری، بویلری سنجاغی آلتنه طوپلامش، تورک برلکینی  
 وجوده کتیرمش ، (هامی) دن (قوره) به ، (سیریا) دن چینگ

( شانس ) ، ( شفی ) و ( به - کینگ ) ایالتیرینه قدر امتداد ایدن واسع برایمراطورلق قورمش ، شمدی ده چینی استیلایه قویولمشدی . ایمراطور بوحرکته قارشى ، اوچ یوز یکریمی بیکی متجاوز بر آوردو ایله طالغی دهنه مش ، فقط ، اسارته دوشمك تهلیکسه معروض قالمشدی . شمدی یا ایمراطورلنی فدا ایتك ویا مقدس غننه یی بوزمق ایجاب ایدیوردی . هرايکی احتماله تحمل سوز ایدی . ایمراطوری ازن درین اندیشه بوندن ایلری کلیوردی . ایمراطورك تأثرواندیشه سی وکلاسنی ده استیلا ایتمش اولدیغندن نامه نك قرانته عمیق برسکوت تعقیب ایتدی .

باش قوماندان ( لیه عو - کینگ Lieau-King ) توجّه ایدن نظرلر اوندن بر چاره استیخلاص بکلیور ، اوردودن حالا برشیلر امید ایدیلدیکنی آکلاتیورلردی . نهایت جنرال ( لیه عو - کینگ ) ایمراطوره توجیه ایتدیکی خطابه ایله بکله نیلن جوابی ویردی :

« چینلیرك قاننی دوککمیزین مه ته نانژیوی آلد ایتك ایچون کندیسنه کریمه کزی تزویج ایتلی سکز .. چونکه پرنسس ، هیچ شبهه یوق که ؛ زوجنی تسکین ایده جك ، چین علیهدارلنی فیکرینی تعدیل ایده جکدر . شاید کندیسندن براولاد دنیا به کلیرسه ، برکون قویونلورك چین ایمراطوری قاننه منسوب برنانژو واسطه سیله اداره ایدیلرینی ده امید ایده بیلیرز . طوغه جق بو چوجوغنی چینه کثیره رك کندیسنه چین تربیه سی ویرمك ده ممکندر . بناء علیه پرنسسك (مه ته) نانژیو به تزویجنه موافقت کوستریلیرسه ، بو واسع و قدرتی حکومتله مصالحه عقد ایدیله جك ، شمال حدودلریمك محافظه سی ایچوزده بوز بیکلرجه عسکر بسلامکه لزوم قالمه جقدر ! ... »

چین وقایعنامه لرنده صفحات تاریخیه سی تمامیه ضبط ایدیش اولان  
اك اسكى تورك دولتی دها بدایت ناسنده ، اشته بو قدر فیاض بر  
قابلیت حیاتیه ایله حضور تاریخه جیقمشدی . میلاد عیسی دن ایکی یوز  
کسور سنه اول ، مستقل بر دولت اوله رق مجادله حیاته آتیلان  
تورک لر ، زمانك بعضاً بك مهلك اولان صدمه لرینه رغماً ، یکر می بر  
عصر دنبری موجودیت واستقلال لرینی محافظه ایتشلر در .

تاریخ بزه بر زمانلر جهانك اك قدر تلی ملتلی صاییلان اقوام دن  
بر چوقلرینك ، آز چوق مهلك صدمه لر قارش ادا مه موجودیت  
ایده میهر ك صحنه حیات دن چکلمش اولدقلرینه داتر بر چوق خاطر لر  
نقل ایدیور . حالیه که تاریخ ده تورک لر قدر مد هس صدماته اوغرامش  
ملت لر همان یوق کی در . بوتون بو مهلك صدمه لر رغماً ، تورک لر  
موجودیت واستقلال لرینی محافظه ایتش اولملرینك سببی ینه بو ملت  
روحنده ، قابلیت حیاتیه سنده آراملی در .

تورك عشیری بر حیات کچیرر کن بیله ؛ کوریورز که ؛ ینه مستقل  
یا شامش ، اجنبی بر حاکمیت ادخال ایدیه مه مشدر . تورک ، استقلال  
روحی نفخ ایدن ایلك عامل ، محیطی اولمشدر . بویوک استپک برر  
قهرمان اوله رق یتشدیردیکی تورک لر ، ارضك باشقه اولیکلرنده  
پرورش باب اولان جهانکیر ملتلك هیچ بر صورتله بارینه میه جقلری  
بر محیط ده عشیری دورلرندن بری سر آزاد بو یومشلردی . بو حال ،  
اونلرده حیاتك استقلال دن عبارت اولدینی قناعتی لایتل بر صورتده  
یرلشدیرمشدی . یوکسك استپندن ، ارضك دیگر محیطلرینی ایاض  
آلتنده کورن تورک لر ، بالعمکس ، کندیلرینی اورالرده یا شایان قوملر  
طیبی بر حاکمی کی کورمشلردی . تورک لرده ، جهانکیرلك و حاکمیت  
ذهنیتی تقریر ایدن عامل بالخاصه بو کوریش اولمشدر .

اواخر حياتنه طوغری قوره دكزندن ( وولغا ) بويلرينه ،  
 ( اورتوس ) خطه سنك جنوبندن ( سيبريا ) نك ( توبولسك Tobolsk )  
 حواليسنه قدر امتداد ايدن قطعه عظيمه يي محتوي بر ايمپراطورانك  
 باشنده بولنان ( مهته ) بيله ، چينده اوچ بوزميليون نفر سك حاكمه سي  
 اولان ايمپراطوريجه ( تاي - ههئو Tai-Héou ) يه كوندرديكی نامه لرده  
 كنديسنی ( متبوع اعظم ) كوس - ترمك صورتيله بو ذهنتی اظهار  
 ايتمشدی . بو معامله دن متأثر اولان ايمپراطوريجه ، وكلاسندن ( فان -  
 هونئی Fan-Hoei ) ك تشويقيه ( مهته ) نك سفیرینی اعدام و كنديسنه  
 اعلان حرب ايتمه قیام ايتديكي زمان ، وزير حكيمي ( لی - پو Li-po ) ،  
 ايمپراطوريجه نك حضورنده اجتماع ايدن مجلس وكلاده ايراد ايتديكي  
 شونطق ايله قوبونلورده كي عزم و قدرت قارشوسنده چينك حقيقي وضعيتی  
 بك كوزل تصوير ايتمشدی : « ايمپراطور ( قاعوتی ) نك قوبونلور طرفندن  
 محاصره ايديلديكي زمان ، بك اوزاق دكلدر . او زمان ، نازونك  
 حرمی خاتونك معاونت خفيه سی اولسه ایدی ، ايمپراطور معيتيله برابر  
 اسير اوله جقدی . بوكون ، او فلاكتلی زمانلر ، هنوز اونوتولمه مشدر .  
 هپسی بدی كون محاصره اولندق ديزليور . فقط ، اومصیبتلی كونلرك  
 براقدينی آوازه اشكاء ، حالا منقطع اولمه مشدر . سينه ملتده آچیلان  
 ياره لر ، هنوز آبی اولمدي . ( فان هونئی ) ، اغفالكار بر لسانله  
 ايمپراطورلنی تكرار بر حربه سوروكله مك ايستيور . يوزييك كشيلاك  
 بر اوردو ايله ( قوبونلو ) حكومتی ييقه جفندن بحث ايديسور . خير ،  
 بو سوزلر ، بوش يره آتوب طوتمقدرد . دشمنمرك قدرت وسطوتی  
 كورمك ايسته مه مكدر . كال جسارتله عرض ايدهرم كه شو ضعيف  
 حالمزده بزم ايچون ( مهته ) ايله خوش چينمك دن باشقه يول يوقدر . »



داها هنگام تأسسندہ ، اوج یوز میلیونلق بر کتله معظمیہ قارشی بوقدر پارلاق بر وضعیت احرازیدن تورک دولتی ، بوتوقی تشکیلاتہ ، ملی سچیہ لرینہ و وحدتنہ مدیوندی . تورکر ، صایف متوالیہ دہ کورولہ جکی وجہلہ ؛ ملی وحدت لرینی محافظہ ایتدکری ، باشلرندہ عزمکار ، و درایتلی باشوغلر بولندی مدتیہ ؛ دشمن لرینہ قارشی دائما بو وضعیتہ قالمشدر . تورکی بیقان و صارسان عامل ، خارجی دشمنلرک غلبہ و سطوقی دکل ، بالعکس کندیلرینک وحدت ملیہ بی محافظہ ایتمیہ رک نفاق و تفرقیہ دوشمہ لری اولمشدر .

وحدت ملیہ بی تأسیس ایدن ( ۱۹۰۰ ) ، اورتہ آسیانک مبدولاً یتشدیردیکی علی العادہ بر جهانگیر دکلدی . ( قونفوجیوس ) و ( لائوچہ ٹو ) نک فضیلت ، عدالت و مرحمت تلقین ایدن پرنسپلرینہ شدتہ مربوط بولونان چین ایمپراطورینی ، بصیرت و شفقتنک ، فضائلنک ، مدیحہ خوانی یاہہ جق قدر بویوکلک کر کو-ترمش بر صاحبظہوردی . مہ تہ تانزو ، قوردینی تشکیلاتک اساس لرینی ، محیط ارضی نک ایجاباتندن ، تورکک روح و سچیہ سندن آنشدی . اعصار متعاقبہ دہ ظہور ایدن بوتون تورک دولتلری ایچون اساس اولان بوتشکیلات ، عسکری برماہیتی حازدی . واسع ایمپراطورلق ، بری صول ( شرق ) و دیگر صاغ ( غرب ) خدیوتی ناملریلہ ایکیہ آیریلشدی .

دولتک بری شالده و دیگر جنوبہ اولق اوزرہ ایکی پایتختی واردی . شالده کی پایتخت ( این شان ) طاعی جوارندہ بو کونکی ( قونہی-ہوآ-جینگ Koei - Hoa - teheng ) شہرینک شمال شرقیہ سندن بولیدوردی . جنوب پایتختی دہ ، جینگ بو کونکی ( شانسی ) ایالتندہ کی ( نا-تونغ - فو Ta - Tong - fou ) بلدہ سی ایدی .

خدیویتلردن سوکره ، عسکری ، ملکی ، مالی و حقوقی امورك تدویری ایچون یکریمی ایکی صنف مأموریت احداث ایدیلشدی . بوسفلرک باشنده بولنه جق اك بویوك مأمورلر ایچوند آیری آیری رتبه و عنوانلر احداث ایجاد اولمشدی . بورتبه و عنوانلر ، چین وقایعنامه لرنده وبالخاصه ( Sfu - Ki ) ایله ( Ven-hien-Tung-kao ) ده درج ایدیلشلردر .

( مهته ) نك تأمین ابتدییکی ملی وحدت ، قبل المیلاد ( ۵۸ ) تاریخنه قدر صاریصلما مشدی . بالعکس ( لاءو چیئغ ) ، ( کیون - چین ) و ( عو - غوئی ) کبی بویوك تائزولر زماننده داها زیاده قوتلنمش ، قویونلورک چینلیله قارشى تفوقلری ، بوس بوتون آرتمشدی . ( کیون چین ) ک باشیوغلنی زماننده ، قونلره قارشى مخاصم بروضیعت المی تمایانی کوسترن چین ایمپراطورینه ، وزیرى ( هان - غان - قوئه Han - Gan - Koue ) قویونلورک تفوقی شوسوزلرله اجمال ایتمشدی : « قویونلور ، مغلوب ایدیلهرک تحت انقیاده آلنه بیلیر بر قوم دکلدر . بوسیدن بونلرله حرب قاقیشمق ، چین ایچون هیچ بر منفعت تأمین ایده مز . تائزویه اعلان حرب ایده رک اوزرینه بر اوردو سوق ایدرسه ک ، عسکرلریمزله حیوانلرینک سفالت و مشقتله محو اولمرندن باشقه برشی قازانمش اوله میه جغز . بناء علیه ، چینک منفعتی ، تائزوايله اویوشه رق مصالحه نی تجدید ایتمکده در . . . »

چینلیلر ، شمالی دشمنلرینه قوئه عسکریه ایله غلبه ایتمکدن نومید اولنجه فعالیتلرینی سیاست و انتریقه ساحه سنه حصر ایتمکده تأخر کوسترمه مشلردی . قویونلور ، بارلاق و شانلی تفوقلرینی ملی حیات و ملی وحدت لرینک محافظه سی خصوصنده کی تعصبلرینه مدیون بولینیورلردی .

کندیلیرنی دائمی برتهدید آلتنده بولندیران بوقدرتلی خصمی ده ویرمک ایچون ، بو اییی عمدینی بیقمقدن باشقه چاره یوقدی . قونلرک ملی عادات و عنعنه لری صارصلور ، حیات عسکریلری چینگ دبدبه دار کوره نکلریله بیقیله جق اولورسه ، ده وريله لری قولای اوله جقدی . چینیلیر بو بلانک تطیقنه پک ایرکندن باشلامش ، قویونلورلی ، سفاهته ، نجمله سوقه باشلامشلدی . تانرولرک حرم دائره سنه سوقدقلری پرنسسلر ، بوتعلیماتله کونده ریلبورلردی . چینیلیر ، کوریبورلردی که ، قویونلورک باشلیجه سبب تفوقی ، ملی وحدتلی ، سفاهتدن توقیلری ، حیات و معیشتلرینک ساده لکی ، تشکیلات و دیسپلینلرینک رصاتی ، جوجوقلرینی کوچوک یاشیدن اعتباراً طبیعی ایزجیلکله عسکری حیاته آلدیشدیرملری ، اخلاقلرینک صفونی تساندلرینک قونی کبی خصوصیتلردن ایلری کلیوردی . قویونلورک ، ملی عنعنه لری ، ملی عادتلی ، طرز معیشتلری ضربله نیرسه ، نفوسجه داها جوق اولان چینیلیر خصملرینی پک کوزل ازه بیله جکلردی ...!

چینگ بو سیاستی ، داها (لاعوشانغ) تانزو زماننده تظاهر ایتیکه باشلامشدی . تانزونک ( چونغ - هانغ - یوئه ) اسمنده کی مشاوری تهله کی کورمش ، قویونلورلی ایقاضه چالیشمشدی . فقط ، بو انتباه اوزون مدت دوام ایدمه جکدی . باشده تانرولرک سراینه کیرن چینلی پرنسسلر اولمق اوزره قویونلورل آره سنه سوقولمش اولان بر جوق چینلی سیاسیون بو مقصدی تأمینه چالیشیورلردی .

قویونلور ، جسور فقط سیاسی ائتیره لره بیگانه ایدیلر . دشمنلرینه قارشى دائما آچیق حرکت ایتکی مردلک ایجاباتندن عد ایدیور ، قجه لکه تنزل ایتبورلردی . استپ حیاتی ، اوزارک صفوت اخلاقیه لرینی

محافظه ایتشدی . چینلیلاریسه، بالعکس قوتله غلبه ایدمه مدکاری شماله دولتی صارصمق ایچون آنجق حیلده و خدعه سیاستی تعقیب ایدیورلردی . بوسیاست ، قویونلورک ملی عادات و طرز معیشتلرینی ده کیشدیرمک ، اونلری ذوق و سفااته ، دبدبه و زینته آلیشدیرمق ، نتیجه ده سفیل احتراصلر اوایندیرمق صورتیه آره لرنده تفرقلر چیقارمق ظایه سی هدف اتخاذا ایتشدی . برطرقدن کونا کون ناملرله قویونلواولککسنه صوقولان سیاست و آنزیه دلاللری ، دیگر طرفدن نانرولورک سربلرینه امرانک اوتاغلرینه کونده ریلن چینلی قیزلر ، منحصر آ بو مقصدی تعقیب ایدیورلردی .

بوتون بو مساعینک ثمره سی ، ( هوین تی Hou - yen - ti ) نانرودورندن ( ق . م ۸۵ - ق . م ۶۸ ) اعتباراً کورولمکه باشلادی . بالاآره خاندان پرزسلی آره سنده ظهور ایدن تفرقه ده ، بو انحطاطی تعجیل ایدن اک مؤثرعامل اولدی . معلومدرکه ، ملتلایتغیر سجه لریله تمایز ایتدکاری کبی بقالریخ ده اوسسجه لره مدیوندرلر . برملنک ممتازیتی تعیین ایدن اک مهم سجه یایسه ، صارصیلمز برعزم و اراده یه مالکیقدر . عزمکارواراده سنه صاحب برملت ده حکومتجیلک و حاکمیت سجه سی ده ؛ طبعییه ؛ پک زیاده انکشاف ایتمش بولنوره قویونلورلتنک ادوار اولیه سنده حاکمیت سجه سی بالخاصه - تیلا شکلنده تجلی ایتدیکندن ، بویوک نانرلر ظفر دن ظفره قوشمشلاردی . فقط ، پک طبعی درکه ، خارجی ظفر واستیلا طور دینی ، متین اراده لی و یوکسک دوشونجه لی باشبوغلرک مقامنه اراده سی ضعیف ، دوشونجه سی سفیل ، ملنک روحیه دکل سفاهت و تجبر حرصیه حرکت ایدن نانرولر کچدیکی زمانلرده ؛ غنی سجه داخلی مجادلات شکلنده تجلی ایده جکدی .

تأسیل که ( هوهان سیه ) تانزو زمانده ( ق . م ۵۸ - ق . م ۳۱ ) بو  
 حالی کوریورز . دور استیلاده فوحت آرقه-نده قوشان قویونلور،  
 هوهان سیه تانزو زمانندن اعتباراً ، داخلی مجادلات ایچنده چیرینمغه  
 باشلامشلردی . عزیمکار تانزولرک مقاملرینی متانتسز شخصیتلر اثال  
 ایتمکه باشلايه لیدنبری ، ملک شیرازه وحدتی صارصیلمشدی . چین  
 سیاسیونی ، بونتیجهینی تأمین ایتمکه هدفلرینه طوغری قطعی خطوهینی  
 آتمش اولورلردی . قطعی ومهملک نتیجه ایسه ، خاندان سلطنته منسوب  
 پرنس لرک قفالرینه استرقاب میقرو بلری صوققله تأمین ایدیله بیله جکدی .  
 شممدی ده وار قوتلریله بوکا چالیش-بورلردی . اولکی فعالیتلر بو  
 خصوصده کی مساعی ایچون مساعد بر زمین حاضرلامشدی . چوق  
 کچمه دن بو مساعینک ثمره لری کورولمکه باشلادی . میلاد عیسی دن  
 قرق سکنز سنه صوکره ( بو - نو Pou - Nau ) تانزو زماننده ، عائله  
 خاقانی دن چینلیرک ( به ) دیدکاری بر ( بك ) سکنز اولوسی قاندره رق  
 تانزویه اعلان عصیان ایتدی . متحده دن بو صورته آیریلان سکنز  
 اولوس ( به ) یی ( هوهان سیه ) عنوانیله تانزو اعلان ایلدیلر .

چین سیاسیونلری مقصدلرینه آرتق واصل اولمشلردی . معظم  
 قویونلو دولتی بارچالامش ، ملی وحدت بوزولمش ، قویونلور  
 بری شمالی و دیگرری جنوبی اولق اوزره بربرلرینه دشمن ایکی  
 حکومت آیریشلردی . صوکه خطوهینی آتمش اولق ایچون بو ایکی  
 حکومتی داها آجیقه جیسی عینی برملنک بواکی شعبینی بربرلرینه  
 خیردیرمق ، اذیرمک صره سی کلشدی . بو خصوصده ده موفق  
 اولدیلر . مختلف تأثیراته بوزولان ، کندیلرینی ملنک فوقده کورمه  
 یاشلایان ، سفیل احتراصلرینی ملنک حیاته ترجیح ایدن پرنس لر

کنیدیلرینه يك اُنی آلت اولیورلردی . اغفالات سیاسیهلرینه فریفته اولغه داها مساعدا کوردکلری ، جنوب قویونلورینک پرنسلیرینی شمالده کی حکومت اوزرینه والدیردیلر . کنیدیلرینه قارشو صوك درجه دوستانه بر وضعیت آلان جینایلرک مقاصد خفیهلری اوله بیله جکئی دوشونمه یه جک قدر صاف اولان جنوبی قویونلور متمادی مهاجرلرله نهایت شمال حکومتی میلادک ( ۹۳ ) تاریخسنه طوغری بقیمنه موفق اولدیلر ! . . .

چین؛ اوتدن بری تعقیب ایتدیکی سیاستده - که اولا پارچالا صوکرده برر برر از ! دستوریه افاده اولونه بیلیر - پارلاق برظفر قازانمشدی . شمال دواتی اورتدن قالدقدن صوکره بو دفعه اوزمانه قدر دوست کوروندیکی جنوب دولتی ده ویرمک، یارچالامق تشبیلری بویوک بر کرمی آلدی . عینی سیاستله بو دولت دهده تفرقه لر، تفاقر چیقاریلدی . پرنسیر، اغفال ایدبلرک داعیه استقلاله سوق ایدیلدی . خارجدن دساس جینایلرک، داخلدن آرتق ده زنده اولمش خاندان پرنسیرینک اهاتلریله بربرلرینه ازدیریلن ، قیردیریلن قویونلور خارچی بر هجومه مقاومت ایدمه جک قدر ضعیف ویتاب دوشدکن صوکره میلادک ( ۲۱۶ ) تاریخده بر صدمه ایله جنوب دواتی ده بقیلیدی ! . . .

چین سیاسیونی ولو اجنبی حایه سی آلتنده اولسون اوج کونلک تسلطیلرینی، نفوذ و موقعلرینی محافظه ایتمکی ملنک حیات واستقلانه ترجیح ایدن سفیل و خائن نازولاری سایه سنده ظاهراً موفق اولمشلردی . فقط اصل ملنک روحی و سجه سنی اونونقله حقیقت حالده ، کندی موجودیتلرینی تحت نهاکه به صوقشلردی .

چونکه ، چين يوبونديريني آلتنه صوقولمق ايسته نيلن توركلر بمكن دكل اجنبي اسارتنه تحمل ايده مزلردى . بوملت موجود اولدقجه آنچاق مستقل ياشايه بيليردى . قابليت حياتيه سى ، ملي روحى بونى اقتضا ايدييوردي ناصيل كه بويله اولدى . باشلرنده كي تانزولرك ، صميميتلريني احتراصلرينه كور برآلت ايتدكلريني كورن فقط مدهش نتيجه قارشوسنده عميق بر حوصله اويانان قويونولور يكي براسقلال مجاهده سنه آتيلديلر . شمالده كي قوقويونولور حكومتى داهالطوغريمى ( هوهان سيه ) خاندانى منقرض اولدقدن صوكره اجنبي تحكمنه تحمل ايده ميه ين قويونولور اورته آسياده تكرر اسقلال و حاكيتلريني استرداد ايده ميه چكلريني كورونجه ، غربه طوغرى چكلمش چين مورخلرينك ( قانغ - كيو ) ديدكلرى ( قانقلى ) اولمك سنده و ( سيچون ) له شمالده بر حكومت قورمشلر ايدى . بو يكي حكومت ( كاشغر ) دن ( وولغا ) ماوراسنه قدر امتداد و ( قىچاق ) ، ( باشقرد ) حواليسنى احتوا ايدييوردي .

( توبا ) تانارلرينك ( سيه نى ) لر اوزرينه اجرا ايتديكي تضيق ، صوكنجبلرى يكي ايمبراطورلنى صيقشديرمنه مجبور ايدنجه ، قويونولور داهالزاده غربه چكلمكه مجبور اولمش ، بوشاده ايكيه آيريلشلردى . آوروپاي روسيه بكن قسم ، ( بالامير Balamir ) لك رياستى آلتنده برچوق قوملرى ده اوكلرينه قاترق ، آوروپاي استيلايه نامزد بولينيورلردى . برچوق اقوام ايله قاريلان و نهايت مجارستانده يرلشمش بو قسم ؛ داهالورال بويلرنده ايكن ؛ هويت اصليله لريني غائب ايتمشلردى . فقط ، استقلال و حاكيتلريني ، ينه محافظه ايدييورلردى . جنوب غربيه طوغرى اينن قسم ايسه ، بحر حزرلك شرق

جهنده ( جیحون ) نهری بویارنده یرلشمش-لردی . بونلر ، یکی بوردلرنده هویت ملیه لرینی محافظه ایتش ، مستقل بردوات قورمشلردی . ایران واسلام تاریخلرنده ( هیاطله ) ، بیزانس تاریخلرنده ( افتالیت ) لر ، ( آق هون ) لر نامیله یاد اولسان بو حکومته او زمانلرده چینلیلر ( په - تا ) و هندلیلر ایسه ( هوآن ) نامنی ویرمشلردی .

افتالیتلر میلادک ( ۴۲۵ ) تاریخنه طوغری ایرانله چارپشمغه باشلامشلردی . ملیتچی ( فردوسی ) نک ( بهرام ) ، تخصیص ایندیکی مبالغه ایله مالامال سستونلر ، ایشته بو مجادلاته عاڈدر . هیاطله حکمدارلرندن ( خوشنواز ) ک اسمی ، ( هورموز ) له ( فیروز ) آرمسندکی مجادلاته قاریشمنق صورتیله ، ایران تاریخنده کچمشدر . مستقل افتالیت حکومتی آلتنجی عصر هجری ده اورته آسیاده ملی نامله بر خانلق قوران ( بومین ) خانک برادری غرب یابغوسی ( ایستهمی ) نک غیرتیله ، بوبوک خاقانلغه التحاق اینشدر .

قویونلوردن غربه کیدنلر بوضورتله موجودیت و استقلاللریتی محافظه ایتش اولدقلری کبی ، اسکی یوردلرنده قلهرق بر طرفدن چینک ، دیکر طرفدن ( غوثی ) ، ( نوبا ) ، ( سیه ن پی ) و ( جوجن ) لر کبی ضرب تانارلرینک تحت تحکملرینه دوشن قویونلورده ، استقلاللرینک استردادینه حاضر لانیورلردی . آرقه لرنده بر سلسله ظفر و استقلال کورن قویونلور ، داها دون شانلی آقینلری اوکنده تترمین قوملره ، اسیر اولقی ذلته تحمل ایده میورلردی . آنجق ( ۶۰ ) سنه قدر سورن دوره محکومیت اولرنده بوتون ملی سجه لری انکشاف ایتدیرمشدی . استقلال ملی به متحصر اولان قویونلورلی قورتارمنق ایچون ملی روحی تمثیل ایده جنک بر قهرمان ، بر ایکنچی ( اوغوز ) بکله نیورلدی . شرق



اولوسلری رئیس (پاعو pao) نك اوغلی ، انتظار ایدیلن بوايكنجی (اوغوز) اولدی .

چین وقایعنامه لرنده (لیه ئو - یوئن - های Lieou - yuen - Hai) نامی ویریلن بو خلاصکار قهرمان ده چینك شانسی ایالتنده کی (سیه ئو - یونخ Sieou - yong) شهرنده طوغمشدی . والده سی ده قویونلور آره سندە پك اصیل صاییلان (هو - یه - شی) عائله سنه منسوبدی . اوغوز خان کبی (لیه ئو - یوئن) ك ولادتنده خارقه لر اسناد ایدیلیور . کویا ، (پاعو) بر کون معبدە کیده رك تاگریدن کنديسنه بر اولاد احسان ایدلمسی نیاز ایتمش . بو ائاده کوزینه تیه سنده ایکی بویوزی حامل عظیم بر بالق کورینمش . بو عجیب مخلوق ، قربان نذر ایدیلن یره یاقلاشهرق اوراده بر مدت توقدن صوکره غائب اولمش . (پاغو) وقعه یی آرباغجیلره نقل ایتمش . اولرده بونی پك اوغورلی بر اوغلی اوله جغه معنوی بر اشارت دیه تأویل ایتشلره . فقط ، وقعه بوقدرله قاللیور . ایرتسی کیجده (پاعو) نك زرجه سی بو عجیب مخلوق رؤیا سنده بر آدم شکلنده کورییور . بو آدم ، قادینه ألدنه بولنان وفوق العاده بر نور نشر ایدن برشی ویریور و بر اوغلی اوله جغنی تبشیر ایدیور . تبشیر ایدیلن بو چوجوق ، دیکرانسانلردن فرقلی اوله رق اون اوج آیده طوغیور . طوغدینی زمان صول النده (یوئن - های) یازیلی اولدینی کوریلیور . کنديسنه بو اسم ویریلیور . ولادتنه بو صورتله خارقه لر اسناد ایدیلن (یوئن - های) ك حقیقی حیاتی چین مورخلری تماميله قید ایتشلردر : (تسین - شو Tein - chou) یه کوره : (یوئن - های) هنوز یدی یاشنده ایکن پك چوق سودیکی والده سندن اوکسوز قالمش ، آغلا یوب صیزلاماسی ،

ابوبنه حرمت و محبتی الك یوكسك فضیلت بیلن چینلیلر نظرندمه كندیسنه بر موقع مخصوص قازانديرمشدی. چین ده کی قویونلوا کابرینك جوجوقلری کبی (یون - های) ده اساسلی بر تربیه ، ائی بر تحصیل کوره رك یتیشممشدی . کینجلیکنی ، چینلیلرجه امهاتدن صاییلان ( کینغ ) لرك تبغه حصر ایتمشدی . ائی بر حکومت تأسیس ایچون لازم اولان اساسلری محتوی مؤلفات مقدسه دن ( پی - کینغ Y - king ) ، ( شو - کینغ Chou - King ) و ( چون - تسیه نو Tehun - teieou ) کبی کتابلری تامایله از برله مشدی .

استقبالده بویوک روللر اجراسنه نامزد اولان کینج ( یون - های ) ، تحصیلی آز اولانلرله کوریشمکدن خوشلانیور ، عالمرله دوشوب قالدیوردی . بوش وقتلریخه ده اوق آتمق ، عسکری تعلیملر یایمق کبی ممارسلرله کچیریوردی . فضیلت اخلاقی ، نجات اطواری ایله هر کسك حسن توجهنی قازانمش ، چین اکابرندن برچوقلریله دوست اولمشدی . صیت فضیلتی سرایه قدر کینمش ، ایمراطور ( وو - تی wou - Ti ) ، کندیسیله کوروشمك آرزوسنی اظهار ایتمشدی .

ارکان حکومتدن برچوغی ( یون - های ) ك عرفانندن ، معارف عسکریه ده کی معلوماتندن استفاده ایدیله سنی ایمراطوره توصیه ایتدکاری حالد ، برطاقلری ده بالعکس ، قویونلو دولتی تکرار احیا ایده بیله جك اوصاف و مزایای حائز اولدیغنی ایلری سورمه رك ، کندیسنه بر موقع ویریله مسی فکرندمه بولنمشلردی .

قویونلولر ، بوتون امیدلری ، چینلیلر نظرندمه بیله بوقدر بویوک بر موقع احراز ایدن ( یون - های ) . ربط ایتمشلردی . میلادك ( ۲۷۹ ) تاریخنده ( پاعو ) وفات ایده رك ، رتبه و موقعی ، وقوعبولان

تلقینساته رخمآ ایمپراطور طرفندن اوغلی (یوئن - های) . توجیه ایدیلدیکی زمان ، قویونلور استقلال کوسنک خوش صداسنی طویش کبی اولمشلردی .

یوئن - های معینتمده کی اولوسلرک حیات ومعیشتلرینی تنظیم ایدهرک بوتون فناقلرک اوکی آلدی . خلقه ، مسعود برحیات رفاه تأمین ایتدی . کندیسى ، بک ساده برحیات ومعیشته قاتلانهرق بوتون وارداتی تبعهسنک رفاهنه صرف ایتمکه باشلادی . آرز زمان ظرفده ، جنایتک ، فناغک آدی ایشیدیلز اولدی . شهرتی قویونلور آرهسنده انتشار ایتدجکه ایتدی . بر جوق اولوسلر ، تابعیتنه جان آتدیلر .

(یوئن - های) ، قویونلوری عدل وشفقتله اطرافنه طوبلارکن ، چین ایمپراطورلانی ده یکی ایمپراطور (هوئی - تی Hwei - ti) نکه سفاهتی ، سوءاداره سی یوزندن طاغیلیمه یوزطوتمشدی . هر طرفده باش کوسترن شقاوت ، چین قطعه سی هرج و مرج ایچنده براقش ، بر جوق والیلر ، داعیه استقلاله قالمشلردی . قویونلور ایچون استخلاص ساعتلری کلمشدی . (یوئن - های) ک اقباسندن (ایه ئو - سیوئن Lieou - siuen) قویونلو رؤسائی دعوت ایتدی . خفیا انعقاد ایدن (قورولتای) ده ، چین ایمپراطورلغنک وضعیتی ، استخلاص کونلرینک کلدیکنی تشریح ایدهرک شو نطقی ایراد ایلدی : « معظم اجدادمن ، هان سلاله سی ایمپراطورلریله معاهده لر عقد ایتمشلردی . بو معاهده لرده قویونلورله چینلیر ، بربرلریله مساوی طوتیلمش اولدقلرندن یکدیگرلرینه قارداش نظریله باقبورلردی . بوکون ، اتالریزک اسکی متفقلری اولان هانلر منقرض اولمش ، لرلرینه اول (غوئی)

(Goei) لر، سوکره (تسین Tein) لر کچمشدر. تانژولرمزك يالکز خاطرهلری یاشیور. واسع اولسکلریمز، یادآیاقلر آلئنده چیکنه نیور. کندیمزك دیه بیله جکمز برقاریش یریمزیوق! رئیسلریمز، یوردلریمزده سلطنت قوران بابانجی خاندانلرک، قولى، کوله سى اولمش. معروض قالدیغمز آجی فلاکتلره، دوچار اولدیغمز، مدهش ضیاعلره رغماً، بوکون یکر می بیک سواری چیقاره بیلیورز. سلسله اعصار ایچنده دائماً حاکم ومستقل یاشامش بر ملتله منسوب اولدیغمز حالده، نهدن بویله ذات اسارت آلئنده یاشامغه تحمل ایدیورز؟ وضعیت سیاسیه، استخلاصمزه بک مساعددر. (تسین) لر، اختلالر، قارغشه لقلرله یریشان بر حالده بولینیور. نیچون بوهرج و مرجی دن استفاده ایتمیورز. بو کونکی وضعیت، وقتيله تانژولرمزدن (هواناسیه) نلک آلنه کچمش اولان فرصته بکزییور. بزده بوفرصتی قاجیر ماملی یز! .... (یوئن - های)، بویوک بر حکمدار اوله بیلمک ایجاب ایدن جسارت وفضائی حائزدر. تاگری، قویونلودولنک احیاسنی تقدیر بویورمه مش اولسیدی، بو زمانده بویله بر آدم یاراتیری ایدی ؟ ! .... »

عشق استقلال ایله مشبوع اولان قورولتای ده، بونطق مطلوب تاثیرى حاصل ایتمشدی. هر کس استخلاص ساعتک طنین انداز اولدیغنی طویور، استقلاله قاووشيله جغه صارصیلمز بر ایمان بسلیوردی. درحال، (یوئن - های) ک استخلاص باشونغی اعلان ایدیله سنه قرار ویریلدی. استخلاص ایچون هر فداکارلغه تحمل ایدیله جکنه آندلر ایچیلدی.

رؤسای ملت، بو قراری ویریرکن (یوئن - های)، (هوانان Honan) ایالنک مرکزى اولان (بو - هیه Po - Hien) شهرنده

بولينيوردی. قورولتايك قراريني كنديسنه عرض ايدەرك ملتك باشنه كچمكه دعوت ايتك اوزره رؤسادن ( يەئو Yéou ) ، ( بو ) شهرينه كونده ريلدی ( يوئن - های ) كلنجە به قدر ، متشتت قويونلور طوبلانمش ، بويوك برقوت تشكيل ايتشلردی. يوئن - های ، چينك ( تسو - قوئە - چينغ Tso - Koué - thing ) شهرنده اللى بيك سوارينك پارلاق مزراقلى آره سنده ( اولوباشبوغ ) اعلان ايديلديكى زمان الكفلاكتلى هنكامه لردە بيله بومسعود كونك خاطره - بيله ياشايان اختيارلر ، قادينلر ، بربرلينه صاريليور ، مسرت ياشلرى دوكيور ، كنجلر كچيلان آتلىرىنى قوشديرييور ، توزلر آره سنده پاريلدايان سلاخلرىنى شاقيرداتيورلردی !!

اولوباشبوغ ، ( تسو - قوئە - چينغ ) ی ، شمالی چينك او وقت الك مشهور بلادندن اولان بومهم شهرى ، پايتخت اتخاذايتدی ( م ۳۰۴ ). تانزولمك سقوطنندن صوكره اورته آسيابه طاغيلمش اولان قويونلورلى ، مى بايراق آلتنده طوبلامق ، ارض موعود طانيدقلى چيني استيلا ايتك ايچون ، هر ايكي طرفه حاكم اولان بو شهرك پايتخت اتخاذاي ، ( يوئن - های ) ك دهای ادارى وعسكرينى كوس - ترييوردي . چينليلر ، خريطه عالمندن قالدیرمق ايچون اوقدر جاليدشقلرى قويونلورلك بوكون واسع اولمكلرينك مقدراتنه حاكم اولدقلىنى كورييورلردی . ( يوئن - های ) بالكز اسكى تانزولنى احبا ايتك فايه سنى كودميور ، بوتون چيني ده تحت حاكيتنه آماق كچي واسع بر مفكوره بسليوردي . ( شانغى ) آيالتنده اليوم ( شه - چهئو ) ديزيلن شهرده ، اورته آسيادن آقوب كلن بيكلرجه استقلال متجسرلرينك آلقيشلرى آره سنده ايرادايديكى برنطق ده بوتون بو واسع فايه لىنى سويله مشدى :

« بکا، مشکلاته مالامال بر تشبث تکلیفنده بولینورسکنز !.. فقط بو عظیم مشکلاته رغماً، موفقیتدن امیدمزی کسمیهلم. ال برلکیله مقدس مقصدمزك استحصانه جالیشهلم. چينك اك بويوك ايمپراطورلرندن اولان بويوك ( يو Yu )، غربدن چينه کلمش بریابانجی دگلی ایدی؟ ( وو - وانغ ) کده شرقدن کلهرك چینی استیلا ایتیش بر حکمدار اولدیغی خاطر لایهلم. بونلرك هر ایکسی ده او پارلاق موفقیتلرینی یالکیز فضیلتلری سایه سنده قازانمشلردی. اولره، چین تحتیه یول آجان آنجیق فضیلتلری ایدی. بنده فضیلتکار اولمغه جالیشیورم. چین ايمپراطورلغی مرج و مرج ایدن قارغشهلغی باصديره جق قدرده عسکرم وار! ( تسین ) لرده غصب وسوء استعمال ایتدکلری نختی محافظه ایده جك قدر قدرت کوره میورم. خلق، کندیلرندن نفرت ایدیور. کووه نه جك بر شیلری یوقدر. بونلری چین تحنندن طرد ایتك بك قولای اوله جقدر. حالبوکه (هان) لر، بالعکس اوزون زمانلر چین ده حکمران اولمشلردی. اونلرك فضیلت وحسن حرکتلری حالا هر چینلینك خاطره احترامنده یاشیور. اجداد عظام اولان بويوك تانزولر بومشهور خاندانله اتفاق ایتمشلردی. تانزولر، هان پرنسسلریله ازدواج ایدیور، ایکی ملت پرنسلری بربرلرینه قارداش نظریله باقیورلردی. شو حالده کندیمی نیچون بو خانداندن واونلرك وارثی عد ایتمیهیم، بوکون هانلر منقرض اولمشلردر. لرلرینه قارداشلری اولان قوبونلور، نیچون قائم اولسون؟... »

( یوئن - های )، فضیلت اخلاقیه سی، حسن اداره سی، حیرت بخش جسارتی سایه سنده بومفکوره سنه واصل اولدی. چین ده بر ايمپراطورلق قوره رق کندیمی ده فغفورلر کبی (هوانغ - تی)

عنوائتی آلدی . چین ده تشکل ایدن بو ( قویونلو ) دولته چینلیلر  
ایکینجی (هان) ویا برنجی ( چاؤو Tchao ) نامی ویرمشلردر .

( یون - های ) سایه سنده استقلال وحا کیتلرینی استرداد ایدن  
قویونلولر ، بوخاندانک انقراضی متعاقب ینه استقلاللارینی غائب ایتمک  
تهلیکهمه قارشوسنده قالمشلردی . فقط بو دفعه ده دیگر بر قهرمان  
طاغیلیمه یوز طوتان ملتی شانلی بایراغی آلتنده طویلاش ، منقرض  
خاندان اولمک سنده چینلیلرک ایکینجی ( چاؤو ) دیدکری یکی بر  
حکومت قورمشدر .

چینلیلرک ( شهله Che - le ) نامی ویردکری بو قهرمان ،  
قویونلودن بر بوی بکنک اوغلی ایدی . دها چوجوق ایکن کوستردیکی  
خارق العاده جسارته قویونلولر آره سنده بویوک بر شهرت قازانمش ،  
انقلابات عظیمه قهرمانلردن اوله جغنی کوسترمشدی . قویونلولر ملنک  
دیگر خلاصکار قهرمانلری کبی ( شهله ) نک ولادته ده خارقه لراسناد  
ایدیورلر . کویا ( شهله ) طوغدینی زمان آناسنک بولندینی دائرة  
نورله طولمش ، بو حال نوزادک خارق العاده بر شخصیت اوله جغه  
نشانه عد اولنمشدی .

شهله ، سنی براز ایلرله دکن صوکره ، قوتی ، جسارتی ، سلاح  
استعمالنده کی مهارتی ایله تمایز ایتمشدی . بوتون ملنک توجهنی  
قازانمشدی . قویونلولر ، کنج قهرماندن بویوک امیدلر بکلپور ، کندیسنه  
تاگری طرفدن استخلاصلرینه مأمور بر قهرمان نظریله باقیورلردی .  
( شهله ) ، پارلاق موفقیتلریله بوتون ملنک یکانه امیدی اولمشدی .  
علی العاده حرکاتنده بیله خارق العاده لک کوریورلردی . اقامتگاهنک  
اوکنده بولنان بر آغاجک یاقارلرینی حائل کبی طاشیورلردی .

ملنك بوعومى توجهی (شهله) نك و فقیقی تأمین ایندی .  
برنجی (چاغو) خاندانك انقراضی اوزرینه بوتون ملت اطرافه  
طوبلاندی . قویونلو سلطنت واستقلال بالکیز خاندان تبدل ایتک  
اوزره بو صورتله تمادی ایدیوردی .

ایکنجی (چاغو) خاندانك انقراضندن (م ۳۵۲) صوکره ،  
قویونلولر اجنبی حاکمیتی آلتنه دوشمه مک ایچون بودفعده (پوپو)  
نامنده برباشبوغك اطرافده طوبلانمشلردر . بوباشبوغ جنوبی قویونلو  
تانزولرینك احفادندندی . جنوب تانزولنك انقراضندن صوکره ،  
اجدادی بعضی اولوسلرک ریاستنده بولنش و (یوشن - های) ک  
تشکیل ایتدیکی متحدهیه التحاق ایتشلردی . (هان) لرك سقوتندن  
صوکره بر چوق سرگذشت کچیرن بو برنسلردن (غوئی - شین) ک  
اوغلی (پوپو) ، (تسین) لرك خدمته کیرمش جسانی ، مهارت  
عسکریه سی ایله بویوک بر موقع قازانمشدی .

(پوپو) ، تسین و سیهن بی لرك ضررینه بر قون ایمپراطورانی  
تأسیس ایتدکن صوکره کنیدی «بویوک هیانك سماوی حکمداری»  
عنوانی آلمشدی . پوپونك تأسیس ایتدیکی قویونلو ایمپراطورانی آنجق  
یکرمی آتی سنه پایدار اولمش و بو خاندانن اوج حکمدار کلمشدی .  
هبالرک زوالی اوزرینه چین قاطعه سی (سونغ) ، (توبا) ، (تسین) ،  
(ین) ، (له آنغ) ناملریله بش ایمپراطورانه بولوندی . بونلردن  
(سونغ) لر ، (هوانغ - هو) نهرینك جنوبنده ، (توبا) لر  
شمالنده حکمران اولیور . (تسین) لر چینک غرب طرفلرینه ،  
(ین) و (له آنغ) لر ایسه ، حوالی شمالیه سنه حاکم بولینوردی .  
صوک دورت ایمپراطورلق داخلنده طاغیلمش اولان قونلر بالضروره



محکوم وضعیتند قالمشلردی. استقلالسز یا شامالری امکانی اولمیان قویونلور طبیعی محکومیت به تحمل ایده میه چک کردی. ایلک دفعه (له آنغ) قرالیتی داخلنده کی قویونلور حرکت کلدیلر. چین مورخلرینک (لو) - کیه نو (Lo - kieou) و (کیو - چو) ناملریله یاد ایتدکاری رئیس لرینک قیادتنده بر اختلال چیقارمق ایستدیلر. فقط بو تشبث موفقیتله نتیجه لئندی. چینلیر هر ایکی رئیس ده قتل ایتدیلر. رؤسانک قتل، قویونلور آرد سنده درین بر انفعال، مدھش بر غلیان او یاندیردی. جنازه مراسمی بهانه سیله طویلانان قویونلور رؤسادن (مونغ - سون Muug - sun)، آتشین بر نطق ایراد ایده رک هم مقتوللرک انتقامی، هم ده ملتک استقلالنی آله جغنی سویلدی. آلقیشلر آرد سنده کزیده افراددن منتظم بر کوکلی اوردوسی تشکیل ایتدی [م ۳۹۷]. بر چوق سرگذشتلردن سوکره نهایت مقصدینه موفق اولان (مونغ سون)، له آنغ حکمداری اعلان اولندی.

(مونغ سون) خاندانی، (توبا) تاتارلرینک هجومه قدر شالی چین ده قالمش، (له آنغ) حکمداری عنوانی طاشیمشلردی. توبالر، بو خاندانی مغلوب و اولکهلرینی استیلا ایتدکن سوکره، برنسلردن (ووغوئی Vou-goei) اوینور ایلنه کچمکه مجبور اولمشدی. اون اوینور و طوقوز اوینور ناملریله ایکی قسمدن مرکب اولان اوینورلر، بوبوک قویونلور و لئتنک انقراضندن سوکره استقلاللرینی محافظه ایتیش، اوزمانه قدر (ایدی قوت) نامنده بر باشبوغ اداره سنده یاشامشلردی. (ووغوئی) ک ورودیلر اوینورلرله قویونلور تکرار برلشمش اولورلردی. فقط، بواننده اورته آسیاده، شرق تاتارلرینک نجم اقبالی پاریلدا نه باشلامشدی. چین ده کی مختلف حکومتلر اورلرده کی قویونلوری

حا کیتلری آلتنه صوقش اولدقلری کبی، شرقدن ظهورایدن (جوجن) لرده اورتہ آسیا حا کیتنی قازانمغه چالیشیورلردی. جوجن حکمداری (چولو خان)، (ووغوئی) ک قارداشی و خان (غان چه نو) یه قطعی ضربہ یی ایندیردیکی زمان اورتہ آسیاده کی قویونلورک ھپسی، جوجنلرک تحت حا کیتلرینه کیرمش اولیورلردی (م ۴۶۰).

اولجه غربہ طوغری چکیلرک یکی سرگذشتلرہ آتیلمش اولان قویونلور مستقنا اولق اوزرہ اورتہ آسیایله شرق حوالیسندہ وچینک اقسام شالیہ سندہ سا کن اولان قویونلورک کافہ سی استقلاللرینی غائب ایتمش، اجنیلرک حا کیتلری آلتنه کیرمشلردی. (توبا) لر، (غوئی) لر و (جوجن) لر کرچه قویونلورہ اوقدر یابانجی دکلریدی. آرہ لرندہ، (شان یونغ) لر دورندن قالہ، اعماق اعصارہ کومولمش بر قرابت واردی. فقط، بو قرابت آرتق قوتی غائب ایتمشدی. ملیتلرینی ادراک ایدن قویونلورہ (مہتہ) نازو دورندنبری کندیلرینی آیری بر ملت صایبورلردی. شرق تاتارلریلہ وقوعبولان دائمی محاربلر، بو اسکی قرابت یرینہ، درین برکین و نفرت اقامہ ایتمشدی. (غوئی) لرک، (جوجن) لرک تحت حا کیتلرینه دوشن قویونلورلرہ، چینیلرک اسارتلری آلتندہ ایکلہ یین قویونلور قدر اضطراب طویورلردی.

آرقہ لرندہ شانلی بر ماضینک ادوار شہامتی کورن و بونی ھبیچ بر زمان اونوتہ میان ملتلر ایچون عمومی فلا کتلا اکثریا بر مبدأ سعادت واستیخلاص اولدینی کبی بو وضعیتہ، قویونلورہ پارلاق بر استقبال حاضرلامش اولدی. استقلاللرینی غائب ایدن، اجنبی بویوندیریغنک آجیلرینی ملوبان قویونلورلرہ ھر کون داهازیادہ درینلہشن، کوک سالان برانتباہ حاصل اولمغه باشلادی. (۸۵) سنہ قدر امتداد ایدن بودورہ اسارت

واقباء، اونلرده شعور، ملی نك لایقیله انكشافی تأمین ایتشدی. قویونلور  
 [بودغه، عمومی ناملریله، یعنی تورك اسمیله صحنه یه آتیله جقلردی.

آلتیجی عصر میلادی اواسطنده بوانقلاب عظیم ظهور ایتدی.  
 هسی قویونلوردن، دور نكبتده (کین شان) طاعی ملحقاتندن  
 چینلیرك (قاعو - چانغ Kao-tehang) دیدکری (ارکنه قون) .  
 التجاجاتمش اولان بر اولوس ابلک دفعه استخلاص بایراغی آچدینی  
 زمان، محیطی بك مساعد بولدی. آز زمان طرفنده بوتون تورك،  
 مقدس سنجاق آلتنه طوبالانمشلردی. عینی عصرک نصف اخیرنده  
 ایران حدودلارندن قوره خطه-سنه قدر بوتون اورته آسیا، تورك  
 بایراغنك دائره حاکمیتته کیرمش بولینیوردی. (کین شان) طاغنك  
 پاناسز افقلره حاکم بر نقطه-سنه قورولان دیرکری آنتون طلالی  
 یویوک و مزین اوتاغک شرقه ناظر قپوسی اوکنه رکز ایدیلن  
 قورت باشلی سنجاق، اک مدهش فلاکتله، اک مهلك سسقوطله  
 درغماً لایقی قدرت حیاتیه سیله ینه استقلال و سلطنتی استراد ایدن  
 توركلك ملی وحدتی تمیل ایدیوردی.

تورك استقلال و حاکمیتی احیا ایدن باشوغک، افسانوی  
 سرگذشتی، شرقده (ارکنه قون) منقبه سیله تأیید ایدیلشدر. چین  
 تاریخلرنده بوکامشابه اوچ منقبه کوریلور. حقیقت تاریخیه ایسه شویله دره:  
 قویونلوردن چینلیرك (تسیه-کیو-شی Teie-kiu-chi) نامی ویردکری  
 یویوک اولوسک تشکیل اتمش اولدینی (شمالی له آغ) (حکومتی) (توبا)  
 ایمپراطوری (تای - وو - تی Tai - Vou - ti) طرفندن محوایدیلدیکی  
 زمان، قویونلور اک فلاکتلی کونلرخی یاشامشلردی. مهاجرله، غافل

آولادقلری قویونلوردن قادین، ارکک، چوجوق هر کسی قیلیجیدن کچیرمش، بخیاریوردلری تارومار، قیمتلی سوریلری تالان ایتشلردی. بروقتلر، کوربوز چوجوقلرک، مغرور کینجیلرک، دلبرقیزلرک کوله اکلنه طولاشدقلری ساحلر، قانی نعلشلرله طولمش، هرشی یاقیلمش ییقلمشدی. بو خونین ملحه مدن یالکیز بش یوز قدر عائله قاجوب قورتیله بیللمشدی. نرینه کیده جکلرینی بیله مین و دشمن طرفندن تعقیب ایدیلن فراریلر، تصادفاً اوکلرینه جیقان بر قورتلکه آرقه سنه دوشه رک، (قاعو - چانغ Kao - Tehang) ک یعنی (اویغور) لر اولکک سنک شمال غریب سنه تصادفاً ایدن طاغلق حوالی یه قدر قاجنش، طاغلر آرمه سندمه هر طرفی یالچین قبالرله قاپالی منبت بروادی یه دوشه رک قورتولملشاردی.

قورتک رهبرلکی ایله اومدهش فلا کتدن قورتیلدقلری ایچون، قورت باشی سنجاقلرینه طراز اتخاذا ایتمش، کندیلری ده (قورت) معناسنه کلن (آسه نا A - se - na) ویا (جنه Zena) نامی آملشارلردی. جوجنلر بوتون اورتیه آسیایی استیلا ایتدکلری زمان، آسه نالرده، رئیسلری اولان (آ - هیئ - شه A - Hien - she) ایله برابر بونلرک قابیتلرینه کیرمشلردی. جوجن حکمداری ده بونلری کین شان طاغنده ده میر ایشلمکله مأمور ایتلمشدی.

آلتنجی عصر میلادی اوائلنه طوغری، خبلی تکثر ایتمش اولان آسه نالرک ریاستنده بولان (تو - او Tou - ou)، جوجن ایمپراطورندن (بویوک یابغو) عنوانه نائل اولمشدی. فقط، خبلی قوت قازانمش اولان آسه نالره، اجدادلرینک تحت حاکمیتنده یاشامش بر قومک ایری اولق آرتق کران کدکه باشلامشدی. (تو - او) نک اوغلی

( بومین ) - که چینلیار ( تومن ) دیرلر - بدیرینه خنڧ اولدینی زمان ،  
یوتون قویونلوار بو حساباله مشبوع بولینورلردی .

عینی حساباتک شعورلی تجلیسنه مظهر ، جسور و عزیمکار بر  
باشبوع اولان ( بومین ) ، آرزومان ظرفنده متشتت اویماقلاردن بر  
جوغنی باشنه طویلالمش ، خیلی قوت قازانمشدی . چین ده کی ( غوئی )  
ایمپراطورینک ، جوجنلره قارشى ایجابنده استفاده ایتک فکریله  
( بومین ) له تأسیس مناسبات ایتدی ، حتی کندیسنه بر ایلاچی  
کوندرمى ، کنج باشبوعک نفوذینی برقات داها آتیرمشدی . بو  
آرالق کندیسینی آرتق مستقل بر پرنس کورن ( بومین ) ، جوجن  
ایمپراطوری ( آناقوئی ) ک کریمه سینه طالب اولمش ، فقط ؛ « ده میر  
اوجاقلرنده چالیشان بوکولم ، نه جرئتله قیزی ایستیور ! » یولنده  
بر تحقیر اوغرامشدی . بو معامله تحقیریه بومینک استقلال بایراغی  
آچمه سینه سبب اولدی . کنج پرنس ( هوای هواغ Hoai - Hoang )  
تهری کنسارنده متبوعی فاحش بر هزیمته اوغراتدی ( م ۵۵۲ ) .  
جوجنلرک معزور و جسور ایمپراطوری ( آناقوئی ) ، بو فجع  
انهزامک ذلته تحمل ایده میهرک انتخار ایتدی . اوغلی و خانلی ( آن  
لو شین An - lo - chin ) ده اولککسینی بومینه براقه رق چینه فرار  
ایلدی .

بو بارلاق ظفری تجیل ایچون ( ایرتیش ) بویلرنده ( توکین )  
طاعنده اجتماع ایدن تورکلر ، بویوک ( کنکاش ) ده ( بومین ) ک  
اداره سی آلتنده تورک اتحاد واستقلالانی اعلان ایلدیار . بومینه ده  
( ایل خان ) عنوانی ویردیلر . کنکاش ده ویریلن قراره کوره  
( بومین ) ک کوچوک برادری ( ایستی ) ده غریبه کی ( اون بوی )

تورکری اوزرینه (یاغو) اولمشدی. استقلالارینی قازانان قویونلولره،  
بوتاریخندن اعتباراً، تورک نامنی طاشیمغه باشلامشلردی.

اورخون نهری بویلرنده (قوشوچایدام) موقعنده کشف ایدیلان  
(بیلکه خان) کتابه سنده بوتورک خاقانلغنیك مؤسسیرله ظفرلری برلسان  
افتخارله یاد ایدیلشدر. شرقی تورک خاقانلغنی موهان (موقان)ك  
باشبوغلغنی زماننده اقبال وسطوتك منتهای شکوهنه واصل اولمش، چین  
ایمپراطورلغنی مغلوب ایدیلهرک شمالی قوره به قدر اولان اراضی استیلا  
اولمش، تورکک شرقده بحر محیط ساحلرلرند تموج ایدن حاکم سنجاغی،  
جنوبده چین اولکه سنده، غربده ایران و شرقی روما حدودلرند،  
شمالده سیبری طایفه لرند درین برحرمت و تعظیم ایله سلاملاشمشدر.  
فقط تورککرك قانلری بهاسنه احراز ایتمش اولدقلری بوسطوت و  
وحدت برآراق، (بودیزم) دینی قبول ایدن (توبوخان)ك وقتانندن  
صوکره خاندان افرادی آره سنده ظهور ایدن نفاق یوزندن پارچالانمش،  
(کی مین) کبی شخصندن باشقه برشی دوشونمه یین جیین و مختص برخان  
چین ایمپراطورینی (طایغاج) طایفه جق قدر دنائت کوسترمش نتیجه ده  
تورک اولکه لرینک برقسیمی چینلیرک آینه کچمشدر. ملی شعورک الک شدید  
تجلیاتی کوسترن (توکی) نك قهرمانلغنه رغماً، الیم ماجرا لردن صوکره  
ملتی بربرلرینه بوغدی بران خاندان پرنسلی ده نهایت آقیتدقلری قان  
درباسنده بوغولمشلردر. فقط واسفاکه، بوحال تورککردن برقسمنك  
چین حاکمیتی آلتنه دوشمه سنده سبب اولمشدر. آسنا خانداننك انقراضی  
کرچه اسکی بویوک ایمپراطورلقدن برقسمنك چین اداره سنه کچمه سف  
انتاج ایتدی. فقط، رایت استقلالانی هیچ بروقت دوشورمه مش اولان  
تورکک بودفعه، اسکی قویونلولردن اینن (سیه ین تو) لرك قهرمان

باشبوغی (اینان)ك اطرافنه طوپلانهرق یکی بردولت قوردیلر (۶۲۷م). چین حاکمیتی آلتنه دوشن اراضی ده کی تورکرده وقیله تیترتدکاری برقومك اسارتی آلتنده یاشامق ذلته بردولو تحمل ایدمه یور، استقلال و حاکمیتلرینی استرداد ایچون یانوب طوتوشیورلردی. اورخون آبدلرند (ایلنرس) نامیله تجیل ایدیلن قوتلو (قوتلغ) و (قاباغان) کی باشبوغلر حریت واستقلال آتشیله یانان بوتورکرده رهبر اولدیلر. حیرتبخش برعزم واراده ایله بونلری توحید وتنسیق ایدمه رك چین ایمپراطورلغی مغلوب و شرقی تورك خاقانلغی یکیدن احیا وتأسيس ایلدیلر (۶۸۲م). دوراسلامی به قدر دوام ایدن شرقی تورك خاقانلغی هجرت نبویه نك ۱۲۷ (م ۷۴۴) نجی سنه سنده منقرض اولمش، فقط تورك استقلالی ینه یاشامشدر. چونکه بونلرك یرینه (اویغور) دولتی قاشم اولمشدر.

چینلیرك (شه - تیه - می) دیدکاری (ایستهی) خانله باشلامان غربی تورك حكومتنه كلنجه، ایرانله برچوق ماجرالر كچیرن، استانبولده کی شرقی روما ایمپراطورلغی ایله سفرا تعاطی ایدن بودولت ده اسلامك ماوراءالنهره کیردیکی زمانه قدر دوام ایلمش، ساسانیان خاندانك صوك حكممداری (یزدجرد)ك استمدادی اوزرینه (طولوخان) اسمنده کی رئیسلی برآراق ایرانك معاونته بیله قوشممشدر. بو خاندان ده، ینه سلاله یه منسوب پرنسلك رقابتلری یوزندن پارچالانمش و هجرتك ۴۶ (م ۶۶۶) نجی سنه سنده منقرض اولمشدر.

چین سیاسيوننك انترقیه لريله غرب توركاری برمدت نفاق و شقاق ایچنده قالمش، فقط، چوق كچمه دن ملی روحك غلبانی بوتون بونفاقلری بو غمش، فضائل اخلاقیه سی، یوكسك سجیه سی، حیرتبخش قهرمانلغی

ایله تمایز ایدن (تورکش) لر رئیس (او-چه-له)، غرب تورکاری  
ینه ملی بایراق آلتنده طوبلایه رق یکی برحکومت قورمش، (صولو)  
بو حکومتی بارلاق بر موقعه چیقار مشدر. غرب تورکاری (تورکش)  
لردن سوکره ملی استقلال لرینی (قارلقلر) قهرمان باشبوغی (آپو-سه)  
ایله محافظه ایتمشلردر. اسلامیت جیحون نهرینی آشدقدن سوکره قلبلری  
قرآن دینک حیات بخش نوریه تصفی ایدن تورکلرده استقلال و حریت  
عشقی برقات داها آرتمش، اوینورلرک، قارلقلرک محافظه ایتدکاری  
تورک رایت استقلال (ساتیق بوغرا) ایله مسلمان تورکلره انتقال  
ایلمشدر.

اورتا آسیا حدودلری خارجه چیقان تورکلرده کیتدکاری  
اولکلرده دائماً حاکم یا شامش، وولغا نهری بویلرینه چکیلن  
(بلغار) لر اوراده مستقل برحکومت بلغاریه قورمش، (آخاچری)  
توکلری قافقاسیه شمالنده (حاجی طرخان) حوالیسنده بر حکومت  
تأسیس ایتمش، تدریجاً شمیدیکی روسیه نك جنوب حوالیسنی تماماً  
استیلا ایلشلردر. تورکلردن بر قسمی ده (بجنسکلر) و (قپچاقلر)  
ناملریله ینه بو کونکی روسیه داخلنده تورک استقلالنی یا شاتمشلردر.  
قدیم قویونلو تورکلرندن اینن واولجه (لوب نور) کولی جوارنده  
ساکن اولان (شاتو) تورکلری ایسه چینی استیلا و بر ایمراطورلق  
تأسیس ایدرک (مؤخر تانغ) و (مؤخر هان) اسملریله تورک  
رایت استقلال و حاکمیتی بودرت یوز میلیون نفوسلی قطعه اوزرنده  
بر داها نموج ایتدیرمشلردر.

مسلمان تورکلر ایسه اورتا آسیاده (ایلك خانلر) و یا (خاقانیه)  
افغانستان و هندس-تاند (سووک تکین)، ایران، سوریه، عراق



و آناتولی ده ( سلجوقیه ) ، ( اتابک لر ) ، مصرده ( طولونیه ) ،  
 ( آخشیدیه ) و ( مالیک اثراک ) ، خوازنده ( بیکدلی ) نامرلیله  
 تورک رایت استقلالنی اعلا ایتمش ، قرق عصردن بری متدایاً ظفردن  
 ظفره قوشان و هیچ برزمان سرنکون اولمیان تورک سانجاغنی داه  
 بارلاق و داهاشانلی ظفرلر یاشاتقی ایچون ( قانی ) بوبی تورکارینه  
 تودیع ایلشلردر.

شوقیه اجمال کوستریبورکه تورکملنی، تاریخک نفوذ ایده بیلدیکی  
 اک اوزاق عصرلردن بو کونه قدر ملت اوله رق دائماً مستقل و حاکم  
 یاشامشدر. ماضی به کومولن اوزون عصرلر ظرفنده تورکار دفعاتله  
 تاریخک جریانی ده کیشدیرمش ، شانلی رایتلرینی جهانک اوج بویوک  
 قلمه سی اوزرنده تموج ایتدیرمشلردر . بو اوزون عصرلر ائناسنده  
 بر چوق سلاله لر منقرض اولمش ، فقط ، تورک ملتی هیچ برزمان  
 حیایتنی غائب ایتمه مشدر . منقرض اولان بر دولت اقاضی آره مند  
 در حال یکی بر دولت فیشقیرمش و تورک هر اسم ده کیشدیردکجه  
 صحنه تاریخه خارقه نما یکی بر حیایتله جیقمشدر . تاریخک بو تجلیاتنه  
 باقارقی دیه بیلیرزکه تورککلک ابدی اهراضی شکلنده ظهور ایدن  
 هر فلاکت عظمی ، بالعکس یکی بر حیات مبدئی اولمش ، سقوط ایدن  
 بر دولت اقاضی آلتندین زنده ، جالاک و شانلی ظفرلره ناهزد یکی  
 بر دولت فیشقیرمشدر. تاریخ ملاده امثالی ، هر حاله بک آز اولان  
 بو خارقوی حالک سببی تورکک ملی روحنده ، ملی سجه لرنده  
 آراق ایجاب ایدر . تورکک معشری روحی برک ، ملی سجه سی ده  
 دیسیپلین و عزم و اراده قابناغیدر. تورکک اوزون تاریخی کوستریبورکه  
 مقدرات سیاسی سینه حاکم اولان قانزولر ، خاقانلر ، سلطانلر ،

خانلر ، انا بکدر سوء اداره لری ، حرص تحکم و رقابت لریله ملی  
استقلال تهله که به سور و کله دک لری زمان دائما معشری روح قوران  
ایتمش ، آرتق ملنک سعادتنه دکل فلا کتنه خادم اولان متفسخ سلطه یی  
ده ویرمش ، ملت ایچون بکی بر حیات آچشدرد . تورک ، بویکی حیاته  
طبیعی بر اصطفایله اجتماع ایدن قورولتای « کنکاش » اباراقده  
لا یزال بر عزیم و اراده ایله طوبلانیتمش ، ملی دویغوبی اک شدید بر  
صورته حس ایدن کزیده قهرمانلرک قیادتیه ملی استقلال ، ملی  
وارانی قورنارمشلردرد . بویه بهرانی آنلرده هرکس ، فردی وارانی  
ملی وارلقده ، فردی منفعتی ملی منافعه ، شخصی حریتی ملی  
استقلالده کوره رک صمیمی و امانتی بر صورته عینی فایه ، عینی  
مفکوره اطرافده برلشمش ، عزیم و ثباتلری ، لایزال اراده لری  
ایله جریان تاریخی یی دوندورمشلردرد . تورک ملنک بو شمار نمیزی  
سایه سنده درکه تاریخک بیه تیره دیکی اک مهلهک ، اک قورقونج  
فلا کترلردن دائما زنده بر حیات ایله چیقمش ، کندیسنه پارلاق و امیدلی  
بر استقبال آچشدرد . دیمک که تورکک وارانی ، استقلالیه توأم ، رایت  
استقلال ایسه ملی برلکنه مؤید بر عام درد . تورکک وار اولسی ایچون  
مستقل بولنسی شرط اساسی درد . بناء علیه استقلال اولیان تورکک  
وارانی ده شبه لیدر . تورکک استقلالنه بوقدر مجلوب اولسنک ،  
استقلال اوغورنده هر فدا کارلنه قاتلنماسنک سرینی بوراده آرامق  
ایجاب ایدر ! ...

تورکک سلسله اغصاره کومولن اوزون حیاته ده تاریخه انتقال  
ایدن یالکیز خاندانلر اولمشدر . تورکک ملی وارانی ، ملی استقلال

هر شیده رغماً مستمراً تمامی ایدوب گلشدر . تورکارک سرگذشت  
 شهابی ؛ شمیدی به قدر هیچ بر ملت ناریخنده کوروله مابین بوکی  
 فوق العاده لکارله مالا مالدر . شبهه یوق که تورکارک سرنوشت  
 استقبالی ده ؛ سرگذشت ماضیدی قدر ، پارلاق و شرفلی اوله جقدر .  
 تورکارک معشری روحی ، قرآنی ایمانی ، عرفی سنجایی بو شرفلی  
 استقبالک سہ پای اعتلا سیدر .



## توركلار واسلاميت

ارض بطحادن طلوع ايدن نير اسلام، جزيرة العرب حدودلري خارجنده حزماتنه اك زياده مشتاق وجدانلري اورته آسياده بولاشدر. استپلرك نجيب وقهرمان خلقى قرآن دينى وجدانلرينك ازلى برمعهشوقهسى كېي استقبال ايتمش، لايزال بر رابطه ايله بوديى بنمسه مش، ادامه شوكتى، مدافعه وتأييدى ايجون هر فداكارانه قاتلانمشلردر. توركلرك بو درجه عميق برشوق ايله آغوش اسلامه آنيامالري سبب سز دكلدى. تورانك واسع پايلالري، پايانسز بوزقيرلري، براق وييلديزلى كيجهلري عصرلردنبري توركلر روحنه علوى سانخلر ايشار ايتمش، آلتون طاغلرينك معظم شاهقهلري، كچيدسز اورمانلري، درين واديلري اونى خلقنك حضور عظمتنده عشق پرستشله يو يوتمشدى. محيطك بلند ادا تلقيناتي روحنى ساده فقط علوى بر عقيدته حاضر لامشدى. توركلر، نه (بودا) دينك او يوشد يريجي آينلرينه، نه آتش پرستلكك، ثنويه تالقين ايدن عنعنلرينه، نه ده شامانلرك ابتدائى اسطورهلرينه ايصينه مامشلردى. بوتون بودينلر اونلره جاذبه سزكلش، قلبلىنى بر درلو تسخير ايدمه مشدى. يوكسك آسيانك كور بوز اولادلري، روحلرينه عظمت، عضلهلرينه جواليت،

نفسلرینه غمور و حشمت ویره جک بردین آرایورلردی. ایستیورلردی که ربط قلب ایده جکلری دین ، محیطلرینک یوکسک تلقیناتیله اویغون اولسون ! وجدانلرینه حاکم اوله جق عقیده علوی ، فقط ساده ، بسیط فقط حیاتبخش اولسون !.

تورک اوتهدنبری پالکز صویک بویوکنه، بویک باشبوغنه اطاعت ایتمش، اقوام سائرده اولدینی کبی رهبانلرک ، موبدلرک ، کاهنلرک سلطه سی آلتنه دوشمه مشدی. تورک آنجق محیطنک بی لفظ و صوت تلقین ایستیکی فکر توحید تحت تأثیرنده قالمشدی. طبیعتک پیشکاه عظمتنده ساده فقط یوکسک دوشونیور، انلیمک شدتیه جاریشیور، فعال برحیات جدال یاشیوردی. بر ( سومات ) ک قابوسی اوکنده بوینی بوکه رک مسکینانه کوتلرجه بکله مک ، بر ( آتسکده ) نک دیوارلری دینده ذیلانه آیلرجه ایکله مک هند و ایران کبی اویوشوقلق و خلیا یاغدی ران محیطلرده بک طبیعی برشیدی. فقط اورته آسیانک یوکسک استیلرنده یاشامق و حیاتی قازانق مجبوری قارشوسنده خلیائی استغرافه طالمق امکانی یوقدی. بوزالرده بالعکس ساده و علوی برعقیده ایله جدالی و شائی برحیات تعقیب اینمک ضروری ایدی . بوشائی حیات ایسه تورکه ، شامان دینک خرافه واسطوره لرینک ماهیتنی آکلاتمش ، ( برصو ) لرک ، ( کوک خان ) لرک فوقنده تک واولو برتاگری اولدیغنی سزديرمشدی. بونک ایچوندرکه اک بویوک ذوق یوکسک یابیلارده آت اویناتمقده، لایزال عزم واراده سنه حائل اولانلرله چارپش-مقده طویان تورک ، هند ویا ایرانده اولدینی کبی خلیائی واستغرافی حیاتدن برشی آکلامیور ، مسکنت تلقین ایدن عنیده لره یاشامیوردی .

هند و ایرانده طبیعتک عواطف بی پایانی ایچنه فرق اولان انسانلر حیاتی قازانق ایچون دیدیشمکدن ، طبیعته حاکم اوله بیلیمک ایچون چاریشمکدن وارسته قاله بیلدورلردی. فقط ، آسیانک یوکسک پایلارلنده یاشایان خلق ، ئوله مک ایچون دیدینمکه ، یاشامق ایچون چاریشمغه مجبور بولنیورلردی. تورک ، قیصر فقط روحه علویت و وحدت ، عضلهلره قوت و جوالیت بخش ایدن بوزقیرلرده شائی برحیات یاشادینمکدن ، ایستیوردی که دینیه وطننک سیماسی قدر براق ، حیاتنک کذارشی نسبتنده ساده ، پایلا-سنک یوکسکلکی قدر بلند اولسون ! ...

سپایوست طاغله ، پاپانسز اووهلره ، منتهاسز چوللر ، صمت و ظلمت ایچنده یاریلدایان ییلدیزلره تورکه ییللرجه کیزیلر برشیلر ترتیل ایتمش ، روحنده قادر مطلق بر معبود حسی او یاندرمشلردی. تورکه ، استبصاره آلیشان فکرینی یوکسکله جک ، صاعلام طمارلرنده دولاشان قاته شدید جولان ویره جک ، دینچ و کوربوز عضلهلرینی ایشلته جک بر ( دین ) ایستیوردی. ایکنجی خلیفه ( حضرت عمر ) زماننده تورکستانه اعزام بویوریلان اصحاب کرامدن ( عبدالرحمن بن ربیع ) و ( احنف بن قیس ) تورکه اوزله دیکی بومعشوقه وجدانی کوتورمشلردی. هجرتک ( ۹۴ ) نجی سنه سننده ( بخارا ) ده ایلک جامع انشا اولتدینی زمان ، تورکک مؤید دینک آیده تمبیدی اعلا ایدیش اولدی ! ...

فقط ، بی امیه قوماندانلرندن بعضیلرینک جزیه طوبلامق ، مسلمان تورکی مسلمان هر بدن دون طوتمق کبی غیر اسلامی حرکتلری تورککری بر آراتق انکسار خیاله اوضر اتمشدی. دایما

حاکم یاشامش اولان تورك ، سودیکی و بنه‌دیکی اسلامیتده برملت  
محکومه موقئنده قالدغه بردرلو تحمل ایدمه‌مشدی . تورکرلرک  
( حجاج ظالم ) قوماندانلرینه قارشى کوستردکلری عصیان و مقاومت ،  
اسلامیت قارشى دکل بوقوماندانلرک غیر اسلامی معاملهرینه قارشى  
اولشدی . تورك ، قرآن دینى روحنه اوینون بولش ، فقط  
( مروان ) زاده‌لرک یا بمق ایستدکلری شکلده ملت محکومه موقئنه  
ایتمکک تحمل ایدمه‌مشلردی . بنی امیه قوماندانلری آره‌سنده تورکرلرک  
روحنی آکلایه‌جق دهاده کیسه بولنامسی ، تورك عصیان و مقاومتک  
نمادیسنى انتاج ایلشدی . بوقوماندانلر ، اسلامک علوی پرنسپینه  
مخالف اوله‌رق ، اسلامیتی قبول ایدن تورکرلردن ده غیر مسلملرکی  
جزیه طوبلامغه قالدشمش ، شام سرایلرنده کی عیاش و مسرف  
خلیفه‌لرک سفاهلرینی تأمین ایچون بوجنایتلری ارتکاب ایلشلردی .  
اوزمانه قدر ملت محکومه حالتده یاشاماش اولان تورکرلر ، جزیه  
ویرمک طلبی قارشوسنده قالدجه هم روح اسلامی ، هم‌ده عزت  
نفسلرینی رنجیده ایدن بوتکلیفه قارشى بحق عصیان ایتشلردی .  
تورکرلره اموی قوماندانلری آره‌سنده وقوعه کلن مدهش هریده‌لرک  
حقیقی سببى بوقطعه‌ده آرامالیدر .

فقط ، شام سرایلرنده کی سفاहत و اخلاقسزلانی تأمین و تزئید  
ایچون اهتدا ایدنلردن جزیه تحصیل ایدن والی و قوماندانلره ،  
دینک نشر و تعمیمی ، احکام شرعیه‌نک روح قرآنه توفیقاً حسن  
تطبیقنى التزام ایدن یوکسک روحلی قوماندانلر خلف اولنجه ، تورکرلر  
اسلام جامعہ‌سی ایچنده ملت محکومه دکل ، هر خصوصده حاکمیت  
اسلامیه‌ده مشترک بر عنصر اوله‌جقلرینی آکلامش ، وضوح و علوتی ،

جاذبه دار بساطتی ایله قلبلرینی تسخیر ایدن قرآن دینی آتشین بر شوقله قبول ایلشلدردر . تورکستانده نشر دین وظیفه سی طوغروندن طوغرویه تورک امراسی طرفندن درعهده ایدیلدکدن صوکره حزمه توحید آن برمدت ظرفنده آلتای طاغلری شاهقه لرینی نورلره غرق ایتمش ، قرآن مبین ، اوکوندن اعتباراً دین احمدینک حارس ومدافعی اولان تورکلرک رهبر هدایتی اولمشدر ! . . .



تورکلر ، اسلامیتی عصر سعاده مخصوص صافیت اصلیه سیله قبول ایتمشلردی . حقیقی مسلمانلق تورکلک روحنه اوینغون کلمش ، قلبنی تسخیر ایلششدی . تورک ( شرع مجمل ) ده وجدان ملیسفی یوکسلته جک اساسلرکورمش ، ملی عرفلرینی مؤید نصوص بولمشدی . تورکلک روحنده ، محیطنک تلقین ، اجتماعی حیاتنک تأیید ایتدیکی بر ( اولو تاگری ) عقیده سی یاشیوردی . قرآن مبین ده ، اسلام دیننک تملی اولان توحید الوهیت و توحید ربوبیته دعوت ایدیوردی . تورکلک روحی وحدتجی ، تشکیلاتی ولایت عامه اساسنه مستندایدی . اسلامیت ده عینی شیلری تعلیم یویریوردی . تورک ( ایل ) جی ایدی . مسلمانلقده وحدت اجتماعی و سیاسیه اساسنی تلقین ایدیوردی . تورک فطرتاً عسکرایدی . قرآن ده جهادی اساسات دینه میانه ادخال ایتمشدی . تورک ملی حریت واستقلالی ، حیاته سیله ترجیح ایدیوردی . اسلامیت ده خارجی سلطه لره قارشى امتنک حریت و استقلالنک محافظه سنی ، نفور و حدود اسلامک مدافعه سنی فرائض دینه دن کوسترمشدی .

تورک ، طبعاً جوانمرد ، بیکسلره مشفق ، مسافره لطفکار



ایدی . اسلامیتده زکاتی ارکان دینده صایبور ، فقرايه ، مساکینه ، ابنای سبيله معاونت و تصدقی اعمال خیریه میاننده کوستریوردی . تورک ، یالانچیلقدن بختب ، دسیسه ، ریا ، سمعه کبی سیدئات اخلاقیه دن منفرد ایدی . اسلامیتده بوتون بوکبی مساوی بی شدتله نهی ایدیوردی .

تورکک ملی عرفی ، حقسزیره آدم اولدیرنی ، صاحب زوج بر قادینه تسلط ایدنی اعدام جزایيله محکوم ایدیور ، ( سفاح ) ی منفور کوریوردی . اسلامیتده بوکبی افعالی عین شدتله تجریم ، سفاحی منع و نکاحی امر ایدیوردی . تورک توره سنه کوره خرسزلق اک مستکره بر حرکت ایدی . حق ، بمضاً سارق اعدام ایله تجریم ایدیوردی . اسلامیتده سرقتی کوکندن کسه جک درجه شدتلی احکامی احتوا ایدیوردی . تورک عنعنه سنده آناه بابایه ، اختیارلره حرمت مقدس بر وظیفه ایدی . اسلامیتده بونلری عینی قدسیتده طانیش ، عینی حکمی و برمشدی . تورک توره سی ( ایل ) ، عاند امورک ( قورولنای ) ده ایلمجه مذاکره و تسویه سی قبول ایتمشدی . اسلامیتده ( شوری ) اساسی وضع ایدیوردی . تورکک بوتون دینی آیینلری اجتماعی بر ماهیتی حائر بولینوردی . اسلامک امر ایتدیکی عبادتله ، نهی ایتدیکی مفسدتلرده اخروی مکافات و مجازاتدن باشقه اجتماعی منافع و مضرترلره مستند بولینوردی .

تورکک اوزون تارپننده بولمک ، مجوسیلک ، نسطوریلک کبی دینلرک قارشوسنده قالمشدی . فقط تورک روحی بوتون بو متنوع دینلره بر درلو ایصینه مامش ، هیچ برینی بر درلو بنمسه مه مشدی . فقط اسلامیتله قارلاشدینی زمان وضعیت بویله اولمادی . تورکک درین

بر شوقه اسلامك آغوشنه آنیلدی و قرآن دینی بنمسه دی . چونکه روحنه ، ملی عرف و توره سنه اسلامینی اویغون بولمشدی .

اسلامیت تورکار آره سنده ( مک ) نك آریستو قراسی اداره سنه مائل بر وضعیتله قارشیلانماش ، عربك عشیرتچیلک روحی کبی بر قوتله چارباشمق مجبوریتنده قالمامشدی . حضرت محمد ( ع . م ) ك وحدت ، مساوات و ده موقراسی تلقین ایدن و صایاسنك ، تشکیلات اجتماعیه لری ده موقراسی اساسلرینه مستند اولان ( ایل ) جی تورکار آره سنده بر مقاومت معروض قالمی احتمالی یوقدی . چونکه و صایای نبویه ، تورکی اوزله دیکی شیره دعوت ایدیوردی . نجیب بر روحك هيجانلرینی تسکین ایده جك بسیط بر عقیده تورکلری او وقته قدر آوومش ، فقط تطمین ایدمه مشدی . آلتو طاغلرینك یوکسك شاهقه لرندن تورک روحنه لایح اولان علوی سانمهلر اونده درین بر میل وحدت پرستی انکشاف ایتدیرمشدی . تورک ، روحی بر احتیاج طویوردی . اسلامیت ، ماوراءالنهر افقلرندن لمعانه باشلانجه تورکار حس ایتدکاری روحی احتیاجلرینی تطمین ایده جك نوری طائیشلردی . . .

تورکارك اسلام دینه صوقه جق کهنه خرافه لری یوقدی . تورک او وقته قدر ، یوکسك پایالارنده روحنك پرستش احتیاجی ، محیطنك تلقیناتیه تسکین ایتدیرمشدی . بو تلقیناتك اعماق صمیمی سنده کیزلیدن کیزلی به وحدت حزمه لری باریدایوردی . اسلامك توجید عقیده سیله قارشولاشدینی زمان ، بونكه عصر لر دنبری اوزله دیکی و کیزلیدن کیزلی به طویدینی دین اولدینی آکلادی .

تورک روحی خرافه دار بر عقیده ایله اویوشمامشدی . بوروح ، شهاسته ، ساده لک مفتوندی . بو معشوقه بی عصر سعاده مخصوص

اولان اسلامیت ده بولنجه اوکا یا یشمش ، صاف و خرافاتدن آزاده مسلمانتلقده تورکک طیبی دینی اولمشدر .

تورکک طبعاً دینداردر . بنیمه دیکی دینه صوگ درجه برصمیمیتله ربط قلب ایدر . دیندارلق سجیه سی یالکز تورکک عرقنه مخصوص دکلدرد . آنغلوساقسون ، جرمان واسقاندیناوا اقوامی کبی بعض آوروپالیردهده بوسجیه پک قوتلی در . فضیلت اخلاقیه ، اراده فردیه ، انتظام اجتماعی اعتباریله بوسجیه نك قیمتی پک بویوگدر . آنغلوساقسونلرک سجیه و تشکیلات اجتماعیه لری تدقیق اوانورسه بوسجیه نك تربیتکار نتایجی قارشوسنده برحس تقدیر و تحیل طوبیماق ممکن اوله من . فقط . دیندارلق سجیه نك عرقک اعتلا سینه خادم اوله بیلمسی ایچون قبول ایدیلن ( دین ) ایله عرقک روحی آره سنده براویغونلق بولنلق ایجاب ایدر . دینک تلقیناتی ، اوامری ، نواهیسی عرقک روحی و فطری سجیه لری انکشاف ایتدیره جک ماهیتده اولورسه اک قوتلی یرواسطه اعتلا اولور . خرسیتانلق ، آلمانیا وانکتردهده بوقوملرک روحلریله اویغون برشکلده انکشاف ایتمش اولسی بوضرورتک نتیجه سیدر .

اسلامیت ، یابانچی خرافه لرله بولاشمه دن اول ، صاف و علوی اساسلریله تورکک روحی تربیه ، فضیلتکار مزیتلری نیه ، یوکسک سجیه لری تقویه ایتمش ، اونلره شان و شرفله مالامال برتاریخ قازاندرمشدی . فقط عصرلرک کذارشیله باشقه ملتله عاندصرف و عنعنلر ، شرع مفصل شکلنده تورکک حیاته حاکم اولغه ، خرافه پرست قوملرک ییغدفلری رسوبات اسلامک دور سعادته مخصوص اولان صافیتی کوالک لشدیرمهک باشلادقدن سوکرا ایلك زمانلرده کی

هیجان سونمش ، دینی واجتماعی حیات صارصیلمشدر . کونا کون خرافه لرك اسلامیت کسوه سنه بورونه لرك تورك روح وحیاتنه حاکم اولمسی ، سـجایای ملیه بی کوشه تمش ، اصالت عرقیه بی تهلیکه به دوشورمشدر .

دینچ و کوربوز بروجوده تدریجاً ورم میقروبلری ذرق ایدیلدیکی تقدیرده او صاغلام بدن ناصیل تدریجاً انزاله اوضارسه یانجی خرافه لرده توركلرده عینی تأثیری یایمش ، اونلری یاواش یاواش عطالت ومسکنت چوقورینه سوروكله مشدره . تخریبکار خرافه لر آلتنده تورك هر کون شهامتدن براز داها غائب ایتمش ، ملی سجه لربنك براز داها اویوشدینی کورمش ، نهایت حیات بخش وحقیقی مسلمانغه بدل، غیر اسلامی خرافه لرك بوغوجی کابوسی آلتنده بونالمش قالمشدر .

توركلر ، آلتای اتکارنده یاشادقلری زمانه هند ، ایران و چین کبی مجاور قوملرك دینی تأثیراتندن مصـون قالمغه بك زیاده اعتنا ایتمشـلردی . باشـبوغلری دائماً اونلره چینده ( ئولوم ) اولدینی اخطارنده بولنـشلردی [۱] . فقط اسلامی صافیت اولیه سیله قبول ایتمکدن صوبکره جریان تاریخنك آچیش اولدینی شهراهدن غریبه طوغری یوروبه لرك ایران ، عراق ، سوریه و مصر کبی خطه لره حاکم اولنجه بالضروره بو اولکهلرده باشایان وعنه دار خرافه لرندن تجرد ایدمه مش اولان یکی دینداشلره تماس مجبوریتنده قالمشـلردی . اساطیری ماضیلرله افتخار ایدن ، ملی دینلربك خرافه لرینی بر درلو اونوته میان قوملره ضروری اولان بو اختلاط ، تدریجاً عینی

[۱] ( اورخون ) کتابه لری .

خسته لقلرک تورکاره ده سرایتی انتاج ایتمش، تورکک صافی عقیده سی، یوکسک سجیه سی کونا کون مذهب لک، یانجی عرفلک تحت تأثیرنده سونمک یوز طوتمشدر. نتیجه ده تورک آفاقه ده باشند باشه خرافه کابوسلری قاپلامش، بو نجیب ملت جهل و تعصب خرافه لری ایچنده بوغولمش قالمشدر.

ماضی دن آتی به انتقال ایتدی کمز شو مهم دور تاریخی ده تورک تورانور یکی بر افق حیات آچیلمه سی تأمین ایچون دینلری خرافه لردن، عنعنلری مضر رسوبلردن، حیاتلری یانجی عرفلک تحکیمدن قورتارمق بر وجیه مقدسه در. فطرتاً دیندار اولان تورک دینسز یاشایه ماز. فقط دین نامنه تحکم ایدن خرافه لرله ده بوغولور کیدر. تورکک طبیی دینی، عصر سمادته کی صافی و حقیقی مسلمانا قدر. بنسأ علیه، یکی تورکیا جهالت، عطالت، مسکنت و ذلت منعی اولان ایرانی دیندن قورتیلهرق عرفان، شہامت، حریت و حیات صاچان قرآنی دینه ساریلایدیر!...



## اورغوز نورگهري اسلام عالمي نه مالده . بولشلردى

اسلاميت ، اجتماعي حياتلرى بداوت ، سياسي تشكىلاتلرى نسيب  
 اوزرينه مؤسس عشيرى بر قوم آراسنده ظهور ايتمشدى . عربلر ،  
 عصرلردن برى قحطاني ، عدنانى ديه يكدىكرينه خصم ايكي قسمه  
 آيريلش اولدينى كېي عدنانيلرده مضريلر ، ربيعيلر ، اياذرلر ، انمارلر  
 وقضاءلر كېي بويوك شعبيله بولونمشلردى . بو شعبلردن هر برى ده بر  
 چوق بطلره آيريلشلردى . تاريحك قارا كلق دورلردن برى بوتون  
 بو شعبلر ، قبيله لر بربرلريله بوغوشدقلرى كېي عيني قبيله نك  
 ( عماره ) لرى ، ( فخذ ) لرى ، ( فصيله ) لرى ، ( بطن ) لرى  
 آره سنده ده غزوه و مجادله دوام ايدييوردي .

هر بلر آره سنده اك ياقين رابطه اجتماعيه ابوت ، اخوت ،  
 عموميت كېي نسبي روابط اولديغندن بو رابطه لرله باغلى اولان فردلر  
 بربرلرېنك حياتى مدافعه مجبوريتنده بولندقلرى كېي بربرلرېنك ده  
 وارثى اوليورلردى . وحدت مليه و وحدت حكومت روحنه مغاير  
 اولان بو طرز تشكىلات هر بلرده عصبيت نسيبي يي بك زياده انكشاف  
 ايتديرمش ، شبه جزيره يي دائما عيني ملت افراى ايجون بر ساحه

معركه به چویرمشدی. اسلامیت خارقوی بر قدرته هر بلری برمدت ایچون بر نقطه وحدت اطرافنده طویلامش، غایه سز مجادله لرله بر برلری ایحا ایدن بو قومی هیجانی بر ایمانله نشر دین کبی قدسی بر مفکوره آرقه سنده فتوحاته سوق ایتشدی. فقط اسلامك ایلک دورلرده تأمین ایتدیکی وحدت، مرور زمانه بر چوق عوامل تحت تأثیرنده اولکی قوتی غائب ایدنجه هر یک عشیری روحی تکرار انکشاف ایتش، جاهلیه دورلرینک عصیت پرست روحی، اسلامك تأمین ایتدیکی توحیدی روحی صارصمشد.

امویلرک مقدرات اسلامیه به حاکمیتیه برابر بو روح بلیرمکه باشلامش، اتقا و دیندارلقه حرکت ایدن اهل بیت طرفدارلرینه قارش، (عمرو بن ماص)، (زیاد بن ابیه) و (مغیره بن شعبه) کبی ارباب سیاست، حضرت عمرک بوغمش اولدیفنی عصیت جریاتی اویندیرمشلردی. امویلر دورنده حدود اسلام بك زیاده توسع ایتشدی. فقط اقطار جهانیه سوق اولتان بنی امیه اوردولرینک ریاستنده کی قوماندانلرندن بعضیلری، حضرت عمر اوردولرینک مفکوره لرندن بوس بوتون باشقه بر امل پیشنده قوشیورلری.

امویلرک آفریقا، خراسان و ماوراءالنهر والیلری؛ محضا جزیه طویلامق ایچون؛ خلقک دائره اسلامه کیرمه سنه مانعه لراحداث ایدیورلر. دی. بونلر آجیقندن آجیغه، (هراق) ایله (صغد) خطه لرینک شام خلیفه لرینه مخصوص بر مالکانه اولدقلرینی سویلدورلردی. خلافتک کندیسنه انتقال ایتدیکی خبرینی آلدیفنی ائنده قرآن کریمی قیایه رق: «بو آندن اعتباراً سندن افتراق ایدیورم ۰۰۱» [۱] دین

اموی خلیفه سی عبدالملک، هجرتك ۷۵ نجی سنه سنده (مدینه) ده ایراد ایتدیکی برخطبه ده: « اداره امور دولته هاجز خلیفه (حضرت عثمان) اولدیم کی مداهن وریاکار خلیفه ده (معاویه) دکم . عقلسز ، تدیرسز خلیفه به (یزید بن معاویه) ده بکزه مم . الله قسم ایدرم که بو دقیقه دن صوکره هرکیم بکا تقوانک لزومنی اخطار ایدرسه آنک کله نی کسه جکم! .. تهدیدیه فرقان مینک (امر بالمعروف) حکمی قالدیرمشدی [۱] .

اولاد رسول حقنده روا کوردیکی جانیترله لکدار اولان (یزید) ک خلفری ، عینی یولی تعقیب ایدیورلردی . خلیفه لک بو یوکی حرکتدن جرأت آلان والیر ، قرآن و حریمه حرمتسزک ده غیر مسلملری بیله اوتانديره جق درجه لرده اهانتکاراقدن حیا ایتدیورلردی : عبدالملک (خاله قسری) و (حجاج بن یوسف الثقفی) کی والیرلی ، مراملرینه نائل اوله ییلمک ایچون احکام قطعی شرعی بی امال ایتکده ، حریمنی بیقمقده هیچ برأس کورمه مشلردی .

خلیفه عبدالملک دن ، (عبدالله بن زبیر) ک باشنی کندی ایلله قوبارمق امرنی آلان حجاج ، کعبه بی منجقله بیقمق ، اسار کعبه بی یاقق کی شناعتلری ارتکاب ایدرکن (قدسیت) فکرینی اصلا خاطرینه کتیرمه مشدی . اموی عسکرلری مدینه منوره اهالیسنی قیلجدن کچیردکاری اساده مقبره بی قربنده قرآنی آیاتلری آلتنده چیکنه مش ، قادینلرک یاشماقلرینی بارچالامش ، آیاتلرنده کی خلخاللری سوکوب آملشردی [۲] . دیناً کعبه معظمه نک داخل و خارجنده

[۱] تاریخ الکامل لابن الاثیر جلد ، ۵ صحیفه : ۲۶

[۲] ابن خلکان . جلد : ۲ . صحیفه ۲۷۴



قتال و محاربه ممنوع اولدینی حالد ، عبدالمملک آدم لری بو شنیع جرمی بلا پروا ارتکاب ایتشلردی .

امویلر ، ظلم و شناعتلرینه قارشى اعتراض ایدن صحابه و تابعینی اعدام ، ارباب اتقایی انواع مجازاتله قربان ایتیمی اس سیاست ایدینشلردی . حضرت علی یه ( لغت ) ایتیانلره اعدام جزاسی تطبیق اولینیوردی . بو اوغورده ایلك جزا ( حجر بن عدی کندی ) حقنده تطبیق اولمشدی [۱] . بو نوع جنایتلر ، بالآخره توالی ایتش ، عراقک اک فقیه والک فضیلتکار بر سیای نجیبی اولان ( سعید بن جبیر ) ، فجع بر صورتده بوغازلانش ، حقکو آغیزلر طیقلمش ، شریعتله آجیقدن آجیغه استهزا ایدیلک مودا اولمشدی . دینه نجاواز ایدن والیر ، شام خلیفه لرینی کندیلرینه مظاهر بولیورلردی .

مقام خلافتله ارتقا ایدن ( یزید بن عبدالمملک ) ، برکون ( حبابه ) تامنده کی دلداده سنک فسونکار عشوهری ، ( سلامه ) اسمنده کی معشوقه سنک روحناز نغمه لری آره سنده کندینی فائب ایده جک درجه ده ایچمش ، صوکراده ، سرحوش و سرکردان بر حالد ؛ خلقه امام اوله رق نماز قیلدیرمشدی . ( ولید بن یزید ) بو خصوصده داها ایلری کیتش ، محرماتی استحلل ، فحش و فجوری علناً ارتکابده بر بآس کورمه مشدی . امویلر یالکنز محرماتی ارتکابله اکنتفا ایتیمور ، عینی زمانده حدود شرعیه ایله استهزاده ایدیورلردی . خلیفه ایکنجی ( ولید ) ، حجه کیتمکه قالدینی زمان یاننده کیلره : « مکیه حرم شریفک ایچنده شراب ایچمک ایچون کیده جکم ! » دیمشدی [۲] .

[۱] مورخ مسعودی . جلد : ۲ . صحیفه ۳۹

[۲] صحایف الاخبار . ح ۱۲ . ص ، ۸۱۰



اولدی ....) مآئنده کی آیته [۱] تصادف ایدنجه ، همان مصحفک  
آصیلمه سنی امر ایدرک ، پارچه پارچه اولنجهیه قدر اوزرینه اوق  
آتمش ، عینی زمانده :

أتوعد کل جبار عنید . فها انا ذاك جبار عنید  
اذا لافیت ربك یوحشر . فقل یارب مرقی الولید [۲]

یبتنی ده انشاد ایدرک الحادینی اعلان ایلشدی .

امویلرک ، دینه قارشی آلدقلمی بو وضعیت دن استفاده ایدن بر  
طاقم آدمیر ؛ خلق آره سنه ، علویت دینه یی شائبه دار ایدرک بر  
طاقم عقائد غریبه نشرینه باشلامش ، بو صورتله وحدت اسلامییه یی  
صارصمشلردی . بو حالک نتیجه سی اوله رق اسلام عالمده بربرلرینه  
ضد ، اساسات احمدیه یه مغایر بر چوق مذهبیر تورهمشدی . بو کبی  
مذاهب اربابی محیطه ، اسلامیتله اصلا قابل توفیق اولمیان بر چوق مضر  
عقیده لر ، بر چوق منفور خرافه لر نشر ایتمشلردی . امویلرک بو کبی  
حاللری ، عالم اسلامی کندیلرندن تنفیر ایتمش ، مرکز اوزاق اولان  
ولایتلرده اختلالر باش کوستمشدی .

ابومسلمک قطعی ضربه سیله ، امویه سلطنتی سقوط ایتدیکی زمان ،  
صلحای امت ، خلفای راشدین دورینک هودنی امنیه سیله بوسقوطی  
آلشماملشلردی . فقط ، ایلک عباسی خلیفه لری امویلره رحمت  
[۱] واستفتحوا وخاب کل جبار عنید . من وراه جهنم ویسقی من ماء  
صدید [فرقان مبین]

[۲] هر عنادجی جباری تهدیدی ایدیورسلک ؟ ایشه بن او عنادجی  
جبارلردن بریم . محشر کونی ربکه . لاق اولدینک زمان ، ولید بنه  
پارچالادی دیه ایستدیکک قدر شکایت ایت ا...

اوقوته حق قدر ظلمکار برسیا ایله صحزه آتیلنججه هر کس اَلم بر  
انکسار خیاله اوغرا مشدی . برنجی عباسی خلیفه سی ( ابو العباس سفاح )  
خلفای امویه دن ( عبدالملک ) ک حفیدی ( سلیمان بن هشام ) ه امان  
ویرمشکن ، مشهور شاعر علوی ( سدید ) ک انشاد ابتدیکی شو :

لا یفرنک ماتری من رجال . ان تحت الضلوع داءً دویاً  
فضع السیف وارفع السوط حتی . لاتری فوق ظهرها اویا

بیتلرخی ایشیدیرایشیتمز ویردیکی عهد وامانی اونوته رق بدبخت  
سلیمانی قتل ایتدیرمشدی .

سفاحک عموجه سی ( عبدالله بن علی ) ، بنی امیه ارکانندن  
یتمش کشی بی طعامه دعوت ایتمش ، مدعوین سفرهیه او طوردقلری  
انسانده بنی هاشم آزادلیرلندن ( شبل بن عبدالله ) مجلسه کیره رک  
اهل بیتک امویلردن کوردیکی مظالمی تصویر ایدن برمنظومه [۱]  
اوقوینجه ، عبدالله بو بدبختلری صوبا ایله اولدیرتمش ، احتضار  
خیربلتیلری آره سنده سفاح ایله برلکده ییکه دوام ایتمشلردی .

خونین برسیا ایله اورتایه آتیلان عباسیلر ، دیریلری تولدیرمکلا

[۱] شبل بن عبداللهک انشاد ابتدیکی منظومه شوایدی :

اصبح الملك ثابثاً بالاساس .	بالها لیل من بنی العباس
طلبوا وترها ثم وشفوها .	بعد میل من الزمان وبأس
لا یقلین عبد شمس عشارا .	واقطعن کل رفاة وغراس
ذلها اظهر التودد منها .	وبها منکم کحر المواسی
فلقد غاضی وغاض سواقی .	قربهم من نمارق وکراسی
انزلها بحیث انزلها الله .	بدار الهوان والاعتاس
واذکروا مصرع الحسین وزیدا .	وقتیلاً بجانب المهراس
والقتیل الذی بخسران اضحی .	ثاویاً بین غربة وتناس

ا کتفا ایتمه به رك شامده کی خلفای امویه قبرلرینی آجدرمش ، بولدقاری  
نعش و کیبکاری آتسه یاقدرمشلردی [۱]. عبدالله بن علی نك برادری  
( سلیمان ) ، خونریزلیکده قارداشنی کولکده براقشدی : سلیمان ،  
مصرده اُینه کچن امویلری تماماً قیلیدچدن کچیره رك نعشلرینی کوپکاره  
یدیرته جك قدر آثار وحشت کوسترمشدی .

سفاح و منصور ، آل عباسك نعمت فاشناس بو ایکی سیاسی ،  
کندیلرینی مقام سلطنته اعلا ایدن ( ابوسلمة الحلال ) و ( ابومسلم  
خراسانی ) کی آتشین طرفدارلرینی - کندیلرندن استغنا حاصل اولدینی  
کون - خنجر اهانتله قربان ایتدکدن صوکره ، دست ظامی اعظم  
امتک سینهلرینه قدر اوزاتمشلردی :

اموی خلیفه سی عبدالملکک والیسی ( حجاج ) ، حرمین حقنده  
نه قدر حرمته سزلك کوسترمش ایسه . عباسی خلیفه سی منصورك والیسی  
( رباح بن عثمان ) ده عین وحشت و ادب سزلکی اظهار ایتشدی :  
حجاج ، حضرت ابوبكرك طورونی وعشره مبشره دن زیر بن عوامك  
اوغلی عبداللهی اعدام ، شبوخ اصحاب و تابعینه تورلو اشکنجه لر  
ایتمشدی . رباح بن عثمان ایسه عشره مبشره دن طلحه نك حفیدی  
( عمران بن ابراهیم بن محمد بن طلحه ) ایله مجتهد اعظم ( امام مالک ) ی  
حبس خانه یه طبعه رق حجاجه بر نظیره یایمشدی ...

خلیفه منصور ، حضرت عثمانك احفادندن ( محمد بن عبدالله بن  
عمر بن عثمان ) ك برکوزینی چیقارتدقدن صوکره بدبخنی شهید ایتمش ،  
اولاد رسولدن ( محمد بن ابراهیم بن حسن ) ی ایکی دیرك آره سنه  
صیقیشدیره رق تمهلوسوز اشکنجه لرله تولدیرمش ، حضرت حسن

اولادندن ( عبدالله بن حسن ) ایله ( علی بن حسن ) ی حبسخانه ده  
 زهرلتمشدی . بوفجیه لر آره سنده اولاد علی دن ( محمد مهدی ) ایله  
 برادری ( ابراهیم ) ده آجیقلی شرکذشتلرله افنا ایدیلشلردی ...  
 اعظم دینه ، احفاد رسوله ، مقدساته ، حرمینه قارشی امویلر  
 زماننده باشلاپان تجاوزات ، عباسیلر دورنده داها شموللی برصورته  
 دوام ایتمشدی : صاحبای امت ، بر خلاصکار کبی قارشولادقلری  
 عباسیلرک ایلك ضربه لرینی سینهلرنده بولشلردی : خلیفه منصور ،  
 ( امام مالک ) ی بی تاب و توان قالینجه یه قدر قاجیلتمش ، ( امام  
 اعظم ) ی انواع حقارتله حبسخانه یه طیه مش ، مشاهیر مجتهدیندن  
 ( ابن جریر ) ، ( عباد بن کثیر ) و ( سفیان ثوری ) کبی اکابری  
 زندانلرده چوروتمشدی . کفران نعمت و اهاندنه امثالهمز اولان  
 منصور ، خلافتک تأسیسندک پک مهم روللر اوینایان عوجه سی  
 ( عبدالله بن علی ) ی ، قایا طوزندن یاپدیردینی بر اوطه ده آخرته  
 کوندرمشدی . [۱]

اموی و عباسی خلیفه لرینک طاشقینلقلری خلقه ده سرایت ایتمشدی .  
 عباسیلر ، اقراضه یا قلاشدقلری زمان بوتون فجاعت اجتماعیه میدانه  
 چیقمش ، مذهب غوغالری وحدت اسلامییه ی اساسندن ییقمغه باشلا .

[۱] عبدالله بن علی ، خلافت عباسیه نکه تأسیسی ایچون موقتیه چالیشان  
 الکهم ارکاندن بری ایدی . عبدالله ، عوجه سی سفاحک وفاتندن سوکره ،  
 دهوای خلافته قاتمیشدی . منصور ، ابومسلک معاوتیه عبداللهه غلبه ایتمش ،  
 کندپسینه عهد و امان ویرمیشدی . فیه منصور بالآخره عوجه سنک اعدمانی  
 قاصارلاهرق یچاره بی قیاطوزندن یاپدیردینی بر اوطه یه حبس ایتدی . اوطه نکه  
 ایچنه صوصالهرتدی . طوزتللر اربهرک اوطه عبداللهک اوزرینه چوکدی .  
 جانی چیقدی . منصورده قوتلی بر رقبیدن قورتیلمش اولدی ...

مشدی . مذهبلر ، بری سیاسی دیکری اصولی اولق اوزره ایکی مایتهده ظهور ایتملردی . سیاسی مایتهده باشلان مذهبلر ( مارقه ) و ( شیعه ) مذهبلری ایدی . برنجی مذهب بدوی عربان روحنک مولودی ، ایکنجی مذهبده موالی روحنک مولودی ایدی . مارقه مذهبی ، منبی ( مسیلمة الکذاب ) ی چیقاران ( یمامه ) قبائل و بونلردن بالخاصه ( بنی حنیفه ) ایله یمامه دن بصریه قدر اوزایان ساحهده کی ( بنی عجل ) ، موصلك دجله نواحیدسنده ساکن اولان ( بنی شیبان ) و سنجار حوالیسندنه طولاشان ( بنی تغلب ) بطلری ایچنده طوغمشدی .

تاریخنک اعماق مجهولیتنه کومولن عصرلردنبری سرآزاد پاشایه رق هیچ برسلطه آتیه کیرمه مش اولان قبائل بدویه ؛ ولو خلافت نامی آتنده ته توفراتیک شکلده اولسون ؛ تسلطن حکمرانی به معارض بولینیورلردی . بونلردن ( نجبدات ) دینیلن فرقه ، خلیفه نصبنه هیچ برلوزوم کورمیورلردی . عصرلردنبری الهی برسلطه هویتنده طائیدقلری خاندانلرک حاکمیتلری آتنده پاشامفه آلیشمش اولان موالی ایسه بالمکس خلافتک ارنأ معین برخاندانده تقرر وتوالیسنی ایستیورلردی . سوریه بوخاندانی بنی امیهده ، ایرانیلر ، مصریلر ، عراقیلر ایسه بنی هاشمده بولیورلردی . عبدالله بن سبا نامنده اسمأ مسلمان بر یهودینک قوردینی ( سبائی ) مذهپله باشلان یوجریان ، اسلام دنیاسنی هرج و مرج ایدم جک باطینلری ، حروفیلری حاضرلامشدی . مارقه دن محکمه فرقه سی ، حضرت علی نك زمان خلافتنده ( حکم ) مسئله سی اوزرینه مشارالهدن آیریلان اون ایکی ییک کتو، دن اوره مشدی . محکمه لر خلافت دعواسنک حلتی محکمه

حواله ایتدیکی ایچون حضرت علی بی تکفیر ایتش، اردوسندن آریله رق علیه یوریشلردی [۱] .

ازارقه فرقه سی، حضرت علی دن باشقه، عان، طلحه، زبیر، عبدالله بن عباس وعایشه حضراتی ده تکفیر وجهل سنک مخلد فی النار اولدقلرینی ادعا ایدر ولردی .

ازارقه کوره دنیا یوزنده کندیلرندن باشقه ایمانی صاغلام برمسلمان بولنمیدنندن فرقه لرندن اولیان مسلمانلرک جمله سی دینسر وکافر عد ایدیورلردی. کندی فرقه لرندن اولیان مسلمانلرله حرب ایتکی واجبات دینه دن صاییور، بولرک قادیلرینی، چوجوقلرینی تولدیرمکی جائز کوریورلردی .

خوارجک (اباضیه) فرقه سنه منسوب اولان (یزیدی) لر ایسه، قریباً عجم دن بریغمبر کله جکی اشاعه سیله خاقی اسلامیتدن انحراف ایتدیرمکه چالیشور، هر کسه اوپیغمبره انتطار ایدیلسی لزومنی توصیه ایدیورلردی. کویا اوپیغمبر، شریعت احمدیه بی ترک ایدرک قرآند مذکور اولان (صابه) مذهبه میل ایدرک، کتابی ده سماء یازیله رق؛ بردفعه ده نازل اوله جق ایش !! .

یزیدیلرندن (سنجار) طاغنده ساکن اولانلر، داها زیاده غلو

[ غریبدرک بوآدملر، اولاحضرت علی بی، عمرو بن الفاصک برحیله سی اولان حکم اصولی قبوله اجبار ایتشلر، (صفین) محاربه سنده غالب کلک اوزده بولان حضرت علی بی ثمره ظنردن محروم براقشلردی . حالبوکه، بالآخره حکم اصولی یچون قبول ابتدک دهرک مشارالیه علیه دونمطلردر. حضرت علی بولردن دوت بیک کشی بی (نهروان) ده قلیجدن کچیرمش ایسه ده کوکلرینی کسه مدیکندن نشر ایتدکاری تخم، مساعد محیطلرده نالانهرق اعصار متعاقبه ده دالر، بوداقلر صامشدر .



کوستره ركه ( ملك طاوس ) نامی ویردکری ( شیطان ) . برستش  
ایدیورلردی . بونلر شیطانك برکون سهایه چیقهرق مایکلره رئیس  
اوله جنی اعتقادنده بولینورلردی .

اباضیه مذهبی اك زیاده آفریقاده انتشار ایتمشدی . بو مذهب  
رؤسانندن ( ابو حاتم ) هجرتك ۱۵۳ نجی سنه سنده آفریقا ولایاتی  
استیلا و خلیفه منصورك مأمورلرینی قهر و اقنا ایدمك قدر بر  
قدرت اکتساب ایتمشدی .

خوارجدن ( عجارده ) فرقه سنه منسوب اولان ( میمون بن عمران )  
قرآندن سوره یوسف کبی بعضی سوره لرك چیقاریللمسنی توصیه  
ایدیورلردی . میمون ، فکریخی ترویج ایتدیرمك ایچون ( سوره  
یوسف )ك بر حکایه ، برقصه فسقیه اولدیغنی سوبلیور ، بویله برقصه نك  
قرآن اوله میه جنی ادعا سنده بولینورلردی .

میمون بن عمران ، کندی نامه نسبت ایدیلن ( میمونیه ) مذهبی  
تأسیس ایتدکن صوکره الحاده ایلرله مش ، بر آدمك کندی  
طورونلرینی وقارده شلرینك قیزلرینی نکاحله آله بپله چکنه دارفتوالر  
ویره چك قدر جرئکارلق کوسترمشدی ! . . .

شیعه فرقه سی ده بربرلرینی تکفیر ایدن بر چوق شعبه لره  
آیرلشلردی . اك باشده غلاة شیعه دینیلن زمهرلر بولینورلردی .  
بونلرك بر قسمی حضرت علی نك الوهیتی ادعا ایتك کبی هزبانلرده  
بولینور ، بر قسمی حضرت ابوبکرله حضرت عمره آغیزه آلتیه جق  
الفاظ کریمه ایله سب و شتم ایدیور ، اك معتدللری ایسه حضرت  
علی نك ایلک ایکی خلیفه دن افضل اولدینی دعواسنی کودیورلردی .  
اصولی مذهب لری ایسه بر چوق افکار دینی و فلسفیه نك مطوره سی

اولان اسکی کلدانیه ده باش کوسترمشدی. ابنای مجوسدن (اسواری) دیزلن (ابو یونس سنسویه) دن ملهم اولان (معبد جهنی)، قدریه مذهبک اساسلرینی آتمش اولدینی کبی حوران صابیلری آره سنده یتیشن (جمع بن درهم) له تلیدی (جهم بن صفوان) ده جبریه مذهبنی قورمشلردی. جهم بن صفوان، انسانرک افعال وحرکاتلرنده مضطر اولدقلری عقیده سی نشر ایدیور، بشریتی برقوقله ماهیتده طانیئوردی. مسئولیت اخلاقیه تملنی بیقان بو عقیده، حیات اجتماعیه بی شدتله صارصمش، مسلمانلری مهلك بر (قاتالیزم) سور وکله مشدی.

سجستانده ظهور ایدن خام وجاهل صوفیلردن (ابو عبدالله محمد بن کرام) ده الهی انسان شکنده تجسیم ایدن بر مذهبله بو اعتقادی بحرانی بوسوتون قاریشدیرمشدی. کیتدکجه تشعب و تنوع ایدن بو مذهبله، خلقدن اعتقادی آنارشینی آرتیرمش، قرآن دینک حقیقی سیاسنی کیزله مش، هرکسی شایرتمشدی.

بوتون بو مذهبله بربرلرینی تضلیل ایدیور، عینی مذهبک مختلف شعبه لری بیله یکدیگرلرینه کفرلر یاغدبریورلردی. حقیقت حالده ایسه هبسی ده اساسات اسلامیه دن آیریلشلردی! ...

خلیفه مأمون زماننده، بغداد قاضیسی (احمد بن ابی دواد) ایله وزیر (ابن الزیات) مذهب مجادله سی سیاسته سوقش، قرآنک مخلوقیتی، ذات بارینک رؤفنی مسئله لری یوزندن مسلمانلر آره سنده آلیم اوچوروملر آچمش، بو یوزدن بک چوق ذواتک انواع حقارته همروض قالمیرنه سبیت ویرمشلردی. (امام احمد بن حنبل) ایله

عظمای ارباب فقه‌دن ( محمد بن نوح ) ، ( سجاده ) ، و ( قواریری )  
کبی ذوات زنجیره اورولمشدی .

خليفة ( واتی ) زمانده بو حال داها زیاده دهشتلنمش ،  
محدثیدن ( احمد بن نصر بن مالک ) ، رؤیت باری به طرفدار اولدینی  
ایچون اعدام ایدیلش ، امام شافعی اتباعندن و صاحبای امتدن ( ابو  
یعقوب یوسف بویطی ) خلق قرآنه قائل اولدیفندن حبسخانه به  
طریقلمشدی ... !

خلفای عباسیه دن بهضیلرینه استاد ایدن ارباب اعتزال ، مسائل  
کلامیه ایله خلقتک حضور و سکوتی اخلال ایدرکن ، علویک بایراغی  
آجان ( شیعه ) فرقه‌سی ده عباسیلری ده ویرمک چاره‌لرینی تحری به  
قویولمشلوردی . بعض مسائلده ارباب اعتزاله پیرو اولان ( نجاریه )  
فرقه‌سک ( زعفرانیه ) زمره‌سی منتسبلری ، قرآنک مخلوقیته قائل  
اولمیان ( اما احمد بن حنبل ) ی تکفیره جرأت ایتشلردی . ( محمد  
بن کرام ) ک تشیه و تجسیم مذهبنه یاقین دوشون ( نصر ) ، ( کهمش ) ،  
و ( احمد الهجیمی ) کبی آداملر بر چو جوغک بیله حوصله ادرکنه  
صیغیشه میه‌حق هذیانلر نشر ایدیورلردی . مشبه‌لر ، اللهک - حاشا -  
قائلی ، اتلی بر وجودی اولدیفی ، اعضا و جوارحی بولندیفی ،  
دنیا ده کندیسی زیارت ایدن غلاملرله ملاسه و مصافحه ایتدیکنی ،  
حنی ، پک زیاده سودکارینی قوجانلادیفی ادا ایدمک قدر  
ادبزلکلرده بولینورلردی . ( مشبه حشویه ) رئیس ( داود  
الحوارزمی ) اللهدن بحث ایدرکن : «لجه و فرج‌دن بی عفو ایدیکزده  
ماعداسندن صورتیکز ا...» یولده بر طاقم هذیانلر صاحب‌البوردی .  
یوتون مقدساتی ییقان بو دربدرلر اسلام طانی دیناً اَلم بر

آمارشی به سورکله مشلردی . خلقك بحران اعتقاد یسندن استفاده ایتك ایستین مزدکیلر ، اسلامیت نقابنه بورونورك اورتالنی مرج و مرج ایتكك باشلامشلردی .

مزدکیلردن (سزباد) ابامسلم خرسانیك قتانی فرصت اتخاد ایدورك (نیشابور) ده خروج ایتشدی . سزباد ، کوهستان وطبرستانده کی مجوسی ، رافظی ، مزدکی ومشبهه دن نه قدر آدم وارسه باشنه طوبلایه رق اطرافه دهشت صالمشدی . حریف ، جاهل خلقی اغفال ایچون : ابامسلم قتل ایدیله مشدر . خلیفه منصور کندیسنی قتل ایتكك ایسته مش ایهده جناب حق مشار الیهی بیاض بر کوورچین شگلنه تحویل ایلدیکندن اوچهرق تولومدن قورتیل مشدر . شمدی (مزدك) و (مهدی) ایله برابر معدن دن بر حصار ایچنده اوطوریورلر !... یولنده بر چوق یاولر نشر ایدیوردی [۱] .

رافضیلر ، مهدی اسمعی ، مزدکیلر ، مزدك [۲] نامنی ایشیدنجه

[۱] مردمان عراق وخراسان را گفت که ابو مسلم را نکشته اند ولیکن قصد کرد منصور بقتل او . واونام مبین خدای تعالی بخواند کبوتری کشت سپید وپرید و اکنون درحصاری است ازمس کرده وبا مهدی و مزدك نشته است [ سیاستنامه نظام الملك . پارس طبعی . جلد : ۱ . صحیفه ۱۸۲ ]

[۲] سلطان ملکشاه سلجوقیك وزیرى (نظام الملك) سیاستنامه عنوانل اثر مشهورنده (مزدك) حقیقده معلومات آتیهی ویریور : مزدك ، ایران حکمداری (قباد بن فیروز) زماننده (مداین) شهرى (موبد موبدان) ى ابدی . اولا (زردشت) دینك بوزولش و (زند آوستا) ك آکلاشبله مامش اولدینى ادعا ایدیوردی . بالآخره کندیسك بودنی اصلاح واحیايه مأمور ایدولدیکی دعواسته قیام ایتدی . (قباد) وقعه دن خبردار اولنجه ارکان سلطنتله موبدلری جمع ایدورك مزدکی استجواب ایلدی . مزدك زردشت دینی اصلاحه مأمور پیغمبر اولدینی ادعاسنی تکرارلادی . قباد ، کندیسندن معجزه

جمله سی (سَنَد) ك اطرافه اوشوشمشرلردی. فتاناقده نظیرسز اولان  
سَنَد ، مجوسیلرله یالکیزقالدینی زمان : « اسلاملر ، مالمکمزى-امتیلا ،  
ایران دولتی افذا وکعبه یی بزه قبله یابدیلر . سلطنتمزى اعاد ایتمک ،  
قبله مزى ( کونش ) . چویرمک ایچون اسلاملری افنا ، مسلمانانی  
یرباد ایتمه مز لازمدر ! » یولنده تلقیناتده بولینیوردی .

شیعهلره ، ابومسلمک شیعی اولدیقی س-ویلپور ، اولنری ده بو  
صورتله قاندریپوردی . سَنَد ، اغفالاته دوام ایده ایده جمعیتی یوز  
ایسته دی . اوده ، : « بنم معجزه م عبادت ایتدیکنکز ( آتش ) دره ایسترسه کز ،  
آتشکده ده یانان آتش ، لسانه کلهرک بنم رسالتی تصدیق ایدر ! . » یولنده  
یرجواب ویردی . ایرتسی کونی آتشکده به کیدیلسی تقرر ایتدی . مزدرک ،  
پیغمبرک دعواسته قیام ایتمه دن اول ، کیزلیجه کندی خانه سندن آتشکده نك  
آلتنه قدر بر یول آپدیرمشدی . بو یولدن کیدن بر آدم ، آتشکده ده  
آتش یانان محلك آلتنه بر سوز سویلینجه ، مهبد ایچنده کیلر آتشدن بر  
سس چیقدینی طلنیده بولنه جقلردی . مزدرک ، یوم معین ده محرملرندن برینی  
کیزلی یولدن سوق ایده رک بن نه وقت یوکسک سسله ( یزدان ) دیبه دعا  
ایدرسه م ، آتش یانان محلك آلتنه کی دلیک حذاسنه کلهرک ، : « بر یوزنده کی  
یزدان پرستلرک اصلاحی مزدرکک دعوتنک قبولنه متوقفدر . مزدرکه ایمان  
ایدنلر ایکی جهانده مسعود اوله جقلردر ! » سوزلرینی سویله ملی سک یولنده  
قطعی تعلیمات ویردی . قباد ، ارکان دولت و موبدلر ، ایرتسی کونی آتشکده ده  
طویلاندیلر . مزدرک ، معجزه سنی کوسترمک اوزره برشیلر صریلده نرق آتشک  
پانته یافلاشدی . یوکسک سسله ( یزدان ) . دعا وزردشتی مدح و ثنا  
ایتدکن صوکره صوصدی . او آنده ، مزدرکک ترتیبی وجهله ، آتشدن بر  
سس ایشیدلدی . هرکس حیرته قالدی .

قباد وارکان حکومت ، آتشک لسانه کلدیکنه ذاهب اوله رق همان  
( مزدرک ) دینی قبول ایتدیلر . حکمدار وارکان دوات ، یکی دینه کیردکن

بیکه چیقارمش اولدیفندن منصور طرفندن کونده ریلن اردولری بریشان  
ایده بيلمشدی ا

سزاد نهایت طوتیلوب اعدام ایدلمش ایسه ده ، اکیلن تخم فسادی  
تمیزله مک ممکن اوله مامشدی . عباسیلر ، سقوطه باشلادقدن صوکره ،  
دینی ، اجتماعی سقوطده داها زیاده شدت وسرعت کسب ایتمشدی .  
خلیفه لر ، هر حرکتلیله حرکت سقوطیه بی تسریع ایدیورلردی .  
خلیفه متوکل ، عشرت مجلسلرنده اسافل اشخاصه حضرت علینک  
ذمنه دائر هجویه لر انشاد ایتدیره رک اکلنیور ، حضرت حسینک  
صوکره مزدک قدرت و نفوذی آرتدی . یکی یکی حکملر وضع  
ایتمک باشلادی . قادیلرک ، مالرک اشتراکی فکری اورتیه آرتدی . بو  
فکر ، ارادل اشخاصک ایشنه کلدیکندن هبسی مزدکک باشنه طوبلاندیلر .  
نظام الملک وقعه بی تصویر ایدرکن : [ پس مردان از جهت اباحت مال وزن  
بمذهب او بیشتر رغبت کردند . خاصه مردم عام . چونان آیین نهادک اگر  
مردی بیست مردرا بخانه خویش مهمان بردی و نان و گوشت و شراب  
و نقل و مطرب دادی . بعاقبت همه یک یک بازن او کرد آمدندی و بسبب  
نداشتندی . و عاقبت چنان بودک هرک درشدی نابازی کرد آید . کلاه  
بردرخانه بنهادی . چون دیگر را رغبت افتادی و کلاها دیدی بردرخانه  
نهاد ، باز کتی و توقف کردی تا او بدر آمدی ... ) سطرلرینی یازیور .  
سیاستنامه نک بو تصریحنه نظراً مزدکیلردن برینک خانه سنه یکرمی مسافر  
کیتسه ، بیوب ایچدکن صوکره برر برر او صاحبک زوجه سیله معامله ده  
بولنورلر و بونی اصلا هیب کورمزلردی ا ...

برکیمسه هر هانکی برآمدک زوجه سیله مجامعت ایتک ایسترسه اونک  
اوینه کیدر ، کلاهنی قاپونک اوکنه قور ، اصلا راحتسز ایدیلکمیزین ،  
احتراساتی تسکین ایدردی . بو ائشاده دیگر بریسی داها کله جک اولورسه ،  
قاپوده کلاه کوربرکورمض ، عودت ایدرک ایچریده کینک چیقمه سنی بکلردی ا ...

گر بلاده کی تر به سنی بیقدیره رق عرصه سه اکن ا کدیریور، مسلمانلر  
آره سنده کی آلم چوقوری بوس بوتون اوچوروملشدیریوردی [۱] .

متوکل، حسنین حضراتنه سوومدیکندن (اصلاح المنطق) مؤلف  
شهری (ابن السکیت) ی مدھش اشکنجه لر آلتنده تولدیره رک  
ظلمکارلنک انواعی کوستیریوردی. نهایت کندیسیده اوغلی المنتصر) ک  
ترتیب ولشوبقیله بر کیجه قتل اولنشدی [۲]

عباسیلرک شوکتی سقوط ایتدکجه ، فجاعتلرده آرتیوردی . بغداد  
( دارالعماره ) سنده اهانلری جنایتلر، جنایتلری وحشتلر تعقیب  
ایدیوردی . خلیفه لر، سیاسی ، عسکری ، اجتماعی، اخلاقی ، دینی  
سقوطک اوکنی آلمه جالیشه جقلری یرده بربرلرینی بوغغق، یکدیگرلرینی  
زهرلنک کبی شنیعه لرله اوغراشیورلردی :

بغداد ( نرون ) ی نامی آلان ( متوکل ) ک ایکنجی اوغلی  
( معتز ) ، خنجر ظلمی سانی خلیفه مخلوع ( مستعین ) ک قانیله  
بویاه جق قدر خونریزک کوسترمشدی [۳] .

بغدادک ضعف وتلونندن استفاده ایتک ایستین سرسریلر، مذهب  
ماسکھسی آرقه سندن استقلال وشناعت رولاری چویرمکه باشلامشلردی .

[۱] وفی سنة ست وثلاثین ومائین اصرالم توکل بهدم قبرالحسین بن علی  
وان یبذر بسقی موضعه وان یمنع الناس من اتیانہ ... [تاریخ مختصرالدول .  
صفحه ۲۴۷]

[۲] تاریخ مختصرالدول . صفحه : ۲۴۸

[۳] (معتز) خلیفه مخلوع (مستعین) ک قتلن اصرایتمشدی . یجاره نک  
سر مقطوعی حضورینسه کتیریلدیکی ائزاده بو جانوا خلقنن آدم شطرنج  
اوینا یورمش . کیفیتی عرض ایدنلره ( هله شواویونی بیتیره مده اویله ا . )  
دییه رک کمال لایندی ایله اویونه دوام ایتمش، آنجق قالفه جنی زمان سرمقطوعه  
باهرقه مستعینک باشی اولدیفنه قناعت کتیردکن صوکره دفنره رخصت ویرمشدی . . .

هجرتك ۲۵۵ تاریخنده (بصره) طرفلرنده (عبدالقیس) قبیله سندن  
بردر بدر، اوحوالیده کی زنجی کوله لری مأمودیت، منصب و ثروت  
وعدیله اغفال ایده رک باشنه طوبلامش؛ کندیسیدی ده (صاحب الزنج)  
عنوانی آله رق اورتالنی هرج و مرج ایتمه کیریشمشدی.

صاحب الزنج، خوارجدن (ازارقه) کروهنك عقیده فاسده لری  
نشر ایدیور، منبرلرده عثمان، علی، معاویه، طلحه، زبیر وعایشه  
کبی اکابر دینه قارشی کفرلر صاووریور، سنیلرک ماللرینك،  
جانلرینك حلال اولدیفنی اعلان ایدیوردی. اطرافنه طوبلانان  
جانوارلر، کندی مذهبلرندن اولیان مسلمانلری اک فجع اشکنجه لرله  
تولدیریور، قادینلری، چوققلری کوله کبی صاتیورلردی.

هر بر زنجینك خانه سنده اولاد رسول و آل هاشم دن، اسیر  
اوله رق؛ اون اون بش قیز بولینیوردی. زنجیلر، بصره جهتلرنده  
مقدساتی تحقیر، معصوملری افنا ایدرکن، (قرمط) نامنده دساس  
بر ملحدده، کوفه ملحقاننده کی بدویلرله سرسریلری اضلال ایده رک  
او منطقه بی آل قانلره بویایوردی.

قرمط، عالم اسلامی تمامیه آلت اوست ایده بیلمك ایچون بر  
آراق (صاحب الزنج) ایله توحید مساعی ایتك ایسته مشدی. فقط  
صاحب الزنج، خوارجدن قرمط ایسه حلوله معتقد اولان غلاة شیعه دن  
اولدیفندن آرله رنده اتحاد افکار ممکن اوله ماش، هریری باشلی باشنه  
اختلال و تخریبه قویولمشلردی.

چوق کجه دن قرا مطه نك وحشتی زنجیلره رحمت اوقوتدیره جق  
بر شکل آلدی. آرتق بلا آمان خللك مالی یغما، جانی افنا،  
ناموسی هنك، وجدانی تخریب ایدیلوردی. اهل سنت مذهبندن



اولدینی ظن ایدیلن مسلمانلر ایچون حق حیات قالمه مشدی. ماللری غصب، صرضلری پایمال، چوجوقلری اسیر ایدیلدکن صوکره کندیلری ده انواع اشکنجه لرله تولدیریلورلردی.

مسلمانلر بوقهار مظالمه قربان اولورکن، بغداد خلیفه سی (معتدعلی الله) ده ذوق و صفا، عیش و عشرتله وقت کچیریوردی. نهایت هجرتک ۲۷۹ نجی سنه سنده برکیجه لزومدن فضله شراب ایچهرک بردها آیلماق اوزره مؤبدأ بایلدی...

خلیفه لک سقوط فجیعنی، بغداد عجز و پریشانی کورن قرامطه، کوندن کونه دائرة وحشتلری توسیع ایدیورلردی. رئیس قرامطه «ابو طاهر جنابی»، هجرتک ۳۱۱ نجی سنه سنده بصره بی استیلا ابتد. آلتی سنه صوکرده حج موسمنده «ترویه کونی» بروحنی آلایلله مککه کیردی.

قرامطه نك مککه کیرمسیله اسلام دنیاسی ایچون ألیم بر صحنه فجاعت آچیلمش اولدی. حریفلر، حجاجی برر برر پارچالامغه باشلادیلر. حرم شریفک ایچی حتی «بیت شریف»ک داخلی معصوم تمشریله طولدی. قادین، چوجوق، کنج، اختیار، کوزلرینه تصادف ایدن هیچ بر فرد تولومدن قورتیله میوردی. سوقاقلرده پارچالانان جسدلر، زمزم قویوسنه تولدیریلدیلر. اهل مککه اموالی یغما ایدیلدی. بیت شریفک کسوه سنی ییرتدیلر. هجر اسودی یرندن سوکوب چیقارده رق پانتختری اولان «هجر» کونوردیلر.

مککه مکرمه؛ قرطیلرک پای تولونی آلتنده ایکلرکن بغدادده کی مسلمانلرک حیات دینیسی ده، غلاة حنابله نك تغلبی ایله آقیقلی بر حال آلمشدی.

امام احمد بن حنبل مذهبه منسوبیت ادعا سنده بولنان بر قسم غلاة ، مشبهه مذهبه يك زیاده یا قلاشمش ، ذات باری به جسم ، مکان اسناد ایده جك قدر ایلری کیتمشلردی .

( احمد الهجیمی ) و ( ابو عبدالله محمد بن کرام ) کبی مشبهه رؤساسنك « الله صرش اوزرنده مستقر وصفحه علیاسندن هرشه عماسدر ، یولنده کی هذبانلرینه قریب فیکرلره مفتون اولان جینایلرک قورقوسندن مفسر ، مورخ و عینی زمانده زهر و اتقاسیله مشهر ( محمد بن جریر طبری ) کوندوزین دفن ایدیلهمه مش ، کیجه یاریسی کومولمشدی .

اهل سنت مذهبنی سنه لرجه مدافعه وتأیید ایدن ( امام ابوالحسن اشعری ) [۱] ده حنبیلرک کین وخصومتنه اوغرامشدی . غلاة حنابله امام اشعری بی تکفیر ایدیور . مذهبه تابع اولان مسلمانلرک قاتی حلال کوریه-ورلردی . . . . حنبیلر ، امام اشعرینک قبری تخریب و جسدینی اخراج ایده رک آتسه آتہ جقلرینی اعلان ایتدکلرندن مشارالیه وفات ایتدیکی زمان اصحابی نعشی کیزلیجه دفن وقبری بلورسز ایتمشلردی .

خليفة ، « راضی بالله » زماننده حنابله اولدقجه آزیتمه باشلامشلردی . غلاة ، جناب حقل یوزی اولدیغی ، دنیایه نزول وصعود ایتدیکنی ادعا ایدیور ، بو صورتله خاکی مردم پرستلکه سوروکلیورلردی .

حنبلیلر ، عقیده خصوصنده کی ضلالتلرینه رغماً ، عبادت و عملیاتده

[۱] مشارالیه ابو موسی الاشعری احفادنددر . هجرتك ۲۶۰ هجری ییلنده بغدادده تولد و ۳۳۰ سنه سنده وفات الیشدر .

بك زیاده تعصب کوستریورلردی. اللهه (جسم) اسنادیله کفره دوشن بوزوالیلر، خام صوفیلکه صولک درجه دوشکونلك ابرازایدیورلردی: اوته کینک بریکینک اولرینی باصه رق (نیدز) آرایورلر، بولدقلى موسیقی آلتلرینی قیروب دوکیورلر، خلقلک حریمه قدر اوزاندقلى بورونلرینی، امور حکومته ده صوقغه چالیشیورلردی. یکی دن یکی به تورمین ویا اولکی شکلرینی غائب ایدن مختلف مذهبیلر یوزندن مسلمان دنیاسی قورقونج بر بحران ایچنده یووارلانیوردی.

اهل سنت مذهبک احیاسنه چالیشانلر مصیبتدن مصیبتنه اوغرایور، اهل سنت اماملری حقارتلر، قامچیلر آلتنده یا محبسه طیقیلیور ویا نفی و افنا ایدیلیورلردی.

اسلام عالمی قاووران بو الیم بحرامک منبی، ایران طرفلری وبالخاصه (دلم) حوالیسی ایدی. ديلم امراسندن (مرداویج) نامنده بریسی اکیان فساد تخملرینک لایقیله نشو و نما بولدیفنی کورنجه، دولت ایرانیه بی احیایه قالقشمش، باشنه - کسرانک تاجی دیه - بر افسر کییه رك (شهنشاه) عنوانی آلمش، (مداین) ی اعمار ایده رك پایتخت اتخاذایلشدی.

فقط، ملوک ایرانیه دن (بهرام کو بن یزد جرد) نسلندن اولدیفنی ادعا ایدن و حقیقت حالده بر بالقجی اوغلی اولان ديلمی (ابو شجاع بویه) ک اوغوللری اکتساب قوتله (مرداویج) ی اورتادن قالدیرمش، ایران کسرانکی مقامنه قائم اولمق اوزره، آل بویه دولتی تأسیس ایتشلردی.

آل بویهک تخت شوکتلری اطرافنه طوبلانان گروه، بوتون بو ملوث مذهبیره مربوط بر طاقم آنارشیزستلردن مرکب ایدیلر. بونلرک

نظر نده ، دینك ، قرآنك هیچ برقیقی یوقدی . بوتون غیرتلیخی ، اسلامه طأند نه قدر مقدسات وارسه هپسینی تحقیر و تزدیل ایتمکک حصر ایدیورلردی . آل بویهیدن معزالدوله ، هجرتك ۳۳۴ نجی سنهسی جادی الاولنده بوکروهك باشنده اولدینی حالد بغداده کیرمش ، برآی صوکره ( مستکفی ) یی خلع و حبس ایتمش ، دارالخلافه یی فارسیدستلرینه یغما ایتدیرمش ، اسلامدن سلطنت کسرانك انتقامنی آلمشدی ...!

معزالدوله نك امریله بغداد جامعلرینك قابولرینه ، دیوارلرینه : معاویه بن ابی سفیان و فاطمه دن فدکی غصب ایدنلره ( ابوبکر و عمر حضراتی قصدایدیوردی ) و ( حسن ) ك جدی قبرنده دفن اولنسنه مانع اولانه و ابو ذردی نفی ایدنه ( حضرت عثمان مقصود ایدی ) الله لغت ایلسون ! ، یولنده کتابه لر آسیلدی . هجرتك ۳۵۲ نجی سنهسی محرمنده ، ینه معزالدوله نك تندییله بغداد چارشولری قاپاندی . قادینلر صاجلرینی طاغیدوب آچیق صاجیق سوقاقلره دوکولدیلر . کویا حضرت حسینك شهادتی ایچون اجرای ماتم ایدیورلردی . ذی الحجه نك اون سکزننجی کونی ده ( غدیرخم ) بایرامی باییلدی . کیجه بغدادك بوتون دکانلری آجدریلدی . قادیلر یاقیله رق هر طرف دونادیلدی . داووللر ، زورنالر چالینه رق اجرای شادمانی ایدیلدی . خاق آل بویهك بو کبی طاشقین حرکاتی هضم ایدمه مدیکندن مذهب مجادلانی کوندن کونه قورقونج برشکل آلمغه باشلامشدی . » ( بصره ) ده ( همدان ) ده مذهب غوطاسی یوزندن مدهش عربده لر ظهور ایدرهك بیکلرجه مسلمان تلف اولدی . هجرتك ۳۵۳ نجی سنهسی محرمنده رسم ماتم باییلیرکن ، بغدادده سذیلر و شیعیلر آره سنده

فجیع بر جدال باش کوستردی . شیعیلر ، سنی محلاتنه هجوم ایدرک  
بیگلرجه بیکنهای بوغازلادیلر . سنیلرک ماللری یغما ، اولادو عیاللری  
اسیر ایدیلرک کوله وجاریه کبی صایلدیلر .

معزالدوله نك اوغلی و خلفی ( عزالدین بختیار ) ، بو هر ج  
ومرجی بوس بوتون آرتیردی . باطنی ، شیعی ، یزیدی ، مزدکی ...  
کبی بر چوق ارادلی بغداده طویلادی . بو حریفلر ، سنیلرک  
اموالی یغما ایتمک فکریله قانلی بر اختلال چیقاردیلر . نتیجه ده  
بیگلرجه مسلمان پارچالاندی ، بغدادک تجارت مرکزی اولان  
( عملة الکرخ ) یاقیلدی !

بختیار ، مملکتک بوتون وارداتی ذوق و صفا سنه صرف ایدیوردی .  
پاره سز قالینجه باشده خلیفه ( مطیع ) اولماق ارزره پاره امید ایستدیکی  
ذواته یوکلنرک صیقیشدیر ییوردی . حالبوکه ( مطیع ) ویره ویره ،  
فلس احمره محتاج بر حاله اینمشدی . بختیارک پاره طلبنه قارشو کوندردیی  
بر مکتوبده بوفجیع حالی تصور ایتمش ، فقط دیکله تهمه مشدی .

بختیار ، متوالاً تهدید ایدرک پاره ایسته مکده دوام ایدیوردی .  
خلیفه مطیع ، نهایت جبه سنی ، دستارینی و سائر الیسه لرینی ،  
( دارالعماره ) نك مفروشاتنی اوجوز بها ایله صاتهرق کوچ بلا  
دورنیوز بیک درهم تدارک ایستدی . بو پاره لری بختیاره کوندردرک  
باشنی قزلباشک قیلیجندن قورتاره بیله دی .

هجرتک ۳۸۹ سنه سنده ( شبراز ) ده آل بویه امارتنه ارتقا ایدن  
( بهاءالدوله بن معزالدوله ) زماننده عراق خطه سی ، مذهب غوغالریله  
بر معرکه خونینه دونمشدی .

شیعیلر طرفدن بغدادك ( كرخ ) محله سنده محرم ده ماتم آلایلری،  
 ذی الحجه مك اون سكزندده (بوم غدیر) شنگلکری ترتیب ایدیلر سینه  
 مقابل سفیلرده ذات رسالت پناهینك حضرت ابوبكر ایله غاره کیردکلری  
 کونه تصادف ایدن یکریمی سکز ذی الحجه ده بغدادك ( باب البصره )  
 محله سنده شنگلکری قورومش، ( مصعب بن زبیر ) ك قتلی کونه تصادف  
 ایدن اون سکز محرم ده ماتم آلایلری ترتیب ایلمشلردی .

بوتون بو غریب نمایشلر ، سفیلرله شیعیلر آره سنده کی منافرقی  
 آرتیریور ، بر چوق معصوملرک قتلنی انتاج ایدیوردی .

بغداد ، عراق نجف و ایران حوالیسو بو حالده ایکن مصر  
 و سوریه جهتلری ده ( معز علوی ) نك پنجه قهری آلتنده ازیلیوردی .  
 معز علوی ، جامعلرده تراویح نمازی قیلنما مسنی امر ایدمك قدر  
 آفریقاده رافضیلک جریاننه رواج ویرمشدی .

ممالک اسلامییه بی استیلا ایدن باطنیلک ، بر آراق خراسان طریقیله  
 ماوراءالنهر جهتلری نه نفوذ ایتمک باشلامشدی . باطنیه داعیلرندن  
 ( محمد نخشی ) بخاریه کیده رك امیر ( نصر احمد ) ك ارکان وامراسنی  
 بیک تورلو زویراتله اغفال ایتمش ، اونلر واسطه سیله برتقریب امیره  
 حلول ایلمشدی .

فقط ، تورک روحی ، ایران روحنک مولودی اولان قره طی  
 و باطنی عقیده سینه ممکن دکل ایصینه مامشدی . تورکلر ، اسلامیت  
 حقیقیه یه پک زیاده مربوط اولدقلرندن امیرلرینک قرمطیلرله اختلاندن  
 متأثر اوله رق کفتکویه باشلامشلردی . بو ائناده محمد نخشی امیر  
 وارکان دولتك توجهاتنه کووه نه رك تورکلری علناً باطنیه مذهبیه دعوت

ایتمک جسارتی کو سترمشدی . تورکر ، بو دعوتدن بوس بوتون هیجان کله رک امیر علیپنده بر اختلال ترتیب ایتدیلر [۱].

فقط ، امیر ( نصر احمد ) ک اوغلی ( نوح ) ک تدایر صائبانه سی سایه سنده قان دو کولمکسزین مسئله حل ایدیلدی : ( امیر نصر ) ، مقام امارتدن اسقاط ، ( محمدنخشی ) قتل اولندی . امیر نصر دورنده قرمطی ، مزدکی و باطنی لردن ماوراء النهره سوقولمش اولانلر ، برر برر یاقه لانه رق افنا ایدیلدیلر [۲]. صوک بقیه لری ده تورکستان خاقانی ( بغرا خان ثانی ) طرفندن تعقیب و اعدام اولندیلر .

ایشته تورکر عظیم کتله حالنده غربه هجرتله مقدرات اسلامی بی الارینه آلدق لری زمانه قدر کچی عصر لر طرفنده عالم اسلام بوفجیع صفحه لری یاشامشدی . اسلامیت ده کونا کون مذهب لک پیغدی نی ترسباتله سیای اصلین سی غائب ایتمش ، ذات رسالت پناهینک آجدینی شهراه ، جهیمیه لک ، کرامیه لک ، قرامطه نک ، مارقه نک . . . الخ دو کدک لری انقاض خرافات آلتنده غائب اوله جق بر حاله کلشدی . غیر اسلامی عقائد و افکار ، قرآنی اساس لری اونوتدیرمش ، ذات رسالت پناهی ایله اصحاب کرامتک تعقیب ایتدک لری طریق ، بو عجیب و غریب مذهب لر آره سنده فرق اولنمز برحاله کلشدی .

[۱] کار محمدنخعی آنجا رسید که دعوت او آشکارا شد و ( ترکان ) را ناخوش می آمد که پادشاه قرمطی شد . پس طالعان کرد آمدند و پیش سیاه سالار آن شهر و لشکر رفتند و گفتند دریا باید که مسلمانی تبه شد . سیاه سالاران گفتند شما باز کردید که کار بصلاح آید . دیگر روز آمدند و پادشاه را گفتند . سودی نداشت و گفت و کوی برخاست ....

[۱] سیاستنامه نظام الملک . جلد ۱ . صفحه ۱۸۹ : پارس طبیبی

[۲] سیاستنامه نظام الملک . ج ۱ ، ص ۱۸۹ ، پارس طبیبی

شوکت و سطوتی غائب ایدن اسلامیت ، خارجدن اهل صلیب  
 دنیاسنی تمثیل ایدن استانبول ایمپراطورلغنک ، داخلندن مذاهب  
 ضالہنک تحت تهدیدندہ بولینوردی . ہر ایکی فعالیتدہ اسلامی احما  
 فایہسنی کودییوردی . اسلامک استقلالی ، حتی بقاسی تهدید آلتہ  
 دوشمشلردی . بویلہ قورقونج وامیدسز برزماندہ اسلامک مقدراتنی  
 ادارہ مسئولیتنی درعہدہ ایدن تورکارک برطرفدن صلیب اوردولرینہ  
 دیگر طرفدن ضلالت ناشرلرینہ قارشنی اسلامک استقلال وبقاسنی ،  
 قرآنک صاف عقیدہسنی ، پیغمبرک نورلی سنتنی ناصیل مدافعہ وتأیید  
 ابتدکارینی آشایگی صحیفہلردہ کورہجکوز .





## نوركلرك اسلاميت ارغورنده كي فداكارلاري

خلافت عباسيه نك شانلي دورلرنده بيله شرقه قارشى صليب دنياىنى تمثيل ايدن استانبول ايمپراطورلنى فرصت بولدقجه اسلامى ضربه له مكه چاليشيوردى . خليفه ( محمدالمهدى ) زماننده بيزانسك اخلاقى سفاقتى، صايبي تعصبى تمثيل ايدن ايمپراطوريچه ايره ن . كليكا اوزرندن سوق ايتديكي وحشت سورولرينه ( مرعش ) ي اوردورمش، مسلمانلرى وجدانخراش مظلله قتل عام ايتديرمشدى . فقط ، خلافت عباسيه نك قدرت شكيمه دارى هنوز صارصيلمامش اولديفنندن ( مهدى ) بو وحشت سوريلرينى تاديب ايتمك اوزره ارغلى ( هارون رشيد ) اداره سنده بر قوت سوق ايتمشدى . ( هارون رشيد ) بيزانس سوريلرينى قطعى بر ضربه ايله تارومار وبقية سيوفى اوكنه قاتهرق آناطولي ي بويدين بويه قطع ايتمش ، بوزاز ايجى ساحلارينه يناشمشدى . يو قهار ضربه ايله آييلان عشوه باز ( ايره ن ) ، خوف وتلاش ايجنده ( هارون رشيد ) دن صلح نيازينه مجبور اولمشدى . هر سنه مهم مقدارده ويركى وبرمك شرطيله بو نيازى قبول ايديش ومصالحه عقد اولنمشدى . فقط ، موقننده قاتلى ايجون يكانه اوغلنك كوزلرينى اويدوره ق

کې توپلری اور برتن وحشتلر ارتکاب ایدن بو سفیله ظهور ایدن بر عصیان نتیجه سنده تخنندن اسقاط ایدیلرک یرینه باش وکیل (نیکه فوروس) ایمپراطور اعلان ایدیلنجه یزانسلیلرک بالیقاریالق حسلری ینه قبارمغه باشلامشدی . (نیکه فوروس) موقعی تحکیم ایتک ، پاپاسلرک کیندار تعصبلرینی اوقشامق اوزره بو معاهده یی نقض ایتمش ، (هارون رشید) . برته دیدنامه کوندره رک کیفیتی اعلام ایلشدی [۱] . بومکتوب (هارون رشید) ک عزت نفسی جریحه دار ایتدیکندن (نیکه فوروس) . کوندردیکی قیصه بر جوابی متعاقب اوردوسيله آناتولی یه کیرمش ، مقابله سنه سوق ایدیلن یزانس سوریلرینی یریشان ایدرک (ایمپراطور) . بکله دیکی جوابی ویرمشدی .

[۱] (نیکه فوروس) ک (هارون رشید) . کوندرمش اولدینی بو مکتوبی ابوالفرج (تاریخ مختصر الدول . ص ، ۲۲۴) بروجه آتی ضبط ایتشدور : « من نیقیفور ملک الروم الی هارون ملک العرب . اما بعد فان الملكة (ایرینی) حلت الیک من اموالها ما کنت حقیقاً بحمل اضعافه اليها . لکن ذالک ضعف النساء وحقهن . فاذا قرأت کتابی هذا فار دما اخذت والا فالسيف بنينا و بینک = روم ایمپراطوری (نیکه فوروس) دن عرب ملکی (هارون) . : بندن اول حکمدار بولنان ایمپراطوریمجه (ایرمن) اموالندن مهم بر قسمی سکا ترک ایتدی . بو حال منحصرأ ضعف نسویت و اثر حاقندور . بو مکتوبی اوقور اوقوماز اوندن آلمش اولدیغک پاره لری تماميله بکا اعاده ایتلیسک والا اختلافی قیلیج حل ایدرکدر ! .. » . (هارون رشید) ، بو حقارت آمیز مکتوبه شوقیصه جوابی کوندرمشدی : « من هارون امیر المؤمنین الی نیقیفور زعیم الروم : قد قرأت کتابک والجواب ماتراه دون مانسمه = امیر المؤمنین (هارون) دن زعیم روم (نیکه فوروس) . : مکتوبکی اوقودم . جوابی ایشیتمه یه چکسک فقط کوره چکسک ! » . بو جوابک آرقه سندن (هارون) ک اوردولری آناتولی یه کیرمش ، نیکه فوروسی ذلیلانه استدعای عفو وصلحه مجبور ایتشدی .

فقط، عباسیه دولتی شمشه اقبالنی (هارون رشید) و (مأمون) کبی بویوک حکمدارلر دورینه کومه رک یاواش یاواش ذروه اقبالدن اینمکه باشلانجه صلیب ممللارینک تهدیدلری آرتمش، آناطولی حدودلرنده کی مسلمانلر صیق صیق وحشیانه قتل، یغما فاجعه لرینه معروض قالمغه باشلامشلردی.

عربلرده اولکی شهادت سونمش، دارالخلافه یی استیلا ایدن ظاهراً جاذبه دار و محتشم فقط حقیقتده ملوث و میقروبلنی یا بانجی غرضه لر، افسادکار سفاقتلر عربلرک یوکسک سجیه لرینی چور و تمشیدی. اسلامیت، قورقونج برعکس العمل ایله غربدن شرقه یوککنمکه باشلایان صلیب قارشوسنده استنادسز قالمش، غربه طوغری آقش اولان مسلمانلر، تعصب قاصیرغله لری، کین و انتقام سیلابه لری اوکنده یوغولمغه محکوم اولمشلردی.

ملک اسلام باشدن باشه آنارشی ایچنده چالقانیور، یریر ظهور ایدن داخلی اختلاللرله هر طرف خونین برمنظره عرض ایدیورکن، سطوت اسلامی مدافعه یه مأمور اولان خلیفه اوردولری ده متوالی هزیمتله آلتنده قیورانیورلردی. داخلده بو هائله لر تعاقب ایدرکن غرب حدودلرنده حایسز و مدافعسز قالان اسلاملر خرسیتیانلر طرفندن قویون کبی بوغازلانیور، مسلمان بلده لر ییقیلور، یا قیلیوردی. خرسیتیان غربک تعصب کابوسی، شب یلدا ظلمتی آکدیران کشف واوزون برقاره بولوط شککنده شرق آفاقی استیلا ایتمکه حاضرلانیوردی !!

اسلام دنیاسی بوقانلی فلاکتلر ایچنده نومید و پریشان، ظهور ایده جک عواقب فجیه نك دهشت بخش خشیتیه فالان اولدینی

بوزمانلرده ایدی که آلتای اتکلرینک کوربوز وجسور اولادلری بیغمبر دورینک مجاهدلرنده کی صمیمی وهیجانلی برایمان ایله ؛ اک کشیف بولولطری تارومار ایدن کسکین ودواملی شیمشکلر کبی ؛ آفاق اسلامی آیدینلاتمه، غرب کابوسنی طغانیمه، کیمسه سزواستنادسز قالان قرآن دینی قورتارمه ویوکسلمک قوشمشلردی. دها اول خلیفه (المعتصم)، ایران ویزانس روحلرینک تحکمی آلتنده سجه لرینی فائب ایتش اولان عربلره آرتق استناد ایدیلهمیه جگنی آکلامشدی. ایرانلی موالینک ایسه اسلامک اعلا شان وشوکتدن زیاده ایران سلطنتک اعاده سنی دوشوندکلرینی سزمشدی .

معتصم، داخلی و خارجی ضربه لرله غیجیردومه باشلایان بنیاد خلافتک ترصینی ایچون، روحی بوزولمه مش، عقیده سی خرافه لرله بولانماش زنده وجسور بر قومه احتیاج اولدینی تقدیر ایتمشدی . دامارلرنده تورک قانی جولان ایدن معتصم، داییلری اولان تورکلرده بوتون بو عزبترلرک موجودیقنی بیلوردی [۱]. بوتک ایچوندی که،

[۱] معتصمک والده سی تورک امراسندن برینک کریمه سی ایدی . عباسیلر آرمه سندده والده لری تورک اولان برقاچ خلیفه دها واردرد . خلیفه ( قائم باصراه بن قادر بالله )، سلجوق امیر نامدار ( رکن الدین طغرل ) بکک قیز قارداشی اولوب تاربخده ( خدیجه السلجوقیه ) نامیه اشتیار ایدن ( آرسلان خان ) ایله ازدواج ایتش اولدینی کبی خلیفه ( المعتضد بالله ) ده تورک امراسندن وطولونیلردن مصر حکمداری ( خواریه ) ک کریمه سی ( فطراندی ) ایله ازدواج ایلشدی . خلیفه ( المستکن بالله ) ک والده سی ده ( آلتون ) اسنده برتورک قیزی ایدی . بولردن باشقه عباسیلرک اک بویوک خلیفه لرندن اولان ( مأمون ) ایله ( ناصر الدین الله ) او ( المستنصر بالله ) ک والده لرینک ده تورک اولدقلری بعض تاربخلرده مقبدر . خلیفه ( المقتدی ) ده ساچوق حکمداری ( ملکشاه ) ک قیزی ( سلجوق خان ) ایله ازدواج ایتمشدی . اوغل ( جعفر ابوالفضل ) بو ازدواجک محمولیدر .

معتصم مقام خلافته کچرکچمز ، مناصب دولتی استیلا ایتمش اولان ایرانیلری بو موقعلردن اوزاقلاشدیرمش ، یرلرینه شوکت اسلامک اعلاسنه چالیشه جق فداکار و اداره لی شخصیتلر یرلشدیرمش ، تورکلردن یرخاصه اردوسی تشکیل ایتمشدی . دردنجی عصر هجرینک اک بو یوک بر عرب مررخنی او و قتلر معتصمک خاصه اردوسندن بحث ایدرکن شوسطرلری یازمشدی : « معتصمک تورکلردن تشکیل ایتدبکی خاصه اردوسی کنج ، دینج ، حسن و آن صاحبی لوند و جسور افراددن متشکل ایدی . تورک عسکرلری ، ایپکلی الیسه لری ، صیرمالی قوشاقلری ، سیمین قلیج آصقیلری ایله هرکسک تقدیر و حرمتی جلب ایدیورلردی . بو نورکلر مایه سنده ههونک نفردنی تأسی و شوکت اسومیه نهالی ایتمکه باسوردی . » [۱]

خاصه اردوسی قوماندانلری اره سنده عسکری و اداری مهارت و رویتلریله اشتهار ایدن ( ثابت تورکی ) ، ( ایناج ) ، ( بایکتال ) ، « افشین » و ( بنا ) او عصرک اک ممتاز سیالری ایدی . مورخ ( ابن خلکان ) ، معتصم دورنده کی تورک احضراسندن ( حضر بن بلتکین ) ک محاربه لرده کوسترتمش اولدیغی خارقه نما شهامتله خلیفه نک حیرت و تقدیرنی قارانش اولدیغی قید ایتمکده در .

معتصم ، خاصه اردوسنی تشکیل ایدن تورکلرک صرفی و ملی سجه و اخلاقلرینک بغدادک سفاهت آلود تأثیراتیه بوزولماسی ایچون تدابیر مهمه اتخاذ ایتمش ، بونلره مخصوص نظاملر قویمشدی . تورکک ، ثباتی ، عزمی ، جسارتی ، فضیلت اخلاقیه به رعایتی ، اقدام و تحملی اسلام سطوتنک استنادکاهی ایدی . اقوام سائر ایله اختلاط و اتصال

تورکک بو سجیه لرینی اخلاص ایده بیلیردی . بر مشهر سفاهت حافی  
آلمش اولان بغدادده اقوام سائرہ نک عادت و اعتقادلری ، عنعنہ لری  
تورکک صاف و یوکسک اخلاقلری ایچون بر تہلکہ ایدی . معتصم ،  
اھالی سائرہ ایله اختلاطہ میدان قالماق ایچون خاصہ اوردوسی  
( بغداد ) دن ( سامرا ) یه نقل ایتیش و بورادہ کنڈیسیلہ تورکک امرا  
و عسکرلرینہ مخصوص برشهر تأسیس ایلشدی . مورخ ( یعقوبی ) نک  
ویردیکی معلوماتدن آکلاشیلدیغنه کورہ ، وضع اولنان نظاماتہ نظرآ  
خاصہ اوردوسی افرادندن بر تورکک باشقہ ملتلردن بر قیزلہ تاهلہ  
ایتمی شدیداً ممنوع ایدی . تورکک دلاوری آنجق ، بر تورکک قیزی  
ایله ازدواج ایده بیلہ جکدی . معتصم بونظاملہ ، نتیجہ تصالب اولہرق  
تورکک عرقی و اخلاقی سجیه لرینک بوزولماسینی تأمین ایتک ایستہ مشدی .  
معتصم ، بوندن باشقہ ؛ تورکک کنج لرینی تاهلہ ترغیب ایتک ، معیشت  
خصوصندہ مشکلاتہ معروض قالمالرینی تأمین ایتک ، صاغلام و عرقک  
بوتون اوصاف و سبجایاسنی جامع افرادی چو فالتق ایچون تورکک  
قیزلرینہ معین معاشرلر تخصیص ایتشدی . تاهلدن سوکرده بومعاش  
کسیلمزدی . بر تورکک تحت ازدواجندہ کی تورکک حرمنی تعلیق ایتمی  
منع ایدیلشدی بونظاملر سایہ سندہ تورککرم اخلاق ملیہ لرینی محافظہ  
ایتیش ، ہم دہ مسعود و صرفہ عائلہ لر تشکیل ایدہ رک کوربوز بر نسل  
یتشدیرمشردی .

تورککک ( معتصم ) دورندہ اسلامیتہ و لیکہ بوتون بشریتہ ایتدک لری  
ایلک مهم خدمت ، ایران دہ ظہور ایدہ رک بو حوالی بی آل قائلرہ  
بویایان ( بابک خرمی ) نامندہ کی آنا رشیت ایله طرفدارلرینک قهر

و تدمیریدر [۱]. بابك ، بشریت ایچون بی امان بر جانی ، مسلمانلر ایچون ده قورقونج بر آفت ایدی . نشر ایتدیکی مذهبله اسلامیتی تملندن ییقمق ایسته مشدی . بابك ، منفور بر حرصله قادینلرك ، جوجوقلرك اشترا کئی تعلیم ایدیور ، اساسات اخلاقیه یی سیلوب سوپورمه که چالیشیوردی . دنیاده ذوقیاب اولدینی یکانه لذت ابنای جنسی ألیم اشکنجهلر آلتنده اولدیرمك ، معصوم جوجوقلری ، قادینلری بوغدورمقدن عبارتدی . خلیفه اوردولری اووقته قدر بوشقی نك سیلابه هجمانه قارشى مقاومت کوسترهمه مشلردی . خلیفه طرفندن کونده ریلن برچوق فرقلر ، بابك قانلی هجوملری قارشوسنده نارومار اولمش ، امرای اسلامیه دن پك چوق نامدار ذوات اسیر و اعدام اولنمشدی . اسلامیت ، بویوك برتهلكه قارشوسنده بولینیوردی . مسلمانلر ، اك قورقونج وحشتلرله بوغازلانیور ، احما ایدیلورلردی . مقتضم ، بوصرصر فلاکتی طور دیرمق ایچون توركلرك حسیات دیزه سنه ، شهامت ملیه سنه مراجعت ایتدی . تورك امراسندن بویوك ( بغا ) ایله سر رار شهر ( افشین ) اداره سنده بابك اوزرینه کزیده بر تورك فرقه سی سوق ایتدی . بابك ، ( افشین ) ك ورودینه قدر ایکی یوز الی اوچ بیک مسلمان بوغازلامشدی . اون بیک مسلمان ده بوغازلانمق اوزره حبس خانه ده ایکلیورلردی . هجرتك ( ۲۲۲ ) نجی سنه سنده تورك قهرمانلری ، اووقته قدر ینیلمز اعتقاد ایدیلن بابکیلری قهار بر ضربه ایله انهمزاه اوغراتدیلر . بابكك التجاکاهی

[۱] بابك مذهبی و بومذهبك عالم اسلامه اولان تأثیراتی حقنده ( خرافاتدن حقیقته ) کتابزده تفصیلات واردور .

و مرکزی اولان مستحکم (بذ) قلمه‌سنی ضبط ایتدیلر . بابک ،  
 بهیه سیوف طرفدارلریله فراده مجبور اولدی . (افشین) ده ، حبس‌خانه ده  
 خونین اشک‌کنجه‌لر آلتنده تولومه انتظار ایدن اون بیک مسلمانی  
 قورتاردقدن صوکره بابکی تعقیبه باشلادی . شرق آنارشستی خونخوار  
 قارداشی ( عبدالله ) ایله برلکده خائن برارمنی بطریقنک خانه‌سنده کی  
 اختفا کاهنده یا قالا یه رق محفوظاً بغداده کوندردی . معتمد هجرتک  
 (۲۲۳) نجی سنه‌سنده بالحا که ( بابک ) ی ( سامرا ) ده قارداشی  
 ( عبدالله ) ی ده ( بغداد ) ده اعدام ایتدیردی . اسلام عالمی هرج  
 و مرج ایدن بو خونریز داهیانه‌ک بو صورتله ازاله ایدیلشی اولسی ،  
 اسلام دنیا سنک هر طرفنده تورکلره قارشی بی پایان بر حس حرمت  
 و امتنان او یان دیرمشدی . تورکلر ، الهی بر عزم و شهادتله هم اسلامیتی  
 قورتارمش ، هم ده جمیات بشریه‌نک انتظام و آهنکنی تارومار ایتک  
 قایه سیله حرکت ایدن مدھش بر آنارشست فرقه‌سنی اورتادن  
 قالدیرمشلردی . ( افشین ) اداره‌سنده کی تورکلرک بو موفقیتی  
 مستقبلده بوقومک اسلامیته ایده‌جکی خدمات عظیمه‌نک پارلاق  
 و شرفبخش باشلانغیجی ایدی . خلیفه هم موقعی ، هم ده اسلامیتی  
 قورتاران ( افشین ) ، فوق‌العاده اکرام ایتدی . هدیه اوله‌رق برچوق  
 نقود و مجوهرات و یردکدن باشقه ( سند ) خطه‌سی و الیلکنی ده  
 عهده‌سنه توجیه ایتک صورتیله هم قدرشناسلق کوستردی . هم ده  
 عالم اسلامک قهرمان تورک دلاورلرینه اولان متتدارلغنه بواتفات  
 شرف افزا ایله ترجمان اولدی .

( بابک ) ک ازاله‌سندن برمدت صوکره یعنی هجرتک (۲۵۳) نجی  
 سنه‌سنده سجستان طرفلرنده ایرانک آتشین ملیتپرورلرندن ( یعقوب



بن لیث ( اسمنده بر چنه رئیس توره مشدی. بمقوب، ایران سلطنت منقرضه سنی احیا ایچون شیعی مذهبندن استفاده ایتمکی دوشونمیش، حیدودلقله باشلایان بوعزمکار و سرگذشتجو آدم نهایت ( بنی لیث ) و ( بنی صفار ) نامبله یاد اولنان حکومتی تاسیسه موفق اولمشدی.

بمقوب شیعیلکی تعمیم ایتمک و بلکه بغداد حکومتی قالدیره ق مقصدیله دارالخلافه اوزرینه یوریه جک قدر بر قدرت و جرأت کوستریدی. پک زیاده صیقیشان خلیفه، اهل سنت مذهبک مدافعه سی ایچون ینه تورکلرک صلابت دینه لرینه مراجعت ایتدی. تورکار، اهل سنت مذهبیله بغداد حکومتی بو آفت ناکهانیدن قورتارارق برداها عالم اسلامک متدارلغی قازاندیلر.

تورکلر اسلامیتی ایچندن بیقمق تشبثلرینی بو صورتله برطرف ایتمک جالیشیرکن خرسیتیانلق عالمده توحید دینی بر یوزندن قالدیرمق ایچون حمالی حاضر لقلر کوریل یوردی. حتی بو فعالیتک مرکزی اولان ( بیزانس )، موفقیتی تأمین ایچون داخلده کی عاصیری تحریک و تشجیع ایتمکندن کیری قالمیوردی. بابک، افشینله چارشمغه باشلادینی زمان اوتهدنبری مخابره ایتمکده اولدینی روم ایمپراطورینی ده عینی زمانده یلاد اسلامیه هجوم ایتمک دعوت ایلشدی. ایمپراطوره یازدینی بر مکتوبده: « مقصمک عسکری قهرمان اوردومک هجوملریله کیندکجه کسب ضعف ایدیور. بوکون آرتق سرحدلر بوشدر. هجومکزه قارشی طوره جق برکیمسه کوره میه جک کز افرصتی قاجیرماق دورینلکدر... » یولنده تشویقکارجه لر صرف ایتمشدی. بیزانس ایمپراطوری متفقنک بو دعوتی غایه سنک تحققنه ای بر وسیله عدایدک یوز بیگدن زیاده بر قوه مهمه ایله حدودلری

تجاوز ایلدی. قبادوقیانی استیلا و بلاد اسلامییه یی یغما و احراق ، مسلمانلری قتل و احما ایدەرك یوروومکە باشلادی . معصمک مسقط رأسی اولان ( زبطره ) یی خا ایلە یکسان ایتدکن صوکرە ملاطیبه اوزرینه آتیلدی . زبطره ده وجدانسوز مظالم ایلە اهالی اسلامییه تمامیلە احما ایدیلدی . بر قسم خلق ، قیزغین دەمیرلرله داغلانە داغلانە اهلاک اولندی . بر قسم بدبختلرکده کوزلری اویولدی . وحشت اوردوسی کجککاری برلرده کی کویلری ، قصبه لری یاقوب بیقیور ، کنجگری ، اختیارلری قیلیجدن کجیریور ، قادینلرک ، قیزلرک عرضلرینی اک وحشی جانوارلقلرله پایمال ایدیور . معصوم چوجوقلری وافتیزلیور ، اختیار قادینلرک جککلینی قوپاریور ، جامعلری میخانه به ، مسجدرلی رقصخانه به ، تربلری آخیره تحویل ایدیور ، قرآنی بیکیبرلرینک آیاقلری آلتنده چیکنه تیورلردی .

اسلامیت ، او زمانه قدر کورمدیکی مدهش و بی امان بر آفت ، قورقونج و مصیبتی بر تهلکه قارشو سسندە بولینیوردی . ارتکاب اولنان وحشتلر خلیفه معصمه نقل ایدیلدیکی زمان دهشتدن تیزه مش ، او صرده کتیریلن بر بارداق صوبی بیله ایچمه مشدی . معصم ، بو بویوک تهلکه کی ده طوردیرمق ایچون ینه تورکلرک قیریلماز بازولرینه مراجعت ایتدی . تورک امراسنی جلب ایدەرك اسلامک معروض قالدینی قورقونج تهلکه کی آکلاندی . مسلمانلره تطبیق ایدیلن وحشت واشکنجگری حزین و تیزه ک بر لسانله نقل ایدەرك قبلرندە کی نورایمانی تهییج ایلدی . تورک عسکرلری روم ایپراطوری ( تئوفیلوس ) ک وحشت سوریلرینی طاغیتفق اوزره همان او کون یوله چیقیدیلر . مقدمه الجیشه تورک امراسندن ( انناس ، صاغ

جناحه (ایتاخ) ، سول جناحه (جعفر) تعیین ایدیلشدی. سردار آتشین (افشین) ده مستقل بر فرقه ایله صاغ قولدن طوغریجه (انقره) اوزرینه یورومشدی.

افشین سریع حرکتله ایمپراطور (تئوفیلوس) ی (آنقره) اوکلرنده یاقالادی. مدھش بر حرب باشلادی. خیلی اوزایان یو حرب نہایت تورکلرک بارلاق غلبه سی و روملرک مدھش بر ہزیمتی ایله نہایتلندی. (انقره) اسلاملرک آینہ دوشدیی. (تئوفیلوس) منہزم اوردوسنک انقاضی (عموریہ) ده طوبیلامفہ چالیشدیی. آرقہ دن کلن یکی قوتلرله (عموریہ) یی تحکیم و تقویہ ایتدی.

(عموریہ) ، حیوانہ اووہ سنک غربندہ و (سقاریہ) نہری اوزرنده شرقی روما ایمپراطورلغنک اک معمور و اک مستحکم بلادندن بری ایدی. ایمپراطور (تئوفیلوس) اسلاملری بورایہ چکدرک تحشید ایتدیکی یکی قوتلرله محو ایتک صوکرده بوتون شرق اسلامی پی استیلا ایدہرک اسلامک تاریخ موجودیتہ خاتمہ ویرمک ایستیوردی. مقدرات تاریخیہ اون برعصر صوکرہ صایب اوردولرینہ قارشى اسلامک موجودیت و استقلالنی جهانی حیرتله دوشورہرک بر شہامتله مدافعہ و تخلیص ایدہرک اولان تورکلری ، عینی موقعہ برنجی دفعہ اولہرق عین وظیفہ مقدسہ قارشوسندہ بولندیرمشدی. تورکلر اوج قولدن طارامق اوزرہ (انقره) دن سقاریہ بوینے واصل اولہرق (عموریہ) یی تحت محصرہ آلدیله. قلعه فوق العادہ مستحکم و او عصرہ کورہ ناقابل ضبط ایدی. روملر، قلعه نک استحکاملرینہ کوہ نیور، محاصرلری اوزون مدت اشغال صورتیلہ آجلغہ و خستلغہ محکوم ایدہرک مغلوب ایتک املنی بشلیورلردی. فقط ، تورک

قوماندانلری ، هیچ بکله مدکاری بر تدبیر ایله روملرک بو بیلاقی بوزدیلر. قویون طولوملرینی ط. پراقله طول بیره رق قلعه اطرافنده کی خنده کی املا ایتدیلر . اوقلر و منجیققلره قلعه اوزرنده کیلری اشغال ایدرک ( دبا ) لر ایچنده قلعه دیواری دله جک آلتلره مجهز دلاورلری قلعه دینه کچیرمکه موفق اولدیلر. بونلر دیواری دله رک بر کدیک آجدیلر. بورادن ایجری به کبرن قهرمانلر ، محافظلری احما وقابولری کشاد ایتدیلر . غلغله تکبیر آره سنده شهره کبرن مجاهدین ، اوتوز بیک رومی قیلیچدن کچیره دله ( عموریه ) نی فتح ایلدیلر . روملر تورکک ۱۳۳۸ سنه سنده کی معظم ظفرنده اولایی کبی ، اوزمانده باشده ( توفیلوس ) اولاق اوزره بر جوق قوماندانلره برابر بیکلرجه اسیر ویردیلر .

تورکر ، بوالهی ظفرله اسلامی احبابه مأموراوان روم سورولری سقاریه ده بوغمش ، مسلمانانی قورتارمشلردی . حتی ، روم ایمپراطور افنه صولک ضربه اضمحلالی ایندیرمک اوزره ، استانبول اوزرینه یورو مکه باشلامشلردی . و ااسفا که برقاچ سفیل محترک ساقه استراقبله جیقاردقلری برحادثه بوتشبتک تحقیقنه مانع اولدی : ( افشین ) و ( اشناس ) ک شانلی موفقیتلرینی چکه مهن برقاچ دربدر خلیفه ( مأمون ) ک اوغلی ( قاسم ) ی اغفال ایدرک خلافت دعواسیله قیام ایتدیردکلرندن مقتصم تلاشه دوشدی . استانبول اوزرینه یورو مکه حاضرلاناان اوردوبی توقیف و ( توفیلوس ) ایله برمصالحه عقد ایدرک ( سامرا ) به عودت ایلدی .

معتصمک عودتی برخطا ایدی . استناد ایتدیکی قهرمان تورکر سایه سنده هم عصیا واختلال تشبثی توقیف و مرتبلرینی تأدیب ایدر ،

همه روم امپراطور لنگ حياتنه خاتمه ویره بیلیر ایدی. بونی یامدی.  
( هارون رشید ) لک اهانکار فطرتلری آجی تجربه لرله اوکرنمش  
اولدینی روملره قارشى کوستردیکی بصیرتسزلیکی متعصمه ارتکاب  
ابتدی. جزائی اخلاقی چکه جکدی ...

( وائى بالله ) دورنده ( مدینه ) یوللری فایه ووق حجاجی قتل،  
اموال مسلمینی قارت صورتیه فریضه حجی منع ایدن عربان ده بویوک  
( بقا ) اداره سنده سوق ایدیلان تورکار طرفدن تأدیب ایدیلش،  
مسلمانلره حج یوللری آچیلشمادی. ( متوکل علی الله ) زمانده  
آذربایجان ده ظهور ایدن ( محمد بن بغیث ) ده کوچوک ( بقا ) لک  
سایه سنده تشکیل ایدیلرک بویوک برفته لک اوکی آلمشدی .

تورکار یالکیز اسلامی تهدید ایدن قوتلری ازمکه قالمیورلردی.  
فوضاوی مذهب لک افراطکار لقلریله ده جاریشمیورلردی . هجرتک  
( ۳۶۴ ) سنه سنده سوریه یی رافضیلکدن قورتاران تورکار اولمشلردی .  
( معزعلوی ) ، جامعته اداسی حضرت عمر زمانده باشلادی ایچون  
تراویح نمازینک قیلنماه سنی امر ایتمش ، مصرده ، سوریه ده بواصر  
در حال تطبیق اولمشدی . شام اشراف واعیانک استرحاملری اوزرینه  
( افتکین ) سوریه یه کیرمش ، جندره آلتنده ایکنه ین مسلمانلره  
سربستی وجدان ویرمشدی .

معتمد دن صوکره خلافت عباسیه سقوطه یوزطوتمشدی . حالبوکه  
مسلمان دنیا یی شرقدن بت پرستلک غوبدن خرسیتانلق چنبره محاط  
بولندیغندن متین بر قوته استناد ایتمدیکی تقدیرده بیقیله جنی شبهه سز  
ایدی . بواکی قوت آره سنده مسلمانلق وارلقی محافظه ایچون ایمانی  
متین ، سجه سی صاغلام ، روحی یوزولمه مش بر عنصره احتیاج واردی .

حیرت انگیز بر شہامتہ تاریخ حصورینہ چیقرق اسلامک مقدراتی درعہدہ ایدن تورکر ، بو فضیلتلری جامع بولینیورلردی .

هندستانده عصرلردنبری براہمانیزم وبودیزم دینلری حاکم اولدینی کبی ایران ایچریلرنده مازده نيزمك احیاسنه چالیشان ( پارسى ) لر کورواوردی . سانسقریت ادبیاتنک لایموت آبدہ لری اولان ( وەدا ) - لردن ( مہابراتہ ) ، ( رامایانہ ) و ( بید ) کبی آثار ملیونلرجه انسانلرک آتہلرینی تشکیل ایدیور ، جہاک بو قطعہ سنده جسیم تنخانہ لر معبد ، قابا صابا صنملردہ معبود طانیلیوردی .

غربدہ ایسہ قویو ومظلم برتمصب حکمران اولیور ، فضلہ اولہرق پاپاسلرک متہادیآ قیشقیرتدینی بو جامل عالم ، مسلمانلنی بو غمق حرصیلہ قیورانیوردی . حالبوکہ اسلامی مدافعہ و مسلمانلری تنویر واعلا وظیفہ سی قارشوسندہ بولنان عباسیہ خلافتی ، انحطاطک عقور پنجه سی آلتنہ دوشمش ، بربرلرینی بوغديرمق حرصی و ذوق و سفاهت اندیشہ سی ایلہ بی حضور اولان خلیفہ لر ، بو حرکتلرینک سیئہ سی اولہرق پایتختلرنده بیلہ حکم ونفوذلرینی کوسترہ مز اولمشلردی . ایشته بویلہ یأس انگیز بر زمانده ایدی کہ ، تورکرکری مستقلم و حاکم کتلہ حالندہ صحنہ تاریخہ چیقمشلردی .

اسلامی ( غائر ) نہری بویلرنده نشر ایتک وظیفہ سی ( سړوك تکیڼ ) لرلہ برلشن تورکرکری درعہدہ ایتدی . شرقی تورکستانلہ ، شمالی چینہ قدر امتداد ایدن واسع خطہ یی توحید حزمہ لریلہ تنویر ایتمکی دہ اسکی اویغورلردن اینن ( ایلکیہ ) تورککری اوزرلرینہ آلدی . خرسقیاناغک تہاجنہ قارشى اسلام دنیاسنی مدافعہ ایتمکی دہ اوغوزلردن ( قق ) و ( قایی ) بویلری ایلہ اتحاد ایدن تورکرکری درعہدہ ایدہ جککری .

سووك تكيڻ عاڻه سنك نجيب وقهرمان اولادى ( محمودغز نوى )  
 نشر اسلام خصوصنده فاروق اعظمه نانى اولمش ، مشارايه درجه سنده  
 حوقيات قازانمشدر . ( آلب تكيڻ ) ك دامادى سووك تكيڻ ( سبكتكيڻ )  
 تورك بكارندن متشكل بر قورولتاي طرفندن متفقاً باشبوغانه انتخاب  
 ايدىلدېكى انسانده ، اسلاميتي هيالاي شهاقه لرېنك ماوراسنه قدر نشر  
 ايتك ، توحيد حزمه لرېنك هندستانده انشعاعى كورمك كې علوى  
 املار پرورده ايدىيوردى . حتى ، خليفه طرفندن ( ناصرالدوله )  
 عنوانيله تيجل ايدىلدېكى زمان ، رايث اسلامى ( پنجاب ) قطعه سنه  
 صوقفه چالشيوردى . بوتشبت بداينده پك بويوك بر مقاومت معروض  
 قالمشدى : هند حكمدارلرندن ( جيبال ) مشهور ( غورك ) دربنده  
 تورك مجاهدلرېن قارشى لاش ، دربندى طوتمشدى . ( جيبال ) ك  
 اوردوسى عددأ ( سووك تكيڻ ) ك قوتنه پك زياده قانقدى . فضله  
 اوله رق ، هند اوردوسنده پك چوق حرب فيللىرى بولئيوردى .  
 فقط ، ايمانى برهيجانله ايلرى آتيلان توركلر ، جتين وقائلى بر حرب  
 نتيجه سنده ( جيبال ) ك اوردوسنى مغلوب ورجعته مجبور ايتدېلر .  
 سووك تكيڻ ، اسلام سنجاغى هندك مشهور قلمه لرندن ( ملغان )  
 برجلرېنه آصدى . جيبال ، تدارك ايدىلدېكى يكي بر قوتله سيلابه  
 ظفرى طوردير مقايستدى . فقط ، داهافاحش برهزيمته اوغرامقندن  
 باشقه برشى يابه مدى . بو پارلاق ظفر ، اسلامه هند دربندلرېن  
 آجش ، پنجاب قطعه سنك ( بودا ) صنميرېنه پرستش ايچون انشا  
 ايدىلش اولان مبدلرېن غلغله توحيد ايله طولديرمىشدى .

سووك تكيڻ ، هجرتك ( ۳۸۷ ) تاريخنده ارتحال ايتديكى زمان ،  
 باشلادينى مقدس وظيفه يى ، اسلام تاريخك اك بويوك سيالرندن اولان

اوغلی ( محمود غزنوی ) به برافشیدی . محمود غزنوی ، عظمت اطواری ، شہامت قہاری ، عدالت فہالی ، عرفان سحاری ایله منسوب اولدینی عنصرک نجیب بر تمثلی ایدی . تورک اوردولرینک باشنده بولدینی تاریخ ، اسبای اسلامینک اک شرفلی بر دورہ سیدر . محمود غزنوی ، شہامتی نسبتندہ دینی صلاحیتلہده ممتاز ایدی . بر طرفدن بت پرستل آردہ سندنہ نشر دینہ چالیشیرکن دیگر طرفندنہ ایران و خراسان حوالیسنی ہرج و مرج ایچندہ براقان کونا کون مذہبلرک نشریات مضرہ لرینی ازالہ ایله اوغراشمشدر . ایران و عراقده شیعیلکی نشر و تأییدہ چالیشان ( آل بویہ ) ، ایندیردیکی ضربہ توحید اسلام ضایہ سنہ معطوف بولینبورددی . اون ایکی یہ بالغ اولان ہندستان سفرلرینی ایسہ نشر دین کھی مہجل بر مقصد اوغورندہ اجرا ایلشدی . محمود غزنوینک اعلای اسلام خصوصندہ کی بو پارلاق غیرت و فداکارانی کندینہ اسلام عالمک ابدی منت و شکرانی قازاندیرمش ، عباسی خلیفہ ی بو سردار اسلامہ ( امین الدولہ ) و ( یمین الدولہ ) عنوانلرینی توجیہ صورتیلہ عمومی حسابہ تر جان اولمشدی .

محمود غزنوی ، داستان عالم اولان ہند سفرلرینہ ہجرتک ( ۳۹۲ ) تاریخندہ باشلادی : ( رشور ) بلدہ سنی استیلا ایتدکن صوکرہ [ ( جیپال ) ک معظم بر اوردوسیلہ قاروشولاشدی . تورک سواریلرینک قہار ضربہ سی ، بویوک باشبوغک مہارتکار مانورہ سی ہند اوردولرینک تارومار اولسنی انتاج ایتدی . ( جیپال ) اکثری امراضی و برقم اولاد و عیالیلہ اسیر دوشدی [۱] .

[۱] جیپال اسیردوشدیکہ زمان بویندہ برکردالح بولینبورددی . اوونک قویوجیلری بو کردانلغہ بنی بوزیک آلنون قیمت تقدیر ایتشلوردی . جیپالہ اصہا و اولاد و اتباعک بویولرندہده یک قیمتدار کردالحلر بولدینن . او عنصرک مورخلری طرفدن خبر وریلور .



محمود غزنوی ، بوبوک قلبی و قهرمان تورک باشوغلرینه خاص اولان مېجل بر ماليجنابلقله ( جیبال ) و عائله سنی سربست براقدی .  
 حتی ، مغلوب حکمداره برخیلی مالدده ویردی [۲] . هجرتک (۳۹۵) سنه سنده ( مولتان ) ماوراسنده کی ( هاطیه ) اوزرینه یوریدی . معظم اوردوسنک انهزامنه شاهد اولان هاطیه پرئسی اتخاردن باشقه چاره نجات بوله مدی . اسلامیت بوحوالی دده یرلشدی . محمود غزنوی بو صورتله بر طرفدن اسلامیتی هند ایجریلرینه طوغری نشر ایدرکن دیگر طرفدن ده ( زناده ) مذهبه کیرمش اولان ( مولتان ) خلقتی ، بو مضر تلقیناتدن قورتارمغه چالیشدی . فقط ، اک بوبوک املی اسلامیتک هندستانده تأسسینی کورمک اولدیغندن هجرتک (۳۹۸) تارینخنده تکرار هندستان اوزرینه یوریدی . هندستانک اک بوبوک حکمدار لرندن ( اندبال ) ک اوغلی ( برهن بال ) ی قطعی بر هزیمته اوغراتدی . مغلوب پرئسی تعقیب ایدرک ( نیم ) قلعه سنه طایاندی . بوقلعه ، بر طاغ اوزرنده مبنی و غایتله مستحکم ایدی . تورکلر ، بی امان بر هجومله بو قلعه بی ده ضبط ایتدیلر . محمود غزنوینک بو سفر لر اثناسنده سوق الجیش اعتبارله کوستردیکی موفقیت خارقلرله مالامالدر . مغلوبلر حقنده کی ماطفتی ، عدالت اسلامیه بی تجلی ایتدیرمک خصوصنده کی

[۲] جیبال ، محمود غزنوی طرفندن اطلاق ایدیلر کدن سوکره هندلیلر ، مسلمانلره اسیر دوشن بر آدمی آرتقی حکمدار طانیه میه جغلرینی سوبله یرک کندیسی تحقیر ایتشلردی . جیبال بو حفرته تحمل ایدمدی کندن صاقلانی تراش ایتدگن سوکره کندیسی آتیه آتورق اتخار ایلشدر .

غیرتی ایسه ، ضبط ایتدیکی حوالی سکنه سنی اسلامیه مجلوب ایتمش ، هندیلیرک فوج فوج اهتدالرینی تأمین ایلشدر [۱] .

آسیانک صرب و طاغلق محللرنده یاشایان جسور غوری طافه سی آره سنده دین اسلامک نشری شرفی ده محمود غزنوی به راجمدر . مشارالیه تورک امراسندن هرات والیسی ( آلتون طاش حاجب ) ایله طوس والیسی ( آرسلان جازب ) ی معیتده آلهرق غوریلر اوزرینه یوریش ، رئیسری ( سام بن سوری ) یی ( آهنگران ) قاعه سنده صیقیشدیره رق عسکرلریله برلکده اسیر ایتشدی . سام بن سوری ، ذات اسارته تحمل ایدیه رک کندی کندینی کسمیم ایتک صورتیله انتخار ایلدی . غوریلر ایسه دین اسلامی قبول ایتشلردی . محمود غزنوی ، افغانستانده تورک شوکتی اعلا ایدرکن سیحون وجیحون نهرلری آره سنده کی اراضی دهده اوینور تورکلرندن ( ایلک خان ) حکمران اولیوردی . محمود غزنوی ایلک خانه داماد اولمقله برابر بالآخره آره لری آچیلشمشدی . ( ایلک خان ) ک وفاتی اوزرینه یرینه کچن قارداشی ( طوغان خان ) ، ( محمود غزنوی ) به بر سفیر اعزام ایدیه رک آره ده کی برودتک ازاله سنه چالیشدی . طوغان خان ، وظیفه سنی تقدیر ایتمش بر قهرمان ایدی . محمود غزنوی به کوندردیکی مکتوبده : « الحمدلله ایکیمزده اهل اسلامز . لایق اولان

[۱] او عصرده کی مورخلرک افاده لرینه کوره بوقلعه ده هندیلیرک بویوک بر ( بت ) ی بولینوردی . ( بت ) ک بولندینی مبد بیکلرجه سنه لردنبری طولانان کرانها مجوهرانه مالامال ایدی . او زمان بو مجوهراته میلیونلرجه قیمت تقدیر ایدیلشدی . حق ، بوراده اغتنام اولنان آلتون و کوموش صرینا طه ذی قیمت مجوهرات ( غزنه ) به کونوروله رک ظفر تبریکنه کلن سفیرلر حضورنده تشهیر ایدیله کلری زمان ، هرکس بهت و حیرت ایچنده قالمشدی .

بر بریم له مصالحه اوزره اولوب سن کفار هند و بن کفار تورک ايله  
غزا و جهادله مشغول اولالم!، يولنده برتکليفده بولنشدی [۱].  
محمود غزنوی بوتکلفی قبول ایتدی. هرايکی طرف وظیفه لرینه  
باشلامشردی. طوفان خان، (ختای) تورکری آردسند اسلامینک  
نشر و تعمیننه چالیشیرکن محمود غزنوی ده هندستان حقنده کی  
تصورلرینی موقع فعله قویمق ایچون هجرتک (۴۰۴) نجی سنه سنده  
سمند جهادی ینه او زنکین اقلیمه توجیه ایلدی. بو دفعه بت  
پرستلک قطعی ضربه یی ایندیرمکه عزم ایتشدی. هندلیلرک اعتقادنجیه  
قرق بیک سنه لک بر قدمه مالک اولان بویوک (بت) لک بولندی یله  
اوزرینه یوردیدی. بت پرستلر عصر دیده معبودلرینی قورنارمق ایچون  
قودورم شجه سنه بر غیرتله مقابله شتاب ایتدیلر. فقط، مهارت  
سیاسیه سی نسبتنده تعیبه الجیش علمنده ده اختصاصی اولان محمود  
غزنوی، عرفان عسکری سیله هندلیلری عاجز بر اقدی. بویوک بتک  
بولندی یی (ماردی) شهرینی ضبط و بومشهور صنمی تخریب ایلدی [۲].  
لاهور، قنوج، کلچند، دهلی، شروه، کشمیر کی بلاد عظیمه  
حوزه اسلامه ادخال ایدیلدی [۳].

محمود غزنوی هجرتک ۴۱۶ تارینخنده ایدی که (جکرات) شبه  
جزیره سی ساحلنده داستان عالم اولان مشهور سونماتک فتحیله نتیجه له نن

[۱] صحایف الاخبار، جلد ۲: ۱۰. صحیفه: ۱۰.

[۲] کویا سیوا صنمک قرق بیک سنه لک قدیمی اولدینی اوزرنده کی  
یازیلردن ده آکلاشیلمقده ایمش! ...

[۳] کلچند قلعه سی فتح ایدیلدیکی زمان آلتون دن معمول و مرصع بش  
بویوک صنم بولنشدی. بونلر اذابه ایدیلهرک (۶۷۳، ۳۰۰) مقال آلتون  
استحصال اولنشدی.

سفری اعلان ایلدی . هند سفرلرینک اک بو یوک واک مشهوری  
سومنا ت سفری در . سومنا تده هندلیرک ( سیوا ) معبودینه مخصوص  
مدبب و مزین بر معبدلری ، محشم وزینتلی بر صنملری واردی [۱]  
هر کون بیک بر همین بوصمه خدمت ایدردی . سومنا ت ، هندلیرک  
کبه بی مقامنده ایدی . میلیونلرجه قالدین ، ارکک برای عبادت  
و زیارت سومنا ت کیدر ، بو یوک معبدده کی بته پرستش ایدزلردی .  
سومنا ت معبدینه اون بیک چیفتک وقف ایدیلش ، ( بت ) ک هر طرفه  
دنیا ک قیمتمدار مجوهراتیله تزین اولمشدی .

معبدک اطرافه مجوهرات ایله مزین آسقیلر آسيلمشدی . بوراسی  
اوقدر مبارک طانیلیردی که بکجیلری بیله تقدیس ایدیلیردی . بتک  
او کینده بش یوز قالدین متادیا ساز جالار ، رقص ایدرلردی . اوچ  
یوز آدمده زیارت ککن خلقک صاج و صقاللرینی تراش ایتمکه مأمور  
بولینیورلردی .

محمود غزنوی ، هندستانده اسلامیتک تاسیسی ایچون سومنا ت  
ضبطی ایجاب ایتدیکنه قانع اولمشدی . چونکه هندلیر ، سومنا تده کی  
بو یوک ( بت ) ایسترسه بر آند مسلمانلری محو ایده بیله جکنه قانع  
بولینیورلردی . بو عقیده بی سارصق ، سومنا ت بتک هیچ بریشه  
یارایمه جغنی کوسترک ایجاب ایدیوردی . خلقده بو عقیده پایدار  
اولدقجه هندستانده اسلامیتک نضری مشکل اوله جقدی ...

سلطانک سومنا ت اوزرینه یورودیک خبری هندستانی باشدن باشه

[۱] هندلیر قولن اناسلرک روحلرینک ( سومنا ت ) ده طویلاندقربنه  
اینانیرلردی . کویا سیوا ، سومنا تده طویلانان روحلری ، بکی بدنلره توزیع  
ایدرمش . حتی همان دکزینک مد و جزری ده دکزک سیوا به مرض ایتدیک  
بر عبادت ایتمش ...

آیاقلاندیرمشدی . هرکس (معبوداعظم) ك حضورنده فدای  
 حیاته قوشیورلردی . تورك اوردوسی غودانه بر مقاومتی معروض  
 قالدی . هندایلر معبد ایچنده بیلله مقاومت کوسترمشلردی . فقطر ،  
 سلطانك قهرمانلری قارشوسنده مقاومت هیچ برقاؤه ویرمدی . نهایت  
 سومنات ضبط اولندی [۱] .

سومناتده کی بت ، بش زراع طولنده وانواع مجوهرات ایله  
 مزین ایدی . اورادن قالدیریلهرق (غزنه) یه کوتورلدی . سلطانك  
 غزنهده انشا ایتدیکی مشهور بوبوك جامكك أشیکینه قونولدی .  
 آلتوندن بر زنجیر ایله بتخنه طاوانشه تملیق ایدلمش اولان  
 ایکوز باطمان قفلنده کی آلتون جان ایله ذی قیمت پك چوق احجاز  
 و مجوهرات ، برچوق اوانی سیمین غزنهیه نقل اولندی . سومناتك

[۱] شیخ سعدی ماحوم ( بوستان ) عنوانی اثر مشهورنده ( سفر  
 هندوستان وضلات بت پرستان ) . برلوحه سی آلتنده هندستانه اجرا ایتدیکی  
 سیاحت شناسنده باشندن کچن برماجرا بی حکایه ایدرکن سومناتدن واوراده کی  
 بت دن ، برهمن لك جاهل خلق نه صورته اغفال ایتدکله اوزون اوزادی یه  
 بحث ایلکده در . بوندن . غزنوی دولتک انقراضندن صوکره هندبرهمنلریك  
 سومنات معبدخی تکرار احیا ایده رك واورا یه بت اقامه ایتدکری آکلاشیلور .  
 بو معبد ، صوکره لر ی بوس بوتون خراب اولشدر . شیخ سعدی هندستان  
 سیاحتندن بحث اولان بو حکایه یه شو صورته باشلامدر :

صرع جو در جاهلیت منات  
 که صورت نبندد آزان خوبتر  
 بدیدار آن صورت بی روان  
 جو سعدی وفاز آن بت سنکدل  
 تضرع کنای پیش آن بی زمان  
 که حی جادی پرستند چرا  
 . . . . .

بی دیدم ازعاج در سومنات  
 چنان صورتش بسته تمثال کر  
 زهر ناحیت کار و انهار وان  
 طمع کرده رایان چین وچکل  
 زبان آوران رفته ازهر مکان  
 غروماندم از کشف این ماجرا  
 . . . . .

ضبطى سايه سنده هندستان ده نشر اسلام خصوصى پك زياده سهولت كسب ايتمشدى. عالم اسلامه هندستان كې بويوك برقطعه الحاق ايتك شرفى ( سووك تكيىن ) زاده نك نامى تاريخك اك شانلى صحيفه لرينه قيد ايتدير مشدر .

محمود سووكتكيىن هندستان ده بويوك برانقلاب اجتماعى اساسلارنى احضار ايتشدر. هندلير ، قوجه سى ئولن قاديىنلرى زوجلرينك نعمتلىله برابر ديرى ديرى ياقپور ، ئولولرى مقدس عد ايتدكلرى غانز نهرينه آتيورلردى. برنجى عادت منفور بروحشت ايدى. ايكنجى غممه ده امراض ساريه نك انتشارى ايجون باشليجه برسبب تشكيل ايدى يوردى. محمود سووكتكيىن ، بو عادتلك هرايكىنى ده شدتله منع ايدلى .

هندستان دن ضبط ايدىلن قيمتدار آثار ومجوه رات ، غممه ده تاسيس اولنان موزه ده تشهير ايدىلدى [۱] .

سووكتكيىن توركلارى شرقه دين احمدى نك نشريله مشغول ايكن ، غربك خريستىانلق عالمده ده اسلامى اورتادان قالديرمق ايجون عمومى وعظيم برحاضر اق كوروليوردى .

برمدت صوكره غربدن شرقه آقه جق اولان بوسىلابىي طور دىرمق ، اسلامى قالديرمه جاليدشانلرله چارپشمق وظيفه سى ده سلچوق بلك باشبوغلنى آلتنده كى اوغوز توركلرينه مقدر ايدى .

[۱] مورخ ( جنابى ) غممه ده جم ايدىلن ثروت عظيمه دن بحث ايدركن دىيوركه : ( بوخزينه لر آره سنده هربرى برمليون دوقه آلتونى قيمتمده بش تاج ، آلتون وكوموش اون بدى نخت ، اجار مينه ايله مزىن بيك اوچ يوز بارجه آلتون مزينات ، آلتون وكوموشدن بيك اوچيوز بارجه سلاح ، وآت طاقى بولينيوردى . )

عباسیلرک هارون رشید و معتصم کبی بو یوک خلیفه لری ، بیزانسی ده ویرمک ، اندلس اسلاملیله اتحاد ایدمه رک خرسیتیانلق عالمه قطعی برضربه ایندیرمک فرصتی غائب ایتمش ، اندلس امویلری علیهنده ( شارلمان ) له تأسیس مناسبت ایتمک کبی منفور و فاحش خطا لار تکابنه تنزل ایتشلردی .

تورکلر ، اسلامی قورتارمق ایچون ، بو یوک خلیفه لرک اسلام علیهنه ارتکاب ایتمش اولدقلری بوتون بو خطا لرک جزاسنی چکمه که نامزد بولینورلردی . ( سلجوق بن یقاق ) ک حفیدی ( بیغو طوغرول ) بک بو خطابی تعمیر ایتمک ایچون ایلاک خطوه یی آتدی .

مورخ ( ابن الاثیر ) ک مدبر ، متین ، سخی ، محب علم ، و فضیلت کبی یوکسک و صفلرینی تکراردن درین برزوق طویدی ( طوغرول ) بک ، آلایشن نه قدر متغیر ایسه اسلامیتک اعلاسنه چالیشمغه ده اودرجه مفتون ایدی . ضبط ایتدیکی بلده لرده پرستیده وجدانی اولان دین و عرفانه برر نشانه حرمت اولق اوزره برجامعه برمکتب یابدیرمنی عادت ایدیمشدی . طوغرول بکک : « کندیمه برأو یابدیردیغم زمان یانه برده مسجد و مکتب بنا ایتمسه م حیا ایدرم ! » سوزی تورک روحک حقیقی برافاده سی ایدی . ایمان و عرفان ، تورکک ایکی جناح اعتلامی اولدینی دورلر ، تورک قاریختمک اک پارلاق خارقه لرینه مشهر اولمشدی .

تورک روحی ، اعتلا ایتمک و دائماً یوکسک قالمق ایچون ایکی عمده یه استناد ایدیله بیله جکنی سزمشدی : عرفان ، اخلاق . برهیئت اجتماعیه آیحق بو ایکی جناح ایله یوکسکله بیلیردی . ایمان ، قدسی هیجانلرک منبعی ، اخلاقی دستورلرک مبدئی ، صلابتلی عزم و اراده نک مسندی

بولندینی ، عرفانسز بر هیئت اجتماعیه نكده باشایه بيلمك حق و قدرتی  
حائز اولهمیه جنی تورك باشبوغلر نجه بك كوزل تقدیر ایدیلشدی .  
طوغرول بكك سوزی ، بو یوكسك حقیقتك رمزی ایدی .

خليفة ( قائم بالله ) طرفندن طوغرول بكك شرق و غربده  
اسلامك مدافع و حامیسی اولدینی اعلان ایدیلدیكى کون ، بو جسور  
و وظیفه شناس تورك قهرمانی ، اسلامیتی تهدید ایدن ییزانس اردولرینی  
تارومار ایتمك پیلالرینی حاضر لایوردی . . .

طوغرول بكك اك بویوك دوشونجه سی ، نفوذ اسلامی توسیع  
ایتمك ، سقوط ایدن رایت محمدی بی یوكسكته بيلمك فایه سنه معطوف  
ایدی . شرقی روما ایمپراطورلری خلافت اسلامیه نك کیتدجه آرنا  
عجز و ضعفندن شپار قجه شپارمشر مسلمانلری و مسلمانلانی اورتادن  
قالدیرمق هوسنه قایلیمشلردی . وقتیله حوزه اسلامه داخل اولان  
بر چوق بویوك شهرلری ضبطه موفق اولملری غرورلرینی بوسبوتون  
آرتیرمش ، اسیر دوشن معصوم اسلاملری قهارانه بوغازلامق روملر  
ایچون قدسی بر عبادت حانه کلمشدی .

سلاجوقی تورکلرینك مقدرات اسلامیه بی درعهده ایتدکاری  
تاریخده ییزانلیلر آفاطولیده جنوباً آنطاکیه ، شرقاً کردستانه  
قدر امتداد ایدن ساحه بی کاملاً استیلا ایتمشلردی .

طوغرول بكك ، قدر شناس خلیفه طرفندن دوش شهامتیه کیدیریلن  
یدی خلعتله نه قدر آغیر بروطفه درعهده ایتدیکنی بك كوزل تقدیر  
ایتمشدی . اولا فربضه حجی ایضا ایتدی ( ۴۷۵ ) . سوکرا پارلاق  
وشانلی وظیفه سنه باشلادی . او عصرده مسلمانلق دنیاسی خرید تیانلق  
عالی طرفندن شدله تهدید ایدیلکده اولدینی کبی قرآن دینده ایران



دینک خرافه دارنقوژی قارشوسنده پریشان و محکوم برحاله کلهشدی .  
عراق و فارس طرفلرنده ملیت پرورلر طرفندن تأسیس ایدیلن  
«آلبویه» دولتی، آسیای اسلامی ده اسطوره لرله ممزوج ایرانی دینک  
نشرینه چالشیوردی .

باطینه فرقه سنک آفریقا قولنه منسوب بر شیخک دیار مغربده  
قوردینی قاطمیه دولتی ده آفریقاده خرافه دار بر مذهب تعمیمنه غیرت  
ایدیوردی [۱] .

ایشته بویله بر زمانده ایدی که تورکلر طوغرول بک باشبوغلانی  
آلتنده مدافعه قرآن ایچون اورتایه آتیلمشلردی . بیزانسیک باربار  
مخلوقلری طرفندن مجاوربلده لرده کی اسلاملره روا کوریلن وحشتلر  
طوغرول بکک حسیات دینه و انسانیه سنی تهییج ایدیوردی . آرتق  
فضله صبر و تحمل کوستره مدی . هجرتک ( ۴۵۲ ) نجی سنه سنده  
شوکت اسلامیته نک اعاده سی ایچون قلیجه صاریلدی . بیزانسی  
ایمپراطورینی وقبله امرای اسلامیته دن ( مسلمنه بن عبدالملک ) طرفندن  
انشا اولنان غلطه ده کی عرب جامعی تعمیر و کشاد ایتمکه مجبور  
ایتدی . طوغرول بک روملره قارشو مظفریت کامله یه مظهر  
اولمشدی . فقط عمری ، موفقیته تک ثمره سنی اقتطاف ایتمکه مساعد  
اولدی . سلجوق تورکلرینک اے بویوک، اک جسور و اک عادل بر  
باشبوخی اولان ( آلپ آرسلان ) ی کندیسنه خلف برافه رق هجرتک  
۴۵۵ نجی سنه سی رمضانده حضور رحمانه کتیدی ! . .

آلپ آرسلان خلقتک نادر یقشیدیردیکی سیالردن ، تاریخنک

[۱] خرافاتدن حقیقه عنوانلی کتابمزده باطینه فرقه سبله فلاة شیمه

حقنده تفصیلات واردر .

اندر قید ایستد یکی دهالردندی. تورک عرقی، آلب آرسلانلریله بحق افتخار ایدم بیلیر. تاریخ اسلام، هجرتک بشنچی عصرینه عائد اولان داستان مفاخرینی آلب آرسلانه مدیوندر.

هجرتک (۴۲۰) نجی سنه سنده تولد ایدن آلب آرسلان، ساجوق خاندانک اک نجیب بر سیاسیدر. تورک لک باشبوغلغنی درعهده ایستد یکی مسعود کوندن آز بر مدت صوکره چین خاقانی، بیزانس ایمپراطورینی و روس قرالی بارگاه شهاخته عرض احترامه مجبور براقشدی.

مورخ شهر ابن اثیر مشار الیه دن بحث ایدرکن شو سطرلری یازیور: «آلب آرسلان خیر خواه، عدالت پرور، تدبیر امور خصوص سنده بصیرتکار، عقی نسبتنده دیندار بر ذات عالی تبار ایدی. کندی حقنده قناعتکارانی ایله مشهوردر. فقط، فقرا و بیچارکانه قارشو رحیم بر قلبه، سخی بروجدانه مالکدی. شجاعت و قهرمانلغنی ایسه داستان عالم اولمشدر...» آلب آرسلان صلحی سهوینور، فقط حربدن ده ییلمیوردی. علوجناب و انسانیت پرورلکی دشمنلرینک بیله تحت اعترافنده در. سرگذشت حیاتی نجیب بردماغک تجلیات عالیله مالا مالدر. تورانک ایجری طرفلرنده بولنان تورک عشرت لرندن هنوز اسلامینی قبول ایتمهش اولانلری دائرة اسلامه ادخال صورتیه تورک برلکنک تأمیننه چالیشماسی ملیت پرورلکنک، دینته اولان صداقت و مربوطیتک باهر بر دلیلدر.

آلب آرسلان، عالم اسلامک شمالدن خرسنجان اولان کورجستان قرالی، غریبندن ده بیزانس ایمپراطوری طرفسندن تهدید ایدیلدیکنی کوردیکی جهته، بوایکی جهتنن کله جک هجوملری طوردر برق لزومنی

حسن ایتمشدی . بر مدت اول اسلامه ادخال ایتدیکی عرق و دین قارداشلرینه مراجمتله معظم بر اوردو تشکیل و کورجستان اوزرینه یورودی . کورجستان ایمراطوری یاریم میلیون خرسیتیانله تورکلری قارشولادی . وضعیت پک تهلکهلی ایدی . کوچوک برانهزام تورکلرله برابر اسلامیتی ده سیلوب سوپوره بیلیردی . چونکه عالم اسلام ده؛ آلب آرسلانندن سوکره؛ اسلامیتی مدافعه ایده بیله جک هیچ کیمسه یوقدی . وخامت احوالی جداً تقدیر ایدن آلب آرسلان اردوسنی جمع ایده رک مؤثر و مهیج بر نطق ایراد ایتدی [۱] . حکمدارلری قدر جسور و فداکار اولان تورکلر جانسپارانه هجوم ایتدیلر . نتیجه ده آلب آرسلان غلبه ایتمش اسلام عالمی شالدن کله جک سیلابه بلادن قورتیلیمشدی .

### (۱) عسکرلر ا

سزک کی شجیع بر عسکرک حکمداری بولندیمنن طولای مفتخرم . ابتدای جلوسمه آفاق مملکتی قابلیان اختلال بلوطلری مارقه تیغ بسالتکرله رفع ایده رک وطنی محافظه ایتدیکیز . بوکونکی کون ده عالم اسلامیت قارشیمزده کی دشمنه حسام جهادکزی کوسترمکزی بکلپور . او حالدده هم بحق وطنی محافظه ، هم ده اعلائی لوای کلمه الله ایتمک کی ایکی مقدس خدمتی ایفا ایلش اوله جقسکز . دشمننر چوللق ایهده ایلک هجوم غضنفرانه کزه بیله طپانه میه جفتی بیلیم . زیرا اونلر وطنلری دکل حیاتلری قورتارمقدن باشقه برشی دوشونمه یین برطاقم قورقاق آدلر در . سزاسه حیاتک مستعار اولوب شرفک جهاد اوغورنده جان ویرمک شرفندن عبارت اولدیفنی بیلن آرسلانلر سکز . ایشته قوماندانکز بوندن سوکره کی خطوه سنی میدان غزابه آتیور . شو قیلیجی طوقنده اولان آلمده قوت قالمیجه به قدر اوغراشه جنم ، دینی ، وطنی ، قوماندانی سه وهن آرقدن کلکسین ا

(مشاهیر اسلام)

آلب آرسلانك بو مغفرتی ، عالمه اسلام آره سنه جسور ،  
صلابتلی ، صداقتكار بر غنصر داها ادخال ایلدی . توركلرك غیرتیه  
کورجیلر قسماً مسلمان اولشلردی .

تورك قهرمانی بو فائله یی بر طرف ایتدکدن صوکره بیزانس  
تهلکه سنك اوکفی آلمق ، مسلمانلری و مسلمانلی قورتارمق فکریله  
سیواس و قیصری اوزرینه یوردی . بو شهرلری استیلا ایتدی .

آلب ارسلان آذربایجانده بولندینی بر صرهدده ایدی که بیزانس  
قرالی ( دیوژن رومانوس ) ایله قرالیچه ( اودوکیا ) ، معهود  
اسپانیا قرالی قتولیک ( فردیناند ) ایله قرالیچه سی ( ایزابللا ) به  
بردرس وحشت و یرمک ، برعمونه خونین حاضرلامق اوزره ایکیز  
بیك کشیک براردو ایله بلاد اسلامیه به تجاوز ایتشلردی . بالذات  
بیزانس ایمپراطورینك تحت اداره سنده اولان بوجسیم اردو ، آنادولی  
وعراقی بیزانسه الحاق ایتک ، بغدادی استیلا ایدرک خلافت اسلامیه یی  
اورتادن قالدیرمق ، جامعلره صلیب آصمق ، کبی برفکر ایله  
یوربورلردی ...!

فقط بیزانس ایمپراطوری قارشوسنه چیقه جق آلب آرسلانی حساب  
قاممه مشدی . اسلامیتك نه وخیم برتهلکیه معروض قالدینی کورن  
آلب آرسلان ، بیزانسلرک اوجسیم اردوسنه نسبتله بر آووج  
دینیه بیلن تورك قهرمانلرینه کووه نرک میدان حماسه آتیلدی :  
ایمپراطورک ایکی یوز بیك عسکرینه مقابل آلب ارسلان قرق بیك  
کشی ایله مقابله چیقمه مشدی .

ایکی اردو ( ملاز کرد ) ده تلاق ایتدیلر . ایمپراطور رومانوسک  
طلیعه قوماندانلغنده روس قرالی بولینوردی . آلب آرسلان ایلک

حمله ده طلیعه بی پریشان و روس قرانی اسیر ایتدی. متعاقباً بهوده قان دوکوله مسی ایچون - غالب کلدیکی حالد - ایمبراطوره صلح تکلیفنده بولندی .

فقط نجیب آلب آرسلانک خصمی، فطرتاً، عائلهٔ سفیل برآدم ایدی . هر نصله - ایمبراطور یچه کندیسنی سومش ، ایمبراطور لاه قدر جیقارمشدی . طالعنک بوجلوه سی، عرقنک ایجابات روحیه سندن اولان کبر ونخوتنی آرتیرمش ، بالا پروازلغی افراطه واردیرمش ، کندیسنی پایقار بالاق جنتنه قابدیرمش ایدی . آلب آرسلانک قان دوکه مک یولنده کی انسان تکلیفی عنف و غرور ایله رد و مصالحه بی تورکلرک پانختی اولان (ری) ده عقد ایدم جکنی بیان ایلدی . بو جواب (آلب آرسلار) ی بک متأثر ایتمشدی . فقط ، ائمه حنفیه دن (محمد بن عبدالملک) ، « بردینی مدافعه ایچون حرب ایدیورسک که الله اونی منصور قیله جغی وعد بویورمشدر . بوتون عالم اسلامک دعای و قلبی سنک و عسکرکله برابر در . سن قان دوکه مک ایستدک . قبول ایدیلدی . طفر بزمدر ! » یولنده کی تسلیتکار افاده لرله آلب آرسلانی تسکین ایتدی . او عصره یاقین برزمانده یاشایان برخرستیان مورخ شو سطرلری یازیور : « رومانوس آلب آرسلانک صلح تکلیفی رد ایدنجه ، تورک باشبوغی آرقه سنه بیاض بر لباس کیهرک جامعه کیتدی . جمعه نمازینک ادا سندن صوکره عسکرینه خطاباً ، ایسته ین کری دونسون ا بوراده حرکتکنزه مانع اوله جق برسلطان یوقدر . بنده سزک کبی برنفرم . الله ، وطن یولنده ثولومه قوشبورم . شمدیدن بیاض کفمنی کیدم ؛ دیهرک جامعدن چیقدی . آتیه یینه رک

دشمن اوزرینه یوردی . قوماندانلریله عین روح و قناعتده اولان عسکرده کندیسنی تعقیب ایلدی [۱] . جیلغین و قانلی برحاربه باشلادی . آلب آرسلانک اوردوسی عددآ پک ضعیف فقط احوال روحیه اعتباریله پک قوتلی ایدی . باشبوغلرینک جلادتکار حرکتی قوه معنویه لرینی بوس بوتون آرتیرمشدی .

بو سایهده ؛ نفوق عدی به رهنما ، غلبه آلب آرسلانه توجه ایتشدی : مغرور ایمراطور معیتده کی امرا و قوماندانلر ایله برلکده تحت اسارتده دوشدی . وقعه ، تورک و اسلام نجابتک پالیقاریالق و خرسیتیان روحنه نفوقی کوستره جک بر طرزده نتیجه لندی : آلب آرسلان ، مغرور ایمراطوری اکراملر ، التفاتلریله استقبال ایتدی . حیاتی باغشلادی ، کندیسنی مطیعاً پاینخته اعزام ایلدی . تورکلرک قهرمانلغی هم آنادولی بی ، هم اسلامیتی قورتارمشدی . آلب آرسلان آنادولی نك بر تورک و اسلام ایلی حالته گلسنی تأمین ایتدکدن سوکره اداره سنی عمجه زاده سی ( قوتلومش ) ک اوغلی ( سلیمان ) تودیم ایلدی . سلیمان باباسنک ده ای علمیمی [۲] نسبتنده مدبر ، همجه زاده سی آلب آرسلانک شهابتی آکدیره جق درجه ده شجیع بر تورک امیری ایدی . صرصره و بحر سفیده قدر امتداد ایتدیردیکی مملکتی عدالت و شفقتله اداره ایتمش ، خرسیتیانلق سیلابه سنه قارشی حیرت انگیز بر قهرمانلقله اسلامیتک مدافعه سنه جالیشمشدر . آلب آرسلان بر طرفدن خارجی دشمنلری

[۱] ابوالفرج خردورس . تاریخ مختصر الدول . ص ، ۲۲۲

[۲] سلجوقک طورونی و سلیمانک پدری اولان ( قوتلومش ) عالم ،

حاضل ، بالحاصه علم حیثهده ماهر بر ذات ایدی .

احما ایتدیگی کبی دیگر مارفندنده باطنیلک ، خارجیلک کبی مذهبلرک  
انتشار ایتمه لیرینه غیرت ایله یوردی . آلب اسلانک اسلامیه اولان  
خدمات عالییه سفی درین برحس تقدیر ومنته استخبار ایدن مک شریفی  
( محمد بن هاشم ) ، خطبه ده تورک قهرماننک اسمنی ذکر و مظفریته  
دعا ایتنک صورتیله عالم اسلامک حساب متدارانه سنه ترجان اولمشدی .  
آلب آرسلان هنوز قرق یاشنده ایکن خان بر خنچرک هدف اها تکی  
اوله رق هجرتک ۴۶۵ هجری سنه سی ربیع الاخرینک اوننجی کونی شهیداً  
ارتحال ایتمه مش اولسیدی اسلامیه داهایک جوق خدمتله ایضا ایده جکی  
شبه سزدی . قبری خراسانده کائن مشهور ( ری ) شهرنده در [۱] .  
آلب آرسلانک وفاتی مسلمانلق و تورکلک طائفده پک درین  
بر بوشلق آچمشدی . شایان شکراندرک خلقي ملکشاہ ، بو بوشلنی  
طولدره جق قدر بویوک بر سپا ایدی . ملکشاہ دوری بویوک تورک  
سلطنتک اک شانلی بر عصریدر : شرقاً چینہ ، غرباً بحر سفیده ،  
شمالاً کورجستانہ ، جنوباً یمنه قدر امتداد ایدن تورک ایمپراطورلنک  
هر طرفنده سعادت ورقاه حکم سوریور ، علم و عرفان تجلی ایدی یوردی .  
بیزانس ایمپراطوری ( نیکه فوروس ) ملکشاہی متبوع اعظم  
طانیہ رق سنوی معین بر جزیه اعطاسنه مجبور قالمشدی . آنادولی ده  
ملکشاہ نامه اجرای حکومت ایدن ( سلیمان ) ، روملرک ایلنه کچمش  
اولان ( انطاکیه ) بی تکرار ضبط ایده رک برج و یارولرینه اسلام  
سنجاغنی رکزه موفق اولمشدی . آماسیه بی مرکز اتخاذ ایدن  
[۱] مورخ هاعمرک روافته نظراً آلب آرسلانک مزاینه شو کتابه  
حک ایدیلش ایمنی : ( آلب آرسلانک عظمت آسمان پیمانی کورمش اولانلر !  
باککز ، او ، شمدی طوبراق آلتنده در ) .

( دانشمندیه ) تورکلرندن ( فازی احمد خان ) ایسه شمدیکی سیواس ،  
 خریوت ، ارضروم ، طریزون ، آنقره ، قسطنمونی ولایتلرینک  
 حاوی اولدینی قطعینی ضبط ایدمک دین اسلامی اورالده تأیید  
 ایلشدی . احمد خان ، اوتوز سنه آنادولی ده جهادایله اوغراشمش ،  
 آنادولینک اهالی قدیمه سندن اولان و نسطوری مذهبده بولتان  
 ( بچنک تورک ) لرینه دین اسلامی قبول ایتدیرمکه موفق اولمشدی .  
 ملکشاهک هنوز کنج دنیله جک بر سنده ارتحالی ( مشارالیه  
 اوتوز دوقوز یاشنده وفات ایتمشدر ) بویوک تورک دولتی تاشت  
 و انحلاله اوغرااندینی کبی ، آ ز بر مدت صوکره شرقی صارصه جق  
 مدهش صدمه لره قارشى مسلمانانی ده استنادسز براقشدی .



## اهل صليب قارشيونلر

ملکشاهك وفاتندن دورت سنه سوكره ایدی که غربدن چیاغین  
بر وحشت فورتنه سی، بی امان برتعصب قاصیرغه سی قوپمش، بوتون  
دهشتیه شرق اوزرینه آقشیدی. اهل صلیب باربارلقلرندن بحث  
ایتمک ایستیورز [۱]:

آسیایی وحشت قانلرینه بوغمق اوزره خرسیتیانلق عالمک هر  
طرفدن هجوم ایدن باربارلره قارشى شرق عالمده اسلامیتی مدافعه،  
مسلمانلری حمایه ایده جک بویوک برقوت مفقود ایدی. بویوک تورک  
دولتی انقسامه اوغرامش، بغداد خلافتی بوس بوتون سونمش، مصر  
بر مرج و مرج الچینده چالقامقده بولنش ایدی. مع مافیة متشتت بر  
حاله بولنار نورکلر بوسیلابیه قارشى قوبمق جسارتی کوستردیلر.  
اسلامیتک بقا و تعالیسنه چالیشمق عزیميله داها معتصم دورنده میدان  
حماسته آتیلار توران قهرمانلری تهلیکه دن تهلیکه یه قوشمشلردی. بو  
دفعه خاندان پرنسپلرینک حرصلری و پوست عوغالری یوزندن وحدت  
و سطوتلرینی فائب ایتمش اولمقله برابره، خرسیتیان استیلاسنه قارشى  
[۱] خرسیتیانلق دنیا سنک اسلاملق عالمه آجدهنی او مدید محاربه لره  
اشترک ایدن آوروپالیر باشلرینه قیرنیزی خاج طاقدقلرندن کندیلرینه (اهل  
صلیب Croisades) نامی ویریلشدر.

ینه قسم قسم میدان شهامنه آتیلقدن چکینه مشلردی . تورکر ، اسلامک مدافعه وتأمین بقای ایچون آتسه ، صویه ، فلا کته آتیلهرق کندیلرینی محوایتش فقط اسلامی قورتارمشلردی . بودفعه ده اوپله یاپه جقلردی . تارینخک بوتون بو مدهش ماجرالرینک تدقیق کوستریورکه تورکرک مدافعه ونشر دین خصوصنده کی فداکارلقلری اقوام اسلامیته ک جله سنه فاقدر . بوقاقیت سبیلهدرکه تورکرک بحق اسلامی بنه مش ، اون بر دین ملی صورتنده تلقی ایتمشلردر . اهل صلیب هجوملرینه قارش توره کرک پولاد سینه لری تقابل ایتمه مش اولسیدی ، بو کون آسیای اسلامینک سیاسی بوس بوتون باشقه بررک عرض ایدم جکدی !.. تارینخک شانلی صحیفه لری تورکرک بو خدمتی ابدیاً تجیل ایدم جکدر !



میلادک ( ۱۰۹۵ ) نجی سنه سی تشرین نایسنده ( قله رمون ) ده پاپا ایکنجی ( اوربن Urbain ) ک تحت ریاستده انعقادیدن بر مجلس ، خونین برماجرا اساسلرینی حاضر لامش ، شرقله غربی ، اسلام دنیاسیله خریستیانلق عالمی چارپشدریمق کبی مدهش بر درامک باشلامسهنه قرار ویرمش ، اراضی مقدسه یی ( قدس ) غصب ایتمش اولان دینسزلرک ( مسلمانلرک ) علیهنه عمومی برجهاد ترقیباتی احضار و بوتون خریستیانلری بوجهاد مقدسه دعوت ایلمشدی . دینسزلر علیهنه حرب مقدسه اشتراک ایدم جکلرک دوزخ یجه جته کیده جکلری کوکده کی عیسی نک برده کی لایحطی وکیلی طرفندن اعلان اولنمشدی .

( پیه درلمیت Pierre L'ermite ) نامنده سرسری و متعصب

یرپاپاس، پاپانک بووعدینی بوتون آوروپا به نشر ایتمک ایچون مرکب سوار اوله رق کوی کوی طولاشمغه باشلادی. پیه لر میت کنج لکنده عسکر لکه کیرمش، سفالت اخلاقیه سی ایجاباتی اوله رق یوز قزار تیجی سر گذشتلر کچیرمش، بالا آخره عسکر لکی براقه رق فحشیات عالمه آتیلمش بر سر سری ایدی. برمدت صوکره، او عصرک بوتون اخلاق سز سر سربلری کبی، اوده ره بان صنفه انتساب ایدره رک کیزلی و کیرلی کنه لرینی اسلام قانیله ییقامق سوداسنه دوشمشدی. پیه لر میت، هر یرده بر (حواری) کبی استقبال ایدیلوردی.

جهالت و تمصبله سر مست اولان خرسیتیانلق عالمی؛ یر یوزنده تک بر دینسز (مسلمان) براقه مق عزیمله؛ قودورمش بر سیلابه کبی اسلام دنیاسی اوزرینه ییقلمغه باشلامشدی. (الله بویله ایستیور...) غلغله سیله آوروپانک کوبکندن قوپان بوانسان کنه سی ایچنده، ثروت ازیته دن محروم کنج لر، سفاهت عالم لرنده فلس احمره محتاج قلش سینور لر، مسلمان مالنی ینما ایتمک حر صیله تیره ین چاپو لیلر، ارض مقدسی دینسز لر دن قورناره جقلرک طوغریجه جنته کیده جکنه ایمان ایدن قادین، ارکک، جوجوق کبی آلائی متعصبلر، خلاصه، مسلمان قانی ایچمک جنته طوتولش چشید چشید مخلوق لر، قانه بو یانمق حر صیله قودورمش سفیل جانیلر بولینور لردی.

(کوستا و لوبون) ک دیدیکی کبی: «باربار بر عالم، حاطره تجیل صحایف تاریخه شرف بخش اولان یوکسک برمدیتی تخریبه قوشیوردی [۱]». بعضی کویلر بوس بوتون بوشلامشدی. زوالی کویلر ارض مقدس دن طوغریجه جنته کیده جکلرینه ایمان

[1] Gustave le Bon, La civilisation des Arabes.

ایدیورلردی. یولده بیکارجه معجزه لر کورولور، هر خطوده هاتف  
صدالری طویولوردی ..۱

ایلك قافله نك باشنده بیسه لر میت ایله شوالیه (زوکورت  
غوتیه Gauthier sans avoir) بولینوردی. سیلابه تعصب بلغارستانه  
قدر بلا حادثه آقه بیلدی. فقط بلغارلر کج دکاری برلری قوروتان  
بوسیلابه یه یول ویرمک ایسته مدیلر. عیسی نك صادق و دیندار قوللری (۱)  
دین قارداش لری اولان بلغارلرده هجوم ایتیمکدن چکینه مدیلر: شهرلری  
یغما، عاجزلر قتل ایتدیلر. بلغارستانی آل قانله بویادیلر ونهایت بو  
سیلابه بلا بوغاز ایچلرینه قدر طایاندی. استانبول ایمراطوری  
(آلکسیس غومن) پایتختی قورتارمق ایچون بونلری کیلرله  
آناطولی به کچیردی .

مسلمانلری یز یوزندن. قالدیرمق حرصیه آسیایه آفاق باصان  
بویوز بیک کشیک وحشت آلاینک ایلك هدف هجومی فلک زده  
آناطولی تورکلری اولدی. بحر سیاه ساحلرندن آقان صایبیون،  
دانشمند تورکلرینک معمور بلده لرینی یاقوب بیتمق صورتیه (اماسیه) به  
قدر کلش لردی. احمد خانک اوغلی و خانلی (اسماعیل خان) ایله  
قیمتدار قوماندانی (ایلتکین). غازی نك خداپسند حماسلری بوايلک  
قافله بی طور دیره بيلمه شدی. بوئانده ایدی که تورکلرک (زان دارق) ی  
اولان (غازیه عایشه) دینی، وطنی، استقلالانی قورتارمق عشقیله  
اوردونک باشنه کچمش، اک مشهور قوماندانلری حیرتده براقه جق  
شجاعت و مهارتیه بوايلک سوری بی رجعت مجبور ایتش، پک حقلی  
اوله رق (غازیه) عنوانی آلمشدی ...۱

(کلیک) . چیقان اهل صلیب ایسه سلجوق تورکلرله

قارشولاشمشدی. (ازنیق) کولی ایله (بازار کوی) ی آره-سندمه  
 وقوعبولان محاربده تورکلر، اهل صلیب یشیدارلرینی بوزمشلردی.  
 فقط آرقه دن بک قوتلی سوریلر کلیوردی. پاپاسلرک تلقیناتیه  
 مالکانه لرینی، اموال و اشیارلرینی صاهره ق شوالیه لری تجهیز ایدن  
 دوقه لر، قونترلر، بارونلر مدھش برکین وانتقامله مسلمان  
 کسه رک جنته کیتمک ایچون آناطولی طوبراقلرینه آیاق  
 باصمشلردی [۱]. (پارس - لورن). دوقه سی (غودفرووا)،  
 آناطولی بی آل قانله بویامق اوزره یدی یوز بیک کشیک براروردو  
 ایله (پهرله میت) ی تعقیب ایدیوردی. بوکروه، (۴۹۱) سنه سی  
 بهارنده (قاضی کوی) نده اجتماع ایدره رک غریبه کی سلجوق  
 تورکلرینک مرکز حکومتلری اولان (ازنیق) اوزرینه یوریمکه  
 قرار ویردیلر. استانبول ایمپراطورینک عسکرلری ده بونلره التحاق  
 ایتمشلردی. یدی یوزبیک بارباره قارشوسنده یوزبیک تورک مجاهدی  
 ایکی کون قهرمانانه میدان محاربسی ویردیلر. صوکره بالضروره  
 (ازنیق) قلعه سنه چکمدیلر. اهل صلیب بر طرفدن قلعه بی محاصره  
 ایتمش، دیگر طرفدن ده جوارده کی کویلره یایسله رق تصادف

[۱] پاپاسلر، جاهل و متعصب زادکانی حرب مقدسه تشویق ایدرکن  
 بونلرک مالکانه لرینه قونمق کپی خفی بر امله تعقیب ایدیورلردی. قونترلر،  
 بارونلر، دوقه لر، جنتی قازانق ایچون ماللرینی، پاره لرینی، مالکانه لرینی  
 آللرندن جیقارده ق فلس احمره محتاج قالیورلردی. اونلری بو فداکارلنه  
 تشویق ایدن فتان پاپاسلر ایسه مالکانه لری برر بر رضانون آلده ق ثروت  
 و سامان صاحبی اولیورلردی. اهل صلیب سفرلری مناسبته ددکه آوروپاده  
 املاک و اراضینک قسم کلیسی، رؤسای روحانیه نک یوز قیزارتان سفاهت لرینه  
 صرف ایدلرک اوزره کلیساره کچمقدور.

ایتدکلری ارککلری ، قادینلری ، چوققلری ، اختیارلری قلیجیدن  
کچیرمکه باشلامشلردی . صلیبیون ، کسدکلری معصوم باشلری آتکلرینک  
بویونلرینه آصه رق محاصره ساحه سنه قوشیور ، بو بدبخت باشلری  
قلعه ایچنه آتمق صورتیله محصورلره آوروپا خونخوارلنک نمونه لرینی  
کوستریورلردی .

بو تاریخده استانبول ایمپراطوری اولان ( آلکسیس غومن ) ک  
قیزی ( آن غومن ) پدرینک تاریخ حیاتنه دائر یازدینی ائرده  
خریستیان آروپانک حرب مقدس ( ۱ ) مجاهدلرینی شو فقره ایله  
تصویر ایدیور :

« حرب مقدس مجاهدلری ، تصادف ایتدکلری تورک چوققلریجه  
بوغازلایور ، پارچالایور ، ائکلرینی کباب ایدره ک بییورلری ! . . . »  
مسلمانلری باربارقله اتهام ایدن آروپالیلری کندی دینلریدن اولان  
وحرکتلرینه فعلاً اشتراک ایدن بر ایمپراطورک قیزی ، بویله تصویر  
ایتمشدی . . .

ازنیق محصورلرینک فوق البشر قهرمانلغی ، دشمنک کثرتی ،  
ارزاقک ندرتی ، امدادک فقدانی یوزندن هیچ بر نمره حاصل  
ایتمیوردی . اهل صلیب تاریخی یازان ( میشو ) ازنیقده محصور  
قالان تورکلرک قهرمانلغی کوسترن شو فقره یی قید ایدیور :

« محصورین آره سنده اوزون بویلی ، فوق العاده قوتل بر مسلمان  
حیرت بخش بر خارق جسامت کوسترمشدر . جسور تورک اهل صلیب  
افرادینی بربری آؤقه سندن قلیجیدن کچیریوردی . وجودی او قلرله ذلیک  
ده شیک اولدینی حالد او ینه متصل قهرمانلق کوستریوردی ، اک نهایت  
هیچ بر شیدن قورقدیغی کوسترمک اوزره قالداتی آه رق کو کعبه

آچیق بر صورتده قلمه نك دیننده کی اهل صلیب اوزرینه ظایت بویوک طاش بارچه لری فیرلاتیوردی. صلیبیون هیچ برشیته مقتدر اوله میهرق بو شجیح آدمك ضربه لری آلتنده خاکه یووارلانیورلردی ... ، امداد سزلق محصورینی شهری بیژانس ایمپراطورینه تسلیم ایتمک مجبور براقدی. وحشت اوردوسندن بر قسم ( سیمیون ) قومانداسنده کذرگاهنه انواع مظالم و تخریبات ایقاع ایده ایده ( آنقره ) اوزرینه یورویمه رك شهری ضبط ایتدی . آماسیه ده اقامت ایدن دانشمند حکمداری ( اسماعیل خان ) قیصری والیسی ( کومشتکین ) ، آنقره والیسی ( فتح خان ) کبی قوتلی مجاهد لریله برلکده ( سیمیون ) اوزرینه هجوم ایده رك ( چوروم ) جوارنده قهار بر مظفریت قازانیلدی. اهل صلیب اوردوسنك بویوک قسمی ایسه ( آنطاکیه ) اوزرینه یورومشدی . بوقوته قارشو طور مق وظیفه سی ده قونیه حکمداری ( قلیبیج آرسلان ) . توجه ایدیوردی. انئی راهده تورکار قتل عام ایدیلور ، قصبه لر نهب وغارت اولینیوردی . جوجوق ، قالدین هیچ بر فرد قتل عامدن قورتیله میوردی .

قلیبیج آرسلان بوسیلا به یی ( اسکیشهر ) جوارنده قارشولادی . ایلک حمله ده غالب کلدی. فقط ، تولدیریلنلرک یرینی ییتمز ، توکنمز سوریلر طولدیری یوردی. بو کثرت تورکلری فی تاب براقدی . قلیبیج آرسلان کیجه میدان حربی ترک و آرقده کی اکیکلری باقهرق رجعت ایتمک مجبور اولدی ...

اهل صلیب باربارلری میدانی بوش بولنجه ، جرادبلا کی آنا طولی به طاغیده لر . اسکیشهر حوالیسنده بو غازلادقلری معصوم تورکلرک عددی یکر می اوج بیکی متجاوز ایدی . بر قسمی قره مان طاغلرینی

آشەرق ( چوقور اووا ) به ایندیله . بر قسیمی ده ( کورون ) طاغلرینی  
کچەرك ( البستان ) . کیتدیله . قسم کلی ایسه عینی روش وحشتکارانه  
ایله ( انطاکیه ) اوکنه مواصلت و شهری محاصره ایلدی . انطاکیه  
محافظلغنده آلپ آرسلاڤک حقیدی ( باغیسیان ) بولینیوردی . محاصره  
دوقوز آی دوام ایتدی . قهرمان تورکلر ، صوک نفرلرینه قدرشاهمتله  
مدافعهیه قرار ویرمشلردی .

صلیبیون ، کچدکلی برلرده کی بلدهلری یاقوب بیقمش ، هر طرفی  
خرابه زاره چویرمش اولدقلرندن ، محاصره نک امتدادی آره لرنده  
شدتلی قحط ظهورینی إنتاج ایتدی . وحشیلر ییه جک تورک و مسلمان  
بوله مینجه ، بربرلرینی ییمکه باشلا دیله . رؤسادن ( تانفرد Tancrède ) له  
( بودوین Bauduin ) محاصره دن واز کچەرك یغما کرک ایتک اوزره  
آناطولی ایجیرینه لاییلدیله . راست کلدکلی تورکلی بوغازلیور ،  
تصادف ایتدکلی کویلی یاقیورلردی . آلتی آیلق چوجوقلر بیله  
بو وحشتدن قورتیله میورلردی ! ...

ارض اوزرنده تک بر مسلمان بر اقامق حمیه له آوروپادن قالقهرق  
آسیا اوزرینه بوکله نن بو بار کنه سی ، ایلک مرحله ده تورکلر له  
قارشولاشمش ، منفوزاملرینک تحقیقنه تورکلر طرفندن ممانعت ایدیلش  
اولدینی ایچون او کوندن اعتباراً تورکلر له قارشو انطما ناپذیر برکین  
وخصومت بسلامک باشلامشلردی . اکچوق وحشتی تورکاره کوسترمش  
اولملری بوندن نشأت ایدیوردی .

آنطاکیه دن حیرت انکیز بر قهرمانلقه خروج ایده رک یدی یوز  
بیك کشی به هجوم ایتک جسارتی کوسترن تورکلر ، یتاب قالینجه به  
قدر چارپشمشلردی . فقط نهایت ثاب و توانلری کسیدلی . صلیبیون ،



آله کچردکارینی برربرر بوغازلایه رق باشلرینی مزراقلا اوزرنده تشهر  
ایدیورلردی. بو وحشتلر یالکیز دیریلره تطبیق ایدیلکله قالما یوردی.  
اسلام مزراقلری ده آلت اوست ایدیلره رک طوبراقلرک سینئه صموتنه  
کومولن بیک بش بوز قوری قفاده مقبرلرندن چیقاریله رق آباق آلتلرینه  
آتیلمشدی [۱]. فقط و غلا آرتدقجه حریفلرک کین و وحشی ده  
اونسبتده تزیاید ایدیورلردی. بوتون بر قطعه یی یرندن اوینسانه رق  
دنیا یی قان طوقانلرینه فرق ایدن سفیل بیهرلر میت بیله آچلمنه تحمل  
ایده میهرک قاجق ایستدی. فقط باقالانه رق (تافرده) ک حضورینه  
کوتورولدی. تافرده، بو وحشت مرتبک قفاسنه بر قاج تفک دیجکی  
ایندیرمکله اکتفا ایتدی!...

مورخ (میشو) دینداشلرینک وحشتی کوسترن شوهاثله یی نقل  
ایتمکده در: «انطاکیه ده کی سلجوق امرینک بدبخت و مصوم اوغلی

(۱) غربک، میلادک ۱۰۹۶ تاریخنده بوتون وحشتیه فوران ایدن بو  
منفور روحی عصرلرک تعاقبه رغماً، حالا یاشامکده در. بالفان حربی ائساننده  
بافارقرالی (فردیناند) ک بیاننامه سنک، متارکهدن صوکره (وینزه لوس) ک  
نظفلرینک (پهرله رمیت) خطابه لری قدر صیبی بر تصویب ایله دیکه نیلمش  
اولسی، اولجه روم ایلده، متارک ائساننده ده آناطولی ده تورک مسلمانلره  
قارشی روا کوریلن وحشتلرک غرب طاننده هیچ بر تأثیر حاصل ائتمه سی  
بوروحک حالا هین زندگی ایله غرب حاکم اولدیفنی کوسترن اک قوتلی دلیللر در.  
اساساً (آلپی) نک قدسه کیریشی ده انکلتزه پارلمنتوسنده بر اهل صلیب  
ظفری کبی تجیل ایدیلدی؟ بو اوزون عصرلرک کذارشیله ده کیشنه برشی  
وارسه اوده (۱۰۹۶) ده اهل صلیب اوردولرینه قارشی اسلامی ویت المقدسی  
عرب، تورک و کورده متفقاً مدافعه ایتش اولدولری حاله (۱۹۱۵) ده کی  
اهل صلیب آل هاشمک (ابولهب) ی اولان (حسین) ایله خائن اوغوللرینی  
کندی پاننده بولش، قدس شریفی انکلیز حاکمیتی آلتنه صوقان اوردو،  
موفیقیتی تأمین ایدن اهانتکار مظاهرتی انکلیز آلتوتی اللهک قرآننه ترجیح  
ایین بر قسم عربلر ده بولمدر!.

اهل صلیب عسکرینک آلتنه دوشمشدی . طالعسزچوجوغی تویلیری  
 اورپرتن بر وحشته چنדרه آلتنه صوقدیلر . بر آی دوام ایدن دور  
 تعذیب ، هرکون باشقه بر اشکنجه ایله کذران ایدیوردی . معصوم  
 چوجوق ، اک نهایت انطاکیه سورینک آلتنده اقرباسیله ، شهرده  
 محصور اولان خلقلک کوزلیری اوکنده باربارانه بوغازلادی !... ،  
 تورکلر بوتون بویامیاملقلره قارشی شهامت و نجاتله مقابله ایدیورلردی .  
 حالبوکه تورکلرک علوجناب و شبانکارلنی باربارلری بوس بوتون  
 چیلدیرتیوردی !... خان و ملعون برألك اهانتکار ترتیبائی اولمسیدی  
 انطاکیه نك ضبط ایدیلک احتمالی یوقدی . شهردا خلنده بولنان (ره زبه)  
 ویا (فیروز) اسمنده خان برارمنی ، صلیبیون رؤسایله مخبره ایدرک  
 قرارلاشدیریلان ترتیبات موجبجه کیجه وقتی سوردن بر جوق ایپ  
 مردیونلر صارقیتدی . صلیبیون بوسایه ده قلعه ایچنه کیره رک قوله لرده کی  
 محافضلری قتل و قلعه قابوسنی کشاد ایتدیلر : اورتاق محشر نمون بر  
 منظره آلمشدی . ثولدیریلن تورکلرک قاتلرندن سو قاتلرده سیلابلر  
 حاصل اولمش ، قادین ، ارکک لاقلا اونیك مسلمان بوغازلانمشدی !..  
 صلیبیونک عقورانه حرکتلریخی تصویر ایچون (وحشت) کله سی پک  
 آز بر معنا افاده ایدر : محارب ، غیر محارب ، قادین ، چوجوق ،  
 اختیار اوکارینه کلن هر کسی ثولدیرییور ، هر شیئی یغما و تحریب  
 ایدیورلردی [۱] .

بوتون بو وحشتلر طیش قلعده اجرا ایدلمشدی . چونکه تورک  
 قهرمانلرینک کزیده بر قسیمی ایچ قلعیه چکیله رک اوراده بر خط  
 مدافعه تأمیننه موفق اوله بیلمشلردی . قلعه نك سقوطندن اوچ کون

صو کرمایدی که ایران سلجوقیلرینک حکمداری (برکیارق) طرفندن  
 تورك قهرمانی و موصل امیری (کربوغا) نك قومانداسی آلتنده  
 سوق ایدیلن ایکی بوز بیک کشیلاک بر اوردو. انطاکیه اوکلارینه موصلت  
 ایلدی. بو اوردوده ملکشاهاک یکنی (تتش اوغلی دقاق)،  
 سنجار بکی (آرسلان طاش) و (آرتق اوغلی سقمان) کبی بویوک  
 قوماندانلر بولینیوردی. اهل صلیب بو مهیب قوت قارشوسنده  
 شاشیره رق ایچ قلعهیه هجوم ایتک جسارتی کوسترمیدیلر. کر بوغا،  
 صلیبیونک خارجه اولان مناسباتی قطع و قلعهیه شدتله تحت محاصرهیه  
 آلدی. ایچ قلعهده کی قهرمانلرده حیوانلری بهالی صائمق ایچون الک  
 بویوک فداکارانی اختیاردن چکینمیلرلدی. ایکی قوت آرمه سنده  
 ازیلن صلیبیونی قحط و غلا داهامدهش بر صورتده تضییق ایدیوردی.  
 مورخ (میل) وقعیهی تصویر ایدرکن شو فقرهیه یازیور :  
 « اهل صلیب اوردوسنده بو انشاده حیوانات لاشه سی علماً یزیلور ،  
 انسان آتی ده کیزلیجه اکل اولتوردی ... ». اهل صلیب تاریخی  
 یازان مشهور (میشو) ده قحطک شدتی شو یله تصویر ایدیور :  
 « قحط و غلا او قدر شدتلی ایدی که آوروپالیلرک ، قالقانلرینک ،  
 قوندوره لرینک کوسه له لرینی صیجا ق صوده یمو شاته رق بیدکاری  
 کوریللوردی . بونلرده بیتنجه سفالت پک مدهش بر حال کسب  
 ایتدی . پرذلر ، سینبورلریله آچلمک شدت طاقفر ساسیه قانی قانی  
 اکمک دیلمکک باشلادیلر ... » آچلقدن بیتاب قالان صلیبیون مایوسانه  
 بر حربه کیریشیدیلر . باپاسلر کرامتلر ، قتل ایدیور ، جناب حق  
 طرفندن خرسیتانلرک غلبه سی ایچون اعزله لر ، ملکلر کونده ریلدی یکنی  
 سهویلیورلردی . بر طرفدن یأس دیگر طرفندن جهل و نصیبک

مولودی اولان امید کی ایکی قوته استناد ایدن صلیبیون تورکر اوزرینه هجوم ایتدیلر . محاربه پک خونین اولدی . قیلج آرسلانک قهرمانانیده فائده ویرمدی . تورکر بوز بیك کشی شهید ویره رک مغلوب اولمشلر ، اهل صلیبده دورت بوز الی بیك کشی غائب ایدیه رک غالب گلشردی ...!

کربو غایبه غلبه ایدن صلیبیون ایچ قلمه پی ده ضبطه موفق اولمشلردی . آرتق وحشت و خونخوارلق تصویر و تصورک فوقنه چیقمشدی . صلیبیون ، انطاکیه ده بر تورک قالمینجه یه قدر قتل عام ایتدکدن سو کره ینه تورکارک اداره سنده بولنان ( ممره النعمان ) اوزرینه یورودیلر . بو بد بخت شهرک ضبطی متعاقب ارتکاب اولونان وحشتلری ، واقعه ده حاضر بولنان حضرت عیسی نک و کیلی (۱) (راهب روبر - Robert le moine) انسانی هیچ بر تأثر طویقمسزین عمیق بر حظ درونی ایله شویله تصویر ایدیور : « بزمکیلر ( اهل صلیب ) یاورولری آرایان آرسلانلر کی سواقلره ، میدانلره ، طاملره قوشیور ، بولدوقلری جوجوقلری ، کنجلی ، بلی بوکرلش اختیارلری ، پارچه پارچه دوغریورلردی . هیچ بر فرده مرحمت کوسترلیوردی . آرزمانده جوق تورک تولدیره بیلیمک ایچون بر جوق انسانلر هپ بردن ایبه آسلیورلردی . او ، نه حیرت بخش منظره ، نه عجیب معجزه ایدی که : بر آنده بیکلرجه انسانلر قتل اولدنلری حالده هیچ بری طرفندن ذره قدر مخالفت کوسترلیوردی ...! بزمکیلر ( صلیبیون ) بولدقربی یغما ایدیور ، مقتوللرک قارینلری ده شه رک بر جوق آلتونلر چیقاریورلردی . شهرک بوتون سواقلرنده سیل کی قانلر آقپوردی . هر طرف انسان لاشه لرله طولمشدی . تولومه محکوم

بصیرت‌سز خلق آره سندن تك بر فردیله خرس‌تبان دینی قبول ایتمه مشدی. اوتده بری ده کیزله ن اشخاص بولنه رق سرایک آولوسنه جمع ایدیلدی. (بوهمه موند Bohémond) ایچلارنده کی اختیارار کککلرله قادینلرک، ایشه یارامیه جق بر حالدده خسته و ضعیف اولانلرک قتلنی اسرایتدی. کنج و دینج اوغلانلرله دلبر قادینلر صاتیلمق اوزره انطاکیه به کونده ریلدی. تورکار حقنده تطبیق ایدیل بوقتل عامه کانون اولک اون ایکنجی بازار کونی باشلامشدی. فقط بر کونده ایش بتمدیکندن بزمکیلر (اهل صلیب) ایرتسی کونلرده قتل و افتایه دوام ایتدیلر... [۱] «  
بر یوزیکزه طوقات اورانه دیکرینی ده جویریکنز! اسرینی ویرق عیسی نامه ارتکاب اولنان وحشتلری، خلقه رحم و شفقت یوللری کوسترمکه مأمور اولان وکیل یسوع ایشته بویه تصویبکار بر لسانله تصویر ایتمکده در. بو سطرلری تیتزمه دن اوقویه بیلیمک ایچون انسان روبر کبی بر باباس وجدانسه مالک اولمیدر...»

معره النعمانده قتل ایدیلن مسلمانلرک یوز بیکی متجاوز اولدینی خرس‌تبان مورخلردن مشهور (میل) ک تحت اعترافده در. صلیبیون-معره النعمانده سوکره قدس اوزرینه یورودیلر. آوروپادن جیه دقلری وقت برملیونه قریب اولان بو وحشت اردوسی قدس پیشگاهنه واصل اولدقلری زمان یکریمی بیک کشیه اینمشدی... قهرمان تورکلر؛ بوتون نشتلره رغماً؛ محو اولمینی کوزه آله رق بو سیلابیه قارشو طورمش، برملیونی یکریمی بیکه ایندیرمشلردی. او ائناده تورکلرک باشنده بر آلب آرسلان ویا بر ملکشاه، بولنه رق وحدت اداره یی [۱] کوستاو لوبونک (مدیت عربیه تاریخی) عنوانی کتابندن اجماله ایدیلدیر.

تأمین ایتش اولسیدی ، بو سیلابه یی طور دیره جقلری شهه سزدی .  
 ناسیل که قانلی ماجرا ره مشهراولان شوزمانده ، داهایکی سنه اول عینی  
 روح وعینی وحشته عینی مبارک طیر اقلری معصوم تورک قاننه بویامغه  
 مأموراولان صلیب اردوسنی بویوک قوماندانلرک صمدانی عزم ودهالری  
 طور دیردی ونهایت قهرایتدی . فقط ، او هنکام ده تورکلرک باشنده آب  
 آرسلان روح وعزمنده برباشبوغ بولمیدینی کبی اسلام وتورک عالمی ده مدهش  
 برآنارشی ایچنده یوزیوردی . عالم اسلامک بو حال پریشانیسی یوزندن  
 صلیبیون ، اورتانلی قان دریاسنه یانغین ساحه سنه جویره بیلمشلردی .  
 • قدس اولجه تورکلرک آئنده ایکن [۱] اهل صلیب اوردولرینک  
 بیت مقدس سورلری اوکنه یاناشدقلری تاریخن بزمده اول مصرده کی  
 قاطمیلرک اداره سنه کچه شدی . فقط ایچنده کی محافظلرک قسم کلیدی  
 ینه تورکلردن متشکلدی . محافظلر ، شدتله مقابله ده بولمشلر سه ده  
 نهایت صلیبیون میلادک (۱۰۹۹) نجی سنه سی تموزینک اون بشنجی  
 کونی شهری ضبط ایده بیلمش ، ( الله ، بویله ایستیورا . ) آوازه سیله  
 قدس داخلنه کیرمشلردی .

قدس ، ایکنجی خلیفه حضرت عمر زماننده مسلمانلر طرفندن  
 ضبط ایدیلشیدی . او وقت اسلاملرک خرسستیانلره کوستردکلری  
 لطفکارقله بودقه غالب خرسستیانلرک مغلوب مسلمانلره روا کوردکلری  
 مظالم وحشیانه مقایسه ایدیلر سه ایکی دین منسوبلری آره سنده کی فرق  
 بوتون وضوحیله نظرلره جاربار :

[۱] آلپ آوسلانک اوغلی وسوریه حکمداری ( تنش ) ، ( اسکک  
 اوغلی آرتق ) نامنده بر قهرمانی قدس بکلکنه تعین ایتشدی . آرتق  
 هجرتک ۴۷۹ - ۴۸۳ تاریخنه قدر قدس ده اجرای حکومت ایتش وفاتنده  
 قدس امارتی ( سکمان ) ایله ( ایلغازی ) یه بر ایشدی .

قدسی تسلیم آلمه کلن حضرت عمر ، شهر خارچنده محصورینک کوندرد کلری سفیره ملاقی اولدینی زمان ، خرستیانلرک سربستهجه اجرای آیین ایدمه بیله جکلریخی ، کلیسالرینک محافظه اولنه جغنی ، کندیلرندن آنجق جزئی مقداره برورکی آله جغنی ، هرکسک حیات و ماموسی تحت امنیتده اولدیغنی بیان بو بورمش ، خرستیانلره امنیت بخش ادمق اوزره قدسه بطریق ( صوفرونیوس ) ایله برلکده کیرمشدی .

قدسه کیرن خلیفه مسجد اقصاده نماز قیلمق ایسته مش فقط معبد کیرمه یه رک ، مردیونلر اوزرنده ادای صلاة ایتمشدی .

اسلام خلیفه سی قدسی ضبط ایتدیکي زمان خرستیانلرک حقوق و مقدساتنه اِک خفیف بر تجاوززه وسیله ویرمه مک ایچون بو کي بلند مثاللر کوسترمشدی !!

حالبوکه خرستیانلرک قدسه دخولی بدبخت مسلمانلر ایچون اِک مدهش فاجعه لر ، اِک خونین هائله لر احضار ایتمشدی . صلیبیون طرفندن ارتکاب اولان وحشتلرک محنته قناعت کتیریلک ایچون مسلمان مورخلره ترجیحاً خرستیان مؤلفلرک بیاناتی نقل ایدیورز :

قدسک اهل صلیب طرفندن ضبطی ائناسنده حاضر بولنان ( ریمون دازیل Raymond d'agile ) هائله یی شو صورته تصویر ایدیور :

« بزمکیلر ( صلیبیون ) ، سورلری ، قله لری ضبط ایدنجه حیرت انکیز صفحه لر کورولمه ک باشلادی . مسلمانلرک بعضلرینک باشلری کسلیوردی . بو اِک خفیف جزا ایدی . بعضیلری ده مزارقلانه رق یوکسک دیوارلردن طاشلر اوزرینه آتیلمه اجبار ایدیوردی .

بعضیلری ده بر چوق اشکنجه لره معروض بر اقبالقدن سوکره دیری  
دیری آتسه آتیلورلردی .

سوقاقلرده ، میدانلرده ، کسین باشلر ، قوپاریلش قوللر ،  
پارجالانمش آیقلر کوریلپوردی . هر طرف انسان نعللریله طولمشدی .  
مع مافیه ، بو حال هنوز برشی دکلدی !... » .

مورخ ( میل ) ده شو سطرلری یازیور :

« مسلمانلر حقنده اصلا مرحمت کوستریلمه سی تقرر ایتشدی .  
مسلمانلر ، عمومی میدانلرده بوقازلانیوردی . کنج قیزلر ، معصوم  
چوقوقلر ، یاورولی قادینلر هیچ بر سورتله قتل وافتادن قورتیله -  
میورلردی . سوقاقلر ، قادین وچوچوق لاشه لرله طولمشدی !... »

فاجعه نك تماشا کرانندن ( دو بووی ) جامع عمره التجا ایدن  
اون نيك مسلمانك قتل عامی فاجعه سی بوجه آتی قید ایدیور :

« سلیمان زمانندن قاله بو اسکی معبدك ایچی انسان قانیله او قدر  
طولمشدی که لاشه لر قان ایچنده یوزیور ، بر کوشه دن او بر کوشه یه  
کیدوب کلیورلردی . قان حوضه سی اوزرنده بر چوق کسک قوللر ،  
قوپوق آللر کوریلپوردی . یونلر کندیلریله برایر قان ایچنده یوزن  
یابانچی نعلله یاقلاشوب اوزانلاشیورلردی . بر حالده که کسک  
قوللرک اوراده یور . جسدلردن هانکسنه طائد اولدینی تمین ایتک  
ممکن اوله میوردی !... قتل عامی یاپان ع-درلر بیله انتشار ایدن  
کریه قان قوقوسنه تحمل ایده میورلردی !... »

قط ، ( کوستا و لوبون ) لده اعتراف ایتدیکی وجهله :  
« بوايلك قتل عام کافی کوروله مشدی . اهل صلیب رؤسای طرفندن  
عقد ایدیلن بر مجلسده ، قدس ده کی اسلام و یهودیلرک کاملاً قتل



ایدیلسی تحت قراره آندی . مقتولینک عددی آلتش بیکی تجاوز  
ایدیوردی . قتل عام سکنز کون دوام ایتدی . قادی، جوجوق ،  
اختیار هیچ بر فرد اولومدن قورتیله مامشدی . . . »

قدسده قتل عامه معروض قالان مسلمانلرک اکثریتی تورکلر  
تشکیل ایدیوردی . تورکلر ، ذی حیات برر قلعه حالنده شهری  
قهرمانانه مدافعه ایدرک پک چوق تلفاته سبیت ویردکلرندن صلیبیون  
بوتون وحشتلرینی باخاصه بونلره توجه ایتشلردی .

قدس قتل عامندن قورتیله ییلن تورکلر ، مصراردولریله برلشدرک  
تکرار قدسی استرداد ایتک اوزره ام دنیا به التجایه مجبور اولمشلردی .



صلیب اوردولرینک عالم اسلامی تارمار ایدرک آناطولی  
وسوریه یی باشدن باشه بر خرابه زار حالنه چویرمش اولملرینک سبی او  
ائتاده اسلام دنیا سنده حکمفرما اولان وحدتسزلک و آفارش ایدی .  
کرچه استانبول ایمپراطوری ( آلیکسیس ) ک کریمه سی ( آن ) ک  
دیدیکی کبی : « اورمانلرک یأراغی ، قییلرک قوملرینک صایسی ،  
سما ییلدیزلرینک عددی صایله بیلیر ، اهل صلیب صایله مازدی . . . » .  
سانکه بوتون آوروپا ، آسیا اوزرینه آقشدی . فقط قارشولرینه  
متحد بر اسلام کتله سی جیقه بیلمش اولسه یدی بو انتظامسز  
غلبه لکی تا مارایدن جکی شبه سزدی . آناطولی سلجوقیلرینک اوفاق  
قوتله به عظیم سه یلابه ویردکلری تلفات مقداری بو مطالعنه  
صحنی مؤید در .

واسفاکه بوتون آوروپا ، دنیا یوزندن مسلمانلنی قلدیرمق

اوزره شرقه یوکلندیکی حالده مسلمانلر بومدهش تهلکه مواجهه سنده  
متحداً مقابله به جیقمه بی دوشونه مه مشلر . میاینلرجه اسلامک  
اشکنجه لر آلتنده وحشیانه بوغازلانلرینه سبیت ویرمشلردر .  
اوانساده بغداد خلیفه لرینک حکم و نفوذی شهر سورلرینک  
اوته سینه کچه میوردی . ارض (فلسطین) ایله سوریه سواحله مالک  
اولان مصرده کی (فاطمیه) دولتی سواداره یوزندن ذلیل بردرکه به  
دوشمشدی . اهل صلیب اردوسی سوریه سواحلی ایله فلسطینی  
ضبط ایدهرک اسلام قانندن نهرالعاصی به نظیره لر یابارکن فاطمی  
خلیفه سی احمق (مستعلی) دنیادن بی خبر، جاربهر آره سنده ذوق  
وصفا ایله دمکذار اولیوردی !.. ناصیلکه ایکی سنه اول یونانیلر  
آناتولی بی، انکیلزلر استانبولی قاصوب قاوورورکن (وحیدالدین) ده  
قادین افندیلر قطارینه بر داها علاوه ایتمکه مشغول اولمشدی !...  
(مستعلی) نک وزیر اعظمی اوله جق سفیلده مملکتی دشمندن، مسلمانلری  
بوغازلانمدهن قورتاره جق چاره لر دوشونه چکنه افندیسی اکلندیرمک  
ایچون دلبر قیزلر، حسنا خواننده لر طویلامنی دوشونیوردی .

اسلامک یکانه استادکاهی اولان تورکلرک باشنده ده آلپ آرسلان  
کبی بویوک وقهرمان برباشبوع یوقدی . ملکشاهاک وفاتندن سوکره  
مختلف ولایتلرده بولنان سلجوق زاده لر داعیه استقلاله دوشمش،  
آره لرنده شایان تفرین برخصومت باشلامشدی . احتراصلرندن باشقه  
برشی دوشونمدهن بویرنسلر، توزکی بربرلرینه قیردیرتیور، صلیبونک  
غلبه سی احضار ایدیورلردی .

آناتوایده پارلاق موفقیتلر کوسترمش اولان تورکلرکدن  
(دانشمنده) دولته قلیج آرسلان بی امان ضربه لر ایندیرمکه

مشغول اولدینی کبی حلب ، شام ، دیاربکر و موصل طرفلرنده کی سلجوق زاده لرده بربرلرله چاریشیورلردی .

ملکشاه سلجوقی ، برادری تاج الدوله ( تنش ) ه سوریه و البکنی و یرمشدی . ملکشاهک وفاتی متعاقب اوغلی وخانی ( برکیارق ) ایله ( تنش ) آره سنده ظهور ایدن خونین بر مجادله اهل صلیب اردولرینک مظفریتلرینی تأمین ایدمک عواملی احضار ایلشدی .

بوتون بوتشتلره رغماً، تورکارینه خارق العاده برچوق موفقیتلر تأمین ایتیشلرسده ؛ تک و بویوک بر قوماندان آئنده متحداً حرکت ایتدکارندن ، اوموقیتلردن مطلوب نتیجه حاصل اولمهش ، بالعکس تورک عرقی . اَلم و فاحش فلا کتله اوغرامشدر .

هجرتک ( ۴۹۸ ) نجی سنه سنده وفات ایدن ( برکیارق ) کربنه برادری ( محمد ) کچمش ، شرق طرفنده کی تورک امراسنی بر نقطه یه جمع ایدمک هندستانه شانلی بر سفر اجرا ایلش ، فقط بوتون تورکاری یرلشدیرمک اهل صلیب آفتنی قالدیرمق عزمنی کوسترمه مشدی . عالم اسلامک نشئت و پریشانیه سنه او عصرده ظهور ایدن باطنیه آنارشیتلرینک ده پک چوق تأثیری اولمشدی . اهل صلیب اردولرینک بی امان خونریز لکری غریبه اسلامیت بنیادینک تمللرینی قان سیلابه لرله کوشه تیرکن ، سینّه اسلامده توره بن باطنیلرده اسلامیتی قورقارمق اقدارینی کوسترمه ک قیمتدار وجودلری افنا ایدیور ، سلجوق سلطنتی اساسندن صاریدیورلردی . هرایکی طرفدن اوزاتیلان خنجرده تورکارک کوکسنه توجیه ایدیلوردی . اهل صلیب باربارلری

اوکلرینه تصاف ایدن تورکلری وحشیانه بوغازلیورلردی. چونکه تورکلری اسلامیتک مدافیی ، مسلمانلغک تمثلی کورییورلردی. باطنیلرده تورک امرا و حکمدارلرینی خچرلیورلردی. چونکه ایران دینی احیا و تأیید داهاطوغریسی قرآن دینی قالدیرمق ایچون بودینک حارثی اولان تورکلرک اورتادن قالقماسی ایجاب ایدیوردی ...!

صلیبیون ، بارلاق و قنلی مظفریتلرینی کندی قدرتلرندن زیاده اوشانده عالم اسلامده حکم سورن بوتفرقه یه مدیوندرلر !.

فی الحقیقه سلطانر آره سندکی نفاق سایه سنده ایدی که برنجی اهل صلیب قدسی ضبط ایده بیلمش ، ممالک اسلامیه ایکی عصر قدر خرستیان وحشتک ساحه تطبیقی حائده قالمشدر. اسلام و تورک تاریخلری باشند باشه کوزدن کجیربله جک اولورسه هر صحیفه ده شو آجی حقیقت بوتون عربانلی ابله نظرلرده تجسم ایدر: تورکلر ، مسلمانلر نه زمان تفرقه یه دوشمشلرسه ، حیاتی دشمنلری بوتفرقه دن دایما استفاده ایتمش ، تورکلرکه و مسلمانلغ مدعش ضریبلر ایندیرمش ، اونلری اسارت و ذلته سوروکلر مشلردر. تورکلر ، مسلمانلر نه وقت برکتله متحده حائده بولنشلرسه خرستیانلق دنیاسی سیندیرمش ، اسلامی یوکسکشمش ، وارلقلرینی ، دینلرینی ، استقلاللرینی قورتارمشلردر ...!

اهل صلیب سفرلری ، حیرت انکیز حماسه لریله تورک و اسلام تاریخنه ایدی برشان قزاندیران برچوق تورک قهرمانلرینک مبعله فدا کارلقلریله مالا مالدر . فقط ، بوقهرمانلری لواره واحده آلتنده جمع ایده جک برباشبوغ ظهور ایتمدیکندن اوشانلی فدا کارقلرله دواملی نتیجه لرله تتوج ایده مه مشلردر .

هجرتك ۴۹۶. تاريخنده ( كيلوم ) د ( هوك ) اداره سنده فلسطينه  
كلن اوچ يوز بيك كشيلاك براردو بولده سلجوق توركرى طرفندن  
مدهش برانهزامه اوغرا تيلمش آنجق قليجندن قورتيله بيلن بش بيك  
كشى قدسه كيده بيلمش لردى. فقط بوتون بوموفقيتلر ، صليبيونى  
امللرندن واز كچيره ميوردى. چونكه عالم اسلام متفرق برحاله ايدى.  
بينان مشيد طرزنده بركتله متحده تشكيل ايدرك غرب باربارلرينه  
قارشى برسند آهين تاسيس ايدمه ميورلردى. سلجوقى حكمدارى  
( محمد ) ، هند سفرلرنده كى موفقيتله عالم اسلامده اولدقجه مهم  
يرشهرت قازانمش اولديغندن غرب طرفنده كى تورك امرا سنى اهل  
صليب عابنده اتحاد ايتديرمك تشببشده بولندى .

سنجار وموصل كى ( آق سنفر ) ، دمشق شام بىكى ( طفتكين ) ،  
وماردين بىكى ( ايلغازى بن آرتق ) سلطانك تشويقيله متحداً قدس  
قدس قرالى ( بودووين ) اوزرينه يوربيه رك طبريه جوارنده پارلاق  
برموفقيت قازانديلر. ( طفتكين ) ، قرال بودووينك قان برادري  
( روبر ) ي اسير ايتمكه موفق اولدى . ( ايلغازى ) ايسه  
( انطاكيه ) يى ( اورفه ) يى استردام ايدمه بيلمشدى. ايلغازينك بكنى  
وخانى ( بالاق ) ، قدس قرالى ايكنجى ( بودووين ) ي بيله تحت  
اسارته آلدى .

فقط ، توركرلك بوتون بوقهرمانلقلى ، قطلى مظفريتى تايمين  
ايدمه ميوردى. چونكه اسلاميك مدافعه سيله اوغراشان توركلر اوزرينه  
شرقدن غربدن متصل باران بلا ياغيوردى. شرقده ايران مليت  
پرورلرينك تاسيس ايتديكى خشتاشنه درويشلى توركلره قارشى  
خونين : فرقه احمائيه وظيفه سنى كورديورلردى :

موصل بکی ( آق سنقر ) ، فرانقلره غلبه چالهرق موصله عودت ایتدکدن سوکره کونک برنده جمعه نمازنده ایکن خششاشیه فداییلرندن برشقی نك خنچر غدريله شهید اولمشدی ..

کندیسنه، اهل صلیب محاربه لرینک الک بویوک قهرمانلرندن اولان اوغلی ( عمادالدین زنکی ) حالف اولدی. عمادالدین، هجرتک ۵۲۱ هجری سنه سنده هنوز اون یدی یا شنده ایکن موصل بکی اولمشدی .

عمادالدین متین برعزم ، ثباتکار براراده ، ییلمز برجسارت ، حیرت بخش برویتله ممتاز ایدی. امور اداره بی درعهده ایتدیکی زمان ، ( ماردین ) دن مصر حدودنده کی ( العریش ) قدر امتداد ایدن ساحه ، صلیبیونک ربهه اسارتی آلتنده ایکلیوردی. ( حران ) و ( رقه ) شهرلری اوزرینه ( قزیل صلیب ) آصلمش ، دمشق شامک طرق موصله سی کیسیلمشدی. شام و حلب شهرلری فرانقلره فایت فاحش بر ویرکی ویرمهک مجبور طوتیلمشلردی . آق سنقر زاده امور اداره بی یولنه قویقدن صوکره صلیبیون آله دوشمش اولان ( حصن الاناریه ) اوزرینه بورویه رک قلعه بی تحایص ایتدکدن باشقه فرانقلری ده مدھش برانهزامه اوغراشمش ، ( العریش ) یدی ده ضبط ایلمشدی . فقط ، غرهدن متصل اهل صلیب اردولری کلیوردی . استانبول ایمراطوری ( زان غومنه نوس ) اداره سنده بروم اردوسی ده فرانقلره التحاق ایلمشدی . کیتدکجه کسب قدرت ایدن ، قدرتلری تزاید ایتدکجه و حاکمیتلری ده او نسبتده آرتان صلیبیون ، منشاھیر شعرا دن ( ابن فرس ) له ( ابوفرأس ) ک مسقط رأسی اولان حلب ملحقانندن ( بزاعه ) شهرینی ضبط ایدهدک ارککلرینی کاملاً قتل عام ، قادین و چوجوقلرینی اسیر ایتدیلر . متعاقباً ، هجرتک اون یدنجی

سنه سنده ابو عییده حضرتلرینک غیرتیه دیار اسلام میاننه الحاق ایدیلش اولان (حما) قریبنده کی مشهور (شیزر) قلعه سی اوزرینه هجوم ایتدیلر .

عمادالدین زنکی بو وحشت خبرنی آلبر آلمز اهل صلیب اوزرینه یورودی . فرانقلر، تورک قهرماننک ورودی خبرنی آلتجه، دیکیش طوتدیره مدیلر . فراره مجبور اولدیلر . زنکی ، خرسیتیانلرک ائنده بولنان (عرقه) استحکامنی تخریب و بعلبک (قصبه سی ضبط ایدمه رک اداره سی مشهور صلاح الدین ایوبینک پدری (نجم الدین ایوب) . توجیه ایلدی . زنکی ، صلیبیونه مدهش برضربه اورمق ایستیوردی . حلب ایله حما آره سنده فرانقلرک یکانه استناد نقطه لری اولان (بهرین) قلعه سی اوزرینه یورودی . بوقلعه ، اهل صلیب طرفندن پک متین استحکاملره تحکیم ایدیلشدی . زنکی قلعه نی محاصره ایتدی . فرانقلر آمان دیانمکه مجبور قالدیلر . قلعه تسلیم اولنقله برابر اللی بیک دینارده تضمینات خریبه ویریلک اوزره صلح عقد اولندی . بهرینک ضیاعی صلیبیون ایچون مدهش برضربه ایدی . بونی دیگر فلا کتر تعقیب ایدمه جکدی . فی الحقیقه هجرتک ۵۳۹ نجی سنه سنده ایدی که زنکی ، قدس ، انطاکیه ، روما و استانبولدن صوکره خرسیتیانلرک الک مهم مراکز دینه سندن اولان رها (نوده س) بی قانی برحاربه دن صوکره ضبطه موفق اولدی .

اهل صلیب استیلا ایتدکلری بلاد اسلامیه ده ، قادین ، ارکک ، چوجوق هرکیمه تصادف ایدرلرسه بلا امان بوغازلارکن تورک قهرمانی رهانک فتحی انناسنده آوروپا خرسیتیانلرینه مسلمانلرک علویتی ، تورک لکک نجاتی بارلاق بر صورتده کوترمشدی . زنکی یالکز

محاربەنك مشوقلرينى تاديب ايدەرك ، اسير دوشن خرسيتيانلرك  
درحال حريتلرينى اعاده ايتمش ، حق ، متصرف اولدقلرى املاك  
واراضيلرينى ده كنديلرينه بخش ايلشدر . رها يعنى اورفەنك ضبطى  
متعاقب ( سروج ) و ( بىرەجك ) قلەلرلە قتل عام ايديليركن ، زنكىنك  
محللردە كاملاً فراقلردن استرداد اولنمشدى .

زنكى ، بوتون معناسيله اسلام روحنه ، تورك نجات و شهاخته  
مالكدى . عدالتى ، سخاسى ، رويتى ، شجاعت و مردلىكى داستان عالم  
اولمشدى . مسلمانلر ، الك وحشى باربارلقلرله قتل عام ايديليركن ، زنكىنك  
صولت شيرانهسى بو وحشتلرى طورديرمش ، مسلمانلر نفس  
آلديرمشدى . كافر نعمت برخائىنك خنجر اهاقى اونسپىدى ، مشارالېك  
صليبيونه قطعى ضربه يي اورده جنى محققدى : نه چاره كه بوتورك قهرمانى  
( جمبر ) قلەلەنك محاصره سيله مشغول ايكن ، دشمنلرك تشويقه قايبلان  
كوله لرندن بردنى طرفندن اويودىنى ائساده خنجرلندى ! و هجرتك  
۵۴۱ هجى سنه سى ربيع الآخرىنك بشنجه كوفى شهيداً داربقايه رحلت  
ايلدى !... نعتش مباركى ( رقه ) يە قل اولنەرق مطموره ابدية سنه  
توديع اولندى . عالم اسلام ، اهل صليب مظالمى دفع ايله اوغراشان  
بولاد بر وجود ، ييلمز بر روح ، رحيم بر قلب ، عادل و منور بر  
دماغ غائب ايتمشدى .

زنكىنك وفاتى صليبيونه كنيش رنفس آليردى . غائب ايتدكلرى  
بلادى استرداد ايتدكدن باشقه پاى استيلايى داهل اوزاقلره آتە بيلمك  
خلياترينه دوشديلر . ايلك اختلال اورفەده باش كوستردى . زنكىنك  
انسانيت پرورلىكى سايه سنده حيات و ثروتلرينى محافظه ايتمش اولان  
اورفە خرسيتيانلرى مشارالېك شهادتى متعاقب اهل صليب رؤسا سيله



مخبرات کیریشمش، اختلال اساسلری قرارلاشدیرمشلردی. وساطت و طیفه اهانسکاریسیده اورفه ارمیلیری طرفندن ایفا ایدیلشدی... (زوسلین) جسیم بر صلیب اوردوسیله اورفه اختلالجیلرینک معاوتنه قوشدی. اختلالجیلر شهرده کی تورک و مسلمانلری، قادین ارکک تفریق ایتیمکسزین، قلیجدن خیرمکه باشلادیلر. اولجه (زنسی) نک لطفکارلنی سایه سنده اک اوافق بر حقارت بیله کورمه مش اولان یووحشیلر، شمعی جهنمی بر حرصه مسلمانلری بوغازلا یور، تاریخ بشریتیه عبرت انکیز و ایکنج صحنه عرض ایدیورلردی.

فقط، سئلردنبری قهر و ظلم آلتنده ازیلن مسلمانلر، بو قره کونلری اونوته جقلر، مسعود و پرشان و شرف زمانلر کوره جکلردی. چونکه زنیکنک مقامنه حرب و جهاد میدانلرنده بو یوین اوغلی (نورالدین) انتخاب ایدیلشدی. نورالدین، پدرینک صلابتلی ایمانه، امثالسر حماسته، یوکسک اخلاقه، بلند فضیلتلرینه مالکدی.

فضله اوله رقدده واسع بر وقوف علمی ایله ممتاز ایدی. نورالدین، یوکسک عرفانی، شهورتی ایمانی، صبرانی عزمی، صابر صیلمزادانه سی، حیرتمشی شرافتی ایلد تاربخک هریانی اسلامک لهنه یوره جکاری... نورالدین، برقی بر سرمتله اورفه قوشه رق شهری استرداد، تولومدن قورتیله بیلن بدبخت مسلمانلری تخلص ایتدی. اورفه نک تکرار مسلمانلر آینه کجیدیکی خبری آوروپایی باشند باشه صارصمشدی.

شهور پاپاسلردن (سن برنار دو قله رو) خرسیتیانلری یکیدن بر صلیب اردوسی تشکیکنه دعوت ایتدی. میلادک (۱۱۴۷) نجی سنه سنده ایدی که آلمانیا ایمپراطوری اوچنچی (قونزاد) ایله فرانسه قرالی اون ایکنچی (لوئی) دو قوز یوز بیک کشی پی متجاوز عظیم براردو ایله

اسلام عالمی اوزرینه یورومکه باشلادیلر. ایکنجی اهل صلیب سفری ابتدار ایتدی!...

بومدهش آقینه کوکس کرمک وظیفه سی؛ تورکلرک نامنی ابدیاً بر حسن حرمت و افتخارله یادایدیه بیله جملکری؛ نورالدینه توجه ایدیوردی. فرانسه قرالی (لوئی) آنادولی تورکلرینک مهاجرات دلیرانه سنه معروض قالدی. (بابا طانغی) جوارنده تورکلرله فرنکلر آره سنده وقوعه کلن قانلی برحرب نتیجه سنده فرانسه قرالی اردوسنک دورنده اوچنی غائب ایتمشدی!... (فرانسه تاریخی) مؤلف شهرری (مارتن) وقعه بی شو صورتله تصویر ایدیور:

«کونش غروب ایدیور. اوچوروم اهل صلیب اردولرینک درکوتیلرله کیت کیده طولیوردی. شفق، مسلمانلرک شجاعت و غیرتی برقات داها تزید ایتدی. قلیجلرله هجومه باشلادیلر. اهل صلیبک اکثریسی سلاحمنز قالمش اولدیغندن تورکلرک اوکندن قویون سورسی کی قاجغه باشلامشلدی. اک کبریده بولان قرال بیله یاننده کی شوالیه لرله برابر قاجه رق فراریلر. التحاق ایلدی. اسلاملر بو حالدن بوس بوتون شوق و غیرته کله رک تعقیباته قویولدیلر. شوالیه لر، اسلام صفری آره سنده بریشان اولدیلر. قرال پالکیز قاهره تورکلرک آره سنه دوشدی. بالآخره آغاچلرله صارماشوق صورتیه بومدهش ورطه دن قورتیلدی.»

قرال لوئی هزیمتدن اون ایکی کون صوکره انطالییه واصل اولمش و اورادن شام اوزرینه یورومشدر.

آلمانیا ایمپراطوری (قونزاد) ایسه طرسوس طاغلرنده تورکلرک بی امان هجوملرینه اوغرامش، اوردوسنک قسم کلیسنی غائب ایتمشدی.

آلمانیان حرکتی ائساننده قونزادك معیتده یوزبیک پیاده ویتیش بیک سواری بولونبوردی . طرسوس مغلوبیتدن صوکره یاننده آنجق اون بیک کشی قاله بیلمشدی . ( قونزاد ) له ( لونی ) تورك قهرمانلرینك قلیچندن قورتوله بیان صلیبیون ابله سوریه به واصل اولدیلر . قدس قرالیتی داخلنده کی خرسقیانلرله کسب قوت ایتدکدن صوکره دمشق شامك محاصره ننه شتاب ایتدیلر . بویوك ( نورالدین ) ، قارداشی ( سیف الدین ) له برابر بر و قتلر عالم اسلامك مرکز خلافتی اولان بوشهرک تخلیصنه شتاب ایتدیلر . ایکی برادرک امانسز هجوملری آلمانیا و فرانسه حکمدارلرینك جسارتلرینی مدعش بر صورتده صارصدی . مسلمانلنی اورتهدن قالدیرمق عزیمله آلمانیا و فرانسه دن شرقه دوکولن بو سیلابه ، تورك قهرمانلرینك برسد آهینن تشکیل ایدن هاستلرینه جاربهرق ، پارچالاندی ، طاغیلدی : اوجنجهی ( قونزاد ) له اون ایکنجهی ( لونی ) هیچ بر شیشه موفق اوله مده دن کمال ذلت و سفالتله مملکتلرینه دونمکه مجبور اولمشلردی ! . . .

بویوك ( نورالدین ) شام مظفریتنی ، سوریه ساحلنده فرانقلرك اك مستحکم مواقعدن اولان ( العزیمه ) قلعه سنك ضبطیله تتوتیج ایتدکدن صوکره آنطاکیه اوزربنه یوروددی .

آنطاکیه برنسی ( رهمون دوبوآنیه ) ، نورالدینك قهار هجوملرینه مقاومت کوسترمدی . کندیسو وعسکرینك اك مهم بر قسمی محاربه ده مقتول دوشدیلر . ( رهمون ) ، خائف اولان برنسه ایکنجهی بر محاربه ده اولکنی تعقیب ایتهدی . نورالدینك متوالی غلبه لری قارشوسنده صلیبیون تیره مه که باشلامشلردی .

اهل صلیب قوماندانلرینك اك مشهورلرندن ( ژوسلین ) بیله

نورالدینك آله اسیر دوشمشدی . آق سنغر حفیدینك اهل صلیبه قارشى قازاندینی ۱۰ پارلاق موفیت هجرت نبویهك ( ۵۵۹ ) نجی سنه سنده حلبك ۶۰ کیلومتره غربنده واقع ( حارم ) ظفریدر . بو محاربه ده آنطاکیه پرنسی ( بومه مون ) ایله بر چوق قوماندانلر تحت اسارت دوشمشلردی . نتیجه ده نورالدین ( حارم ) له برابر بر چوق شهرلری اهل صلیبدن قورتارمش اولدی . نورالدین ، عالم اسلامه ( صلاح الدین ایوبی ) کی بر قهرمان یتشدیرمکله بوتون بو پارلاق خدمتلی تئویج ایلشدی . نورالدینك وفاتندن سوکره مدافعه اسلام وظیفه سی ( صلاح الدین ایوبی ) به انتقال ایتمدی . صلاح الدینك معتسده میدان جهاده آتیلان قهرمانلرك اکثریانی ینه تورکک تشکیل ایدیوردی .

صلاح الدین ، تورککک ایچنده بویومش ، صباوتسده عمادالدین زنکیك داستان عالم اولان مفاخر حاسنه شاهد اولمش ، کنگجلیکنده نورالدین محمودك معتسده بالذات اهل صلیب محاربه لرینه اشتراك ایتمشدی . صلاح الدین نسلأ کورد عشرت لرینه منسوب ایدی . فقط پدری تورک قهرمانی امیر زنکیك معتسده یتشمش اولدینی کی کندیسده تورککک آره سننده طوغمش ، ( نورالدین ) ك حمایه تربیتکاری آلتسده یتشمش ، روح میزینی بویسوک شخصه لردن آلمشدی [ ۱ ] . هیچ شبهه بوق که صلاح الدین ، شخصاً فطرنك

[ ۱ ] صلاح الدینك بویوک پدری ( شادی ) کورت عشرت لرندن ( روادیه ) فیله سنه منسوب اولوب آذربایجان ملحقانیدن ( دین ) قصبه سنده توله ایتمشدی . بالاخره مملکتی ترک ایته رک ( ایوب ) و ( شبرکوه ) نامنده کی خدمت لرله برلکده تورک حکمدارلندن سلطان مسعودك نزدیکیه التبعاً ایتمشدی . شادیك وفاتندن سوکره ابکی قارداشی تورک قهرمانلرینه وصل

نادریتش در یکی بر خارقه ایدی ۱ فقط بو خارقینی انکشاف ایتدیرن نورالدین اولمشدی .

صلاح الدینک معیتده کی امرادن ( قره قوش ) و ( مشتبوب ) کی تورک جنکاورلری تاریخنده شالی بر نام براقشلدرد .

آوروپانک اوج یوبوک حکمنداری، آلمانیا ایمپراطوری ( فرهدریق باربروس ) ، فرانسه قرالی ( فیلیپ اوکوست ) و انگلتره قرالی آرسلان یوره کلی ( ریشار ) کی عظمتلی ایمپراطورلرک تشکیل ایتدکلری اوجنجه اهل صلیب اردولرینه قارشى عکابی قهرمانانه مدافعه ایدرک تاریخ حماسنده مخلص برنام قازانان امیر ( قره قوش ) ، صلاح الدینک استناد ایتدیکی تورک جنکاورلرینک اک شهرتلیلرندن بری در [۱] . مورخ شهر ( میشو ) عکا محاصره سندن بحث ایدرکن دییورکه : « قره قوش ، دایما هر یرده حاضر بولور ، فرانکلره آتی هجوملر ترتیب ایدردی . فرانکلرک تعرضلرینی حکمسنز براقق ایچون ، قوت ، تدبیر و بصیرتک ایجاباتی اولان هر چاره به توسل ایدردی . »

آنا بیکی ( عمامه لدین زنکی ) نك خدمته کیرمشلردی . ( زنکی ) نك وفاتندن سوکره ده اوغلی و خلقي نورالدینه بیت ایتشلردرد . هجرتک ۵۳۰ هجری سنه سنده ایدی که ( ایوب ) ک ( تکریت ) ده بر اوغلی دنیا به کلشدی . ایسته بو جوجوق بالاخره تاریخ بشریتده معظم برنام قازانه جق اولان ( صلاح الدین ) ایدی .

[۱] صلاح الدین ، عالم اسلامی بر طرفدن اهل صلیب هجوملرینه دیگر طرفدن ده باطنیه درویشلرینک ملعنلرینه قارشى مدافعه ایتشدر . اهل صلیبه قارشى نه قدر قهرمانانه طاوواعش ایسه باطنیلر حقنده ده اودرجه امانسزلق کوستمشدر . باطنی درویشلرندن برفدایی، اسلامک بوشانلی مدافعی قتل ایتک اوزره کیزلیجه چادرینه کیرمش و صلاح الدینی پارالامش سه ده مقصدینه نائل اوله ماشدر ...!

صلاح الدین ، معیتده کی تورک قهرمانلریله هجرتک ۵۸۳ هجری سنه سی  
تشرین اولنک ایکنجی کونی قدسی صلیبیوندن استرداد ایتمه  
موفق اولدی ...!

میلادک ۱۰۹۵ تاریخندن ۱۲۷۰ تاریخنه قدر یعنی یوز یتمیش بش  
سنه دوام ایدن اهل صلیب محاربانی تورکلرک داستان عالم اولان  
شاهاتلرینک شانلی اورنکلریله مالامالدر. هجرت نبویه نك ۲۱۸ هجری  
سنه سندن اعتباراً طولوجه عائله اسلام آره سنه قاتیلان تورکلر،  
بوکونه قدر پولاد سینه لری اسلامیتک مدافعه سی ایچون قلعه یامیشلر،  
ازلی برعشقله بو اوغورده نهرلر طولوسی قان آقیمشلردر. اهل صلیب  
اردولری قارشولرنده بوزغونلقدن ییلمز، فلاکتدن مأیوس اولمز،  
مغلوبیتدن قورقمز، حربدن چکینمز برعرق آهین سینه لری بوله مش  
ارلسه لردي کندیلرینی آوروپان آسیایه سوروکلین منفور حرص  
یعنی دنیا یوزنده نك بر مسلمان برافماق املی نحقق ایتمش اوله جقدی ..!

فی الحقیقه ( آرتق ) دولتنک قهرمان امیری ( ایلغازی ) هجرتک  
۵۱۳ هجری سنه سنده ( بعرین ) چایی کنارنده اهل صلیب اردوسنی  
مدهش بر انهمزاه اوغراتمه مش اولسه یدی ، حلب صلیبیونک آله  
دوشه جکدی . حلبک سقوطی شام ، ماردين ، دیاربکر ، خرپوت ،  
موصل ، بغداد ، بصره ، ایران و قاهره نك ده فرائق استیلا سنه  
معروض قاله لری انتاج ایده جکدی . بویه بر فلاکتدن صوکره  
عالم اسلامک بلینی طوغرولمق احتمالی یوقدی و اولامازدی ..!

تورکلر میدان حماسه آتیلدقلری زمان اسلامیت شهادت ،  
ضربدن ، غرب جنوبیدن ، شرقدن تهدیدلره معروض بولونیوردی .  
اسلامیتک هندستان ، آفغانستان و تورکستان ایچلریته قدر نشر

و تعمیمی وظیفه سنی (سو و کتکین) تورکلری در عهد ایتیش  
وظیفه لرینی حقیره ایفا ایشلردی . کورجستان ، ایران ، یزانس ،  
و آوروپا طرفدن وقوعبولان هجوملره ایسه سلجوق تورکلرینک  
سینه لری قارشو کلشدر .

اسلامیتک تورکستان چیی طرفلرنده نشری شرفی ده (عبدالکریم  
ستق) نامنده بر تورک قهرمانی طرفدن تأسیس ایدیلن (ایلمکیه)  
دولتنه نصیب اولمشدر .

آفریقاده ایسه اولاتورک امراسندن طولون اوغلی (احمد)  
طرفدن تأسیس ایدیلن (طولونیه) و صوکره ینه تورک قهرمانلرندن  
(محمد آخسید)ک تشکیلی ابتدکی (آخسیدیه) دولتری بواوغورده  
یک جوق چالیشمشلردر .

اهل صلیب اردولریله اک جوق چارایشان قهرمانلر ساجوقی  
شعباتندن (بوریه) ، (زنکیه) ، (آرقیه) تورکلریله روم  
سلجوقیلری و (دانشمندیه) تورکلری اولمشدر .

هجرت نبویه نک ۶۹۹ نجی سنه سندن زمانمزه قدر خرستیانلق  
طلمنک مسلمانلق دنیا سنه قارشو کوستردیکی کین وغرضه کوکس  
کرمک، بی امان هجوملره مدافعه ایتک خدمتی ده سلجوقیلرله برلشن  
قای بویینه قالمشدی !!

\*  
\*  
\*

آلنجی عصر هجری نهایتلرینه دوشری موغولستاندن قوپان طوفان  
استیلا ، آلتای حوزه سنی بر ساحه خونینه چویردیکی هنکامده  
اللی بیك کشی دن مرکب (قای بوی) تورکلری ، آل قانلره بویافان  
سوکیلی یوردلرینی ترک ایدرک (ماهان) اووه سنه هجرت ایتمشلردی .

فقط ، بو طوفان خونین ، خوارزم شاهنك اثر بلاهتی اوله رق  
بر مدت صوكره ماوراءالنهری آشدقدن ماعدا بر لاو سیلابه سی كجه  
ضربه دوغری آتقه باشلايجه قانی خانلیلر ، ماهان سمتلرنده ده راحت  
ایده مبه جككرینی آكلامش ، باشبوغلری ( قیزیل بوغا ) نك طورونی  
( قیا آلپ اوغلی سلیمان ) نك قومانداسی آتنده وان كولی ساحلنده کی  
( اخلاط ) ، اورادن ده ( ارزنجان ) طرفلرینه هجرته مجبور اولمشلردی .  
وقعه هجرت نبویه نك ( ۶۱۶-۶۲۱ ) سنه لرنده جریان ایتمشدی .!

ارزنجان اقلیمك دواملی قیشی ، حیوانلری اعاشه خصوصنده  
قانی خانلری بك بویوك مشكلانه صوقیوردی . اونلر ؛ اسکی یوردلرنده  
اولدینی كجه ؛ واسع مرعالر ، منبت مھرالر ، براق سنالر آرییولردی .  
اقلیمی مساعد اولان حلب و سوریه طرفلرینه كوچمكه قرار ویردیله .  
عشیرت ، سرور و شادمانی ایچنده جنوبه طوغری یورو مكه باشلامشدی .  
فقط ، بو سروزی درین بر حزن ولی ایده جكدی . هجرتك ۶۲۶  
سنه سننده كاروان ( جعبر ) پدشكاهنه كلدیكي زمان ، فجیع بر حادثه  
بوتون بوی خلقنك نشسته سنی آلم بریاسه قلب ایتدی : بوی بکی سلیمان  
قیا آلپ جعبر كچیدنن فرانی كچر كن ، آتنك باصددینی یاریقیله رق  
اوقهرمانی آذغین نهرلك بوغیچی جریاننه تودیع ایلشدی ...!

فاجعه بی متعاقب بوی بككری آره سننده براختلاف ظهور ایتدی :  
سلیمان قیا آلپك اوغوللارندن ( ارطغرل ) ایله ( دوندار ) بككردورتیوز  
قدر چادیر خلقیله برابر كری یه دونه رك ( پاسین ) اووه سنه رجعت  
ایتدیله . ( سنغورتكین ) و ( كون طوغدی ) بككرده عشیرتك قسم  
متباقیسیله یوللری تمقیب ایتمکی ترجیح ایتمشلردی .

سنه لردن بری دوام ایدن سوركای مهاجرتلر ، ارطغرل بكك



معینده کی قهرمانلرک متاتلرینه خلل کتیرمه مشدی . تورکستانک یوکسک اووه لرندن ، براق و مائی انقلرندن اوزاق دوشن قهرمانلر ، قارشیلرینه دیکیلن مانعه لردن ییلمق بیلیمورلردی . دورادور افقلز آشییور ، یوکسک طاغلری آرقده براقیور ، آزغین نهرلری کچیور ، قهرمان سردارلر غائب ایدیور ، عشیرتک برقسمندن آیری دوشیور ، فقط مبجل بر شانه ، موعود بر دولته قوشیورلردی .۱۱

آنادولی ، داها او عصرده ، بر تورک ایلی ایدی . سلچوق قهرمانی (آلب آر-لان) ، اماسیه حکمداری ( دانشمند ) ، بودیاری باشدن باشه تورک یوردی یامشلردی . ( قوتلش ) ک اوغلی ( سلیمان بك ) ایسه آناتولی ده قنقلی بوینک غرب شعبه سنی تأسیس اتمشدی . ارطغرل ، آنادولیده کی دین وقان قارداشلایله براشمکی موافق کوردی . ( ۶۳۰ ) تازیخنده ، پاسینلردن ( قونیه ) یه اعزام ایدیلن ارطغرل زاده ( ساوجی ) بك ، سلچوق سلطانی برنجی ( علاءالدین ) . قایی خان تورککرینک برلك ارمغانی کوتوریوردی .

علاءالدین دین وقان قارداشلرینک اوزانیدی دست اتحادی درین بر شفقتله صیقمش ، قایی توزکرینه ( آنقره ) جوارنده ( قره جه طاغ ) اراضیسی احسان اتمشدی . آنادولینک یشیل طاغلرینی ، زمره اووه لرینی ، برای ایرماقلری آشارق صاف برقلب ، سارصیلماز بر ایمان ، تمیز بر وجدانله ایلریله ین قایی خانیلر ، آنقره جوارینه یاقلاشدقلری زمان اوکلرنده کی واسع اووه ده محارب ایکی اردو کورمش ، قهرمانلق الجا آتیه ، کیم اولدقلرینی بیلیمکسزین ؛ مغلوب طرفک معاوانته قوشمشلردی . بوحرکت تورک عرقه مخصوص اصالت روحیه ایجاباتی ایدی . احتمالک بوخصوصده بعض تحسیناتک ده دخلی اولمشدی .

مغلوب ایکن ارطغرلک معاوتقیله ظالب کان علاءالدین ، شکرانه امتنان اوله رق قایی خانیلری ( طومانسیج ) طاغلرینه ، ( سکود ) یایلاقلرینه یرلشدیردی .

قایی خانیلر آناطولیده یرلشدکلری تارینخده بو دلبر قطعه دینی ، اجتماعی و سیاسی حیات اعتباریله پک آجیقلی بر حالدله بولونیوردی . شرقده کی سلجوق تورکلری ، ایران روحنک غلبه سیله سجایای عرقیه لری غائب ایتمش ، انادولی و سوریه سلجوقیلری ایسه ؛ فضله اوله رق ؛ بیزانس تأثیری و اهل صلیب مهاجماتیله خیل دن خیلی به صارصیلمشلردی . موغوللرک سرپیع و قطعی ضربه لری بوتون بو مرج و مرجی آرتمیش ، آناطولی تورکلرینی امیدسز و پریشان برحاله صوقشدی . مسلمانلری ، دینی ، سیاسی و اجتماعی انقراضدن قور تارمق ، آناطولی تورکلرینی یرلشدیره رک بیزانس دن طاشان و منبعی غریبدن آلان خرسیتیان کینه قارشى مسلمانلرک موجودیت و تعالیسنی تأمین ایده بیلیمک ایچون اخلاقی بوزولمه مش ، دینی صارصیلمامش ، زنده بر زمره یه احتیاج واردی .

ارطغرل بک ، دونداری بک ، آقجه قوجه ، قوگور آلپ ، طورغود آلپ ، آق باش ، عبدالرحمن غازی ، قره صرسل ، صمصه چاوش ، قره اوغلان ، صالتوق آلپ ، قره تنکه ، حسن آلپ ، قره تکیک و امثالی کزیده قوماندان و رهبرلر مالک اولان قایی بوی تورکلری ؛ بوقدسی وظیفه یی ایفا ایده بیله جک اوصافی حائز بولونیورلردی . قایی تورکلری ، سکودده یرلشدکلری زمان سلجوق سلطنتی بیفیلیمه مهیا بر حالدله ایدی شرقدن موغوللار ، غریبدن خرسیتیانلر ، تورک عرقنک بومهم شعبه سنی متصل خیر پالیور ، چو کدورمکه چالیشیورلردی . علاءالدین ،

استلام سرحدینک محافظه‌سنی قایی خانیلره تودیع ایدرهك ، قونیه‌نی برمدت داها یاشاتمق ایسته‌مشدی .

وضعیت، محیط ، زمان ، قایی خانیلرك اعتلاسنه بك مساعد ایدی . یونلر ، تكفورلره قارشى بارلاق ظفرلر ، شانلى موفقیترلر قازانمغه باشلامشلردی . نهایت ( قونیه ) ده سلجوق دواتی چوكدی . قایی خانیلر ، بوزولمه‌مش ومتین سجهیلری ، صارصیلیمش بازولری ، ییلمز عزم واراده‌لریله ، انقراض آلتنده قالان آناطولی توركلرینه ییكى برحیبات تفع ایده‌ییلدیلر . ییكى بر دولت قوردیلر . منقرض سلجوق سلطنتی اوزرنده ییكى بر دولت قوران قایی توركلری ، فطرتاً دیندار اخلاقاً فضیلتلی ، روحاً معالی پرست ایدیلر . عرقك بوتون نجیب سجهیلرنی حائز بولونیورلردی . مردلك ، مسافر پروردك ، خداكارلق عزم ومتانت ، طوغرولق ، قناعتكارلق ، كبی خصلتلیله آناطولی‌ده‌کی دین وعرق قارداشلرنی بك قولای طوبیلايه ییلمشلردی . سلجوق سلطنتك اوان انحطاطنده برچوق ایرانی افكار ومذاهب آناطولی‌یه یاییلمش ، دین نامنه كونا كون خرافه‌لر روحلری زهرله‌مشدی . قایی توركلری حیساتی كیرن بو خرافه‌لره هنوز بولاشماشلردی . عقیده‌لری عصر سعادتده‌کی صاف اسلامیت ، دینلری روحه‌نجابت ، فكره علویت ، قلبه متانت ویرن معالایات اسلامیه ایدی . یوصاف عقیده روحلرنده بلند فضیلتلر ، فكرلرنده صاف قناعتلر ، قلبلرنده استقبال ایچون صارصیلمز امیدلر تمیه ایتمشدی .

قایی توركلری اخلاقلرنده‌کی صلابت ، اطوارلرنده‌کی نجابت ، خطرلرنده‌کی حماسه سکود اقلرندز بارلاق برکونش كبی یوکسيلمكه یاشلادقلری هنكامده ، شرقدده اسلام خلافتی ( هلاكو ) نك ضربه سیله

بیقیمش، اهل صلیب اردولری ایکی عصر برمدت ظرفده سوریه و آناتولی ده تورک واسلام قانی ایجه ایجه شرقک بنیادی پیراندرمش، مسلمانلق و خیم ایکی سیلابه آره سنده ابدیاً بوغوله حق وضعیدن یکی قورتولمشدی .

دولت ایلخانیه حکمداری ( فازان خان )، قونیه سلجوقیلرینک صوک حکمداری ایکنجی ( علام الدین کیقباد ) ی موقعندن اسقاط ایدرهک حبسه طیمش، بیچاره علاء الدین اوراده وفات ایتمشدی . خانق و اوغلی ( غیاث الدین ) ایسه برمریده خونین آره سینده تلف اولوب کیتمشدی . هم تورک ، هم اسلام عالمی الیم برمرج و صراج ایچنده جان جکیشوردی .

هجرتک ( ۶۹۹ ) تارینخده ( طورسون فقیه ) ایراد ایتدیکی خطبه ده قانی تورکرینک اسلامی مدافعه و ملی وحدتی تأمین ایده جک یکی برحکومت تأسیس ایتدکیرینی اعلان ایلدیکی زمان بوتون مایوس قلبلرده یکی برامید نوری او یانمشدی !

یکی حکومت . اراده ملیه اساسنه استناد ایدیوردی . ( قره عثمان ) بوبکری طرفندن باشبوغله انتخاب و ملتک آمال و مقرراتی تنفیذ و اجرابه مأمور ایدیلشدی .

عثمان خازی بووظیفه یی پارلاق برموقفته ایضا ایتدی . حیاتنک صوک دملرنده اوغلی اورخان بکه ، تورک روحنک عمده لری اولان ، عدالت ، جهاد و نصرت دین مفکوره لرینی تلقین ایتش ، ( شاه جهان ) اولمغه دکل ، ملتی اعلا ایتکه جالیشمنی وصیت ایلشدی . ( اورخان خازی ) ، پدرینک وصایا و تلقیناته توفیق حرکت ایتش ، یکی دولتک وجهه سنی بوکا کوره تنظیم ایلشدی .

بر آوج تورک دلاورلری ( آیدنجق ) اسکه سندن سالره یینه رک

«کلیسولی» ساحلنده کی (جمنی) به یعنی آسیادن آوروپایه صیجرادقلری زمان، ملی روحک مفکوره لرینی تحقق ایتدیرمک عشقیله یورومشلدی. فقط، تورکر آوروپایه آدیم آتدقلری کوندن اعتباراً صلیب اطرافنده طویلانان متمصب غربک بوتون کین وخصوصتیی اوزرلرینه جلب ایتمشلدی. کلیسولی وملحقاتی ضبط ایدن تورک پیشدارلرینی اناطولی به قوغغق ایچون، بیزانس ایمپراطوریه بلغار و صرب قرالارینی اتحاد ایتدیرن عامل، خرستیانلق - اسلاملق تقابلی ایدی. ناصیل که مسلمانانی آوروپادن جیقارمق ایچون عصرلرجه صوکره سیاستاً بربرلرینک خصمی اولان بلغارلر، صربلر، قره طاخلیر، یونانیلرینه یراشه جک ویونون آوروپا بواتحادی تشویق و تقدیس ایده جکدی. تورکر آوروپا قیلرینه آیاق باصمقله، خرستیان عالمینک دور خاروقدنبری مسلمانلغه قارشى بسلدیکی کین وخصوصته وارلقلرینی آماج ایتمشلدی. اهل صلیب سفرلری ائساننده اسلام - خرستیان میلدونلرجه افسانلرک سیلابلر تشکیل ایدن قانلری بیله پاپاس کیننی بردرلو تسکین ایده مەمشدی. غربک نأثره انتقامی ایچین ایچین یانیوردی. قدسک ضیاعی بردرلو اونوته میان خرستیان دنیاسی، استانبولکده عینی عاقبتیه حاضر لاندینی کورونجه، قودورمشدی.

صرب صندیفی هزیمتک انتقامی آلتق ایچون آوروپادن کلن یوز بیک کشیکک صلیب اردوسنک سائق تورکلردن خرستیانلق نامنه انتقام آلتق حرصی ایدی. اولنر، اسلامیتی تمثیل ایدن تورکبری ابدیاً یر یوزندن قالدیرمق عزیمله کلیورلدی. فقط طهارلرنده تورک عربک شہامت کریوهری طولاشان، قیلرنده مسلمانلغک مترت تورلری پارالایان قرق بیک دلاور، یوزبیک شوالیه دن مرکب اهل

صلیب اردوسنی (قصوه) میداننده تارمار ایتمکده هیچ بر کوچک  
چکمه مشدی . تورکلر ، بو دوردن اعتباراً بوتون آوروپا قارش  
اسلامیتک یکانه مدافعی موقعنه کچمشلردی . هجرتک (۷۹۸) نجی  
سنه سنده یرندن اوینایان آوروپا ، خرسقیانلق انتقامی آلق اوزره  
تورکلر اوزرینه یورومشدی . ایکی عصر اول پیه لرلریت لرك ، پاپا  
اوربن لرك تشویقلرله اسلامیت اوزرینه آقان سیلابه نصرانیت ، بو  
دفعه داها منتظم سلاحلر ، داها جسور و تجربیلی شوالیه لرله تورکلر  
اوزرینه هجومه آتیلمشدی .

کته تعصب ، فرانسه ، لهستان ، وندیک ، آوستریا ، مجارستان ،  
باویرا ، آلمانیا ، ایتالیا ، رومانیا و آطه لردن کلن اک مشهور شوالیه لردن  
تشکل ایتمش ، ریاستی مجار قرالی (سیکیزموند) درعهده ایلشدی .  
بونلره بالاآخره صرب ، بلغار و روم عنصرلری ده التحاق ایلدی .

فرانسز شوالیه لری قرالک برادری و (بورغوندا) دوقسی  
(قورقوسززان) ک ، آلمانیا شوالیه لری ده (فره دریق هو هنزلرن) ک  
قومانداسی آلتنده بولونیولردی . صلیبیون ، قهرمان (طوفان بک)  
طرفندن مدافعه ایدیلن (نیکبولی) قلعه سنی محاصره ایتدکری زمان ،  
الترینه کچیره بیلدکری تورکاری ؛ ایکی عصر اول پیه لرلریتله شرقه  
حرکت ایدن جدلری کبی ، انواع وحشته پارچه لایور ، چوجوقلری ،  
قادینلری ، مسلمان اولدقلری ایچون ، اک شنیع اشکنجه لرله  
بوغازلایورلردی . فقط ، (بیلدیرم بایزید) ، قرق بیگ کشیک برقوتله  
بو عظیم سیلابه قارشو طورمقدمه اصلا تردد ایتدی . عددآ آز  
فقط معنویت اعتباریه پک قوتلی اولان بو کوچوک اوردونک افرادی .  
تورک دولتنک بهاسی ، مسلمانلغک بهاسی ، اونک زوالی ده اسلامیتک

انقراضی انتاج ایدہ جکنہ قانع اولد قلرندن ، الک بویوک تہلکہ لہ قارشى  
 الک متین برقلبلہ یورو یورلردی . تورک اوردو سندنہ کی بو حالت روحیہ ؛  
 عددآ دشمندن یک آز اولملرینہ رغماً غلبۂ قطعیه یی تأمین ایتیش ،  
 ہلالی یوکسٹم شمدی ... فقط ، بالآخرہ ، مجارستان دہ تورہ یین  
 (زان ہونیاد) ، تورک لردن صلیبک انتقامی آلتی اوزرہ میدانہ آتیلہ رق  
 بویوک بر اردو تشکیکنہ قالقش شمدی . مجار قرانک تحت ریاستدہ  
 انعقاد ایدن بویوک بر مجلس دہ ، پاپانک وکیلی قاردینال ( جولیانوس  
 چزارینی ) ، اہل اسلامہ قارشى ایدیلن عہد وقسمک ہیچ بر حکمی  
 اولہ میہ جغنہ دائر فتوا ویر برکن ، خرسٹیان عالمک ابدی کینہہ حقیقی  
 بر جان اولمشدی . معاہدہ یی نقض ایتک ایچون ؛ تمصب کابوسی  
 آلتندہ قیورانان صلیبیونہ ، قاردینالک بو فتواسی کافی کلشدی :

اہل صلیب بی امان بر قاصیرغہ دہشتی ، خانمانسوز برلاو شدتیلہ  
 اسلام دیارینہ دوغری هجومہ باشلامشردی : اسکی باربارلقلر بوتون  
 وحشتیلہ تکرار ایدیلیوردی . اسلاملر مدہش بر آفتہ ، اسلامیت  
 قورقونج بر طاقتہ ناعز دبولونیوردی . ہجرتک (۸۴۸) تاریخنہ صلیبیونی  
 ( وارنہ ) اوکندہ قارشولایان تورکلر ، شاہد اولدقلری وحشتلر ،  
 باربارلقلر قارشو سندنہ ، آتہ آتیلمنی جانہ منت بیلمش ، وارنہ مظفریتنی  
 قازانمشلردی . نقض عہد ایدن مجار قرالی ایلہ فتوایی امضالایان  
 قاردینال جنابلری مقتولین آردہ سندنہ بولینیورلردی ... تورکلر ، بو  
 دفعہ دہ اسلامیتی قورقونج بر تہلکہ دن قورٹارمشلردی . عینی موفقت ،  
 دورت سنہ صوکرہ ، آلمان ، لہ ، مجار ، چہ ، ایتالیان ، صرب ،  
 بلغار ولاتین شوالیہ لرندن مرکب براہل صلیبہ قارشى دہ قازانیلہ جقدی .  
 معاویہ دورندنبری اون اوچ دفعہ محاصرہ اولندینی حالہ بر تورلو

ضبط ایدله مہین استانبولی قطعی بر ضربه ایله فتح ایدله رک خلافت اسلامیہ نك مرکزی یاپان تورکری ، خرسیتان دنیاسی ابدیاً عفو ایدله مہ جگدی . آوروپا ، دیگر عناصر اسلامیہ یی اونو تمشلردی . اولر ، اسلامیت مثل ومدافعی اوله رق یالکز تورکری کوروپورلردی . بنه علیه ، بوتون کین و حرصلرینی تورکره توجیه ایدیورلردی .

استانبولی فتح ایتمکله حضرت محمدک مظهر تجیلی اولان عنصر اولدقلرینی اثبات ایدن تورکره ، اسلام عالمک حرمت و شکراتی ، خرسیتان دنیاسنکده انطفا ناپذیرکین وغیظنی قازانمشدی . فقط غرب ، تورکرک قدرت و سطوتی قارشوسنده عجزینی کوردیکندن حادثاته رضادن باشقه برشی یاپه مامش ، انتقام کونلرینک ورودینه انتظار قرارینی ویرمشدی . آوروپا ، تورکک ملی سجه لرینی ، اخلاقی فضیلتلرینی غائب ایتمه سی ، سرگذشتجو یانه فتوحات پیشنده قیريله قیريله ضعیف دوشمه سنی بکلوردی . جریان وقوعات اولره بو فرصتی احضار ایدله جگدی . مرکز حکومت ، سفاهت یوواسی اولان استانبوله نقل ایدیلدکن صوکره ، محلی عنعنله تدبیرجاً تورک توره لرینه تحکم ایتمکله باشلامش ، منقرض ییزانس سراینک تشکیلاتی بک آز تعدیلانله عثمانلی سراینه کچمش ، ( فاتح محمد ثانی ) استانبوله کیردکن بر مدت صوکره آیانی جاریقلی تورکرله قارشولاشماق ایچون ملت آره سندن قفس آرقه سنه چکلمشدی . دبدبه دار سرای حیاتنک تشکلی ، خادم آغالره ، دلبر جاریه لره ، قهوه چی باشیلره الک قیمتی وزیرلرک ، اکاهلیتلی قوماندانلرک فوقنده بر نفوذ ویرمش ، تاجدارلری لاپسئل موقعنه چیقارمشدی . سلطان خوشنه کیمه یین الک قیمتدار برجالی بر اشارتيله عدمه کونده بریوردی . حالبوکه ( قره عثمان ) ایله



(اورخان بك) بوكی ذوانه آنجق محترم بر رفیق معامله سی با پیورلردی .  
 طورسون فقیك خلفری بیله ( غنادیوس ) ك اوزون بنیشه  
 ایمرنش ، ساده لباسلری یینه اوزون قوللی کنیش اُنکلی نیشلر  
 کیمکه باشلامشلردی . استانبوله بیغیلان ثروت ، کونا کون ناملر  
 و وسیله لرله شرقك برجوق دربدرلرینی بورایه طوبلامشدی .  
 هریری آیری بر مذهب ، آیری بر عقیده نشر ایدن بو دربدرلر ،  
 مدحیه لرله ، قصیده لرله سرایه و نفوذلی امرایه حلول ایتیش ، دینی  
 برر موقع محترم اشغال ایشلردی . سرایده والده سلطانلر ، حجار ،  
 روس ، خروات ، روم کوزده لر حکم سورییور ، دیوانده تورك  
 اولیان وزیرلر اداره امور ایدیورلردی . بایزیدانی دورنده ایرانك  
 عادات و معتقداتی ، کونا کون مذهب لری ، تورک لکی تسخیره باشلامشدی .  
 جازه قوپارمق ، موقع قازانمق ، کولاه قایمق مقصیده استانبول و  
 آناطولی یه دولان دربدرلر ، تورك حیات اجتماعی و دینسنده عمیق  
 تأثیرلر با پیورلردی .

عباسیلر دورنده خدمت دولته کیرن تورك امراسی عصبیت  
 هر قهرلرینك محافظه سنه بك چوق اعتنا کوسترمشلردی . حتی تورك  
 امیرلرینك اکثریسی اسملرینك نهایتده برده ( ترکی ) لفظی علاوه  
 ایتیمکه افتخار ایدرلردی . حالبوکه ساجوق تورکارنده بو عصبیت  
 بك آز دوام ایتمشدی . داها ایکنجی قلیج آرسلان زماننده شهزادگانه  
 تورك و اسلام اسملری یینه ( کیخسرو ) ، ( کیقباد ) ، ( کیگاس )  
 کبی اسکی ایرانه غاند بر طاقم مناسبتسز اسملر ویریلیمکه باشلامشدی .  
 بایزید فانیك ضعف و مسامحه کارانی ، سلیم اولك آتشین عزیمله تلافی  
 ایدیلیمش اولسیدی ، عثمانلی تورکاری ده ؛ داها اوزمانده ، سلجوق

تورک‌لری کبی انقراض معنوی به محکوم اوله جقلردی. اردبیللی شیخ صفی‌الدینک حنفیدی ایرانیشمش اسماعیل صفوی، آنادولی به درویش، شیخ، بابا مامی آلتنده بر چوق سیاسی (مرید) لر کوندرمشدی. ایران پروباغانداسی یایغمه مأمور اولان بو مختلف کلاهی آدم‌لر، آنادولیده زواللی معصوم خلق آره‌سنه ایران غنمه‌لرینی، ایران دینی نشر ایدر لرکن، بازید تانینک اطرافنی احاطه ایدن یابانجی عنصرلره مذسوب باشلرده، ملئک قانی امئک، دولتک تملنی سوکمه‌کله مشغول اولورلردی. اسماعیل صفوینک آنادولیدن کچرک، محارب بولتدینی (ذوالقدریه) مملکته یورومک ایچون بازید تانیدن مساعده استرحامنده بولمنسی، مهارتکارانه بر خدعه سباسبه ایدی. اصل مقصدی کلاهیلرک سنه لردنبری زهرله دیکی آنادولی خلقنه، سوسلی و منتظم اردولرینی، مدبدب و معظم سلطنتی کوسترمک، بوسایه ده؛ کونک برنده آناتولی بی استیلایه قالدقشدینی زمان، اهالیدن مقاومتی بدل حسن استقبال کورمکدی. فقط، بو کیزلی مقصدی قهرس ایده بیلیمک ایچون نه بازیر تانی ده دینچ و زنده بر دماغ، نه ده اطرافنی احاطه ایدن سوزی سوزی باشلرده بر حسن حیت واردی .... سلجوقیلری کبیره کبیره نهلیت چوکدیرن قورتلر، عثمانیلرله عارض اولمشدی. حکمدارلر، دین نامته فوق البشر بر موقعه جیقناریلر، کیف و هوسلرینه بر حکم شرعی ماهیتی ویریلر، دینی، فتوایی حکمدارلرک اراده و احتراضلرینه اوبدورمق یوللری آخیلورزدی. ایرانک ادیبساتیله برابر (بابک) ک اکدیکی، باطنیلرک، حروفیلرک اتکشاف ایتدیردیکی سینات اخلاقیه، (جهم بن صفوان) لرک نشر ایتدیکی تلقینات اعتقادیله تورکلر آره‌سنه صوقولورلدی. شرقتدن

کلن افکار ، تورکک روحاً ، فکر آنحطاطنی احضار ایدرکن (عنشم قانونی) نک اوزون و فائده سز سفرلری ده تورککی مادناً چوروتکه باشلامشدی . شالی فقط غایه سز سنرلر پیشنده قوشمق ، روم ابلی خرستیان اکثریتله مالی ایکن طونه نک اوته طرفه کجکمک ، صلیبیونه میلیونلرجه قربانلق تورک ترک ایتمک دیمکدی . (ویانه) محاصره سق ، (بودین) غلبه سی ، (مهاج) مظفریتی فائده سز شانلر اوغورنده قیمتدار جانلر فدا ایتمکدن باشقه برنتیجه ویره مزدی ، فی الحقیقه اوپله اولدی . بر بحق عصر قدر تورک و اسلام دیاری اولان (بودین) [۱] بیگلرجه ، میلیونلرجه تورک قایله صولاندقدن صوکره ینه مجارلره هودت ایده چکدی .

حالیوکه بو دینلره قدر طانغیدیلان اسلام و تورک عنصری کاملاً طونه نک بری طرفنه طولدیریله رق غیر مسلم عناصر دیگرجهته سوق ایدلمش اولسه ییدی ، شکیمه دولت انحطاطه یوزطونماز ، طوتسه بیله ایکی یوژ کسور سنه دن بری توالی ایدن سوزشلی فاجعه لرو قوعه کگزدی . . . فقط دولتک ابره سیاحتی منافع ملییه دکل ، پادشاهک تکیفنه ، جابولجی و اجنبی عنصرلرک شخصی منفعتلرینه تابعدی . قبریس آطه سی ، آناطولنی سواخلنک مدافعه سی ایچون دکل ، شرابنک لطافتی ایچون فتح ایدریشدی . . .

اکثریتی خروات ، اسلاو ، مجار ، جرمن ، لاتین ، ایران و یونان عنصرلری تشکیل ایدن و تورک ملنک منافعتدن ، تورک دولتک بقا سندن زیاده کندی منفعتلرینی دوشونن دیوان هابون پارکانشک جیلرینی آلتوتلر ، قوناقلرینی جاریه لرله طولدوره جق اوزون [۱] مجارستانک پای نیخی اولان (ایشته) نک قازوشونده کی (بودا) شهریه

سفرلری التزام ایتملری بك طیبی ایدی. (قانونی سلمان) تخته جلوس ایدر ایتمز دیوان ارکانك کندیسی هان مجارستانه اعلان حربه سوق ایتمرنده بو امل حاکم اولمشدی .

حالبوکه بو اوزون و قانی سفرلر ، تورکی متبادیاً آرینبور ، آناطولی بی بوشالیتور ، انحطاط مادی بی احضار ایدیوردی . یمن ده تأسیس سلطنت سیاقی ایه ، باشقه شکله عینی نتیجه بی وبره جگدی . تورکلر بوکی مختلف عوامل تحت تأثیرنده درچار ضعف اولنجه عصرلردن بری اسلامیه درین بر حرص کین و انتقام بسله یین خرسه تیانلق ، بو دینك ممثل و مدافعی طائیدقلری تورکلر اوزرینه یوکلنرک مختلف صور و وسائط ایله تورکی تدریجاً ازمکی و نه-ایت محو ایتمکی عمده سیاست ایدینش ، شرق مسئله-سی آچشلردر .

شو تاریخی اجمالك کوستردیکی وجهله عناصر اسلامیه آره سنده قرآن دینك نشر و مدافعه-نه اک چوق واک دواملی بر صورتده جالیشان بو اوغورده هر فدا کارلنی اختیار ایدن تورکلر اولمشدر . تورکلردرکه اسلام بی افغانستانده ، هندستانده نشر ایتمش ، قرآن نورینی سد چین ماوراسنه ، سیریا ایچلرینه ، آدریاتیک ساحلرینه ، طونه بویلرینه قدر کوتورمش ، اسلامی یریه زندن قالدیرمق حرصیه آوروپادن آسیابه آقان سیلابلری طور دورمش و صوکرده آق دکزه دوکشلردر .

تورکلر ، باطنیک ، حروفیک ، اباچیک ، بابیک . . . کی اسلام هیئت اجتماعیه-سی زمرله یین و چوروتن مذهبلرک غلبه-نه مانع اولمش ، خارجدن ، داخلدن اسلامه توجیه ایدیلن ضربه لره کوکشی سپر ایتمشدر . عین زمان ده اهل صلیب و موغوللرک تخریب-کار

استیلالری نتیجه سنده افول ایتمک اوزره اولان مدنیت اسلامییه یی  
 عادتا یکی باشند تأسیس ایدرک بیکلرجه مدرسه لر ، معبد لر ،  
 خسته خانه لر وجوده کتیرمش ، بقایای انقاضی بوکون بیله نظر حیرت  
 و تعجیلی جلب ایدن معظم دارالعرفانلرده مرشعبه علمه مخصوص  
 آیری آیری فاکولتلر تأسیس ایلشلدردر . جنکیز ، هلاکو و اهل  
 صلیب طوفانلرندن قورتوله بیلن آثار علمییه یی طوبیلایه رق معظم  
 کتبخانه لر وجوده کتیرمش ، یالکیز حیات سیاسی اعتباریله دکل ،  
 مدنیت و علم اعتباریله ده انقراضه سوروکلن اسلام عالمی احیا  
 ایلشلدردر .

اسلامک مقدراتی تورکلرک مقدراتنه او قدر صیق باغلانمشدرکه  
 تورکلر یوکسلدکجه ، اسلامیت ده تعالی ایتمش ، تورکلر ضعیف  
 دوشدکجه اسلامیت ده فروشوکتی غائب ایلشدر . ادوار انحطاطده  
 تورکلر هانکی قطعده ، هانکی مملکتدن چکلمکه مجبور قالمشلرسه  
 اورالرده اسلامیت ده یارو حاً و یاهم روحاً هم ده فملاً ئولمشدر . وقتيله  
 بر اسلام دیاری اولان مجارستان ده بوکون نك بر مسلمان قالمدینی کبی ،  
 او معظم جامعلر ، مدرسه لرده کاملاً محو اولمشدر . ( بودین ) ده کی  
 جامعلرک بوکون تمللری بیله بولق ممکن دکلدردر . صربستان ، رومانی .  
 بلغارستان ، یونانستان ، حتی جزایر بو فجیع عاقبتک بر مشهر حزن  
 انکیزیدر . آتنه جامعلری نك ، بلغراد مدرسه لری نك ، صوفیه وقلبه  
 معبدلری نك سونوک خاطره لرخی آنجق اسکی کتابلرک صولش صحیفه لر یی  
 آره سنده بوله بیلیورز . قوصوه ، مناستر ، سلانیک ، قواله ، کوماجنه ،  
 سبروز کبی اسلام دیارلری نك ده عینی عاقبتنه محکرم اولملری محقق  
 دکلیدر ؟ . . .

تورك حاكيتك تمثالى اولان هلال، ما كدونيا و ترا كيا افقرلندن  
چكلكدن صوكره، نه عبرت انگيز فاجعه لره شهد اولدق: بوتون  
اواسلام ديارلرنده اذائلر صوصدى. چاك سسلرى آفاقى طولدوردى.  
جامعمر، مسلمانلره مقل، خريستيانلره آخير اولدى. قرآن آياقلا  
آلتنده چيكنندى. منفور شناعترلره قربان اولان مسلمان عرضى  
پايمال ايدىلى، قاديئرك مملى كسلىدى. جوجوقلرك كوزلرى  
اويولدى. بشيكده كى معصوملر آنا قارنده كى جنينلر بيله بو وحشتلردن  
قورتوله مدى. خلاصه بر زمانلر اسلامك اك مسعود يوردى اولان  
بدبخت ديارلر، باشدن باشه مسلمان قربانلرينه. مزارستان اولدى.  
بوتون اوروپا بو هائللرى آلقيشلادى و تحسين ايتدى...

خريستيان آوروپانك مسلمان توزكه قارشى بسله ديكى حسيات  
(موندروس) متاركه سسندن صوكره بوتون عربانلى ايله ميدانه  
چيقدى (آميرال فالطروپ) ك انگليز ناموسى اوزرينه وىرديكى  
تأميناته قارشى، انگليز حكومتى قاردينال (جوليانوس جزايرنى) نك  
فتواسيله مقابله ايتدى. توركاك آلندن سلاحي آلتدقدن  
صوكره، حقنده هر ظلم روا، هر وحشت بجا كورولدى. چونكه  
آوروپا عصرلردن برى بسله ديكى اسلام خصوصتى آرتق قوصمش،  
اسلامى ابدى اسارته، تدريجى انعدامه سوروكله مك ايچون، اسلامك  
متفكر دماغى، طوتار آلى و ايمانلى مدافعى اولان توركى محو ايتك  
قرارنى پرواسزجه اعلان ايتمشدى...

توركلر، عصرلردن برى اسلاميتك مدافعه سى، مسلمانلرك  
تأمين سعادتى و عناصر غير مسلمه نك ربه اسارتنه كيرمه ملرى اوغورنده  
جاتى، مالى بلا فتور فدا ايتديكى ايچون خريستيان آوروپاجه اعدام

جزاسنه محكوم ایدیلشیدی . فقط تورک نه طالعمزدرکه اعدام سپاسنه سوروكله نیرکن ایدینی چکمه که آلتشین برخواهشله آتیلانلر ، مدافعه ایتدیکی دینک منتسبلری ، قورودینی طوبراقلرک اولادلری اولمشدی . نه قدر شایان عبرتدرکه ایام نکبتنده تورک قلیج چکن عنصرلر ، بو جایته آتیایرکن هنوز قوروصاقلرنده تورک اکیکی ، جیللرنده تورک آلتونی ، آرقه لرنده تورک فورمسی بولونیوردی . . . . . تورک استقبال ایچون نه بلیغ بر درس عبرت وانتباه . . . . .

بو کون خریستیان حاکمیتی آتنده سیونیستلره ملی بریورد اولان قدس ایله مسجد اقصی نک بدبخت مدافعلرینی آرقه دن اوردوران آل هاشمک ( ابوله ب ) ی ایله اوغوللرینک وبونلره اویره ق توبلر اورپرتن فاجعه لاررتکاب ایدن برقسم شامبلرک ، آرناووداق استقلالنی وتامین ایده جکیز امنیه سیله صربلر و یونانلرله توحید مساعی ایدره ک مسلمان اولکک سیدردیه التجا ایدن تورک نفرلرینی بوغازلایان آرناوودلرک عاقبتدن عبرت آلملری اقتضا ایدردی [۱] . بو کون یانیه ده یونان ، قوصوده صرب بایراقلری طالغالانمقده دره . نه عبرت انکییزبرعاقبتدرکه تورکلری سوریه دن چیقارمق ایچون یکرمنجی عصرک اهل صایب قوماندانی عنوانیه تهجیل ایدیلن ( آلتی ) ایله توحید مساعی ایدنلردن بر قسمی ، آره دن بر سنه کچمه دن سوریه دن قاجنه مجبور اولملر ، بر قسمی دار آخانه جکیلمش ؛ قالانلرده هر کون جنرال ( غورو ) نک حضورنده یرلره قایتمق صورتیه سفیل و اسیر حیاتلرینی قودتاره بیلمشلردر .

[ ] بیروت ، قدس ، طرابلس شام ، حلب و بغدادک نجیب مسلمانلرله آرناوودلق اختلاننه اساساً معارض اولان تمیز مسلمانلری ، بومفشوش سفها ایله قاریشدیرماملیدر !

تورک‌لر، کندیلری ایچون بر دورهٔ امتحان و انقباه اولان اوآلیم متارکه دوره‌سندنه ایمانلرندن باشقه هرکسندن و هر شیدن اهانت کورمشلردر. تورک‌لری قورتارانده بوتیمز و صاف ایمانلری ایله او ایمانک تأمین ایتدیکی یوکسک هیجانلر اولمشدر. یکی تورکیانک اجتماعی، سیاسی و اقتصادی وجهه‌لری تعین اولنورکن متارکه دوره‌سنک عبرت انکییز ماجراالری دائما کوز اوکنده بولوندورمق و بونلری هیچ بر زمان، هیچ بر صورتله اونوتماق ایجاب ایدر. بو، استقبال تورکیاسنک تاریخه قارشى وجدانی بر وظیفه‌سیدر...

---



## سجایای قومه

سطح ارضك مناطق مختلفه سنده منتشر انسان كومه لری ( قوم )  
 نامی آلتنده برطاقم هر و پله آیریلشردو . تاریخ طبیعی ده ( نوع )  
 نه معنا افاده ایدیورسه ( قوم ) ده تاریخ بشریت ده او معناده تلقی  
 ایدیلی در . چونكه مختلف قوملری بر لرندن آیران سجیه لرك  
 مختلف نوعلری یکدیگرندن تفریق ایدن سجیه لر قدر درین واساسلی  
 اولدقلرنده شبهه یوقدر .

قوم دیمك ، مشترك و متحد سجیه لره مالك اولان و بو سجیه لری  
 وراثت طریقله خلفارینه دور ایدن انسان كومه لری دیمكدر . عینی  
 قانون آلتنده یاشایان ، عینی لسانی سویله ین ، محینی دینه تابع اولان  
 انسان كومه لرینك متجانس بر قوم تشکیل ایده بیلمه لری ایچون محیطك ،  
 تصالب و توارنك او كومه لر آره سنده جسمانی و روحانی برطاقم سجایای  
 مشتركه تثبیت ایتمش اولسی ایجاب ایدر . بر قومی تمایز ایتدیرن  
 معشری سجیه لر ، آنجق اوزون بر زمانده قازانیله بیلیر . چونكه  
 سجایای ارثیه بك بطی بر صورتده يرلشه بیله جکندن ؛ قرر ایتملری  
 ایچون ؛ بالنسبه اوزون بر زمانه احتیاج واردر . بر کره اکتساب  
 ایدیش اولان سجیه لرك سیلنمه سی ده ؛ عینی صورتله ؛ بك آغیر و بك

بطی بر طرزده وقوعه کایر. نتیجه نك كوروله ییلمسی ایسه؛ هر حالده؛ عصرلرك كذارنه متوقفدر.

قوملرك ذوبان واستحاله ایده بیلمه لری ایچون اوزون ، هم ده يك اوزون زمانه احتیاج وارددر. چونكه تحولات ، مدید عصرلر ظرفنده وقوعبولان ارثی بر یكیتیلر اثری اولموزه؛ محیط وتصابلك تأثیراتی انضمام ایتسه بیله ؛ ینه درین واساسلی اوله من!

هوت ، بر قوم ده بعضی سجه لری تثبیت ویا بعضی سجه لری ازاله ایده بیلن عوامل آره سنده تأثیرات محیطه دائما قدرتلی بروظیفه ایضا ایدر. فقط ، وراثتده محیط قدر قوی واساسلی بر حاملدر.

بر قوم نه قدر قدملی ، نه قدر اوزون ماضیلی اولورسه او قوم ده وراثتله یرلشمش سجه لرده اوقدرمتین ، اودرجه اساسلی ، اومرتبه زوال ناپذیر اولورلر.

ماضیلری قاراکلی عصرلره قدر امتداد ایدن قوملر اوزرنده یکی محیطلرك تأثیری اساسی سجه لری کایا صارصمق قدرتی کوستره من قدیم بر قومك تأثیرات محیطه ایله سجاجای اصلیه نی فائب ایتسی، او قومك هویت مخصوصه سندن چیقماسی تعیر دیکرله هویت اصلیه سی اعتباریله محنه شتوند نابود اولمسی دیمکدر! . فی الحقیقه ، يك قدیم بر صرق اولان یهودیلر ؛ آسیاده ، آفریقاده ، آمریقاده ، آوروپاده ، خلاصه دنیانك متنوع ومختلف محیطلرنده یاشادقلری حالده هریرده؛ لایتغیر تییلرینی محافظه ایتشلردر. لوندره نك سیسلی محیطنده ، بارسك نوشانوش عالملرنده ، آمریقانك مدبدب سالونلرنده ، روسیه نك ملوث سوقاقلرنده ، ایرانك خیال برست محیطنده ، ترکیانك مجادله لی اقلیمنده یاشایان ابنای اسرائیلده ؛ نافذ بر نظر ؛ صرقت اساسلی

سجیه لرینی پک کوزل سچه بیلیر . مختلف محیطلر ؛ عصر لرجه مدت  
 ظرفنده ؛ بو اسکی قومک درین و اساسلی سجیه لرندن هیچ برینی  
 ده کیشدیرمک قدرتی کوسترمه مشلردر . ارض موعوددن جهان  
 طاغیلان یهودیلر، کیتدکلری محیطک، یاشادقلری وسطک تحت تأثیرنده ؛  
 سجیه اعتبارله ؛ اساسلی و درین تبدلاته معروض قلسه لردی ، بوکون  
 دروی زمیندن بنی اسرائیل عرفی بوتون بوتون قالمش اولوردی .  
 خالبوکه مختلف محیطلرک تأثیراته رغماً، یهودیلر هریرده عرفلرینک  
 بقاسنی تأمین ایتشلردر . محیطک وراثته غلبه ایدمه جکنه بنی اسرائیل  
 قومک بقاسندن بویوک دلیل اوله ماز .

تأثیرات محیطیه ، بر قومک سجایای اصلیه نی دکیشدیریرسه  
 او قومک نامی صحنه شتوندن سیلینیر دیمشدهک . تاریخ بو حقیقتی ده  
 تأیید ایدمه جک بر جوق صحیفه لری محتویدر :

اعصار ماضیده مصر قطعه سی بر جوق قدیم عرفلرک استیلاسه  
 معروض قالمشدی . فقط او آتشین محیطک ؛ بوتون قدرته رغماً ؛  
 مسئولیلرک سجایای اصلیه لرینی ده کیشدیرمش اولدیمه دائر بر مثال  
 کوسترمک ممکن دکلدر . خالبوکه ام دنیا ناک حار و کنیش بادیه لر  
 خالبرک بی پایان هزارلرله مالامالدر ..

وراثته مجادله و اوکا غلبه ایدمه بیله جک عامل ینه وراثتدر . یعنی  
 محیطک تأثیراتی ، عصرلرک تعاقیله ، ارئی بر شکل آله بیلیرسه ، عرفلر  
 اوزرنده آز جوق تحولات مشاهده اولنه بیلیر . بر جوق عرفلرده  
 کورولن تحولات ، اوزون بر زمان ظرفنده محیطک بطی و دائمی  
 تأثیراتندن متولد ارئی پریکینیلردن باشقه بر شی دکلدر .

عصر دیده بوتون عرقلرکی نورکلرکده جسمانی، روحانی بر طاقم  
 پایدار سجیهلری وارد ر . مختلف محیطلر ، متنوع تصالبلر ، نورکلر  
 جسمانی و روحانی سجیهلری اوزرنده ؛ توارثی انتاج ایدن توالی  
 اعصارایله ، آرزوق تحولات حصوله کتیرمش اولدقلری شبهه سزدر .  
 فقط ، بوکا باقهرق اساس سجیهلرک بوس بوتون غائب اولدیفنی  
 ادعا ایتمک طوغری اوله من . هر نه قدر شرق تورکلرنده موغول  
 عرقنک ، غرب تورکلرنده اقوام مجاوره نك پك چوق تأثیراتی  
 اولمش ایسه ده آسیای وسطی تورکلری جسمانی سجیهلرینی همان تمامبله  
 محافظه ایتمشلردر . هر حالده ، اقوام سائر ایله تصالبدده بولنمیار تورکلرک  
 اشکال عرقیه لرنده هیچ برنبدل کوروله من . خالص برتورک ، یوادلراق  
 وبویوک باشی [۱] ، کنیش اوموزلری ، وسطی دن یوکسک بوی [۲] ،  
 اسمر تی ، اتلی ، کبکلی ، طونوق و بیضی چهره سی ، جیق  
 کنیش یناققلری ، سیوری و مثالی الشکل چکسی ، قالین دوداقلری ،  
 جاتیق قاشلری ، سرت ، سیاه و دوز صاقلری ، آجیق صاری دریمی ،  
 سبره ک صقالی بادم شکلنده سیاه ، کوچوک و بارلاق کوزلری ، قیصه سی  
 کوز قباقلری ، نارین و قیصه باجاققلری ایله سائر قوملردن پك کوزل  
 تفریق اولنه بیلیر .

عصرلردنبری اقوام مجاوره ایله تصالبدده بولنان تورکلرده اشکال  
 عرقیه تمامبله مشاهده اولنه من . فقط ، بوشکلرک کیزلی ایزلرینک  
 بوس بوتون غائب اولدیفنی ده ادعا ایدیله من .

تصالبارثی نك تحولات جسمانییه اولان تأثیراتی ، محیطک

[۱] قرینه رأسیه ( ۸۵ - ۸۷ ) آره سننده در .  
 [۲] قامت ، ( ۱،۶۷ - ۶۸ و ۱ ) آره سننده متحولدر .

تبدلات روحیه اولان تأثیراته نسبتله پک زیاده در. بوکون اشکال  
 عرقیه سنک اک بارز ایزلرینی فائیدن تورکلر، سجایای قومیه لرندن  
 بالذنبه داها آز ضایعانه بولمشلردر. بوکونک تورکلر نده سجایای  
 عرقیه نك زوالندن بحث ایدیله جکنه اوسجیه لرك کورلشمش  
 و اوپوشمش اولدقلرینی ادعا ایتمک داها دوغرو اولور اعتقادنده یز.  
 تورکلر، تاریخ حضورینه چیققلری زمان، پک متین واساسلی  
 سجه لر اظهار ایتمشلردی. بوحل، عرق قدامنه، سجایانک اعصار  
 مدیده محصولی اولدیغنه دلالت ایدر. چونکه، تاریخ کوستریبورکه  
 اشخاص و ملتلك تکاملی تدریجی و بطی برطرزده وقوعه کلکده در.  
 عضویات حیوانیه و نباتیه نك اشکال حاضره می ده مدید بر تکامل  
 نتیجه سی اولدینی قنأ تحقیق ایتمش دکلیدر؛ جهانده هر موجود شکل  
 مکمله واصل اوله بیلنک ایچون آرا یرده کی غیر مکمل اشکالی تدریجاً  
 برر برر کچیرمه مجبوردر.

اولدقجه مکمل برمدنیتله تاریخک حضورانتقادینه چیقان برملت؛  
 هیچ شبهه ایتمه ملی درکه، ماضیه فاند مدید و عصر دیده بر حرکت  
 تکاملیه نتیجه سنده اوموقی احراز ایده بیلمشدر.

نوءت، اوملتک مدید و تکاملی ماضیمی اکثرأ تاریخ ایچون  
 مجهول قالیر. فقط، بلا تردد قبول ایتملدرکه اوملتک بویله برماضی سی  
 وارددر. و کشفیات علمیه برکون اوماضی بی میدان چیقاره بیله جکدر.  
 اسلامی قبول ابتدکن صوکره متین واساسلی سجه لرله تاریخ  
 حدنیت ده مهم بر موقع اشغال ایدن تورکلرک بردنبره حال وحشتدن  
 اومرتبه تمدنه جیه. ش اولدقلرینی ادعا ایتمک قدر کولنج برشی اوله مزاء..  
 ناصیل که، چین منابع تاریخیه سنک ترجمه لری برزمانلر هرب

عالمه حاکم اولان بوفکرک بطلاتی صورت قطعیده اثبات ایتشدر .  
 نورکر، میلاد عیسی دن عصر لرجه اول، بویوک وقومی زمره لرچالنده  
 طویلانی و بوزمره لرك اتحادیه معظم بردوات قوردمشدر .  
 بومتحدہ نك معین تشکیلاتی ، توره ویاسا دیزلن منتظم قانونلری ،  
 مترقی برجهت ایچون وجودی مقتضی مؤسسہ لری واردی . جین  
 منابع تاریخیه سنك شهادتی، اورته آسیاده صوك عصرلره وقوعبولان  
 تجربات و کشفیاتك نتایجی بوحقیقی تأیید ایتکده در .

سوسیولوژی اساساتی کوستریبورکه اسکی قوملر، ثابت ولایتین  
 سجه لریله تمایز ایتدکاری کبی بقالریخیده اوسجه لره مدبوندلر .  
 قوملرده اکه زیاده نظر دفته آله جق اوصاف روحیه، عزم و ذکا  
 کبی هرک ممتازیتین تمین ایدن سجه لردر . عزم و ذکا سایه سنیده دیک  
 قوملر تعالی ایدره برقوم دیکر قوملری حاکمیتی آله آلر .  
 نورکر، تاریخده عز مکارلقریله اشتہار ایتشلردر، ماوراءالنہر  
 خلقنك شدت ذکاسی ایسه مدنیت اسلامیه نك اکه پارلاق دورلری  
 شمعنه عرفانه غرق ایتك کبی خارقه لر کوسترمشدر .

قوملرک اعتلاسی عواملندن اکه مهملری (عزم) و (اراده)  
 سجه لریدر . ظهور اسلامده عربلر ، بالآخره یودکار و دهاها اول  
 رومالیر ، آنجق بو عزم و اراده سایه سنیدم ؟ آزمدت طرفندہ  
 جهانلراستیلایده یلمشدری . ایساساً ذکاک آناری تجلی ایدہ بیلمك  
 ایچون عزم و اراده ایله توأم اولسی اقتضایدر .

عزم و اراده دن محروم اولان فردلرده ، ذکا فضلہجه انکیفافی  
 ایسه بیله ؟ بو حال او فردلرک منسوب اولوقلری - قومك مطلوب  
 درجهده یوکسلمه سنی تأمین ایدہ عزم ، معظم موافقا ایچمیلرطورانی

ایله محتشم عرب سلطنتك تاریخلرندن بوادطای تأیید ایده جك وثیقہ لر  
کوستریله بیلیر .

رومالیر اولسون، عربلر اولسون، ادوار انحطاطلرنده ، اعتلا  
دورلرندن زیاده نافذ ذ کالره مالک بولینیورلردی . ( سزار ) لرك  
( اوقتاویوس ) لرك زمانلرنده کی رومالیر ایله ، ایمپراطورلنك صوك  
دورلرنده کی رومالیر آره سنده ذ کاجه بك عظیم فرقلر واردی .  
خلفای امویه دن عبدالملك ایله خلفای عباسیه دن المأمون دورلری  
بربرلرینه نسبت ایدیلیرسه عبدالملك زماننده کی عرب متفکرلریله  
المأمون دورنده کی عرب مؤلفلری آره سنده ذ کانك انکشافی نقطه  
نظرندن بویوك بر تفاوت کورولور .

حالبوکه ذ کانك لایقیله انکشافنه رغماً اوقتاویوسلردن ،  
المأمونلردن سوکره درکه او معظم سلطنتلر انقراضه یوز طوتمشلردر .  
چونکه انحطاط دورلرینك فردلرنده جدلرینك عزیم و اراده لری  
یوقدی . اولدینی ایچوندرکه او محتشم دولتره آرتق استیلا دورلری  
قابائش ، انحطاط یوهری آجیلمشدی ! . .

تاریخ، عینی حالی تورك ایمپراطورقلری ایچونده قیدایتمکده در .  
( مه تانزو ) نك ، ( موقان خان ) ك ، ( محمود سووکتکین ) ك ،  
( آاب آرسلان ) ك ، ( تیمور ) ك ، ( اوزون حسن ) ك و ( اورخان  
غازی ) نك اداره لرنده حرکت ایدن تورکلرله اولنرك خلفلری  
آره سنده ذ کاجه نه قدر بویوك بر فرق وارسه عزیم و اداره جهده  
او قدر درین بر آیریلیق موجوددر . لاله دورینك شاعرلرنده کی  
رقیق حسینی، اینجه ذ کابی، عاشق پاشلارده بولقیمکن دکلدرد .  
تورکلرک عرفی سجه لری آکلاشیله ییلمک ایچون ماضیلرینی ،

طرز اداره لرینی، صورت معیشت لرینی، دین لرینی، عادات و عنعنه لرینی  
 تشکیلات سیاسی و اجتماعی لرینی تدقیق ایتمک اقتضا ایدر .  
 چونکه، بر قومک تاریخ ماضیسی سجایاسنک مولودی اولدینی  
 کبی سرگذشت استقبالی ده ینه او سجه لر علاقه دارد . قومک  
 صفحات حیاتییه سنده حاکم اولان عامل مؤثر ایسه اجدادک روحیدر .  
 بو نقطه نظر دن روح اجدادی تحلیلله جالیشق، سجایای قومیه یی  
 آراشدیر مق دیمک اولور .

استقبال یول لرینی بوله ییلمک ایچون ماضینک شانلی دور لر دن  
 نورلی مشعله لر چیقارمغه مجبورز . چونکه ماضیسنه لاقید قالان بر  
 ملت، آتیندن امین اولق حقق حائز اوله من . . .



## نورلارده مكرممهك و عسكرلك سويي سي

مختلف قوملك اجتماعي سجيي لري مقاييسه ايديلدیکی زمان بونلرك برلرندن بك زياده فرقلي اولدقلري كوروليور . برملتي تشكيل ايدن فردلرك روح اجتماعي سي ، ديكر برملت افرادينك روح اجتماعي سینه اوييميور . بمض قوملر قبيله ، بمضيلري عشيرت ، بر طاققلري ده ملت حالنده ياشيورلر . بوتون بو مختلف اشكال اجتماعي ده او جماعتلري تركيب ايدن اجتماعي فردلرك روحنندن طوغيور .

قبل الاسلام عربلر ، بر ملت دن زياده ابتدائي بر جمعيت حالنده بولينيورلردی . ابتدائي هر جمعيت کبي عربستان قبيله لري ده عيني بر قومه مذسوب اولدقلري حالده عادتجه ، تعاملجه ، حتی دينجه برلرندن فرقلي بولينيورلردی . هر قبيله فردلري يالکيز کندی قبيله لرینی ، کندی شيخلرینی طائيدقلرندن مختلف قبيله لر آره سنده منافرت و حرب وجدال اکیيک اوليوردي . عادتجه ، غنه جه آبري بر هيت حالنده بولونان مرقبيله نك آبري برشيخي اولديني کبي ، آبريجه ده بر معبودي بولونيوردي . حکومتجه ليکک تعمير ديککله ملي وحدتجه ليکک مفابر اولان بو طرز تشکيلات عربلرده ( ولايت خاصه ) اساسني توليد ايلشدي .

جناب رسالتپناه ، وحدت معبود عقیده سنی نشر و کعبه بی قبیله معبود لرینک تمنالی اولان صنملردن تطهیر بویورمقله قبیله تشکیلاتنه ، ولایت خاصه اساسنه خاتمه ویرمشدی . فقط جزیره العرب خاقی ، بالاآخره قبل الاسلام برلشمش اولان شکل اجتماعیه عودت و قبیله حیاتی احیا ایتمشلردر .

حالبوکه تورکلرده ، بالعکس حکومتجیلک سجه سنی پک ایرکن اویانمش ، پک اسکی دورلرده تأسس ایتلشدر . بو حال تورک روحنک عمومجیلک ، تعییر دیکرله وحدتجیلک اولان تمایلنک بر نتیجه سیدر . چین تاریخلری ، پک اسکی زمانلرده ، تورکلرک معظم بردولت قورمش اولدقلرینی خبر ویریورلر . اسکی یونانیلر ایسه ، اسکیت خاقانلرینک شوکت وشها متلری حقنده صحیفه لرطولدورمشلردر . ایران شهنامه لرنده توران خاقانلرینه دائر ویریلن معلومات ده بونلره علاوه ایدیله جک اولورسه ، حکومتجیلک فکرینک تورکلرده نه قدر اسکی بر زمانده اویانمش اولدیغنه دائر بر فکر ایدینلمش اولور .

ابوالغازینک ، یافنک اوغلی ( تورک ) دن باشلایه رق ویردیکی تفصیلات ، تاریخی بر قیمتی حائز اولمامقله برابر ؛ توك روحنک تشریحی اعتباربله پک زیاده حائز اهمیتدر . بوتفصیلات بزه ، تورکلرده حکومت فکرینک تاریخنک اک قاراکلق زمانلرنده اویانمش اولدیغنی ، تورکلرک تشکیلات اجتماعیه و سیاسیله دینلری آره سنده پک یاقین مناسبتلر بولندیغنی اوکره تیور . کوریبورزکه ، تورک ، کندی موجودیت و وحدتی ، پک اسکی بر زمانده ، پک قوتلی بر صورتده حس و ادراک ایدره ک موجودیت و وحدتنک تأمین ایچون بر متحدنه تشکیل ایتمش ،

تعبیر دیگرله ؛ بر حکومت قوتیله برلشمش و بوحال، تورکلرک روح اجتماعیسنه اویغون اولان ( ولایت عامه ) اساسی طوغورمشدرد .

ملی دستان ، ( ألنجه ) خلك حكومتی ایکی اوغلی آره سنده تقسیم ایندکدن سوکره تورکلرده اجتماعی ، سیاسی و دینی سقوط وانهزال باشلامش اولدیغنی نقل ایدیور . وحدتی ادراك ایدن برملتك ایکی به بولونمەسندن ، اجتماعی ، سیاسی و دینی بر صارصینتی حصوله کله سی بك طبیعی ایدی . چونكه ولایت عامه تشکیلاتنه بر ضربه اولان اقسام ، ولایت خاصه به دوغری آتیلەش بر آدیم دیمکدی .

دستان ، ایکی برادر زاده نك احلافی آره سنده حرب وجدال وقوعه کلدیکنی ، تورکلرک او وقته قدر مربوط بولندقلری وحدت معبود عقیده سنی اونوتدقلری سولیور .

( بودون ) ك [۱] تفرقه سندن حرب وجدال ، ولایت خاصه تشکیلاتندن . معبود خالص ، ویا تعبیر مخصوصیله بت پرستك طوغه جنی شبه سزدر .

تورك ميتولوژيسنك بر قهرمانی ، وحدت ملیه نك بر تمثالی اولان ( اوغوزخال ) ، قره خانی ده ویرنجه ، تورك وحدت ملیسی انکشافه ایتمش ، ولی خالص اورتەدن قالمش ، بتلر ییقلمش ، یرینه تک بر ملت ، تک بر دولت ، تک بر معبود قائم اولمشدر . بوسورتله کندی . روحنه موافق تشکیلاته مظهر اولان تورك ، یوکسلمش ، شانندن . شاه ، ظفردن ظفره قوشمشدر .

[۱] ملت معناسنه اولان (بودون) ایله ( مجموع ) مقابله قولاندیغی ( بوتون ) آره سنده کی قرابت شایان دقتدر . تورك ، قبیله جیلک بیلیمدیکی ، افراد ملت آره سنده آیریلیق ، غیریلق کورمیدیکی ایچون عرفداشلیک هیت . مجموعه سته ( بودون ) یعنی ( بوتون ) دیمدر .

( آته بینن تورک ، آناخی طانیز ۱ ) مثلی ، حکومتی تورک  
روحنی تشریح ایدن بلیغ بر وجیزه در . بو وجیزه کوستریبورکه ،  
تورک ، قبیله ، اویماق ، اوایوس طانیبور . آنجق بر (ایل) بیلور .  
ایلی تمیل ایدن دولته عسکر اولنجه ، وظیفه ایجاب ایدرسه ؛ باباسنه  
بیله هجومدن چکینمیور . ولی عامی ( حکومتی ) ، ولی خاصه ( پدره ،  
اویماق بکنه ... ) ترجیح ایدیور . اسباب ترجیحی ده ( صودی ده  
بویوک بویوک دکل ، یولده بویوک بویوکدر ! ) مثلی ایله اکلایور .  
میتولوزی دورینک اوغوز خانلرنندن باشقه تاریخک ( مهته ) لری ،  
( لاعوشانغ ) لری ( موقان ) لری ( ایلترس ) لری ، آوروپایی باشند  
باشه استیلا ایدن ( آشیلا ) و ( پالامیر ) کبی قهرمانلری ، شرقی روما  
ایمپراطورلرینی جزیه کذار اولمق مجبوریتده برافان ( وار ) ، ( خونی )  
و ( بیان ) کبی آوارقا آنلری ، قافقاسیه و شمال تورکلرینک ( قوارات ) لری ،  
آلتای تورکلرینک ( کول تکین ) و ( بیلکه ) لری تورکلرده کی  
حکومتجیلک روحنک مولودی اولان پارلاق و مستتنا شخصیتلردر .  
تورکلرک پک اسکی دورلرده معظم حکومتلری ، اساسلی  
نظاملری اولدینی ( اورخون ) جوارنده گشف ایدیلن ( کول تکین )  
کتابه سنده افتخارله یاد ایدیلکده در :

« کندی کزیننه حکومته مالک برملت ایدم . حکومتک عظمتی  
زدهده ؟ کیسه حکومت قازاندره جنم ؟ بویله دییور ایدی : ... » [ ۱ ]  
کورولیبورکه وحدتی ادراک ایدک تورک ، موجودیتی حکومت  
ودولتنده کوردو کتدن دولتی غائب ایتدیکی کون ، نه یابه جقنی شاشیریور .

[ ۱ ] ایلیغ بودون- اریم ، ایلم آمانی - قانی ؟ ککه ایلیغ قازغانورمن ؟

[ اورخون کتابه لرندن تورک تاریخی ]

تیر - اریمس .

تورك ، بر ايقاض ، بر تهییج اولمده ، مبرم و قطعی بر احتیاج کورمدکجه ساکن و بکنسق حیاتی ده کیشدیرمکی دوشونمز .  
تورك ، شدید ، شفیق و عزمکار بر باشبوغک ائنده قیریلماز و مطیع بر پولاددر . باشبوغنه ، قلیجی قدر اطاعت ایدر ، یانندن قلیجی کبی اصلا آیریلز . قوماندانک کیتدیکی یره او ، قوشار . باشبوغک ایسته دیکنی او ، یاپار .

آسوده زمانلرده یوردلرینک یوکسک اووه لرنده قوردقلری ایریلی اوقاقلی ، اوزاق ، یاقین حسابسز چادیرلردن ، پایانسز مرعالمده اوتلایان سوریلرینی سیر ایدن تورکر ، سمانک دریندلکیرینه کومولن . ییلدیزلرک رهبرلیکله یابلاقدن قیشلاغه ، قیشلاقدن یایلاغه کوچمکن باشقه حیاته برنجدد آراضکن ، اوکلرنده قهرمان بر باشبوغ کورنجه ، سینورلر آشمق ، خطملر ضبط ایتمک کبی خارقلر کوستیرلردی .

تورك ، سردارینه مطلق و صمیمی بر اطاعت بسلر . الویریرکه سردار : حسن نیت و حقیقتدن امین اولسون ! . تورك روحنده مکنوز اولان حماست ، علی العاده احوالده ؛ هیچ حس اولمز . دوشکون ، ساکن ، بر قوزی کی اولان تورك ، اوکنده نهرمان بر سردار کورنجه ، فطرنده کی کیزلی سجیه لر بردنبره اواینیر . اوبوشوق تورك ، بر آتشاره جلادت کسلییر . سردار اوطورمدقجه طورمنی خاطرینه کتیرمز . آت صبرتی صیجاقل یاتاغنه ترجیح ایدر . شانندن قوشار طورور .

فقط ، تورکک باشنده کی سردار ، صفایی شانه ، راحتی قهرمانانه ترجیح ایدرک ذوقه قوبولورسه تورك ده درین و نوشین بر اویقویه . یاتار . سردار اویودینی زمانده تورك آرتق ئولمش دیمکدر ! ....

بر (مه ته) طاغینق تورکری طوبایه رق معظم بردولت تشکیل  
واورتا آسیایه حاکم اولمادی می؟ بر موقان خان، ایران، چین و شرق  
روما کی قرن اولک اوج بویوک ایمپراطورلنی قارشوسنده تورکله  
پک یوکسک بر موقع احراز ایتدیرمدیمی؟

سامانیلرک تحکمی آلتنده اویوشوب قالان ماوراءالنهر اقوامی  
۸۷۴ تاریخنده باشلرینه کچن (آلب تکین) کی شجیع بر سردارک  
دلالتیه اسارت زنجیرلرینی قیرمدیلر می؟ آلب تکینک دامادی سووک  
تکین و داها سوکره بونک اوغلی محمود غزنوی، تورکله آسیا  
تاریختک اک شانلی دورلرینی یاشامدیلر می؟

قیرغیزلر یایلاسلندن غربه کن ساچوقیلر؟ باشلرنده (طوغرول)  
و (آلب آرسلان) کی قهرمانلر بولنمه مش اولسیدی، اوخارقلری  
کوستره بیلیرلر میدی؟

خلیفه قائم بالله، عرب و عجم سلطانلغنه علامت اولق اوزره  
کندی آیله طوغرول بکک باشنه ایکی تاج، آرقه سنه؟ یدی اقالیم  
حکمدارلغنک نشانه سی اوله رق؟ یدی خلعت کیدر دیک وقت، بغداد  
جاده لرینی طولدیران تورکله، قیرغیز یایلالرنده طولاشان اویوشوق  
کوجبه لره هیچ بکزه میورلردی... چونکه رئیسلی باشقه بر فطرته  
باشقه بر خلقتده ایدی. چونکه، طوغرول بک، معیتده کی افرادک  
طبتلرنده مکنوز علوی سجه لرک انکشافی تأمین ایده جک وسیله لر  
حاضر لامش، او سجه لری انکشاف ایتدیرمشدی. طوغرول بکک  
خلفی (آلب آرسلان)، ملاز کرده شرقی روما ایمپراطورینک عظیم  
بر اردوینی فاروما ایدرکن تورکله کی شهامت فطریه آرتق لایقيله  
انکشاف ایتمشدی. ملکشاھک دور مسعودی ایسه تورکله حرکات

فكریه نك تجلیسنه میدان آچشدر . ملكشاه ، علم و عرفانه متحلی  
نجیب بر سپا اولدیغندن ، توركلر رئیسلینی بو مزیتده کورنجه ،  
بو دفعهده کشور عرفانك ضبطنه قویولمشلردی . ابن سینا ، فارابی ،  
بیرونیلر کی تورك داهیلرینك اطرافنده بیکلرجه نجوم عرفان پاریلدامغه  
باشلامشدی ...

فاتحك قومانداسی آلتنده کشورلر ضبط ایدن توركلر ، خانلی  
بایزید ثانی دورنده شیطان قوله مغلوب اوله جق ، شاه اسماعیلدن  
تیزیه چك برحاله ککشلردی . چونکه خاقانلری ، حنمی نسبده  
ضعف قلب ایله متصف بولنش ، راحت و عزلتی میدان حماسه ترجیح  
ایتمشدی . موقع ریاستده بولنان ذاتك اقتدارسزلنی ، استانبولی فتح  
ایدن توركلری ، عجملردن تیزیه چك ، شاه قولیلره مغلوب اوله جق  
قدر وضع بر موقعه ایندیرمشدی حالبوکه عینی توركلر ؛ برمدت  
صوکره ؛ سلیم اول کی برقهرمانك تحت اداره سنده ایران اردولرینی  
تارمار ایتمک ، ام دنیالری فتح ایلمک نامزد بولینیورلردی ...

توركك باشبوغی توركه بالیق ابتدکی مدتیجه اوندن مطلق براطاعت  
یکله یه بیلیردی . بناء علیه ، توركك اعتلای شرفی قدر ، انحطاطی  
مسئولیتی ده ، حکومتنه ، باشبوغنه متوجه ایدی . بونی تقدیر ایدن  
باشبوغلر ، تورکی یوکسلتیورلردی . ایکی عصر اول ( بیلکه خار )  
بونى تقدیر ایتمش و شو سطرلری یارمشدی :

« ملت بخش اولان تنکری ، تورك قومنك ناموشانی سیلنمه مک  
ایچون ، بنی قازان نصب ایتدی . مالدار بر قوم اوزرینه نصب  
اولندم . ایچنده ییه چکی ، طیشنده کییه چکی اولمایان فقیر و محروم  
بر قوم اوزرینه تعیین قیلندم . بن و برادریم کول تکین ، برلکده

بابا و عموجه من طرفدن تورک ملتنه قازانیلان آد و اون سیلنمسون دیبه رک سوزلشدک . تورک ملت ایچون کیجه ایوومدم . کوندوز راحت ایتمدم . ئولنجه یه قدر چالیشدم . جیپلاق قومه کییه جک ویردم . خلق فقیر ایدی ، زنکین ایتمدم . آزی چوق ایتمدم ، فضیلتلی اقوامی ، قاغانک حشمت و اعتبارینی آرتیردم . تنکرینک یاردیمی ایله بن چوق قازاندیقم کی ؛ تورک قومی ده چوق قازاندی ، [۱] .

اورخون کتابه لرنده تورک روحنی تشریح ایدن بو کی سوزلر پک چوقدر . تورک ، نام و شاتی یا شاته جق کزیده باشبوغلر ایستوردی . ملت دوشون کزیده باشبوغلرده ( ایل ) ک راحت و سعادتی یولنده هر فدا کارانه قاتلانیور ، کیجه ، کوندوز چالیشهرق فقیرملت زنکین ، بدبخت ایل مسعود ایدیوردی . بو سایه ده دولتک حشمتی آرندینی نسبتنده ملتکده رفاهی آرتیوردی . تتبعات تاریخیه کوستیریورکه تورکلر ، ممکن دکل ملی حکومتسز و ملی استقلالسز پاشایه مامشلردر . هر هانکی بر سبیل بر تورک دولتی منقرض اولنجه در حال معشری روح او یامش ، مقهور و پریشان فردلر ، ملتک عظمت آفله سندن ، اجدادک خاطرات شهامتندن آلدق لری الهی رشوقله برلشمش یکی بر حکومت قورمشلردر .

[۱] ایل بیرمکه تنکری تورک بودون آتی - کوسی یوق بولمازون تبین اوزومین اول تنکری قاغان اولورتدی . اربنج منک بیلسیغ بودونقه اولورمادیم . ایچره آشیسز ، تاشره تونسیز یایز . یابلاق بودونده اوزه اولوریم . انیم کول تکین برله سوزلشدیمز . ائانکیمز . آچیمز قارغایش بودون آتی کوس یوق بولمازون تبین . تورک بودون اوجون تون اودیمادیم . کونتور . اولورمادیم اربنج . آنچاقازیب بیر بودونینغ اوت سوب قیلمایم . من اوزیم قاغان اولورتوکهایر سایی یازمیش بودون اولویق یاداغین یالانکین یانا کلنی . . [ اورخون کتابه لرندن



تورکلر ، فطرتاً قناعتکار ، احوال عادیده سسکون برور بر  
 عنصر درر . فطرتلرنده کی شهامت خارقه نما ، مستعد فوران بر وولقانه  
 تشبیه ایدیله بیلیر . هر هانکی بر حادثه بو وولقانك فوراتی تشویق  
 ایدرسه ، رهگذارینه تصادف ایدن قطعه لری باشند باشه لاو  
 سیلابه لری استیلا ایدر . فردوسی به صهیفه لر طولوسی داستان حماسه  
 انشاد ایتدیرن تورك قهرمانلری ، تورانده نشر دینه قالدیشان  
 ایرانیلرك تحریکله دركه فارس اقلیمنه آتشلردی . توركلرك چینه  
 یورو ملرینك باشلیجه سببی ده مملکتلرنده حکم فرما اولان فضله  
 قوراقلق ویا شدتلی قیش کبی حادثات طبیعه ایدی . مدید بر قوراقلق ،  
 شدید بر قیش ، سوربلرك اعاشه نی کوچلشدیرنجه توركلر یاشادقلری  
 دائره دن خارجه چیقمنه ، اقلیمی معتدل ، اراضیسی منبت ، روتی  
 بول مملکتلره آقینلر یامغه باشلارلردی . تاریخك شهادتی ، داستانلرك  
 محتویاتی ، توركلرك طبعاً جنکاور اولدقلری مؤیدر . صیق بر نظام ،  
 اطاعتکار بر روح ایله باشبوغه فرط مربوطیت ، عسکرلرك روخنك  
 ایجاباتندن باشقه برشی دکلدر . تووکلرده ، باشبوغمنه ، ارتقای استحقات  
 و بهادرلک تأمین ایدیوردی . توركلر ، اصلته ده اهمیت مخصوصه  
 ویریرلردی . فقط ، بو اهمیت ، لیاقتله متناسبدی . کزیده بر باشبوغ  
 بهادرلنی ، شخصی اقدار و مزیتی ایله کندی او یامغه براقاق اویماق  
 داها علاوه ایدرلك قدرت و شوکتی آرتیرنجه ، تورك آره سندره  
 بویوك بر شهرت قازانیردی . بو سایه ده جمعیتی بویور ، بهادرلقه  
 اشتهار ایدن آدسزلر اطرافنه طولانیر ، بویوك محاربه لرده موفقیت  
 احراز ایتدیرلردی . دولت ، اکثریا مؤسسك ویا منسوب اولدینی  
 جمعیتك اسمنی آلیردی . بعضاده بولندقلری شهر ویا اراضیك نامنه

نسبت ایدیلوردی . حکومت تشکیلاندن باشقه محیط و طرز معیشتده تورکلره ، عسکرلک روحی تلقین ایدیوردی : پایانسز صحرائر ، ساده و طار بر معیشت ، بهادرلق سجهسنی تزیدایدیور ، حرب وجدالی حیاتک ضروریاتندن طانیتیوردی . تورک ، اوندی یایاغنده ئولمکی ذل صاییوردی . اک بوبوک شان و شرف ، حرب میدانلرنده اک چوق بهادرلق کوسترنلره ویریلیوردی : « کشی اوندی طوغاز . صوغش یرنده ئولور ! » سوزی تورک حسیاتی تشریح ایدن پک اسکی بر مثلد [۱] .

تورکلر ، ملی قهرمانلرینک نامی خاطرہ اخلافده یاشاتق ایچون دستانلر یاپار ، آبدیلر دیگر ، قبر طاشلرینه کتابلر حک ایدرلردی . بهادر برتورک ، محاربه لرده نه قدر دشمن ئولدورمش ایسه ، ئولدیکی وقت قبرینک اوستنه اوقدر طاش قونولور ، اوزرلرینه محاربه لرینی مصور کتابلر یازیلوردی [۲] .

تورکلرک عسکرلک سجهسندن بحث ایدن اسکی برچین مورخی شو سطرلری یازیور : « تورکلر ، آتہ بنمکده ، آت اوستنده انواع مهارت

[۱] تورک و تاتار تاریخی مؤلفی ، میلادک ۱۶۶۲ سنه سنده ( ساسانغ چه چن ) طرفندن یازیلان تورک و موغول تاریخنده ده بواسکی مثاک ضرب ایدیلش اولدیغنی سوبلیور . ساسانغ چه چن تاریخنک روسجه ترجمه سی ۱۸۲۹ تاریخنده پترسبورغده طبع و نشر اولمشدر .

[۲] الیوم قزاغستان و تورکستان ایلہ بنسبه ئی نہری اطرافنده و روسیه نک تورکلرله مسکون سائر اقسامنده بوبی قبرلردن پک چوق واردر . قبر طاشلرندن بعضیلری انسان شکلنده یونشولش ، بعضیلرینک اوزرلرینه ده هیه روغلیف واری شکللردن عبارت برطاقم اشکال یازیلش اولدیغنی کورولمکده در . روسیه ده ( آباقان ) و ( طوبا ) نہرلری جوارنده ، بواسکی تورک هنارلرله طولو اولان کنیش ساحیه ( قبرلر محراسی ) نامی ویریلشدر .

کوستر مکده بک اوسته درلر . اوق ، قالقان و قلیج استعمالنده امثاللری یوقدر . قلیج قایشلرینی تورلو زینتلرله تزین ایدر ، آرقه لرینه ده میر ذره کیررلر . تورک لرجه بر آدمک قیمت ذاتیه سی ، عسکرلکه استعدادی ، محاربه لرده کی جسارتی ایله تقدیر ایدیلیر . تورکر ، ییکتله بک چوق اعتبار و جنک میدانلرنده جان ویرمکه افتخار ایدرلر [۱] .

تورک عسکرلکی مجاور قوملری صوک درجه ییلدیرمشدی . میلادک ۴۵۷ تاریخنده ( ساسانیان ) تختنه جلوس ایدن ( فیروز Feroz ) ، تورکلرله حرب ایتک اوزره حاضرلغه باشلادیغی زمان ، ایران عسکرلری « بزی تورکلره قارشى حربه سوق ایتک ، اردونک محوینی ، ایران دیارینکده فلاکتی انتاج ایده جکدر . شاهز بزی تورکلرله حربه سوق ایده جکنه ، هبمزی تولدورسه داها آبی ایتش اولور ۱ » یولنده نظلم جال ایتش اولدقلری تاریخاً مضبوطدر [۲] .

تورکر ، بک اسکی دورلردنبری بینجیلکه اشتهار اینجشلردر . تورکک سامعه سنه اک زیاده خوش ومونس کلن سس ، چالاک ودلبر آتلیک کیشنه مسی ، ده میر سلاحلرک شاقیردامسی ایدی . تورک ، آتی ، جانی قدر سه وردی . سلاحی ایسه ؛ یانندن هیچ بر زمان آیرمدینی اک صادق بر رفیقی ایدی . مشاهیر ادبای هریدن ( ابو عثمان عمرو بن بحر الکفانی ) ، تورک قهرمانلرندن شویله بر لسانله بحث ایدیور : « تورک سواریلری چالاک بر سرعتله دشمن عسکرچی چوره رک اونلری تارومار وصاچ کبی بریشان و خاکسار ایدر .

[۱] تاریخ قوم تورک

[۲] تاریخ قوم تورک

تورك ، محاربه لرده باشقه حیوانلره باش و برمه یین مغرور آتی یانندن  
آیرمز . عینی زماننده سورینی اوتلادیر ، آتیه باقار ، سلاحی باپاره  
حیوانی نعللر ، جندیلک ده کی مهارتیه دنیایی حیرتله دوشورور .  
هر بر تورك ، صنایعه باشقه سنه محتاج اولیه جق قدر مکملدر . تورك  
عسکری ، قاجانی ، اوچانی طوتمق ایچون صاغه ، صوله قوشار .  
طاغلرک تپه سنه چیقار . وادیلرک دیبلرینی آلت اوست ایدر . تورك  
سوارینی ، کندینی آرسلان ، آتی جیلان ، دشمنی آو تلقی ایدر .  
تورك ، قورقز ، قورقوتور . کندینه هجوم ایدیلدکجه باشقه سنه هجوم  
ایتمز . عزم ایتمکی شیئی آله ایتمدکجه سکون بولمز . صوک درجه  
بورغون اولدقجه اویقویه طالمز . اویقوسی آغیردکلدر . دائماً قوشقولی  
برحاله اویور ، [۱] .

عباسیلر دورنده ضربه هجرت ایدن تورکلرک حماست فطریه لرینه  
مصور اولان شو سطرلرده عسکرلکک اک اساسلی سجه لری تمامیه  
کورولمکده در . رؤسای معتزله دن مشهور جاحظ ، تورکلرک متانت  
عسکریه لرینی ، حیرت انگیز حماستلرینی کوسترمک اوزره ، شاهده  
اولدینی بر وقعه یی شو صورتله نقل ایدیور : « خلیفه مأمونک  
محاربه لرندن برنده ایدی . کیدرکن یولک ابکی طرفنده برچوق آتیلر  
کوزدم . یولک صاغ جهننده تورك سواریلری ، صول طرفنده ده  
دیگر سواریلر دیزیلش ، مأمونک ورودینه انتظار ایدیورلردی .  
کونش سمت رأسه کلش ، آتشین حزمه لری . اورتالنی قاوورمغه  
باشلامشدی . خلیفه ، کلدی کجدی . متعاقباً تورك اولمیان سواریلردن  
اوچ دورت کیمسه دن ماعداسی آتلرندن اینه رک دینلمکک مجبور  
[۱] . شاهیرادبای عربدن (جامظ) ک ، (فضائل الترك) عنوانی کتابدن .

«اولدیله . حالبوکه تورک بولوکلرندن آنجق بر کشی آتدن اینش ، دیکرلری آتشین کونش قارشوسنده بيله متانت عسکر به لرینی محافظه ایتمشلردی !...» .

تورک احوال عادیله حلیم ، سلیم ، اطاعتکار بر انساندر . فقط حرب میدانلرنده ، ایش باشنده اصلا مأمول ایدیلرین بر چوق خارقلر کوستریر . تورک شارلاتانلق نه در بیلمز . مغرورانه آتوب طوتمقدن خوشلانمز . وظیفه سی ایضا ایدر . فقط ، یادیقی ایشدن منت بکله مکی ، کوستردیکی قهرمانلقه افتخار ایتکی خاطرینه بيله کتیرمز . ( حاظ ) تورکلرک بو مزیتلرینی تقدیرکار برسانله تصویر ایتمکده در : « بردفه بغداددن چیقیور ایدم . برچوق سواریلردن حرک بر جم غفیره راست کلدیم . سواریلرک حیوانلردن بریسی حاجش ، هبسی آللرنده کی کچیلانلرله تعقیبه قویولدقلری حالده بر تورلو طوتمغه موفق اوله مامشلردی . او صرده ضعیف و چلیمسز بر حیوانه را کباً اورادن کچن بر تورک ، حیوانسک زبونلقه برابر ، حاجان آتی ضبط ایدرک ، او برسوری سواریه تسلیم ایتدی . اولرک عطالرینه ، دعالرینه باقمسزین بر اقدی کیتدی . تورکک سیاسنده اصلا غرور و تفاخر علامتی کورولموردی ! » . تورک ، دشمنی مغلوب ایدنجه قدر بی امان بر ارسلان کی هجوم ایدر . دشمنی مغلوب واسیر ایتدکدن سوکرده اوکا قارشو اک عالیجبابانه معامله ده بولنور . دشمنی التغانلره ، اکراملره غرق ایدر . اقوام ماخذیه آره سنده حرب اسیرلرینه طفکارانه مامله ایدن تورکلردن باشقه هیچ برملت کوستریله مز . تورکلرکی بر حکومت عسکریه اولان آنوریلر ، مغلوبلرینه قارشو حوک درجه وحشیانه معامله ایدرلردی . اسیرلرک کوزلرینی اوپارلر ، یورون و قولقلرینی کسرلر ، دوداقلرینی قوپاریرلر ، صاچ و صقاللرینی

بولارلر، ان نهایتده یچاره لری دیری دیری قازینه اورور، نعلشربی ده حیوانات وحشیه به ترك ایدرلردی .

آتوری حکمدارلرینک اك بویوکلرندن اولان ( آتوربانال ) ، اجرا ایندیکی وحشتلرله افتخار ایدردی . حالبوکه آتوریلر قدر آثار مدنیه براقه مش اولان تورکلر ، اخلاقاً داهسا علوی و داهسا انسانی حرکتلریله شایان حرمت بر مام براقشیلردر : ماوراءالنهر محاربانه تورکلرک تحت اسارتنه دوشن شجعان عربدن مشهور ( ثمامه بن اشرس ) ، حیات اسارتی نقل ایدرکن شو فقره یی علاوه ایتمشدر : « تورکلرک الینه اسیر دوشدیکم وقت ، اکرام و لطفلرینه مظهر اولدم . اشیارینی بک مکمل بولدم ! » . آلپ آرسلان ده ( ملاز کرد ) محاربه سنده شرقی رومایمپراطورینی اسیرایتدیکی زمان، تورکه مخصوص اولان بو کسک سجیه نك پارلاق برمثانی کوسترمشدی [۱] .

[۱] آلپ آرسلانک مکارم اخلاقنه دلیل اولان روایات تاریخچه دندرکه ، ملاز کرده اسیر دوشن رومایمپراطوری ( رومانوس ) ی حضورینه کتیردکلی صروده « بن ابتدا صلحه طالب اولدیم حالد نه ایچون راضی اولیوب کندیکی بو فلا کته اوغراتمغه و بونجه قان دوکوله سنه سیبیت ویردک ؟ » دیر . ایمپراطور ، « طن و تعریضی براقکزا حقم ده تصیم ایتدیکی کز عفو بت مده شه بی اجرا ایدیکز که انتظار نتیجه ایله هر دقیقه ده تولوب دیر یله ییم ! » جوانی ویربر . پادشاه ، « عجایب ، حق کزده مدهش بر تصورم اولدینتی نصل بیله ییلور سکز ؟ دیمک که سز بی اسیر ایتمش اولسه کز ، کیم ییلور نه لر پا به جقدیکز ؟ » دینجه ایمپراطور سائقه نومیدی ایله « شبهه یوق ! » جوانی ویرمکن پادشاه حالجناب ، کندیسنی بحق دوچار جزا ایده چکی برده بالکس در حال قوللرنده کی ایلری جوزدوره رک والبسه فاخره بالا کسا کندی برینه او طور تهرق اقامه چون غایت مکمل وضوین برچادیر تعین ایتدیردیکندن هلو سجه جوانمردانه سندن طولای ایمپراطور محجوب و شرمسار اولش وحقی وطنه معاودتنده کوردیکی آثار مهمان نوازی بی هر که سویلش ایدی ..

[ مشاهیر اسلام . جلد : ۲ . صحیفه : ۵۷۴ ]

بر عرب مؤانی ، عباسیلر دورنده بغداده کلن تورکاری شوسطرلرله تصویر ایلشدرد : « تورکلر شدائده متحمل ، امور حربیه ده غایت مقتدر ، آتیه بینمک ، اوق آتقی ، سلاح قولالانق خصوصلرنده صوکه درجه ماهر ، ریاست و سیاست امورنده متبصر ، مشکلاته قارشی صوکه درجه صبور بر قوم در . کندی بکلرینه غایت مطیع ، بویوکلرینک امرینی اجراده پک سریع درلر » [۱] .

تورک حرب میدانلرنده بیله عادیلکه تنزل ایتمز . دشمنلرینه مردجه مقابله ایدر ، مغلوبله قارشی عالیجنابلق ابرازندن درین برزوق آلیر . ( ابراهیم بن عثمان بن محمد ابواسحق الغزی ) تورکارک بوسجیه لرینی تصویره تخصیص ایتدیکی بر قصیده سنده شوبله دییور : ( نعره لر ییلمک صوت و صیتی با صدیران قهرمان تورکار ، کوروشدکاری زمان ، ملکر کبی کوزل ، کوله شدکاری وقت ده عفریتلر کبی امان بر قوم درلر ) [۲] .

تورکارده کی مزایانک پرستشکاری اولان ( جاحظ ) ده افاده آتیه بیله بوشاعری تأیید ایتمکده در : « تورکار ، هرایشه بصیرتکار ، ذکا و فراستلری غالب ، معتقدات دینه لرینی مدافعه خصوصنده صوکه درجه فداکار بر ملت در . طبعاً حلیم و صبور درلر . سوزلرینه صادق ، یالان سویلمکدن محتب درلر . فقط ، حرب میدانلرنده ، حدت و غضب زماننده بر آتشپاره جلادت کسبلرلر ... » . تورک ، دشمنی

[۱] شمس الدین بن محمد بن ابراهیم

[۲] وثقیة من جیوش الترك ماترکت . للرعء کراتهم صوتاً ولا صیتا

قوم اذا قولولوا کانوا ملائکة . حسناً وان قولولوا کانوا عقارینا

[ ابن الاثیر : جلد ۱۰ . صحیفه : ۲۸۴ ]

مغلوب ایتدکدن سوکره مجسم بر حلم و شفقت حافی آلبر . اطاعت  
کوسترنلره سماحتله مقابله ایدر . هیچ کیمسه دن قورقز . فقط هر کسی  
قورقوتور . عزم ایتدیکی شیشی باشه جیقارمق ایچون ، اوصانمقسزین ،  
متادیآ اوغراشیر ، آلدن کلیه جک بر ایشه تشبث بیله ایتمز . فائده سز  
شیلرله اوغراشمی برذل عد ایدر . آتنگ اکرینی ، کنی ، زنکیسنی ،  
آلینگ سلاخی ، بلینگ باتاغاتی اعمال ایده بیلیمک ایچون ایجاب ایدن  
صنعتلری بیلیردی .

تورک ، یوردینی درین بر عشقله سهوردی . تورکستانک واسع  
اوولری ، پائانسز چوللاری ، قورو چایلری نظرندله ایران وچینگ  
دلشین چایرلرینه ، زنکین بلده لرینه مرجع ایدی . باشبوغلری تورکلره  
یوردلرینی سهومکی وصیت ایتمیشدی . اورخون کتابه لرندله اولو باشبوع  
« ای تورک ملتی ! اکر اول یره یعنی چینه کیدرسهک ثوله جکسک  
اوتوکن طوبراغنده اوطوروب ، کرانلر ، قافله لر ، کونده ریرسهک ،  
اوتوکن اورماننده قالیر ایسهک اوراده نه زنکینلک واحتشام ، نه ده  
انواع کدرو آلام بوقدر . ابدی برحکومتی بوراده محافظه ایده جکسک ! » [۱]  
یوانده نصیحتلر ایتمش ، وصیتلرده بولونمیشدی . قوتلی بردشمن ییلاق  
ویا قیشلاقلرینی اسنیلا ایدنجه تورکلر ، تورانک جوراق ، تنها وایسز  
یرلیرینه جکیلرلر ، کوزل یوردلرینسک یاد انتقامیله چوجوقلرینی  
بویوتیرلردی . چین وایرانک مهاجمه لرینه معروض قاله رقی یوردلرینی  
قائب ایدن تورکلرک ، هجرا چوللرده کی چادیرلرنده ، تورک قادینی ،  
[۱] اوله بیر کورو بارسار تورک بودون اولته جیسن ؟ اوتوکن بیراولو  
ربب آرقیش بیرکس ییساوندک بونک اوغ یوق اوتوکن بیس اولور سار  
بشککو ایل نونا اولور تاجیسن تورک بودون... [ اورخون کتابه لرندن ]



آغیللرک بوش قالدیغندن ، سوروولرک محو اولدیغندن ، ییلخیلرک  
 سوروولدیگندن ، تارلالرک بوزولدیغندن ، اوتلرک صاراردیغندن ،  
 قویونلرک قیریلدیغندن ، قییمزلرک دوکولدیگندن باحت نینیلرله اولادینه  
 انتقام روحی نفخ ایدر ، کنجلرک ضرور و حاسترلرینی تهییجه قویولوردی .  
 انتقام حسلریله بسله نن تورک کنجلری ، قهرمان بر باشبوغ ظهور  
 ایدر ایتمز ، اطرافنه طویلانیز ، اجنبیلری یوردلرندن چیقاریرلردی .  
 تورک ، کندی یوردنده اجنبی بویوندیرینی آلتنده یاشامغه تحمل  
 ایده مزدی . مأمون دورنده بر تورک شاعری قومنک بوروحنی شو  
 صورتله تصویر ایتمشدی : « تورکلر ، عجم ، عرب و روملرکی کندی  
 یوردلرنده محکوم برملت حالنده یاشاماشلردر . تورکلرک بو ، بویوک  
 فضل و رجحاتی ، ادب و عرفاندن نصیبه دار اولمه یین حسودلردن  
 باشقه هیچ بر فرد انکار ایده مز ! » [۱] .



[۱] الترمذی لم یملکوا فی دارملکهم . والفرس قد ملکوا والروم والرب  
 هذا لعمری فضل لیس یجده . الاحسوه عنید ماله ادب

## ملى توره دياسالار

هر قومك روحى او قومه مخصوص غننه وعادتلرده تجلى ايدر. ملتلك اعتيادانى ، غننانى روحلرينك ملوديدر . عصرديده و روح مى به اويغون اولان جانلى تعامللردركه ( عرف ) حالى آلدقدن سوكره قانون ، توره وياسا شكلنده قطعت كسب ايدرلر . بر قومك روحى سچه بيلمك ايچون ، او قومك ارثى غننه لرينه ، دواىلى عادتلرينه ، يرلشمش توره لرينه ، خلاصه جانلى ( صرف ) لرينه مراجعت ايتك ايجاب ايدر. اخلافه كنش واميتلى تعالى يوللارى آجه بيلمك ايچون ، روح اجدادى تحليل ، ( صرف مى ) يي تعيين ايتليدر . عصرلك يادكار ترسباني اولان مختلف لونلره رغماً ، هر دورده ياشايان فردلرده ، اجدادك معشرى سجه لرى ، جاعتلرده مى صرفلرى سجه بيلير . بر قومك بوتون افرادى صحنه حياتدن چكيمه دكجه او قومك روحى يشار ، ياشايان روح ايسه حاكم اولان عامل ديمكدر .

هر فرد كى ، هر قومده حياتده بر طاقم صفحه لر كچيرير . فقط ، شخصلرك اشكال خارجيه لرنده آزچوق تحولاته سبب اولان صفحات حياتيه اولنرك بىلكلرينى فصل ده كيشديره مزسه ، عصرلك مرورى ده قوملك روحلرينى تبديل ايدمه . بر قومك ماضيسى نه قدر اوزون

ایسه آندیسنده حاکم اولان روح ارئی ده اوقدر مؤثر ، اونسبتده قوتلی اولور . تاریخ تورکاره قرق بش عصرلق بر حیات ملی طانیقمده در . تورکار ، تاریخك قاراقلق دورلرنده بیله بر هیئت اجتماعیه حالنده یاشامش لر ، قرن اولك اوج معظم ایمراطورلقی (ایران- چین ، شرقی روما) ایله مناسبتده بولنشلردر . شو حالده تورکارك بك اساسلی عنعنه لری ، عصرلشمش عادتلی ، هربری بر احتیاجك مولودی اولان بر چوق توره لری تعبیر دیگرله ( ملی صرف ) لری اولدینی شبهه سزدر .

تورکارك ، بك اسکی دورلرده معظم حکومتلری ، اساسلی نظاملری اولدینی حالده بالآخره خارجی هجوملر ، داخلی اختلاللرایله حکومتك صارصیامش ، نظاملرك بوزولش اولدوغنی اونایکی عصر اول یاشان تورکار بر لسان تأثرله تصویر ایملشردر . اورخون جوارنده ( بیلکه خان ) نامنه رکز ایديلن آبدده کی شو : « اوغوز بکلی ، ملت ایشیدیکیز ! یوقاریده بولنان تاگری ازمیدیکی ، آشاغیده بولنان یر باطلاتمادینی حالده ، ای تورك ملتی حکومت و نظاملریکزی کیم عمو ایتدی ؟ ، طرزنده کی آجی تلهف [۱] ده کوستریبورکه بك اسکی زمانلرده تورکستانده قدرتلی حکومتلر ، اساسلی نظاملر وارکن بالآخره حکومتلر انقراضه ، نظاملر انحطاطه اوغرامش ، نهایت بیلکه خانك پدری ( ایل ترس قوتلوغ ) ، تورکلری برلشدیره رک قوتلی بر حکومت تأسیس واسکی یاسا و نظاملری احیا ایتک ایسته مش ،

[۱] اوغوز بکلی ، بو دون اسیدك ! اوزه تنکری یاساسار ، آسره

ییر تیلسمه ر . تورك بو دون ایلکن توروکین کم آرتانی ؟

( نومسن اورخون کتابلری )

(کول تکیین) و برادری (بیلهک خان) ده بواوغورده چالیشمشلر... اورخون کتابة لری، تورکلرده حکومت فکرینک نه قدراسکی اولدیغی کوستردیکی کبی حکومت نظام و یاسالرینک، تورک تورهلرینک منشائی ده تاریخک اعماق بی پایانه آتمقده در.

ملی دستان تورک توره و یاسالرک منشائی، تاریخک دائرة اطلاعی ماوراسنه قدر چیقارمقده، (توتوک) ی، (اوغوز) ی، (ایرقل آنا) بی ملی توره و یاسالرک واضی اوله رق طانیقمده در. بوتون بونلر تورکلرده معشری حیاتک بک ایرکن باشلامش، حکومت فکرینک بک ایرکن طوغمش اولدیغی آ کلامقده در. ملی دستانک مبهم بر صورتده یاشاته بیلمش اولدیغی بو حقیقت چین وقایعنامه لرله تاریخی بر ماهیت اکتساب ایتمکده در. چینلیرک قویونلو، تویو و اوینور حکومتلرینک حیات وتشکیلاتلرینه دائر ویردکاری معلومات، بو اعتبارله فوق العاده حائر اهمیتدر:

ایلك تورک دولتی اولان قویونلی متحده سنک تشکلندن اول، تورکلرده اجتماعی طائفه نك (سمیه) حالنده بولندیغی کوریوزور. مهته یعنی اوغوز خان، متفرق اولوسلری، بویلری برلشدیره رک (تورک ایلی) نی تشکیل ایتدکن صوکره، اجتماعی طائفه تکامل ایتمش، سمیه یرینه قان قرابتی اساسنه مستند طائفه قائم اولمشدر. طائفه ده بابا طایفه آنانک ولایتلری مشترکدی. بناء علیه، طائفه نك (خاتون) ی اوله رق بالکیز بر قادین بولنوردی. ارکک نکاح انساننده (قالون) حیفیلان مهر معجلی ویرمه مجبور ایدی. دور استیلاده ارککلر یردن زیاده قادین آلشلسده اسکی توره قوتی فایب ایتمه مش، ایلك زوجه طائفه ولایتده مشترک خاتون اوله رق قالمش، دیگر قادینلر

(قوما) اعتبارایدیلشدی [۱]. بونك ایچوندرکه قومادن اولان چوجوغه حکمدارلق حققی ویرمیوردی. تورکلرده ایلک دوات، قویونلو متحده سیدر. اولوسلرک برلشمه سیله وجوده کلن بو ایلک متحده (ایل) در. (ایل) ی تشکیل ایدن عشیرتلك برر بوی بکی بولونمقله برابر، متحده نك عمومی ولایتی قورولتایله حکومتده تجلی ایدردی. وطنداشلق حقوقنه یالکنز (ایل) دن اولانلر مالک اولورلر. دی. اوردولرک باشنده لیاقت وسجایاسیله تمیز ایتیش بر (تکین)، بونك پانندهده تجربه لی جنکاورلردن بر قوماندا هیئت بولنوردی. واسع ایمپراطورلنك اداره سی ایچون شرق و غرب تکین لرندن باشقه یکریمی ایکی بویوک مأموریت واردی. بویوک مأمورلر ایچون (توکی)، (قولی)، (بویوک تارخان)، (تاتو) (بویوک یابغو) و (قوتلو) کبی منصبلر ویریلوردی. بو منصبلره صوکره لری (تودون)، (چور) و (شاد) رتبه و عنوانلری ده علاوه اولنمشدی. بوتون بومأمورلرک صورت حرکتلری، تشریفات قاعده لری معیندی. هیچ کیمسه معین توره و نظاملردن خارجه چیقامازدی. طبیعی بونظاملر یازیلش و برطاقم فصللره آیریلش مواد قانونیه شکلنده دکلدیلر. بلکه (وجدان ملی) نك (کوزل) ویا (چیرکین) کورمسی اوزرینه تأسس

[۱] چین وقایعنامه لری شویله بر وقعه قید ایدیورلر: چینی ضبط ایدرهك (هان) دینلن ایمپراطورلغنی تأسیس ایدن قویونلو تورکلری تانزولرندن (لیه ئوتسونغ)، اوچ زوجه آلمش برینی باش خاتون، دیگر ایکیسینی ده صول و صاغ طرف خانولری اعلان ایتمشدی. فقط، وکلاسیله قویونلو تورکلری اصراسی بونك آتالر توره سنه مخالف اولدیغنی و بردن باشقه (خاتون) اوله میه چغنی ادعاسنی ایلری سوردهك تانزولنك بو قرارینی فسخ ایتدیرمشلردر.

ایتمش (صرف) لردن عبارت ایدیلر . ملی صرف و عادتلر ، ارثی تورهلر ، معشری یاسالر، تورک جمعیتلرینک انتظامی تأمین ایدن احکام اساسیه یی تشکیل ایدیورلردی .

تورک تشکیلات اجتماعیه سنه کوره توره ویاسالر (آق صقاللر) دن منشکل قورولتای ده تقرر و تثبیت اولنور ، قوه اجرائیه رئیس اولان . تائزولر ، خاقانلر ، باشبوغلر ؛ بو (یاسا) و (توره) به توفیقاً اجرای حکومت ایدرلردی . قانون ویاسالرده اساس صرف ملی ایدی . وجدان ملی نك اُبی کوردیکی شی (معروف) ، کوتی کوردیکی شیده (منکر) صاییلیر ، حکومت ده معروفی امر و منکری نهی ایله مکلف بولنوردی . امر ونهی تأیید ایچون ده عدالت اوزرینه مؤسس برطاقم یاسالر واردی . یاسالرك مجازاته متعلق اولانلری (مقابله بامثل) اساسنه مستند ایدی :

قصاص ده حیات اولدینی حقیقی تورکلرك ازللی بر قانونی ایدی : قاتللر اعدام اولنوردی . بر آدمی حقسز بره دوکن ویا جرح ایدن کیمسه ، عینی سورتله جزا کوروردی . خرسزلق ایدنلر ، جالدقلری شینک اون منلی ویرمهک محکوم اولورلردی . تورکلر ، اک اسکی دورلرنبری فحشیاتدن صوک درجه متفر ایدیلر . حقوق زوجیت ، نظرلرنده پک مقدس ، پک عالی ایدی . قوجه لی قادینلره تعرض ایدنلری تورک تورهمی اعدام جزاسنه محکوم ایدردی . برکنج قیزی اغفال ایدن کیمسه ، هم ضمان بکر ویریر ، هم ده اوقیزی زوجه لکه آلمغه مجبور اولوردی . تورکلرده عائله و جمعیت تشکیلاتی پک مکمل ایدی . هر عائله بر (آق صقال) ، هر اویماق بر (شاد) اداره سننده بولنوردی . بر باپادن تشعب ایدن اویماقلر (تیره) نامی آلیرلردی .

هر تیره نك باشنده ده بر ( بار ) بولنوردی . جدلری مشترک اولان  
تیره لره ( آناز ) دینیلیدی . هر آناز ، بر ( خان ) ، خانلرده عمومی  
باشبوغه تابع اولورلیدی .

اوغوزخان توره سنه نظراً ، یاسایه اطاعتسزلك کوسترمك شدتله  
مجازاتی مستلزم چیرکین بر حرکت ایدی . باشبوغه عصیان ایدن ،  
حرب میدانندن قاچان ، اعدام جزاسی کوروردی . وفات ایدن پدرک  
اموال و املاکی اولادلری آره سنده مساوات اوزره تقسیم ایدیلزیدی :  
آنا یوردی ایله اراضی الک کوچوک چوجوغه ویریلیدی . اموال  
منقوله و حیواناتده بویوک برادرلره قالیدی . الک قوتلی و جسارتلی  
اولانلر ، آتلی ، سلاحلی بولوشور ، جیلز و قدرتسز بولونلرده  
سورولری تقسیم ایدرلیدی . الک کوچوک قارداش ( تکین ) نامی  
آلیر ، بابا یوردینی شنلندیریدی . بویوک قارداشده خانه انقساب  
ایدیدی . اورنانجه قارداش ایسه ، سلاحی آلیر ، آتیه بینه ، قسمت  
آرامق اوزره باشقه دیارلره کیدر ، نفسنه اعتماد سایه سنده حیات  
واستقبالی قورتایریدی .

دولته ویریله جک ویرکی بر ( توره ) به تابع اولدینی کی ،  
محاربه لرده اعتنام اولنان اموالک تقسیمده برقاعده به مربوط بولنوردی .  
آلش ویریش سندلری ، اسکی تورک یازیسیله برطاقم لوحه لره یازیلیر ،  
بر سلاح رسمی حاوی مهرلده تأیید اولنوردی . صوکره لری بو  
نوع سندلر ( اویغور ) خطیله یازیلغه باشلامشدر [۱] . ( توکیو )  
حکومتی زماننده آلتای طرفلرنده سیاحت ایدن بر چین مورخی  
تورک لردن بحث ایدرکن : « بونلرک بر نوع یازیلری واردر . سند  
[۱] اویغورلر دیگر تورکلرده کاتبک و طیفه سی کورورلیدی .

وثیقه لرینده مهر باصیورلر . بر شی حقنده حکم ویرمک ایچونده عرف وعادته مراجعت ایدیورلر . دیور [۱] .

آزدا واجده ( کفو ) مسئله سنه پک زیاده رعایت ایدیلردی . عنعنات ملییه حرمتکار اولان تورکلر آره سنده ؛ بو کونده ؛ کفو مسئله سنه بویوک بر اهمیت ویریلکده در . مع مافیہ ، بر قیز ، کندینه کفو اولان بریکیتی بکنه رک اوکا واریرسه ، قیزک آنا و باباسی ممانعت ایده مزدی .

تزین رجال ایچون عیب کورولدیکندن ارککلر اصلا زینت قوللانمزلردی . فقط ، تورک قادینلری سوسله نیلردی . مائله اواجنده ( خاتون ) محترم و بویوک بر موقعه مالک ایدی . قادینک ، اؤک اداره و تنظیمندن باشقه داها بر چوق و طیفه سی واردی . محاربه لرده مجروح دوشن یکتیلرک یاره لرینی صارمق ، خسته لقلرینه باقمق ، قادینلرک باشلیجه وظائفندن معدود ایدی . تورک قادینلری ، اکثریا زوج و اولادلریله برابر ، فعلاً حربده اشتراک ایدرلردی . تورک توره سی ، قادینلرک خانلق و حکمدارلق ایتملرینه مانع دکلدی . قبل الاسلام ( آلا نقو ) اوینور ملکسی ( توراکینا ) کی بر چوق قادین ( حاکمه ) لر کلش اولدینی کی بعدالاسلامده حکومتده مهم وظیفه لر کورن برچوق تورک قادینلری اشتهار ایلمشدر [۲] . چین مورخلری ده پک اسکی زمانلرده بیله تورکلرجه قادینلرک محترم طوتولدقلرینی ، هرکس دن حرمت و رعایت کوردکلرینی قیدایتمشلردر .

[۱] تورک و تاتار تاریخی

[۲] فی الحقیقه ، قره خطای سلطانلرندن قطب الدین محمد کرمه سی ( پادشاه خاتون ) ، کمال عدالتله کرمانده دووت سنه حکمدارلق ایتمشدی .



( خرم آباد ) ده حکمران اولان اتابکان خورشیدیهدن (عزالدین بن محمد) ک زوجهسی ( دولت خاتون ) ، زوجنک وفاتی متعاقب اجرای حکومتهاشلامش ، موغول استیلاسنه قدر سلطنت سورمشدی .  
مصرده حکمران اولان تورک سلطانلردن ( ملک اشرف شعبان بن حسین ) ک کریمهسی و ( قاسم بشتکین ) ک زوجهسی ( خدیجه ) ، عقل ودرایتیله مصرحکومتی اوزرنده پک بویوک برنفوذ قازانمشدی .  
تورکمن زادکانندن ( حسین بن اویس ) ک کریمهسی ومصرملوکنندن ( ملک ظاهر برقوق ) ک مطلقهسی اولان ( تندو خاتون ) ، هجرتک ۸۱۹ نجی سنهسنده عراقده فرمان فرما اولمش ، الکمتین ارککلری شاشیرده جق غوائل وصدماآت آره سندن سفینه دولتی قورتارمش ،  
نامنه خطبه اوقوتمش ، سکه کسديرمش ، ۸۲۲ تاریخنه قدر سلطنت سورمشدی .

دولت غوریه حکمدارانندن ( شمس الدین ایلتمش محمدسلطان ) ک کریمه لرنندن ( تورکان خاتون ) ایله ( سلطان رضیه ) ، یکدیگرلرینی متعاقب کابل وغزنهده اجرای حکومت ایلمشلردی . ( امیرچوبان ) ک قیزی ( بغداد خاتون ) ، سلطان ابوسعیدک دور سلطنتنده ، عقل وکیاستیله امور ادارهینی باشلی باشنه تدویر ایتمش ، حتی ( خنکار ) عنوانی آلمشدی .

هندستان سلطانلردن ، شاه اکبر وشاهجهانک زوجهلری - که هر ایکسیده تورک ایدی - رأی صائبیریله هندسلطنتی اعلاایلمشلردی .  
بونلردن باشقه : علم وعرفان ساحهسنده اولدینی کبی اداره حکومت خصوصندهده بویوک برنام قزانمش داهابرچوق تورک خانملری تعداد اولنه بیلیر .

ملت افرادندن شجاعی ، قهرمانلی ، حمیت و فداکارلی ، دوشمنلری ، درایت و وقوفی ایله اشتهارایدنلر ( آغا ) اولور ، آق صقاللر صره سنه کچرلریدی . آق صقاللر ، مطلق صورتده صاچی صقالی آزارمیش اختیارلر دیمک دکلدی . درایت و اقتدارلری ، حسن خدمت و فداکارلقلری ایله تمیز ایدن ، توجه عمومی قازانانلر آق صقاللردن اوله بیلیرلیدی . تورک ، آق صقاللره صوک درجه حرمت ایدرلیدی . ( ایل ) ایچنده سوزی نافذ ، شخصی محترم اولان آق صقاللر ، دولتک هیئت مشاوره سنی تشکیل ایدرلیدی . ارکان حکومت ، باشبوغ ایله هیئت استشاره بی تشکیل ایدن آق صقاللردن مرکبیدی [۱] .

تورکده بویوکنه قارشی صوکدرجه اطاعتکار بر روح واردر . چونکه تورک بویوکنی آنا تلی ایدر ، باشبوغنه بابا خطابنده بولنور . آق صقاللر ایسه باشبوغله ( ایل ) و ( بودون ) یعنی ملت آره سنده کی صمیمیت متقابله مک ادامه و تزئیدینه چالیشیرلیدی . باشبوغلر ، جسور و حقیقی برر عسکر ، اصول حربه آشنا برر قوماندان ایدیلر . عسکرلکه عاند یاسالر فایته جیتی ایدی . تکین لر ، داها چوجوق ایکن اسلحه استعمالنه آلیشیرلر ، آقینلره اشتراک ایدرلیدی . بودون ایچنده آلی سلاح طوته بیلن هر یکیت عسکریدی . باشبوغ ، دائما عسکرلریله برلکده بولنور ، عسکرینک ییدیکنی بر ، کیدیکنی کیر ، یاتدینی یرده یاتار اک مشقتلی سفرلره ، اک تهلیکلی موقعلره عسکریه برابر کیریدی . چوللردن ، قارلی داغلردن آشارکن اوکده بولنور ، جنگ میدانلرنده هر کسدن اول حربه آتیلیدی .

[۱] مشهور ( مارقوپولو ) اسکی تورک تشکیلاتی عیناقبول ایتمش اولان جنگیز زماننده آق صقاللردن اون ایکی بکک ملکی ایشلره و اون ایکی بککده عسکری ایشلره نظارت ایتدکلرینی سوبیلور .

باشبوغلر ، آق صقاللر ، اوزون تجربه لرسایه سنده سوقالجیشده بویوک مهارت کوستیرلرلر دی . بغدادک بویوک شاعری (جاحظ) ؛ عباسیلر دورنده غربه هجرت ایدن تورکلرک مزایای شخصییه وحیات اجتماعیله رینه دائر اجرا ایتدیکی تدقیقاتدن ملهم اوله رق (فضائل الترك) عنوانی آلتنده تألیف ایتدیکی قیمتدار کتابده بونجیب قومک سجا یاسنی درین بروقوفله تحلیل ایدرکن شو سطرلری یازیور : « تورکلر ، تبصصی ، ریاکارلی ، منافقلی ، غیبتی ، خفیه لکی بیلمزلر . بویوک وشایان حرمت ذواته رعایتده قصور ایتزلر . وطنلرینه صوک درجه محبت ایدرلر . اک چوق ذوق آلدقلمی شی ، اقوام و ممالکله غالب و حاکم اولمقدور . تورکلرک قادینلری ده ارککلری کبی در . اولرده ارککلرینک بوتون مزیتلرینه مالکدرلر ! » .

تورکلرک فطرتنده اک زیاده اساسکی اولان سجه ، حاکمیت در . تورک حاکم باشادینی مدتجه ، شانلر ، حاستلر کوسترمشدر . محکوم تورک ازیلیز و بلکده اقراضه سوروکله نیر . تورکلر عینی فلاکتلی عاقبتده آره لرینه صوقولان یانچیلرک امور دولتی آلرینه آلدقلمی زمانلرده ده اوغرا مشلر در : قویونلور زماننده مختص واقبالو بعضی چینیلرک تورک اولکسنه التجا ایده رک برر صورتله تانزولره تقرب و امور دولته تغلب ایتک صورتیه تورکلری معناً محکوم موقعنه دوشورملری نهایت بومعظم دولتک اقراضی انتاج ایلشدر . ساجوق و عثمانلی دولترینک صفحات انحطاطلرنده ده سرایه حاکم اولان یانچیلرک بویوک بر حصه مسئولیتلری اولدینی شه سزدر .

تورکارده نسل قرابتدن باشقه برده قان قارداشلی واری [۱].  
حتی قان قارداشلی نسل قارداشلغندن داها مهم طوتولوردی. ایکی  
قان قارداش مختلف ایکی قبیله به باشبوع اولسه لر مدت حیاتلرنده  
آره لرنده کی اخوت و صمیمیتی محافظه ایدرلر ، بربرلینه قارشلی اصلاً  
دشمنلیق کوسترمزلردی . حالبوکه اصل قارداشلر آره سنده حرب  
وجدال و قوعی پک چوقدی .

تورکستاندن چیه رق اطرافه طاغیلان تورک عشیرتلی طرفندن  
کوستریلن خارقه لک سزینی تورکلرک سجیه لرنده آرامق اقتضا ایدر.  
ماوراءالنهر دن اطرافه طاشان تورکلرک قانلری بوزوله مش ،  
سجیه لری پیرانمه مش ایدی . وجودلری دینچ ، کوزلری کسکین ،  
دماغلری صاعلام ایدی . ییلقینلیق نه در بیامزلردی . تورانک تمیز  
هوایی ، صاف محیطی ، یوکسک اخلاقی ، تورکک روحی اعلا  
ایتمشدی . جنکاوردک غروری تورکاری سفلیات اخلاقی دن  
اوزاقلادیر ییوردی . تورک ، آتی ، سلاخی ، وقاریسندن عبارت  
اولان موجودیتی ایله عصرلردنبری کنیش بایللرده دولاشمش ،  
براق سمانک تلقین ایتدیکی مزامیر لاهوتی بی دیکله مش ، پاپانمز

[۱] ایکی تورک بر اویماق وحتی بر اولوس دن اولدقلری حالده بربری  
تقدیر ایده رک ( آند ) طریقه قارداش اولورلردی . شویله که : بر طاقم  
شاهدلر اوکنده قوللرندن بر دامار یاره رق قانلری بر فنجان ایچنه آقیدیر  
وبونی سود ویا قیمیزه قاریشیدیره رق هر بریسی او مخلوطک یاریسی ایچر ،  
ایکپسی ده ( آندا ) اولورلردی . هر اسم مخصوصه ایله اجرا اولنان شوخال ،  
هر ایکپسی طبیعی قارداش ایدردی . بولر ، قبیله لری ، اقربالری آره سنده  
سائر اولاددن فرقی اولمز ، عینی امتیاز و حقوقه مظهر اولورلردی . لسانزده  
قسم مناسنه اوله رق قوللاندیغز ( آند ایچمک ) تعبیری بو عادت قدیمه نلک  
پس - زنده بر خاطره سیدر .

جوللرک ، یوکسک طاغلرک الهاماتیله فکرآ بر نجات قزانمشدی .  
قوی ، کنج و جنکاور اولان تورک ، احتیاجات عیدیه آلتنده جسماً ،  
روحاً یرانمه مشدی . قیصراغنک سودینی قیمیز یابار ، سلاخنک  
خربه سیله حیاتی مدافعه ایدر ، حرمنک صمیمی تبسملرندن یاشامق  
قوتی آلردی .

ایصسز و سس سز کیجهلرک شفاف وییلدیزلی سهاو، آلتنده  
بی پایان اووه لرده ، یشیل یاما جلرده اوتلایان سورولرینک مهله یشلری ،  
تورکک روحنه درین برصمیمیت تلقین ایدردی . تورکلرک اک اساسلی  
سجهلرندن بریسی ( نفسه اعتماد ) مزیتی ایدی . تورک کنجی حیاته  
آتیلدقدن صوکره ، یالکز کندی نفسه کووه نیر ، هرفیضی ، هر  
شانی کندی غیرت و شهامتده آراردی . میراث حقنده کی توره ،  
تورک کنجلرنده بوسجه بی پک کوزل تمیه ایدیوردی . توره موجبجه  
میراندن محروم قالان یکینلر ، قسمت آرامق اوزره باشقیرلره کیدر ،  
مجادله حیات محنه سنه آتیلرلردی . ویا برباشبوغه انقسابله خارقلر  
کوستیرر ، بلدهلر فتح ایدر ، نفسه اعتماد سایه سنده حیات واستقباللرینی  
تأمیننه موفق اولورلردی . عزم و اراده لری ، شجاعتلریله تاریخده  
ابد نمون برنام قازانان ( آدسز تورکلر ) ، بابا میراندن محروم قالان  
یوکبی طالعجو جنکاورلر آره سنده یتشمشلردر .

## ماضيدنه آتی به کیمیرکون ....

حیات مللده الکیمیرانلی آنلر ، انقلاب دوره لریدر . بو آنلرده فردی و معشری تهیجات صوکه حده واصل اولور . علی العاده زمانلرده بیله حاکمیت اعتباریله بک آز مؤثر اولان منطق عقلی ، انقلاب دورلرنده بوس بوتون عاملل قایلر وبالضروره فردلر منطق حسی ایله حرکت ایدرلر .

فردلرک ، مللرک حیاتلرنی تعیین و تقرر ایدن حسی و معشری عوامل ، بر حیاتدن باشقه بر حیاته انتقال ایدیلدیکی ، ماضیدن آتی به کیمیلدیکی آنلرده نقطه غلیانه واصل اولور . بونک ایچوندرکه انقلاب زمانلری ، حیات مللک الکحاد دورلریدر . انقلاب زمانلرنده فردلر ، ماهیتلری وهلتاً غیرقابل ایضاح برطاقم سری قوتلرک زبون واسیری اولور ، غیر ارادی تجلیات اظهار ایدرلر . بوسری قوتلرک الکمهی واک قدرتلیسی معشری و وحادر .

چونکه فردلر ، انقلاب دورلرنده علی العاده زمانلرده اولدیکی کبی انفرادی شخصیتلر حالنده دکلردر . انقلاب تهیجانی ، فردلری حال انفراددن چیقارمش ، جهوری و معشری بر مخلوق دیگر حالنه کتیرمشدر . انقلاب زماننک معشری انسانلرنده کی حالت ذهنیه ،

منفرد بولندقلری زمانلرده کی حالت ذهنیه دن بوس بوتون فرقلیدر . معشری انسانلر ، فردی انسانلر کی منطق عقلی نك دکل ، اوندن بوس بوتون فرقلی اولان معشری منطقك تحت تأثیرنده حرکت ایدرلر . اخلاق و حیات اجتماعی بی اداره ایدن معشری منطقك عناصر ترکیبیه سی سـجایای ملیه در . بونك ایچوندركه انقلاب دورلرینك معشری فردلری ، حس نقطه نظرندن ، علی العاده زمانلرك انفرادی فردلرینه تفوق ایدرلر .

انقلاب ، انفرادی فردلری یوغورور ، برقالبه دوکر ، معشری فردحاله افراغ ایدر . منطق عقلیسی قوتلی اولان انسانلره ، بالکزر حسابله حرکت ایدن انسانلر ، طویغو ، مفکوره اعتباریله برابر اولورلر . خلق تحسینات اعتباریله یوکسه لیر . فکر یا نتیجه یوکسك اولانلرده حسیات اعتباریله خلقك سویه سنه اینر واونلره قاریشیر . فردلرك بو تخمر و استحاله سی تمامیه غیر شعوری و غیر ارادیدر . سری قوتلر تحت تأثیرنده وقوعه بولمقده در . بوسری قوتلرك منشائی ، روح ملیدر ، سـجایای قومیه در .

روح ملی سایه سنده درکه بعض مستتتا زمانلرده ، برملتک بوتون فردلری عینی طویغورلره متحسس اولور ، عینی صورته دوشونور ، فداکارلق خصوصنده بربرلیله عادتاً ماسابقه ایدرلر . ازمیر و استانبول اشغالی متعاقب ، آناطولی ده ظهور ایدن خارقه ، ماضینك الک قاراکلق زمانلرندن ، قویونلو تورک لری نك ادوار حاکمیتدنبری کیتدجه داها زیاده قوتلنمش اولان روح اجدادك محصول فورانی اولدیفنده شبه یوقدر . فقط روح ملی نك فردلری تخمیر ایده بیلمه سی ایچون ، اونلرك فسد و تفسخ ایتمه مش اولملری ایجاب ایدر . بونی تأمین ایدن

شده ملی سجه لردر . سجاپای ملیه ایله متصف اولان فردلر ، روح اجدادك فورانی قارشوسنده برر اندوكسیون بوبینی ماهیتنددر . روح اجداد فوران ایدر ایتمز ، بو بوینلردهده بر جریان الکتریقی باشلار و تخمر وقوعه کلیر . حرب عمومی کبی تخریبکار بر آفتدن مغلوب ، معنأ و مادتا بریشان برحاله جیقان تورکلرك ازمیراشغالندن صوکره یکی بر حیایت ، یکی بر روح ایله بوتون دنیایه قارشو حیات واستقلال مجاهده سنه قیام ایتملری ، روح اجدادینك ، ملی سجه لرك قدرت مکنونه لری سایه سنده ممکن اوله بیلیمشدر .

آقره قابولینه قدر صوقولان دشمنك ، الهی برحله ، طی مسافه ایدر بر سرعت ایله آق دكزه دوکوله سیله نه عظیم بر قدرت اولدیقنی هر نظرده تجلی ایندیرن روح ملی دركه انقلاب زمانلرندهده فردلره حاکم اولور . بناء علیه ، ماضیدن آتی به انتقال ایدرکن ملی سجه لری نظر اعتباره آلمق ایجاب ایدر . شو حالده ، انقلاب دورینك معشری فردلرینی علی العاده دورلرك انفرادی فردلرندن آیران خصوصیتلری آراشدیرمق بر ضرورت مبرمه در . معشری فردلرده انفرادی معافله و محاکمه یوق کییدر . بو فردلر ، همان تمامیه سرایت ذهنیه نك اسیریدر . بناء علیه ، هر طویدقلری شیلره ؛ تحقیق ممکن اولسون اولسون ؛ بلاحا که اینانیرلر . هر نوع تلقینی قبوله صوكره درجه مساعد بولئورلر . ایشته بونك ایچوندركه طویغولری هم شدید ، همده متحول اولور . قولایچه محبتدن نفرت ، پرستش دن بفضه بکه بیلیرلر . دون تقدیرلره کوکه چیقاردقلرینی ، یکی تلقینلر و سرایت ذهنیه ایله ابرتسی کون تلمین ایتمکدن چکینمزلر . معشری فردلرده خودکاملق موقعنی تمامیه دیگراکاملغه ترك ایدر .



معشری فردار ، کندیلرینی دکل منافع عمومیه یی دوشونورلر . بونک ایچوندرکه بلا تردد کندیلرینی آتشه آتار ، حیرت انکیزه قهرمانلقلر کوستیرلر . بینه بونک ایچوندرکه معشرلرده حس شکران پک ضعیفدر . معشری انسانلر ، هرکسک عمومک نفعنه اک بویوک فدا کارلقلرده بولنمسی طبعی بروظیفه عد ایدرلر . بناء علیه ، بوکبی فدا کارلقلرده بولنلرله قارشى برحس شکران بسله مزلر . اونلری آنجق کندیلرینه دوشن وظیفه یی ایضا ایتش عد ایدرلر . فقط ، عمومک ضررینه کورولن اک کوچوک برحرکتی ، حتی لاقیدی یی اک شدید برخصومتله قارشولارلر . چوق کره ، جزالر جرمة نسبتله قات قات آغیراولور . معشری فردار ، امیدله یاشارلر و دائماً یکیین اولورلر . مفکوره لری حقنده کندیلرنده بدینلک باشلادینی آنده ، اونلر آرتق اجتماعی و معشری فردلکدن چیقمشلردیمکدر . معشری فردلرده حساسیت صوک درجه یی بولش اولدیغندن انفعاللری ده او نسبتده کسکین وشدیددر . روحلری بر بورادن ، دیکر بر بورایه صحنه اولور ، تحسسانک جریان وانکشافلری هر دم متحول بورالرشکلنده تجلیسی محیطی نا کهظهور قاصیرغهره معروض برافیر .

ملی روح ، دیل و دین برلکنک مولودیدر : دین و دیل برلکی ، فردلری عینی طویغولرله برلشدیریر ، مشترک طویغولرک مشترک طرز افاده سی ایسه فردلری بربرلینه سودیرر و قایناتیر . دین برلکی ، تحسسانک عینی بر قایناقدن نبعانی دیمک اولدیغندن ، امللری ، احتراصلری متفاوت حتی متضاد اولان فردلر معین اعتقادلر ، معین اخلاقی قاعده لر ، حتی معین صناعتلر ایله غیر شعوری و غیر ارادی بر حالده یکدیگرلر ایله برلشیرلر . دیل برلکی ایسه مشترک تحسسلرک ،

مشرتک طوبغولرک عینی طرزده ویک آهنگ بر صورتده تعاطیسنی  
تأمین ایدهرک بو وحدتی صارصیلمز بر حاله کتیریر .

بوندن آکلاشیلیرکه ، بر قومک تاریخی ماضیه طوغری نه  
قدر چوق اوزانمش بولنورسه او ملت فردلرینه حاکم اولان روح  
اجدادی ، روح ملی ده اوقدر شدید وقوتلی اولور . بوکجه تاریخی  
قوملر ، حیاتلرینک صفحات متعاقبه لرنده دائماً معین تشکیلات ، معین  
قواعد اخلاقیه ومعین اعتقادات ایله تمایز ایدرلر . اومعین تشکیلات  
تعديل واصلاح ایدیله بیلیر ، تکامل . ایتدیریلیر . او معین قواعد  
اخلاقیه ، داها عصری بر صورتده انکشافه مظهر اوله بیلیر .  
اعتقادات معینه ، خرافی ترسباتدن تصفیه ایدیله بیلیر . فقط ، بوتون  
بونلر بر حمله ایله کوکندن ممکن دکل سوکوله مز ویرلرینه بونلرک  
غیری شیلر اقامه اولنه مز . چونکه عصرلشمش کوکلیری یالکیز  
فردلرک دکل ، بوتون بر قومک مشترک قلبنده یرلشمشدر . بناء علیه  
قومک بوتون فردلری منعدم اولدقجه بو ملی روح یشار وحا کیتفی  
اجرا ایدر . دیمک که تاریخی قوملره هیچ روقت ، یابانچی برمدنیق ،  
شکلنی ده کیشدیر مکسزین قبول ایتدیرمک امکانی یوقدر واوله مز .  
شونصوص اجتماعیه بزى ، حقایق آتییه ایصال ایتمکده در : انقلابلر ،  
ملی روحک بر انتباه وانکشافیدر . بر ملت انقلابله ، وارلقی تهدید  
ایدن ، حیایت منبعی قوروتن رسوبانی آتار ، یوکسه لیر . ملی روحی ،  
ملی سبجاییسی داخلنده تکامل ایدر . یکی وزنده بر حیات قازانیر .  
فقط ، هیچ برزمان ملی روحک مولودی اولان معین قواعد اخلاقیه دن ،  
معین اعتقاداتدن صویله رقی بونلرک یرینه یابانچی ملتره عائد قواعد  
اخلاقیه واساسات اعتقادیه اقامه ایده مز . باشقه بر افاده ایله الیسه

ده کیشدیریر کبی ، بر مدنیتدن دیکر بر مدنیتنه کچه من . یابانجی بر  
برمدنیتنه عائد اساسری ، قاعده لری ، آنجق ملی روحه اوینون اوله جق  
برشکله صوقدقدن یعنی شکلی دیکشدر دکن صوکره قبول ایده بیلیر.  
فقط ، ملی روحک مولودی اولان معین قواعد اخلاقیه واجتماعیه  
ایله معین اساسات اعتقادیه یی ، یابانجی قوملرله اولان تماسلرک ، یکی  
محیطلرده وقوعبولان اختلاطلرک محصولی اولان عادات وخرافات ایله  
قارشیدیر ماملیدر . بو صوکنجیلر ، روح ملته قدسی بر ماهیتی  
حاز اولدقلرندن ، بونلردن قولایجه تصفی ایدیله بیلیر . اساساً انقلاب ده  
یابانجی اولدقلری حالده ، مرور زمانله آزچوق تبدیل شکل ایده رک  
ملیشمش کبی کورونن فقط پس زنده یابانجیقلریله ملی روحی بوغان ،  
ملی سجه لری اویشدیران تشکیلاته ، عاداته وخرافله قارشى ملی  
روحک عصیان وفورانی دیمکدر . شوحالده انقلابک ملی قابلیتلی  
انکشاف ایتدیره رک ملته دهاها مسعود ، دهاها رفاهلی ودهاها زنده بر  
حیات تأمین ایده بیللمه سی ایچون ، حیایتیک قاتلی اولان بو مقروبل  
تشکیلاتی ییقمق ، عاداتی ترک ایتمک ، خرافه لری تمیزله مک درجه  
وجودده در. انقلابی اداره ایدنلرک کوستره جکلری دهاورویت بالخاصه  
بوراده تجلی وانقلابک موفقیتی بوخصوصده ابراز ایدیله جک بصیرت  
سایه سنده تحقق ایده بیله جکدر ....

ماضیدن آتی به کجیلیرکن ، ماضینک انقاضی آره سنده نه کبی شیلرک  
روح ملی نك مولودی وروح ملی به اوینون وبناء علیه مقدس اولدقلرینی ،  
نه کبی شیلرک ده حیات ملی به صوکره دن صوقولمش وحیاتی کیره کیره  
پیراندیرمشر یابانجی وبناء علیه مضربولوندقلرینی تعیین ایتمکه چالیشمق ،  
انقلابک موفقیتله تنوجی ایچون برشرط ضروریدر. انقلاب پیشوالری

بو مستنا قابلیت ودهایی کوسـتره بیلیر ، فعالیتلرینه اولکیلری تمیه وایکنجیلری تصفیه به متوجه بروجه ویره بیلیرلرسه آتی قورتولمش ، ملته نورانور یکی برافق اعتلا آچیلمش اوله جقدر . فقط برنجیلرله ایکنجیلر قاریشدیریه جق اولورسه ، تعاقب ایدیه جک صفحه لر فجاعت انکیز اولور . اعتلا ایدیه جکنه انحطاطه ، کیدیلیر . وحدت امید ایدرکن مهلك بر تشدت باش کوسـتریر . استخلاص دیرکن ، انقراضه سور وکله نیلیر ....

شو حالده ، هرشیدن اول ملتك روحی ، احتیاجلری ، خسته لغنك نوعلری تعین و تثبیت چالیشمق ، ییقمغه ویاپمغه آنجق بوتون بونلری تعین و تثبیت ایتدکدن صوکره باشلامق ایجاب ایدر . فعلیاته کچدکدن صوکرده انقلابك عمده سی ؛ ییقمغه ، یاپمغه ایچوندر ؛ دستوری اولمیدر . یاپمق پیلانلری تثبیت ایدیلهدن ییقمغه قالدیشیلیرسه ، طوگدیریمی روزکارلره معروض قالمق محققدر . موفق اولمق ایچون ؛ نه قدر خلوصله اولورسه اولسون ؛ بالکیز قورتارمق ایسته مک کافی دکلدر . قورتارمه نك یولنی بیلیمك لازمدر . حیثیت ، عرفانله مجهز اولمز ، عزم ، عمیق بر تتبع ووقوفه مقارن بولمزسه فائده یرینه حضرت کتیره بیلیرلر . صوگ اوج سنك استخلاص مجاهده سنك سر موفقیتی ، حیثیله عرفانك ، عزم ایله وقوفك صمیمی توأمینی تأمین ایتمش دکلیدر ؟ ... اعتلا مجاهده سنك ده عینی ظفرله نتیجه لنمسی ایچون بنه بومقارنت بر شرط لازمدر .



## استقبالی قورمور ربو کسنتک ایچوره

ملتئر ، اوزون بر ماضینک محمول توارثی اوله رق کوکشمش  
بر روح اجدادی یه مالکدر . بر ملت افرادینی منافع عمومیه یه اک  
فائده لی بر صورتده حرکت ایتدیرمک ایچون بوروح ملی یه مراجعت  
کفایت ایدر . شو حالده ، ملت پیشوالری ، روح ملی یه استناد  
خلقده عمومی ارادات ابداع ایده بیلیرلرسه وظیفه لرینی ایفا ایتمش ،  
ضایه لرینه وصول یولنی بولمش اولورلر . ملت پیشوالری تلقینلرینی ،  
خطاب ایتدکلی خلقک ملی تمایللرینه ، اجدادی الحاحلرینه نه قدر  
اویغون بر شکلده اجرا ایده بیلیرلرسه اوقدر چوق موفق اولورلر .  
فردلر ، بری شعورلی ، دیکری شعورسز ایکی نوع ارادات تجلی  
ایتدیرلر . شعورلی ارادات ، سربست بر محاکمه نک مولودیدر .  
شعورسز اراداتلرک مذهبی ایه ، روح معشریدر . حیات افرادواقوامه  
داهما چوق حاکم اولان بو ایکنجی نوع اراداتلر ، قومی و محیطی  
تمایللر و احتیاجلر شکلنده تظاهر ایدر . بناء علیه ، بر ملتی اساسلی  
بر انقلابه قورتارمق و یوکسنتک پیشوالغی درعهده ایدنلر ؛ موفق  
اوله بیلیمک ایچون ؛ خلقک روخنده ضایه یه متوجه شعورسز اراداتلر ابداع  
ایتمک چالیشمالیدرلر . آنجق بو صورتله درک خلقک روخنه حاکم اوله بیلیر

و کتله بی ؟ مقاومت کورمکسزین ، شهراه اعتلايه سوق ایتمک موفقیتنی  
کوستریرلر .

شعورسز اراداتلر ، صور مختلفه ایله تنکون ایدر : معشری روحک  
فورانی شعورسز ارادتلرک اک فیضلی بر منبعیدر . بوندن باشقه حالک  
حسیات واحتراساتندن ده شعورسز ارادتلر طوغه بیلیر . استقبالی  
قورمق ویوکسلیتمک ایچون بویکی منبعدن ده استفاده ایدیلک ممکنندار .  
ملتی صرفاناً ، اقتصاداً اعلا ایتمک ایچون اولاقوتلی بر ملیت روحی  
اویاندرملیدر . بوجرانی آچق وتوسیع ایتمک خصوصنده هم ملی روحک  
تنهندن ، هم ده حالک احساسات واحتراساتندن استفاده ایدیه بیلیر .  
صوک سنه لرك عبرت وفلا کترلره مالامال اولان وقایعی نه قدر مؤثر  
برعامل اتباهدر ! .... عصرلردنبری سه وه سه وه اقتصادیا تمزه حاکم  
ایتدی کمز عناصرک متارکه دوره سنده کی غیرقابل تصویر شناختلری ،  
استیلا واشغال اوردولرینک کونا کون مظالمی ، هم ملیت هم ده انتقام  
روحنی دائماً تهییج ایتدیره بیلرک اَلیم وجانخزاش خاطرلردر .

لوزان معاهده سنک شکل قرینه کوره بو مضر عنصرلر  
استقبالده ینه اقتصادی تمزه حاکم اوله بیلیرلر . حالبوکه مملکتک حیات  
منبعی دیمک اولان اقتصادیاتک یابانچی و یا دشمن عنصرلرک اَلنه  
کجه سی ، اصل تورکلر ایچون اعتلا قابولرینک ابدیاً قاننامسی دیمکدر .  
اقتصادیا تمزه نه وقت صورت عمومیه ده کنندیمز فعلاً حاکم  
اوله بیلیرسک حقیقی استقلال ، حقیقی حاکمیت ملیهی آنجق او وقت  
قازانمش اولورز . استقبال ملت و مملکت آنجق اوزمان مؤمن اوله بیلیر .  
شوالده دوره متارکه ده عوامل متعده ایله خلق ده اویانان ملیت وانتقام  
روحنی ، بالخاصه اقتصادیات مملکته حاکمیت می تأمین ایده جک بر شکل ده

انکشاف ایتدیرمکه ، بوروحی دائما زنده و هیجاندار بولوندیرارق  
اقتصادیاته حاکمیت غایب سینه متوجه معشری برارادت تولید ایلکه چالیشمه حزن  
ایجاب ایدر . بونک تحقیق ایچون اقتصادیاته حاکمیت ملی برمفکوره  
اولمالیدر . فقط اقتصادیاته حاکم اولوق سوزی ، شیمدی به قدر اولدینی  
کبی ؛ بالکزدیلزده قالمالی ، قلبمزه حاکم ، افعالمزله مؤید مقدس  
یرایمان شکلنی آلمالیدر . ایمانک قوتی آنجق افعال ایله تحقیق ایدر . بونک  
ایچوتدرکه عمل ، ایماندن جزء عدایدیلشدر . بومفکوره روحزه ،  
حیاتمزه اوقدر حاکم اولمالیدرکه مکتبده ، مدرسهده ، قیشلهده ،  
صاپان باشنده ، سوری آرقه سنده ، دکان اوکنده ، مأموریت ماصه سنده ،  
مجلس کرسیننده وکیلک قولتوغنده خلاصه هریرده وهروقت ناظم  
حرکاتمز بو اولسون ! . .

مؤسسانه ملیت روحی ویرمک ، مقدسانه حرمت مخصوصه  
بسلامتک ، یابانچی عنعنه وموده لره قارشى احتراز کوسترمک ، افرادده  
درین بر عصیت اویاندیریر . بو عصیتده ملی روحی انکشاف  
ایتدیریر . معشری ارادت قوتلندیریر . نتیجهده هر فرد ، عمومی  
وملی امورده شخصی منفعتلرک ، سفیل احتراملرک تأثیراتنه مقاومت  
ایده جک قوتلی براراده صاحب اولور . وطن فکريله متحسس اولمیان  
ملتلرک حق حیاتی اولمدینی کبی اقتصادیاتنه حاکم اولمیان برملتکده  
فصیبه اعتلاسی اوله ماز ! . . .



## نجات بولی

مملکتہمز آفاقده انتباه روزکاری وزان ایتہک باشلادقدن صوکره ،  
 اوچ فکر جریانی باشلامش اولدیفنی کوروپورز : اسسلا مشق ،  
 معاصرلا مشق ، تورکلاشمک .

روحي و شأني برر احتیاجدن طوغان بوجریانلر بدایتده آنجق  
 فکری بر ماهیتده ایکن ، هر فکر کی بونلرده کیتدجکه بعضی ایتمش  
 ودولتک سیاسی واجتماعی حیاتی اوزرنده وقت وقت اخلاصی حرکاته  
 سبیت ویرمشلردر . فقط نه قدر شایان تأسفدرکه بربرلیله پک کوزل  
 اوزلاشه بیلن بو اوچ جریانه بر قسم افراطکارلر طرفندن متقابل  
 برجهه ویرله رک بویوزدن افراد ملت آره سنده درین اوچوروملر ،  
 عمیق آکلاشامامازلقلرا حداث ایدیلش ، دولتک سیاسی بیله وقت وقت  
 ۱. بوافراطکارلرک نفوذی آلتنده اخلاصی استقامتلر آلمشدر . حالبوکه  
 هراوچ جریانده روحي ، حیاتی ، حقیقی احتیاجلردن طوغمشلدر .  
 بناء علیه نفس الامرده بواوچ فکر بربرلینه مخالف دکل ، یکدیگرلرینک  
 مکمل ومؤیدلریدر . شأنی وروحي حیاتک تکاملی ایچون بهمه حال  
 جمهوری عمده لرک بو اوچ فکر اوزرینه استناد ایتسی ایجاب ایدر .  
 بونلردن بری دیگرلرینک افراطنه فدا ایدیلیرسه اجتماعی تکامل ،  
 روحي اعتلا ، عصری ترقی وجود بوله ماز .



بو اوج فکرك معارض بر وضعيته صوقوله مسی هیچ شبهه سز  
 بولره طرفدارلق کوسترن بر قسم افراطجی روحلی انسانلرك سیئه  
 تعصبی در. افراط ، دائماً طار کورمه نك ، داها میز تعبیر ایله تعصبك  
 مولودیدر . حالبوکه دینی تعصب کبی ملی تعصب، تجددی تعصب ده  
 فکری خارجه کی حقیقت ایشیغی کوره میه جك محدود بر ساحه ده  
 محبوس بر حالده بر اقبیر . انسان بر دفعه بویله بر چنبر آلتنه کیردیمی  
 آرتق حقیقتی کوره من اولور . کندی قناعتنه مخالف کوردیکی فکر  
 وقناعتلری ؛ حقیقی براحتیاجك، شأنی حیاتك افاده سی اولوب اولمدقلرینی  
 آراشدیر مقسزین ؛ و هلتاً رد و تقییح ایدر . چونکه تعصبی ذهنیت  
 اونده کندی قناعتك حق و صواب دیکر لرینك قناعتلرینك ده ضلال  
 و خطا اولدینی یولنده بر ایمان یاراتمیشدر . بناءً علیه بوکبی مفرط انسانلره  
 حکملرینی تحلیلی ویا ترکیبی بر تدقیقه ، عقلی و علمی بر دلیلله نظراً  
 دکل ، بو تعصبی ایمانه کوره ویریرلر . بو صورتلده روحی و شأنی  
 حیاتك حقیقی احتیاجلرینك بر افاده سی دیمك اولان ویکدیگر لرینك  
 مؤید و مکملی بولنان فکر لر آره سنده ائتلاف ناپذیر بر معارضه  
 آچارلر . ایشته دین ، ملیت و تجدد فکر لری آره سنده کی معارضه  
 بو صورتله ظهور ایتمشدر .

عجبا بو اوج عمده ، حقیقت حالده بر برلرینه معارض وبری  
 دیکر لرینك انکشافه مانع میدر ؟ .. بو سؤاله جواب ویره بیلیمك  
 ایچون هر برینك منشأ و حدودینی تعیین ایتیمك ایجاب ایدر . فکرمزجه  
 محیطی صارصان معناسز مجادله ، مفرطلرك بو منشأ و حدودی  
 تعیین ایده میهرك بر برلرینه قاریشدیر من اولملرینك محصولیدر .  
 انسان ده ایکی نوع تجلیاته شاهد اولویوروز . بولردن بری روحی ،

دیگری حیاتی و شایدر. بو حال فردلر ایچون بویله اولدینی کبی جمعیتلر ایچون ده تجلیات اعتباریه ینه بویله در. حیاته آهنگ و توازن بولنق، هم سعاده هم ده رفاهه مظهر اولق ایچون بو ایکی نوع احتیاجك تأمین ایدیله سی اقتضا ایدر. بو احتیاجلردن بری بولونمازه حیاتك آهنگی بوزولور. یاسعادتن و یارفاهدن محرومیت تحق ایدر. دیمك كه فردلك و جمعیتلك رفاه و سعادت، تکامل و اعتلاسی آنجق بو ایکی نوع احتیاجلك عینی زمانده و متحداً تأمین ایدیله سنه متوقفدر.

دین و ملیت، روحی بر احتیاجدر. اجتماعی حیاته بر طاقم قیمتلك تشکیل ایتدیکی آهنگ نظریله باقارسق بو آهنگك اساس عمده سی دین و ملیت اولدینی کورور. ملیتک تمللرندن ائ فیضلیسی دین در. ملت مشترک دو یغولر، مشترک مفکورلر اطرافنده طر بلانان مئ اند بر زمرة دیمکدر. مشترک دو یغونك قدسی منبی ایه دین در. دین مفهومندن صوبولمش ملیت، عنقائال بر مو هو مئ غیله در. یر دین، بر قومک روحنه حاکم اولمش ایه، بو حاکمیت اودینك بر قومک ملی روحنه او یغون اولسنك نتیجه ضروری سی در. بر قومک بو ماهیت ده اولان دینی، مشترک دو یغولرک منبع فیضانیدر. دیمك كه دین، ملیتک عناصر اساسیه دن بریدر. صمیمی بر ملیت پرورک صمیمی بر دیندار اولمی اقتضا ایتمکده در.

عصر یلشمک جریان کلهجه: بوده شانی حیاتك مبرم بر احتیاجیدر. خارجی حدود لرینی، خارجی امنیت و تمامیتنی تأمین ایدن بر ملت اقوام متزیه آره سنده وارلقی ادامه ایده ییلیمک ایچون داخلی حیات اعتباریله سریع بر صورتده انکشاف و تکامل ایتمک مجبور ایتده در. بو مجبورت

قطعی‌در. وطنمزه متوجه احتراض-لر ، حیائمه دشمن رقیب ملتلر  
قارشوسنده موجودیت واستقلالازی آنجق و آنجق تجدد وتکامل  
فعالیتده کوستره جکمز عزم وثبات وجدیتله محافظه ایده بیلیرز .

فقط ، عصریلمشك بزى هیچ بر صورتله ملیتمزدن ، دینمزدن  
لوزا قلاشدیرمز. بالعکس بزده بوایکی حسی داها چوق تنیه ایدر .  
بز هم دیندار بر ملیتچی ، همده عصری بر ملت اوله بیلیرز . بونلردن  
هیچ بری دیکرینک تحقنه مانع اولمز. آلور بررکه ، زره لرده وهانکی  
خصوصلرده معاصر لاشه جقمزى ، زره لرده وهانکی خصوصلرده ملی  
قاله جقمزى واضحاً تعیین ایده بیلیمش اوله لم ..... .

معاصر لاشه جقمز دیه ، بوتون هویت ملیه ودینییه مزدن تجرد  
ایده جک اولور سهق- که نوامیس اجتماعییه نظراً محالدر- عصریلمش  
اولمز، ثولورز. ناصیل که تجدد وتکامله قارشی عمیق بر نفرت کوستره رک  
اسکی قوقعه لر مزده. قالمق ایسترسهک کوفله نیر، اویوشور وینه ثولورز.  
هلی وفردی حیائمزی قورتارمق، ملی وفردی تکامل وترقی ایتمک  
ایچون عصرک آلیات وقونندن ، اصولیات وفلسفه سندن ، صنایع  
وبدایندن استفاده یه مجبورز. بزم ایچون مقدر اولان تاریخی رولک  
موفقیته ایفاسی بومجبور یته انقیادله ممکن اولور. هم خارجی مدافعه یی  
تأمین ، همده داخلی اقتصاد یاته حاکم اوله بیلیمه مز ، آنجق عصری  
یرذهنیتله غربک صنایع وقونندن ، اصولیات علمییه سندن استتاره  
سایه سنده ممکن اوله بیلیر .

صوک زمانلرده کیتدبکه حاد بر شکل آلان آکلاشامامازاق  
باشلیجه دین وملیتله عصریلمک ساحه وحدودلرینک بر برلریله  
قاریشدیر یله لرندن نشأت ایتمکده در. برنجی قناعت طرفدارلری

هر خصوصه شرقی قالمای، ایکنجی فکیری التزام ایدنلرده شرقیلقدن بوس بوتون صویوله رق هره مناسیله غربلی اولمای مدانه ایدر کی کورونیورلر . حالوکه هر مناسیله و صورت مطلقده شرقی قالمق ایستدیکمز تقدیرده عصری قاصیرغهلر اوکنده وارلقمزی قورتارمه جغمز محققدر . هر مناسیله و صورت مطلقده غربلی اولمه طرفدارلقدهده ملی بئلکدن قطعاً تجرد ایتمک، هویت ملیه دن چیقمق، جاس جاولاق دژه نره برانسان کومه سی اولمه، رضا کوسترمک دیمکدر . بونک امکان تحققی اولوب اولمذینی ده آریجه جای بمخدر . فقط ، بوایکی چیقماز و تهلمکلی یول آره سنده بزی قورتارده جق امنیتلی اوچونجی بر شهرا و اردر . یکی تورکیا بو شهرای تعقیب ایتمکله یوکسه لجه کدر : بئلکمزی ، هویت ملیه صری محافظه ایتمک معناسنه شرقی قالمق، غربک بوتون آلیات و علومندن، مدینتندن هر صورته استفاده ایتمک معناسنده غربیللاشمق هم ممکن هم ده لازمدر . تورکلشمک، اسلاملاشمق و معاصرلاشمق جریانلری آیری آیری احتیاجلرک مولودی اولدقلری کی ساحه لری ده آیری آیریدر . هیچ بری دیگرینک یرینی طوته مز و بری دیگرندن مستقی قیله مز . دین و ملیت، روحی، آلیات و فنون ایسه حیاتی و فکریدر . دین و ملیت ، قدسی هیجانلرک منبی، آلیات و فنون ده حیاتی احتیاجلرک مسندیدر . اولکیلرک ساحه سی حرث ، ایکنجیلرک ساحه سی ده مدینتدر . دیمک که بزم ایچون نجات و اعتلا یولی تورک - اسلام حرثی داخنده معاصر برمدنیت شهرا هیدر . بو شهرا تعقیب ایدیلدیکی تقدیرده هم افراد ملت آراسنده کی آکلاشیلامازلق قالمش اولور ، هم ده مملکت صاوصیلمقسزین ، ملت یوکسه ک سجیه لرینی ، ملی روحنی فائب ایتمکسزین مدینت ساحه سنده ترقی و تکامله قوشار .

## محافظه دارلر - مېزيريك

عثمانلى ايمپراطورلنك صوك عصرى ، ايكي جريانك بمضاساكن ، بمضاً آتلى چارېشمه سيله تمايز ايدر . بو جريانلر ، ظاهراً بربرينك خسدی كورونيورلردی . . بریسی هر شیشی ماضیدن آلق بئاء علیه ماضی بی عیناً باشتمق ، دیکری ده هر شیشی آوروپادن آلق و بئاء علیه بئلكی تماميله اونوتمق کبی متضاد ایکی استقامت تعقیب ایدیورلردی . تنظیامدن صوکره خسرو پاشا - رشید پاشا رقابتلرینه تمثیل ایدن بو جریانلر ، بمضابری ، بمضادیکری غلبه ایتک اوزره تدریجاً انكشاف ایتمن ، قانون اساسینك ایکنجی دفعه تطبیقنه باشلانقدن صوکره هر ایکسی ده تبلر ایده رک بری محافظه کارلق و دیکری جذریلك فامريله یکدیگرینه قارشى جبهه آلمشلردر .

یکی تور کياده ده بوايکی نام آلتنه صیغیان قعاتلرک تصادمه شاهد اوله جقمز ، برچوق اماره لردن آکلا شيلمه مقدمه در . عثمانلى ايمپراطورلغه حائد بوتون حسابلرک تسويه ايدیلدیکی انتقال دوره سنده ، شوایکی علمی اسم آلتنه صیغشمش اولان بوجریانلری تحلیل ایتک ، ماهیتلرینى آکلامق ، مبرم بر وظیفه در . چونکه دون حیات اجتماعیمزى بحران ایچنده براقان بو ایکی جريانك ماهیتلری تحلیل ایدیلزسه جاذبه دار

اسملرینه آلدانیله رق یکی تورکیاده ده بونلرک تصادمه میدان براقیلمش  
اوله جقدر . حالبوکه غریبدن آلتان بو ایکی اسمک بزده کی مغالری ،  
بو اسملرله غرب عالمده قصد ایدیلن مغالردن بوس بوتون فرقلیدر .  
مشروطیت اداره دورینک صوک سنه لرنده متفکر بر مؤلف [۱] بو  
ایکی جریانک ماهیتلری شو صورتله تحلیل ایتمشدی :

« اجتماعی حیاتلرک هانکی جهته باقساق ایکی مختلف جریانک  
چارشدیغنی کوروروز . بونلردن بری جذریلک (رادیکالک) دیکری  
محافظه کارلقدرد . بربرینک تمامیه ضدی صایلان بو ایکی جریان  
حقیقته عینی اساسده برلشمشدر : قاعده جیلک .

محافظه کارلر موجود قاعده لری لایتغیر حقیقتلر صیره سنده  
کوردرک ده کیشدیریله سنه کفر نظریله باقارلر . جذریلر معقول  
قاعده لری مطلق دستورلر عدادینه قویه رق قبول ایتمه یلری مرتجعه کله  
انهام ایدرلر . بویکی صنفدن هیچ بریسی بو اسکی ویا یکی قاعده لر  
نره دن چیقهرق نه یوله تکامل ایتدیکنی آرامغه لزوم کورمزلر .  
چونکه هرا یکی طرفجه ده قاعده ، زمانلرک فوقده و محیطلرک خارجنده  
بر ( قائم بنفسه ) در . بو ، بر جمعیتده حیاتی تکاملک ، موقت  
ودیکرلرینه متصل بر مرحله سی دکل ، زمان و مکاندن مجرد بر عالم  
اولان ( نفس الامر ) ده ثبات و متین ازلی بر حقیقت ، ابدی بر  
دستوردر . قاعده لره متابعت تکررایده ایده اعنیاد حاله کچدیکی ایچون  
اختیارلر محافظه کار اولورلر . کنج لرسه مدنی احتشاملریله پارلاق  
کورون مترق ملنلرک ترقی ایتلملرینک سبیلرینی تطبیق ایتمکده اولدقلری

قاعده لرك دوغرواغنه حمل ايتدكلى ايچون بونلرى تقليديتمك هوسنه  
دوشرلر ، بوندن دولايى كوكدن انقلابچيلر صره سنه كچرلر .

آدى ايستر عادت ، ايستر موده اولسون ، ايستر آداب ، ايستر  
ايتكت نامى ويريليسين ، فقه ماده لرى ياخود حقوق دستورلى  
صورتنده تجلى ايتسين ( قاعده ) دائما عيني شيدر . تكاملك سوركسز  
ومترداد بر وقفه سى عد اولونمايوب ده جامد و ثابت بر ( عين ) عد  
اولوندينى آنده ، جانسز بر قديد حالى آير . حياتك اوزى ياراتجي  
بر تكاملدر . تكاملسز موجودلر جادلردن عبارتدر .

قاعده جيلر نتيجه يي سبب يرينه قويازلر . قاعده تكاملك موقت  
بر نتيجه سيدر . اونلر بونى تكاملك بر سببى صانيرلر . سبب معلوم  
اولدينى ايچون آرتق ؛ تكاملك تاريخى تدقيقه لزوم كورمزلر . بو  
ذهنيتده اولانلر قاعده يي مطلق بر حكمدار كى تلقى ايتدكلى  
ايچون تطبيقادن بر فائده حاصل اولماديغى كورونجه بوتون مسئوليت  
زوالى قاعده يه يوكله تيرلر . در حال جذريلر سسلرينى يوكسلتهرك  
محافظه كارلى صوصمه مجبور ايدرلر . ياييله جق ايش بك قولاي :  
اسى قاعده لرى خلع ايدرك يرلرينه يكيلرينى اجلاس ايتك .. فقط  
بونلر حكمرانلنى ده چوق سورمز ؛ چونكه تطبيقاده ينه عكسيلكلر  
كورولمكه باشلار . بوكره اعتيادجيلر باشلرينى دوغرولتور و  
تقليدجيلرى ميداندىن چكيلمكه دعوت ايدر . ايسته بزده ده دائما بويله  
اولمشدر . تكاملدن دوغمه مؤسسه لر يى تاريخى اتصاللرينى تاامين  
ايدرك جانلى غنضه لر حاله صوقه جغمزه بونلرى بر طرفه آتهرق هر  
اولكه دن ( تاريخسز ، غنضه سز قاعده لر ) صورتنده مؤسسه لر آلتشز .  
انكليلر قاعده سز بر ملتدر ، فقط تاريخى اتصاللرى ، تكامل

انعطافلری معلوم عننه لک زیاده انکلیزلرده کورولور . انکلیزلری  
 ترقی ایتدیرن عننه جیلکدر . بز تورکلر قاعده جی ، فقط عننه سز  
 بر ملتز . تورکلک واسلامفه هاند عننه لرمزک تاریخی سلسله لری  
 آرامادیقمز کبی عصر مزی تمیز ایدن ترقیلرک منبع و تکاملی ده  
 تدقیقه لزوم کورمه یز . بزم ایچون یالکیز نتیجه لر لازم . تورکلک  
 واسلاملق متوالی مدلر و جزر لر دن صوکره عملی واعتقادی قاعده لر  
 صورتنده رسوبلر بر ااقش . آوروپا مدنیق بر جوق اعتلا و انقلاب دن  
 صوکره بزه بر طاقم علمی و عملی عمده لر صورتنده تجلی ایدیور .  
 بر قسممز او رسوبلری استعمال ، دیکیز طاقمز بو عمده لری اغتام  
 ایدرز . قاعده ایستر اعتیادی ، ایستر تقلیدی اولسون ابداع و ترقیدن  
 محرومدر . چونکه منفصل تقلیدلر هم امتزاج و ترکیب ایده مزلر ،  
 هم ده ماضیلری یوقدر . هربری مستقل و مطلق بر طالم اولان قاعده لر  
 - اوتوردقلری یرلرده - اولدقلری کبی قایلرلر ، بر استقبال وجوده  
 کتیره مزلر . عننه ایسه ابداع و ترقی دیمکدر . چونکه عننه مختلف  
 آنلری بر بر یله ذویان ایتمش بر ماضی به ، آرقه دن محرک بر قوت کبی  
 ایلری به دوغر و این تاریخی بر جریان مالکدر که دائما یکی انکشافلر ،  
 یکی انعطافلر تولید ایده بیلیر . عننه کندی باشنه ولود و مبدع اولقله  
 برابر اوکا آشیلانان یابانجی یکیلکدرده دامارلرنده کی حیات نسغدن  
 فیض آله رق جانانیر و هادی تقلیده اولدینی کبی چورویوب دوشمز .  
 (برغسون) فردک روحنی خاطره لرینک مجموعندن ، جسدینی  
 اعتیادلرینک مجموعندن عبارت کورویور . بر ملتک خاطره لری ،  
 عننه لریدر . اعتیادلری ایسه قاعده لریدر ، دیمک که بر ملتک عننه لر  
 روحنی ، قاعده لر بدنی تشکیل ایدر . استناد نقطه سنی ، عننه جی



برملت روحنده ، قاعده جی برملت کو کسند آرار . برنجیسی حیاتک  
مغالری ، ایکنجیسی لفظلری کوستر . برنجیسی تاریخی برحربت ،  
ایکنجیسی جغرافی براسارت ایچنده یاشار .

او حالده شیمدی به قدر یورودیکمز محافظه کارلق و تجدد یوللرینک  
ایکیسی ده چیقماز ایمش . یکی حیات ده بونلرک ایکیسندن ده صاقینق  
کرك . اولاً تورکلرک مخصوص مؤسسہ لر مرک غنہ لرینی ، تکامل  
تاریخلرینی تدقیق ایتمه لی یز . ثانیاً اسلامغه حاد مؤسسہ لر مرک غنہ لرینی ،  
تاریخی تفحص ایتمه لی یز . کلامک ، تصوفک ، فقهک تاریخلرینی بیلمه لی یز .  
بومؤسسہ لرک ناصل تکامل ابتدکی ، مختلف محیط وزمانلرده نه یولده  
انطباق ایلدیکی معلوم اولورسه بوعصرده هانکی ترقیلری قبول ایده جکی  
واستقبالده نه شکله بر تکامل تعقیب ایله به جکی ده آ کلاشیله بیلیر .

غنہ بر مؤسسہ نک مختلف زمانلرده کی شکلری آره سنده اتصال  
و آهنگ تأسیس ایتمکله قالماز . بوتون مؤسسہ لرک عینی اصلدن نه صورتله  
اشتقاق ایتمدیکنی ده کوستره رک هپسینی بربرینه ربط ایدر . (دورقایم)  
کوره اخلاق ، حقوق ، سیاسیات ، منطق ، بدیمیات ، اقتصادیات کی  
مؤسسہ لرک جمله سی (دین) دن مشتقدر . بودالار ، کوکلرینی دینی  
بر منبعدن بولمقله زنده بر فیضه ، فیاض بر زنده لک مظهر اولورلر .  
ثالثاً عصرک آلیات وقونندن ، اصولیات وفلسفه سندن استفاده  
ایده بیلمک ایچون بونلرک ده تکامل تاریخلرینی ، رمانی واجتماعی الطباقلرینی  
تحریری ایتمه لی یز . مدنیت تاریخی بزه کوستریورکه برعلکستده صنایع  
ترقی به باشلا نیجه قلرده انکشاف ایدیوز . قنلر آلیاتدن دوغدینی کی  
فلسفه ده اصولدن تولد ایدر . او حالده بر طرفدن تاریخی و غنہ لی برملت  
حاله کیرمکه ، دیگر طرفدن ده بالفعل صنایعه استناد ایدن قنلر ابداع ایتمک  
اصوللردن علی الدوام فیض آلان فلسفه لر یارائمه جالیشمه لی یز .

عصرک قنؤن و فلسفه سنی، قیات و اصولیاتی ملی و دینی غننه لرمزه  
ایضاح اینتدی کمز صورتده آشیلار و مزج ایدرسه ک معاصر بر اسلام -  
تورک مدینتی حاصل اوله جقدر . ایشته بو زماندرکه حقیقی مغاسیله  
حرثاً و مدینتاً مستقل اوله جفز ... »

یکی تورکیا نه اعتیادی نه ده تقلیدی قاعده جیلک پیروی اوله مز.  
چونکه هرا یکی سه ده انکشاف آتی اعتباریله مضرور : اعتیاد جیلق  
سنه لردنبری ملتی او بوشدوره او بوشدوره تکامل طمارلرینی قوروشمش،  
فکراً، حیاتیاً مفلوج برحاله صوقشدر. تقلید جیلک ایسه ملی وارلق  
هیجان منبعلرینی قوروشمقدن ، معشری لساندی پیرایمقدن، افراد ملت  
آرده سنه منفور بر نفاق صوقمقدن باشقه بر نتیجه ویرمه مشدر .

یکی تورکیا ایچون اعتلایولی ، غمنوی تکامل مناجیدر . آنجق  
بو بولدرکه بزی اعتیادی قاعده جیلک چوراق ساحه سندن قورتاره جق،  
معشری بیلکمز فائب ایندیر مکسزین عصری بر ملت شکامله مریبیه سنه .  
چبقاره جقدر . اوردومزک کوسترمش اولدینی ترقی ، بونک جانی  
شاهدیدر . فی الحقیقه اوردومز نه تقلیدی ، نه اعتیادی قاعده جیلک  
اسیری اولمامش، تکامل تاریخیسنی فائب ایتمکسزین ترقیات عصریه بی  
بنیه سنه آشیلامق و مزج ایتمک صورتیله آلمش ، وبو سایه ده مظهر  
ترقی اولمشدر .

محافظه کارلق و یا جذریلک کی قوف کله لری آرقه سنه کچیلهرک  
مجادل ایکی جهه آله جفته عصرک احتیات و ترقیاتی ملی روحک ایجاباتیله  
مزج ایدره تکاملی بر شهره اعقیب ایتمک ، اکثریت ملتی طوبیلا به جق  
بر جریان آجق داهای فائده لی و داهای منطقی اولزمی ؟ ..

يکي نور کيا يکي بر اصول تربيه تعقيب انجمنبر .

علوم اجتماعيه، اساس پر نسيديلرني اصول تربيه دن آليز. ملترده کي تجليات اجتماعيه طرز تربيه لر ينک بر نتيجه سيدر. مجادلہ حياتده موفق اولان ملترک تفوق سيلرني آراشد پر کن بو حقيقي درپيش ايده رک تعاليم و تربيه ده تعقيب ايندکلي اصوللري نظراعتبارہ الموقايح ايدر. هر ملت، تعقيب ايديلن اصول تربيه به نظر آ؛ يا تعالي ايدر و يا انحطاطه دوشر. انکلتره نك بويوک متفکر لرندن (نوربرت سپنسر) يک جفتي اولدور، د بر نسل و بيللي تحصيل و تربيه نك داها مضير تعبير و بده ميه بکني، بولبد سوي و اداره اولدورين تحصيلک بالعکس. مضير و نرطکلي اولدور جفتي، ادعا ايتمشدر .

اسپنسرک مطالعه سنده کي اصابتي تقدير ايتک ايجون جمعيت بشريه ايجنده تحصيل کورمش افراددن بويوک بر قسمک احوالي تدقيق ايتک کفایت ايدر. هم نه حاجت تشکيلات اجتماعيه ايجون بر آفت اولان آفارشيتلر آره سنده امي بر فرد کوسريله بيليرمي ؟...

آبي بر تحصيل، انسانده کي قابليات فطريه نك انکشافنه، حسن اخلاقينک اعتلاسنه، نه قدر خدمت ايدرسه، يواسز بر تحصيلده اودرجه بلکه داها زياده مضرتلره باعث اولور .

مکتب ، حیات ایچون حاضر لائمش منور و فضیلتکار انسانلر  
یتشدیرمیدر. حالبوکه قوه محاکمه و تشبیه بی بوس بوتون اہمال ایدہ رک  
یا لکیز فائدہ سز کتابلری از بر لئمکدن عبارت اولان اصول حاضرہ منزله  
بو فایہ به وصول ممکن اولامز .

فرانسزلرک اجتماعی و تربیہ وی اصوللرینی عیناً قبول ایتدیکمز ،  
تشکیلات اداریہ منری فرانسیہ بکیزتمک علتہ دوچار اولدیغمز ایچون  
بزده ، فرانسزلرک بادی شکایتی اولان عواملک پنجہ سی آلتندہ قیور ائمقدن  
قور تیلہ میورز .

مکتبلریمزده یتیشن کنجزلرک الک بویوک امنیہ لری اداره حکومت  
ماکنہ سنہ قاریشمقدن عبارت دکلیدر ؟

بو حال کوستریورک مکتبلریمز ، اصول تربیہ من ، چوجوقلر منزده  
تشبث شخصی مایہ سنہ محو ایدہ رک یرینہ مأمورلق هوسنی زرق ایتمکده در .  
تربیه ملیہ نک برنجی مرکز ی اولان ( مکتبلر ) دونہ قدر بو  
حالدہ اولدینی کبی ایکنجی مرکز ی اولان دونکی ( قیشله ) لرکده  
افرادہ مطلوب اولان روحی افاضہ ایدہ مدکلری ، بالمکس ، عزت نفس  
کبی فطری بعض سجه لری ده سوندوردیکی کورولمکده ایدی .  
حاکیت ملیہ نک تقررینی و افراد ملتک بو حاکیتی شعورلی برصورندہ  
استعمال ایدہ بیلملرینی تأمین ایچون اصول تربیہ بی ، تشبث شخصی بی  
اوپاندبرہ حق فیضدار برطریقہ صوفق ملتک متفکرلرینہ ، مربیلرینہ  
حاند بر وظیفہ در . بو وظیفہ ، مکتب مربیلری قدر قیشله آمر  
ومربیلرینکده دائماً دریش ایتلری ایجاب ایدن قدسی برمشفلہ در .  
انکلیز و آمریقان ملتلرینک اسباب تعالیلری آراشدیریلیرکن الک  
مزادہ اصول تربیہ لرینی تدقیق ایتک لازمدر . آمریقا ویا انکلترہ ده

تطبیق ایدیلن اصول تربیه ایله بزم اصوللرمز آره سنده کی فرقی کورمک ایچون بو ایکی طرزک تولید ابتدکاری نتایجی مقایسه ایتملی یز .  
 تحصیل تالی بی اکیال ایدن برانکلیز کنجیله برتورک کنجنه هانکی مسلکه انتساب ایده جکری حقنده ایراد اولنه جق اوقاق بر سؤال ، نتیجه لر آره سنده کی فرق عظیمی آ کلامغه کفایت ایدر : انکلیز کنجی، قدرت شخصیته نك انکشافنه داها مساعد اولان مسالك حره یی برر برر صایارکن ، تورک کنجک آغزندن وصایت آلتنده یاشانه جق مسلک لک اسملری ایشیدیلیر . انکلیز کنجی مستملک لاردن برینه کیده رک اوراده حیاتک هر تورلو صدمه لرینه کوکس کر مک صورتیله و صرف کندی غیرت وعزمیله اکتساب ثروت ایتک پلانلری قورارکن ، آلمان کنجی فابریقه لرده کی موفقیاتی تخیل ایدرکن ، تورک کنجی ده کندیسی بر مأموریتیه قاییده جق ، بر مکتبه قبول استدییره جک حامی آرامقله مشغول اولور .

چونکه انکلیز عائله و مکتبلرنده تطبیق ایدیلن اصول شخصیته اعتماد ایدر، صدمات حیاتله پنجه لشمه دن بیلمز ، بلکه ده درین برذوق آلیر عز مکار و متین انسایلر یتشدیردیکی حالده بزده تعقیب ایدیلن طرز باشقه لرینک معاونتنه مفتقر، قورقاق، عزم و ثبث دن محروم ، وصایت آلتنده یاشامغه مائل فردلر یتشدیرمکده در .

اک ذکی و مستعد کنج لرینک دواثر دولتن برینه قابولانغی یاخود ، عسکر، حاکم، مالکیه مأموری ... یتشدیرن مکاتب عالیه دن برینه کیره بیلمکی فایده امل انخاذ ایتلمی بر مملکتک حیات اقتصادی ایچون نه مددش برضربه در. دونه قدر بزده صنعت و تجارتیه انتساب ایدنلر هر سنه صنفدن دین و نهایت مکتبدن اخراج ایدیلن تنبل،

تخصان ذکالی کتجلر ایله ، مأمور یقشدیرن مکتبلردن هیچ برینه کیرمکه موفق اولمه یین عاجزلر میاننده کورولمکده ایدی .

امتحانلرده موفق اولانلره کلنجه : زوالیلر بر مأموریتیه نامزد اولدقلرینی دوشونه رک کندیلرینی دنیسانک اک بختیاری عد ایدیور، مسالک حره دن برینه اتسابی اک بویوک برذل صاییورلردی . بونلر ایچون مأموریت نامزدلکندن محرومیت فایه املک انهدامی دیمکدی . چونکه مسالک حره دن برینه اتسابله تأمین معیشت ایده بیلمک کندیلر نیجه براصر محالیدی . عائله ومکتبلرده ویریلن تربیه ایله بو کتجلرده سربست مسلکدرده موفقیتی تأمین ایدن ثبث شخصی، عزم وثبات ، اعتماد نفس کبی مزیتلر تولید ایدیه مه مشدی . اکال تحصیل ایدن بویله برکنج دولت مأموریتیه کیره مه چکنه قانع اولدینی کون ، محو اولمش دیمکدی . چونکه سی شخصسی ایله تأمین معیشت ایده بیله چکنه ممکن دکل احتمال ویره مزیدی .

بک چوق کویلی چوجوقلری بیلیورم که مکتبدن چیققدن صوکره ، آلدقلری تربیه نک نتیجه سی اوله رق پدرلرینک کوینه ، تارلاسه ، حتی شخصنه نظر نفرته باقاعه باشلامشردی . . . دون ، عالی تحصیل شویله طورسون ، اعدادی ویا رشدی مکتبلرینی اکال ایدن برچیتجی چوجوقی بیله باهاسنک تارلاسه دونمکی کندیس ایچون بویوک برتنزل صایمقده ایدی . ایکوز غروش معاشله برقلمه کیره بیلمک سوداسیله اوتده بریده سورونمکدن ، بیکلرجه آل ، آنک اویمکدن ذوق آلیوردی . چونکه مکتبلریمزده کی اصول تربیه ونحصیل ، اورآلره دوام ایدن شا کردلرده بولندقلری حاله قارشى حدرین برغرت اویندیر مقده ایدی . مکتبه کیرن برکویلی چوجوقی

شهادتنامه آلدقدن سوکره آراتق کوبلی اوله رقی قالمق ایستمبوردی .  
براصناف اولادی بدرینک صنعتی حقیر کوریبوردی . کوبلی جوجوغی  
باباسنک چیفتتی ، تارلاسنی براقه رقی قوه عمومیه دن بر حصه قالمق ایچون  
اک اوقاق بر مأموریتنه ؛ هیچ اولمزسه اورمان ویا توتون قوریجیلغنه  
خواهشکر بولونیوردی .

چونکه مکتبه کوردکاری تحصیل ، آلدقاری تربیه اولری  
چیفتجیلک حیاتندن ، صنعت و تجارت تالندن نفرت ایتدیرمشدی .  
حالبوکه مکتبه اوقویان جوجوق ، اکتساب ایتدیکی هر قائله باباسنک  
چیفتلکنی ، صنعتی و تجارتی دها زیاده انکشاف ایتدیرمسی ایجاب  
ایدردی .

بر مملکت که مکتب کورمش افرادی مأمورلقدن باشقه برضایه  
طایمز ، اودیارده حضور و سکون بکله مک قدر عبث برشی اولمز . چونکه  
اوقدر انسانی اقدار ایدم بیلیمک هیچ بر حکومتک کاری دکدر .  
بونلردن بر جوغی طیبی آچیقده قایلرلر . و مملکتده حاللرندن مشتی  
و غیر ممذن بویوک بر صنف تشکل ایدر . بو صنف افرادی بر مأموریت  
قاپه بیلیمک ایچون هر کون بر فرقیه انتساب ایدرلر . و بوسورتله  
مملکتده بر عنصر اختلال اولور کیدرلر . عائله قوجاغنده مکتب  
اوجاغنده تطبیق ایدیله جک تحصیل و تربیه مسالک زراعیه ، صناعیه  
و تجاریه به خواهشکر ، متشبث و عزیمکار انسانلر یتشدیره جکنه ،  
کافی السابق سوری سوری مسئوللر یتشدیریرسه بو مملکتک ترقی  
و حضور کوره جکندن قطع امید ایتلی یز . چونکه ، محل استعمالی  
یولنه میان معلومات ، انسانی مسلکسز و ناخوشنود بر اختلالچی ، بر  
سرگذشت جو باعقدن باشقه بر ایشه یاراماژ ... قوه عمومیه به یعنی

حکومته استناد ایدن کنجلرده عزم واراده سونمش ، قوای شخصیه  
 ٹولش دیمکدر . بونلر پولتیقه هریده لرندن استفادیه مترقب بولنان  
 برسوری ، ایشسر زوالیلردر . حیاتلرینی موقع اقتدارده کی فرقه نك  
 تبدلنه ، کندیلرینی اقدار ویا ترفیع ایدمك آدملاك یوكسلمه سنه  
 انتظارله اتلاف ایدرلر . چونكه باشقه صورتله تأمین معیشت  
 ایدمبیله جکلرینه قساعتلری یوقدر . مکتبلریمز نه وقت مأموریرینه ،  
 متشبث ، نفسندن باشقه سنه کووه نمز ، عزم ومئات صاحبی کنجلر  
 ییشدیره بیلیرسه ، فلاکتك اوکی آنجق اووقت آلمش اولور .

بر مملکته صاحب اولمق مأموریتچیلکه ممکن اوله من . مملکتك  
 حقیقی صاحبلی ، تجارتی ، صناعی ، زراعتی آلرینه آلمش اولان  
 عنصرلردر . طرز تربیه من ، کنجلره ساحه حیاته یالکز کندلی  
 نفسنه اعتماد ایتك ، ویا لکز باشنه مقدرات شخصیه سنك عامل مؤثری  
 اولمق اقتدارینی ویره بیلیماید . بو یولده تربیه ایدیلن برکنج ، هیچ  
 بر زمان بر حامی آرامق ، بر ذاته انتساب ایتك ذلتی قبول ایتمز .  
 کندیسنك ، عالمه سنك معیشتی تأمین ایدمك پاره یی سی ذاتیسیله  
 هریرده . نور .

مترقی غرب ایله متدنی شرق آره سنده کی درین بوشلق ، تشکیلات  
 اجتماعیه نك بر نتیجه سی اولدینی شبه سزدر . غربده هر فرد ، باشلی  
 باشنه بر ( انسان ) دو . هر کس ، کندلی مقدراتنه حاکم اولدینی  
 قناعتیله بو یومشدر . عالمه سندن ، دوستندن ، حکومتدن منسوب  
 اولدینی هیئت اجتماعیه دن بر معاونت بکله من . هر خصوصده یالکمز  
 شخصه کووه نیر ، هر شیده ، آنجق تشبث وسی ذاتیسی ایله تأمین



موفقیت ایدر . حیاتك مشكلاتی قارشوسنده اظهار عجز ایتمز . آلدینی تحصیل و تربیه اوئی ییلمز و اوصانمز پراتیق بر آدم یامشدر .

شرق ایله غرب آره سنده کی بوشلفی طولدورمق، تعبیر دیگرله؛ ملتزمه بر شهراه تعالی آچق ایچون اصول تربیه یی ده کیشدیرمکدن باشقه چاره یوقدر . فقط ، اصول تربیه یی ده کیشدیرمک ، برانقلاب اجتماعی اساسلرینی قورمق دیمکدر . اجتماعی انقلابلرده ایسه اساس، حائله تشکیلاتیدر . حائله تشکیلاتی او صورتله اولمیدرکه ، افرادندن هربری یالکیز اقتدار ذاتیسنه استناد ایتسون ، ترقی و تعالی قوتی کندی نفسنده آراس-ون . محیط ملیمزده حکم سورن یأس و کدرک منشائی ده عجباً حائله و محیط اجتماعینک طرز تشکیلی ایله علاقه دار دکلیدر ؟

شرق، حقیقی یأس و کدرک مشهردر . شعرلریمزده، موسیقیمزده، حتی اکلنجهلریمزده درین و مدید بر یأسک ایزلرینی حس ایتهمک ممکن دکلدر . ادبیاتمز دورادور بر ماتمک حزن انکیز سانجهلریله طولودر . شاعرلریمز ، حیاتك آجیلغندن نه قدر شکایت ایتشلرسه ، موسیقی شناسلریمزده بسته لرینه اونسبتده غم آکین بر آهنگ ویرمشلردر : دنیادن نفرت ، حیاتدن شکایت ایتمک ایچون ، حیاتك مدهش صدمه لرینه اوضراق ایجاب ایدر . صدمات روزگار ایسه آنجق ( سی ) و ( عزم ) دن محروم اولان فردلری صارصار . توکل مطلق که - حاکم اولدینی وجودلری درین تراویوشوقلغه سوروکلر - انسانی حیاتدن اوصاندره جق اک بویوک برسیدر .

یکی تورکیا اعتلا ایچون باشقه بر حائله کیرمکه مجبوردر . یکی بر حائله کیرمک ایچون ده طرز تربیه منزی ، تشکیلات اجتماعی منزی

اساسندن ده کیشدیرمکدن باشقه چاره یوقدر . حیات واستقبال  
حائله سندن ، حکومتندن بکلین ، تشبث شخصی و عزیم و اراده دن  
محروم بر نسل ایله اعتلا تأمین ایدیله من .

- حیاتی ، بالکیز کندی سی وغیرتندن بکل به جک ، آتی به امیدلی  
وفرلی نظرله باقه جق دینچ وعزمکار بر نسله محتاجز . نسل مستقبله  
ویره جکمز تربیه ، هر تورلو احوال واحتمالاته نظراً ، فردک موفقیتی  
تأمین ایده جک ملکه وقابلینلرک تمیه سنه حصص ایدیلیرسه بویه بر نسل  
یتشدیریلش اولور . آلمانیا ، شمالی آمریکا وانکلتره ده تعقیب ایدیلن  
تربیه اصوللرینک تدقیقی بزم ایچون نه قدر فائده لیدر .

آلمان وانکلیزلر کوچوک باشند اعتباراً چوجوقلرینه حربرانسان  
معامله سی ایدر ، اولری ، انا وبابانک معلوتی اولمقسزین ؛ مجادله  
حیاتله الفت ایتدیرلر . چوجوقلری ، استقبال ایچون یتشدیرمک  
استقبالک غیر ملحوظ صدماتنه قارشى مقاومت ایدم بیله جک صورتده  
فکراً ، بدناً زنده کنجلر حاضر لاقق آلمان وانکلیزلرک اک برنجی  
دستوریدر . آنا قوجاغندن اعتباراً بو شرائط داخلنده بویون بر  
انکلیز کنجی ، تأمین استقبال ایچون هیچ بر زمان حائله سنک معاونته  
عرض افتقار ایتمز . آوروپانک غرب شالیسندن قالدقرق ، بالکیز  
باشنه ، آسیانک اوبراوجنه ، آفریقانک جنوبنه ، آوسترالیا و آمریقانک  
اوزاق منطقهلرینه قوشان انکلیز کنجلرینک سائق و سر موفقیتلری  
کندیلرینه ویریلن روح تربیه ده آرا ملیدر .

هلاکیت ملیه دورنمه باب عالی مأمورلفنک رومی ده کیشملبر.

ملکتمزده مأموریت حیاتی ، بسیقولوژی ایله علاقه دار خریب  
ومغلق بر مسئله اجتماعیه تشکیل ایتکده در . مکتب صیره لرینی یکی  
ترك ایتش برکنجی عشق وطن ، حیت ملیه کی خصائل ایله متحلی  
کوریورز . بوکنج ، وطنی قورتارمقدن ، ملتک جریحه لرینی  
صارمقدن باشقه برشی دوشونمبور . محیطی تلویث ایدن سیئاته قارشی  
آئشیر بوسکوریور .....

فقط ، وطنه بوقدر حرارتله مربوط ارلان کنج ، برکره حیات  
مأموریت کچدیمی بوتون بو خصائلی تدریجاً قائب ایتکده باشلابور .  
مأموریتک داها ایلک قدمه سنده اخلاقی مدھش بر نحوه معروض  
قالبور . مأموریت هندالیه سنی اشغال ایتدگدن سوکره ؛ اوده ، دیگر  
بوتون مأمورلر کی ، هیئت عمومیه دن ، کتله دن آیریلیور . روحنده  
حافوقه قارشی تذالی ، مادونه وبالخاصه هیئت عمومیه به ( افراد ملت )  
قارشی ده تعظم میلانی اوپانیور وبومیلان باواش باواش نکائف ایدرک  
تھایت بر سحیه حالی آلبور . نتیجه ده ، منفعت عمومیه فکری ،  
موقفی منفعت شخصی به ترك ایدیور . مأموریت حیاته یووارلانیان  
کنج ، آرتق مأموریتدن اولکی سحیه لرینه مالک دکلدر . او ، هیئت  
عمومیه دن آیریلش بوس بوتون باشقه بر مخلوقدر .

وجدانه ، وظیفه‌سنة تعلق ایدن ایشلرده بیله ، وحداننك ، وظیفه‌سنك ایجاباتندن باشقه قوتلره رام اولمق مجبوریتنده در . ذکا و فطانتی وظیفه‌سنك حسن ایفا‌سنه دكل ، موقعنك محافظه‌سنه ، آمرلرینك جلب توجهنه صرف ایتك اضطرارنده در . چونكه بر مأمورك حائر اولدینی نفوذ و اقتدار ، شخصی اعتباریله دكل اشغال ایتدیکی موقع اعتباریله در . بوموقع نه قدر یوكسه لیرسه ، مأمورك نفوذ و اقتدار ده او نسبتده آرتار . موقعی غائب ایدن بر مأمور ایشه او كوندن اعتباراً حائر اولدینی نفوذ و قدرتدن صوبولور ...!

حالبوكه بر مأمور هر آن موقعی غائب ایتك تهلكه‌سنه معروضدر . بواندیشه ، اونی دائماً بی حضور بر افیر و اونده هر درلو مزایای نخبیه‌نك سونمه‌سنه سبب اولور . مأمور ، عهده‌سنده کی نفوذی محافظه ایتك و بالنتیجه آج قاله‌مق ایچون - چونكه مأموریتی غائب ایده جك اولورسنه باشقه بر ایش طوته‌میه جغفی بك اعلا بیلیر - ایجابنده وجدانه مغایره ایمانه مخالف ایشلر پامقده ، بر کون اول تجیل ایتدیکی بر ذاتی بر کون صوكره تحقیر ایتكده بر بآس كورمز ...!

موقع اقتدارده ایكن ستایشنده اطرا ایتدکاری بر آمری ، سقوط ایدر ایتمز ذم ایتك قالدیشان مأمورلر ، بو حالت روحیه‌نك برر ترجانی دكیدرلر ؟ .. تحول اخلاقی ، مأموریت چیغیرندن یتشمه‌ین فردلرده ده مشاهده ایدیلکده در . انقلاب نتیجه‌سنده بونوك مقاملره كچن اك متین ذاتلر بیله ، مأموریت صندالیه‌سنه چیتنجه اسکی حاللرینی محافظه ایده مبورلر .

چونكه او یوكسك صندالیه اوطوردقلری آندن اعتباراً بر طاقم تكاپولر ، انخفالر و تبصیرلر ایله قارشولانیورلر . متانت

اخلاقیه نك صار صیلمه سی ایچون امانسز برر عاملن اولان بو حاللر ، موقع اقتداره کچن ذات ده یکی بر سجه نمالاندر مغه باشلایور ، نهایت ، اوده ، مأموریتدن یقشمه علی العاده بر ( آمر ) اولوب کیدیور .

تبصبلر ، توصیلر ، تذلللر ، ستایشلر بو ( آمر ) ک ذکاسنی کورله نیور ، حسیاتی آلداتیور ، بصیرتی باغلایور ، اونده ، هر شیشی آبی بادیفی ، هر شیشی آبی دوشوندیکی کبی مضرب رقاعت اوایندیریور . . . تکابولر ، منافقانه تصدیقلر ، معاسز ویالانچی آلفیشلر ، الک متین اخلاقلی حر دوشونچی ذواتی بیله - حس ایتمکسزین - استبداده متمایل بر ( آمر ) حاله صوقه بیلیور . اطرافنی استیلایدن متبصبلرک آلفیشلادقلری یا کلش بر حر کنی اخطار جرئتمده بولنانه قارشی ، اونده ده ، بوتون مستبدلر کبی ؛ غیر شعوری بر کین و نفرت تولد ایتمی غایت طییی اولمزیمی ...؟

هر فرد ، انسان اولوق اعتباریله ، بشریتک بوتون ضعفیتلرینه وارندر . بنساء علیه الک متین بر آدم ده ، ملوث بر محیطده نجیب حریتلرینی فآب ایده بیلیر . قنالغک اوکنی آلق ایچون محیطی اصلاحه چالیشمقدن باشقه چاره یوقدر .

مأموریت حیاته کیره جک ، آمریت مقامنه او طوره جق فردلری مأموراتی مرضنه طو تولمقدن قورنارمق ایچون ، افراد ملتده عزت نفس ، استقلال فکر کبی سجه لر تمیه ایدیللی ، عزم واراده صاحبی کنجلرک سجه لرینی محافظه یه اعتنا کوسترملیدر . حاکمیت ملیه دورنده مأمورلر ، آمرلر ، تکابویه قولاق آصمه یه جق ، تبصبلدن نفرت ایده جک ، منافقانه ستایشلردن ذوقیاب اولیه جق قدر بویوکلک کوسترمکه آلیشمالیدرلر . حاکمیت ملیه ده افراد ملتک حصه حاکمیتی مساویدر .

بر بالقجی ، بر اسکیجی ، بر چیفتجی ایله بر مبعوثک ، اک بویوک بر  
بر مأمورک فرقی یوقدر . یالکز وظائفک ، صلاحیتک حدودلری  
درکه اوتو کیلرنده داهآز بریکیلرنده داهاجوقدر . فقط بوصلاحیت  
بو وظائفده قانوناً معین در ، بناءً علیه ( اقدی ) یوقدر . یاخود  
هر فرد قانون دائره سنده افندیدر . حاکم ، یالکز قانوندر .

کلاه قایق ایچون مأموریت آراپانلرک یرینه مملکتی قورنارمق  
عشقیله نیتربیلر اقامه ایدیلدکجه آسیاب دولتک [۱] منتظماً دوری  
امکان خارجنده در . وظائف تحدید ، اعمال تقسیم ، مسئولیت تبیین  
ایدیلیدرکه بر مأمورده حقیقه وظیفه منی ایفا ایدیبیلسون . هر حالده  
وظیفه شناس ومقدم بر مأمور ، موقعندن امین اولمی ، مسئولیت  
قانونیه دن باشقه هیچ یر شپدن ییلمامیلیدر .

مسئولیت قانونیه نکه دم بلانفریق هرکسه بی امان اولمی تأمین  
ایدیلیدر . هیچ بر کیمسه ؟ موقی نه اولورسه اولسون ؟ قانونی  
مسئولیتدن هیچ بر صورتله مصون قالماملیدر .

خلاصه مملکت ده هرکس شودستوره ایمان ایتمیلیدر : یلکی نورکیاده  
هر فرد هرینه مالک ، حقوقجه مسابدر . حاکم ، یالکز ویالکز قانوندر .  
قانونه قارشی هرکسی مسئولدر .

[۱] ( آسیاب دولتی برخرده اولسه دونده دربرا ) سوزنی دستور اتخاذه  
اینگله زمانی چوقدن کچدی . او خیرلر آسیاب دولتی ترسنه دوندردیلر .  
همر حاضر ده کیرمنلری اشکارله دکل ، عرفان و دکای بهرله دونیور !

## يكي توركيانك بهر فئري

مبظم بر انقلاب مولودي اولان يكي توركيانك ، داخلاه حاكيت مليه شكل حكومتي اساسلانديرمق و هر كسه سوديرمك ، خارجه صوك ظفر ك تايمين ايتديكي يوكسك موقى محافظه ايتك ايچون هر ساحده مستعجلاً قعلى و مثبت تشبثاه كيريشمك مجبور يئنده در .

بونلار بئاندين بر قسقى طوغرودن طوغرويه حيسانى بر مبرينى حائزدر . بونلار اك مهملى ، تكثير نفوس ، تعميم معارف ، توزيع عدالت ، تقرير آسايش ، تايمين عمران و رفاه مسئله لريدن . مى حاكيتنى جانى وقانى بهاسته ائده ايدن و آنچق بوسايه ده قورتولان توركيانك ايلك هدفى پروفسر بر صلح تايمين ايند كدن صوكره يكي اداره نك رنجمايتتى خارجه و داخلاه قارشو فملاً كوسترمك اولمايدير . بونك ايچون ده افراد ملتدن هر كسه حاكيت مليه يي آكلاقمق سوديرمك ، دولت ماكنه سنى بوس بونون يكي بر ذهينيله قورمق ايجاب ايدر .

يكي اداره نك شمار يمىزى ، مؤسسه لر مذك تكامل تاريخلىرى اونونولماق اوزره ، هر شيشه يكي برووح ، عصرى بر حيايت و برمك ، حاكيت مليه نك تمثالى اولان قانونى ضرورت مطلقه ده حاكم قيلمق و طوغرودن طوغرويه خلقك رفاه و سعادتق هدف ايتك اولمايدير .

بناءً عليه، ملی حدودلر تأمین ایدیلد کدن صوکره ، منحصرأ بوحدود داخلی دوشونمک ، ماضینک سرگذشتهجویانه سیبسته قطعی برخاتمه ویره رک یکی فائلهلر احداثندن توفی ایتمک ، بزم ایچون بردستور حرکت اولمالیدر .

### تکثیر نفوس مسئلهسی

بزی بوکون ویاړین الکچوق اشغال ایتیمی ایجاب ایدن مسائلدن بری وبلکه برنجیسی نفوس مسئلهسیدر . یکی توریانک الکاول دریش ایتیمی لازم کلن هدفلردن بری ده بودر . چونکه بوتون عمده لر ، نفوس مسئلهسنه استناد ایدرلر . شوخالده ، نفوس مسئلهسنده عزیمکارانه بر صورتده تطبیق ایدیلد جک قطعی مثبت بر سیاست مخصوصه من اولوق اقتضا ایتمکده در . تکثیر نفوس مسئلهسنه ، ملی بر مسئله حاله قویه رق بونکله دواملی بر صورتده اشتغال ایتیمه من مبرم بر وظیفه در .

تزیید نفوس مسئلهسی ، ظن ایدیلد یکی کی؟ تکثیر زوجانه حل اولنه من . مسئله او قدر بسیط دکلدرد . ظاهرأ جوق جوجوق طوغمانی تأمین ایدر کی کورون بوشکل حل ، صوری برشیدر . تکثیر نفوس مسئلهسی پالکز جوق جوجوق طوغورتمق وسائلنی احضارایله حل اولنه من . مسئلهنی اولای علمی بر صورتده قاوارامق ، صوکرده علمی اساسلره توفیقأ حلی جاره لرینی آراشدیرمق اقتضا ایدر . بک شمولی اولان بوتون بوخصوصات تحری واسباب وعوامل تعیین ایدیلد کدن صوکره درکه مسئله آز جوق تنور ایدر . مسئلهنک اشکال حلیهسی آنجق بوندن صوکره قریر اولنه بیلور . بونک ایچون اول امرده طوغورو بر ایستانتیق تنظیمنه احتیاج واردر . چونکه نفوسمزک بوکونکی حسابنی بیله مزسه ک ، هیچ بر وقت نه یاپه جغمزی تعیین



ایده مهیز. ایستاستیق اعانه سیله حالمزی اکلادقدن سوکره درکه نفوسمزی هم مقداراً، هم ده جنساً یو کس لئمکه چالیشه بیلیرز. تعقیب ایدیله جك نفوس بولتیقه سنك خطوط اساسیه سی صریحدر: اولوفیاتی، اسباب وفیاتی، تانیاً مملکتده کی شرائط حیاتییه یو شرائط حیاتییه ایله خرافوی قناعتلرک، جهلی اعتبارلرک وفیات اوزرینه تأثیرخی آراشدیرمق لازمدر. ایستاستیق تنظیمنده ایلك خطوطه یو جهته آتیلحق ایجاب ایدر. ایکنجی خطوه ایسه تولداته متوجه اولمیدر. علی العاده احواله تولداتك مقداری، بومقدارک تزايد ویا تناقصی اوزرینه مؤثر اولان عواملک تعیینی بوقسم فعالیتیه داخلدر. عینی زمانده چوجو غك ابویه یو کله دیکی مزاحم ومضارفك تنقیصی اسبابنك تحریسی ده لازمه دندر. فقط نفوس بولتیقه سی مالکزوفیاتی آزالتمق، تولداتی چوغالتمقله ده حل ایدیلش اولماز. مملکتك اعماری، اجتماعی تقسیم اعمالک تنظیمی، عائله لرك اسباب رفاه ومیشترلینك تأمین وتوسیعی، کویلرده وقصبه لرده شرائط حیاتییه نك تمامیه محی اساسلره کوره تبدیلی، باطافلقلرک قورودولمسی، اولرک خیابان، هوادن بولبول استفاده ایده بیله جك طرزده انشاسی، مزخرفانك صحت عمومیه یی تهدید ایتمه یه جك شکلده لغملره اجراسی کی عمرانی، رفاهی، اقتصادی مسئله لرك کافه سی نفوس بولتیقه سیله مناسبتداردر. بونلردن باشقه نفوسک جنساً اصلاحنه تعلق ایدن تداییرده ینه بو ساحه ده داخلدر.

تکثیر نفوس مسئله سی درپیش ایدرکن خارجدن مهاجر جلب واسکانی ده نظر اعتباره آله بیله جك مسائلدندر. فقط یوخصوص ده اوقدر بسیط برشی دکلدر. سیاسی، اجتماعی، اقتصادی، محی وحیاتی برچوق خصوصاتله علاقه داردر. خارجدن قبول ایدیله جك مهاجرلره مسلمانلری قصد ایدیورز. فقط، ماضینك ودونك قانلی ماجرالری

بو خصوصه ده احتیاطکارانه حرکتی آمر دوسرله مالامالدر .  
تورك اولیان عناصر اسلامیه نك كئله حائده قبولی دوشونيله جك بر  
مسئله در . هر حالده بو خصوصه ده تمثيل و تمثيل قابليتلى برنجى  
درجه ده نظر اعتباره آلتقى ايجاب ايدر .

تورك مهاجرلر ايجونده اولجه باشادقلى محلكلر شرايط  
اقلیمیه لريله اسكان منطقه لرینك شرايط اقلیمیه لری ، حتی شرايط  
صحیه لری درپیش ایدیلک ايجاب ايدر . عكس تقدیرده مهاجر جلی  
هم كله جك مهاجرلر ايجون هم ده مملكت ايجون بر فلاكت اولور .  
تكثیر نفوس مسئله سنده شو نقطه بر اساس اوله رق قبول

ایدیلیدر: بر مملكتك نفوسى ، نورانك زامانده زیاده وفياتك  
نافعیه هموقه دارور . صوك عصرده نفوسلرینك ترایديله شهرت  
بولان مملكتلر بو نتیجه یی تولدانی آرتیرمقله دكل ، وفياتی آزانمقله  
تأمین ایتشلردر . طوفان چوجوقلر باشایاماز و یاخود جیلز ،  
صیتمه لی ، خسته لقی اولورارسه تولدات نه قدر چوق اولورسه  
اولسون ، نفوس تراید ایده هنر . نفوسك تکثیريله صاعلام ، کوربوز

افراد مقصوددر . یوقسه جیلز ، مریض انسانلرک چوظالماسی بر  
مملكت ايجون باعث سعادت وقوت دكل ، عامل سفالت وانحطاطدر .  
شو حالده نفوس پولتیقه هنرک جان آله جق نقطه سی وفيات حقه ده کی

ایستاستیق اوله جقدر ، بو ایستاستیقلر بزه وفياتك سبیلرخی ، بو  
سبیلردن هر برینك مختلف برلرده ، مختلف یاشلرده ، مختلف موسملرده  
نه قدر ضایعاته بادی اولدیغنی کوستره جکدر . بوسبیلر ، علمی برصورتده  
تعین ایتدکن صکره درک هر برینه قارشى آله جق تداییر قرر ايدر  
وهر برینه قارشى اهمیتی نسبتده شدید بر مجادله یه کیریشيله بیلیر .

اسباب وفياتی ازاله مقصدیه آچه جنمز مجادله مناسبيله

نفوس پولتیقه هنر، معارف سیاستمزلده علاقه دار اوله جقدره چونکه کویلرده ، حتی قصبه لرده معارفك تعممی ، تربیه صحیه نك یوکسلمه سی . بدنی ادمانلرك آرتمه سی اسباب و فیائی ازاله ایدم جك اك قوتلی عوامل اوله جقدردر . حتی نفوس پولتیقه سی بوسبیلرك ازاله سی خصوصنده خلقك قدسی حسلرندن ، دینی تلقیناته اولان خواهشلرندن ده استفاده ایتمی اونو تمامیلدر : نظامك ایمانیه اولدینی ، خلقه بر عقیده دینه اوله رف تلقین ایدیللی ، دینك بو خصوصده کی اونو تولمش قورتاریجی احکامی احیه و تلقین اولمالیدر [۱]. خلق تربیه صحیه به آیشمانك ، حفظ صحت قواعد و وصایاسنه رعایتك دینی او امر مقتضاسندن اولدینی آکلارسه ، بونلره درونی بر شوقله اعتنا کوستریر و رعایت ایدر . احوال صحیه و و فیاتك تناقصنه عائد تدابیره رعایتك بالکزر کندی منفعتلری اعتباریه دکل ملی منافع نقطه نظرندن ده الزم اولدینی هر وسیله ایله خلقه آکلایلمالیدر . بر طرفدن و فیاتك اك جوق تخریبات یابدینی چو جوقلری قورتارمق جهتی دوشونیلیرکن دیگر طرفندن ده پك ابتدائی بر حالد . بولتان کویلریمیزی یوکسلمه ك بولارینی آرامالی یز . مملکتك عمده سی . اولان کویلیرك شرائط حیاتیه لری ، نساری و مهلك خسته لقلرك ظهور و انتشارنده ، بنیه لرك تخریبنده اك بویوک بر عاملی اولان کوی اولرینك اصلاحی ، یکی تورکیاتك اک مهم مشاغلندن بری اولمالیدر . کویلریمیز ، حتی قصبه لریمز ، تغدی خصوصنده بیله وصایت محتاجدر . طرز تغذیمزك ماهیتی ، کیندجه مدنیله جك و بناء علیه مشکلاشه جك اولان حیات مستقبله به کوره غدالرمزك درجه کفایتی مسئله سی فی

[۱] اسلامك تربیه صحیه و محافظه نظافت و طهارته ، امراض مسئوله دن توقیه ، خلاصه حفظ الصحه عائد تدابیره رعایت دائر اولان احکامی ( ظلمندن نوره ) اثر منوده تشریح و ابضاح ایدیلشد .

صورته تدقیق ایدیلک ایجاب ایدر . باطافلقلرک قورودولماسی ، سینکارک وسائر طفیلیاتک احساسی خصوصلری ده نفوس بولتیقه سنک ساحه سنده داخلدر . سیوری سینک ، بیت کی طفیلیاتک مملکت مزده بادی اولدقلری نفوس ضایعاتی ، محاربه لرده وقوعبولان تلفاته نسبتله قات قات زیاده در . مدافعه ، لیه وکالتک حرب عمومی ده ، خسته لقدن ویا محاربه دن تلف اولانلر حقنده نشر ایدم چکی ایستاتسیقلر بو خصوصده بزه ابتدائی برفکر ویره ییله جکدر . کویلرده ، قصبه لرده خلق آرده سنده وقوعبولان وفیاتک مقداروماهیتنی کوستره جک منتظم ایستاتسیقلر طوتولش اولسیدی ، بوجیلز ویس طفیلیاتک نه مدهش بر آفت اولدقلری آکلاشیله بیلیردی .

شو سطرلرله اختصاصکارانه تدقیقانه محتاج اولان تکثیر نفوس مسئله سنی حل ایتمک دکل ، اهمیت ووسعتی حقنده قارئلری دوشوندورمک ایستیورز . تمی ایدم رزکه ملت ایچونلک حیاتی بر مسئله اولان بوموضوع هر فردی علاقه دار ایسون . هرکس ، بو خصوصده هم فردی هم اجتماعی وظائفی ادراک و بونلرک ایفاسنه اهتمام کوسترسون ... هر حالده یکی تورکیا ، نفوس بولتیقه سی حقنده وقت ظائب ایتمک سزین اساسلی وقتی بر اجرا آت پروضامی یایمالی و بو پروضامی دولتک الک مهم وظائفی عدایده رک منتظماً ودواملی بر صورتده تطبیق ایتملیر . بوقدر آلم فلاکتلردن متنبه اوله رق آرتق فائده سز دیدی قودیلر ، قورو فرضیه لر ، منفور شخصیات احتراضلری ایله اوغراشما یلم . حیاتی مسئله لرمنی دریش ایدم . آل برلکیله استقبالی تهید ایدن فلاکتلرک اوکنی آلمغه ، ملتی و ملیگتی یوکسلیتمک چالیشلم .

ایمانه ایدم لم که ، فردی رفاه و سعادت ، آنجه معشری و ملی رفاه و سعادتک دم و دیرنه محضه ایدر .

## تعمیم و معارف مسئله سی

تعمیم معارف مسئله سی ، بر تمدین و تربیه مسئله سی کبی دوشونمک  
مجبوریتده یز. بناءً علیه ، یالکمز چوجوقلری دکل بویوکلری وبالخاصه  
کویلولری تنویر ایتمکده تعمیم معارف ساحه سنده داخلدر .  
خلقی ارشاد ایتمک اوزره وارد خاطر اوله بیله جک تدابیر آره سنده  
ملی تنویر هیئتلری تشکیلی نتایج نافعنه تأمین ایدم جک تشبیلردن  
صایله بیلیر . بو هیئتلر خلقه ، صور مختلفه ایله اجتماعی ، اقتصادی ،  
زراعی ، معی ، دینی ، اخلاقی تلقیناتله مکلف اولمالیدر . تورک اوجاقلری ،  
بو خصوصی درعه ده ایدر لسه مفکوره لرندن اک مهم بر قسمک تحققة  
خدمت ایتش اولورلر .  
کویلولری تنبلک ، عشرت وسائر مضر اعتیادلردن قورتارمق ،  
خلقمزک بر قسمک روحلرینی کیرن و ملت آره سنه ( قیزیلباش ) ،  
( واطلاق ) ، ( تختجی ) کبی کونا کون نامرله تفرقلر صوقان  
جهل و خرافه منبعلرینی قوروتمق و بو بدبختلری دده لره ، بالارک ،  
صوفولرک کبرلی و متعفن تلقینلردن قورتارمق درجه وجوده در .

آناطولینک تمدن خصوصنده بو قدر کیری قالماسنده بو کی مذهبی جریان و اعتقادلرک پک ألیم تأثیراتی اولمشدر [۱].

تنویر هیئتلری ، بو وظائفدن باشقه ، کویلولره انسانجه یاشامق ، انسانجه ییوب ایچمک ، انسانجه یاتوب قالقمق یوللرینی تلقین ، واسطه لری تعلیم ایتلی ، مدنی و دینیج انسانلرک ناصیل کیدکلرینی ، بر کویک سوقاقلری ، اولری ، صولری ، خللاری ناصیل اولق ایجاب ایتدیکنی کویسترملیدر .

تنویر هیئتلری ، میسیونرلر قدر فداکار و ایمانی ذواتدن متشکل اولور ، اولر کی منتظم بر بر و ضرام دائره سنده حرکت ایدرلر سه فعالیتلری آرزومان ظرفنده امیدک فوقنده نتایج حسنه ویره بیلیر . اولویررکه هیئتلری تشکیل ایدنلر عنزم و امیدایله مجهز اولسون و هیچ برمشکلدن ییلماسونلر . تورک اوجاقلرینک ایمانی و شعورلی کنجکلری ، منطقه لری داخلنده بویولده تنویر هیئتلری یاهرق موفقیته خطوله لر آتیبیلیرلر . موفق اولق ایچون کویلولرک روحنی آکلامق ، اعتماد و صمیمیتلرینی قازانمق کافیدر . فقط ایشک اک مشکل جهتی ده بودر . لوانیمیزم روحیه آشیلانمش منورلرشمدی به قدر هر حرکتلرله کویلولری قوشقولاندرمش اولدقلرندن ، خلقده منورلره قارش معنایست صمیمی اعتماد زائل اولمشدر . فقط ، بزتورک اوجاقلرینک مفکوره لی کنجکلری ایچون خلقک اعتمادینی قازنمی اوقدر مشکل کورمیوروز . چونکه ملی روحک هیجانلرله حرکت ایده جک اولان بو صمیمی کنجکلر ، کویلونک روحنی پک کوزل آکلار ، حساباتی ، دویوشنی

[۱] ( خرافاتدن حقیقته ) کتابمزه ، بوتون بو مضر عقیده لرک منبع سوماهیتلری تشریح ایدیلشدر .

يك آبی كشف ایده بیلیرلر . ملنك روح وسجایاسنی دأثما نظر اعتباره  
آلق ، ملی عنضه لك تكامل تاریخیسنی كوزنمك شرطیله حرک  
ایدهلدیکی تقدیرده ، تورك اوجاقلری ایچون موفقیت محققدر . بونی  
پوتون قلبمزله تمنی ایده رز .

تورك اوجاقلرینك طوغوره جنی تنویر هیئتلی ، عینی زمانده  
تأسیس ایله ده اوغرا نمالیدرلر . ( خلیقات ) ك جمی ، ملی عنضه لك  
تكامل تاریخی دائره سنده انكشافلرینی تأمین ، صنایع ملییه ای احیا  
ویکیدن یکی به صنعتكارلر یتشدیرمك یوللرینی تحری ، معمولات  
داخلیه لك رواجنی تأمین ایده جك اسبابی احضار ، یرلی قاشلردن مودالر  
چیقارمق کبی فعالیتلر تورك اوجاقلرینك مشاغلی صره سنه کیرملیدر .  
اوجاقلر بوفعالیتلرینی قونفرانس لر ، غزته لر ، خلقه مخصوص و آجیق  
لسانله یازیلش کوچوك کتابلرله تأمین ایده بیله جکلی کبی فعلی  
حرکتلریله ده عمومه نمونه امتثال اوله بیلیرلر . ملی مفکوره بی طویمش  
اولان منور حائلر ، یرلی قاشلردن آداب ملیه مزه موافق ظریف  
مودالر چیقاریر و بونلری بالذات کیمك صورتیله هرکسه نمونه متثال  
اولورلر سه ثروت ملیه مزك هرکون آقین آقین دشمنلریمزك جیلرینه ،  
اجنیلرک قاسه لرینه دولماسنك اوکی آلینمش اولور . هر فرد ، مساعیسیله  
قولایجه کندینك و عائله سنك سعادتنی تأمین ایدر . هرکون ییغین  
ییغین مملکتتمزه طولان تجملات ، رواج کورمینجه آرتق کلز اولور .  
عائله مصرفلری آزالیر . بو کون عائله کچیندیرمك مشکلا تندن ناشی  
تأهل ایده میان کنج لر ، اوده قالان قیزلر یارین مسعود برر عائله  
تشکیل ایدرلر . بوندن باشقه ، عائله کچیمزلکی اسبابندن الكمه چی ده  
اورته دن قالمش اولور . بو کون استانبول کبی بویوک شهرلر مزده

یبقلمقدمه اولان-عائله لرك ، تكثر ایدن طلاق لرك اك مهم سبیلرندن  
بری ، نجه لاته قارشى اویانان ابتلادر . هر کون بر چوق یووالر بو  
ابتلا نتیجه سنده تارومار اولدقلری کی بر چوق معصومه لرده فحشك  
آغوش سفالنه یووارلانمقده درلر .

محیطه واحتیاجه کوره کوره تشکیلی ایجاب ایدن تنویر هیئتلرینک  
هم مثبت هم ده منفی ساحده جالیشمالری ایجاب ایدر . بر طرفدن  
فناقلری ازاله ویکیدن یکی به باشلایه جق ابتلالرله مجادله دیگر  
طرفدن ده ، مستقبل حیات مدنیه عزك قورولماسنی تأمین ، ملی باقیه لره  
ملی شرکتلر ، ملی مؤسسeler تشکلی تشویق ایتمک تنویر هیئتلرینک  
برنجی درجه مشاغلی صره سینه کیرمیلیدر . حکومتده بوفعالیتده  
مادتاً ومعناً تنویر هیئتلرینه ظهیر اولمالیدر . خلقمیز ، انتخاب بوصله لرینی  
ویریرکن ، سیاسی اجتراسلری دکل ، ملی احتیاجلری نظر اعتباره  
آلیر ، وکالتی مفکوره لی ، عرفانلی عزملی اولادینه ویریرسه ،  
حکومتک بومظاهرتی طبیعتیه تأمین ایدیش اولور .

هرکوی ده ، هرناحیه ده ، هر قضاده جمعه کونلری عمومی تعطیل  
باپدیره رق خلقی جمعه نمازینه کیتمه ک تشویق ایتمک وبو تجمعیدن  
بالاستفاده تنویر هیئتلری خطیبلری ، ویا بونلرک افاضه ابتدکی  
عرفانله مجهز واعظلر طرفندن فضیلت اخلاقیه ، تربیه صحیه ،  
تجارت ، صنعت وزراعت ، سى وغیره ، ملی حسیاتک ایفاظنه ،  
کوفلی خرافه لرك ترکنه ، حقایق عالیه اسلامیه نك تشریحنه دائر  
موعظه لر ایراد ایتمک نتایج نافع ویرمیلیر . نمازدن صوکرده  
خلق ، کوی وقصبلر جوارنده انتخاب ایدیله جك ( تعلیم مسیره سینه )



کوتوره درك كنجلره بدنیه امانلر، سلاح تعلیملری، حرب تجربه لری،  
 نشانچیلق تیرینلری، آت یاریشلاری یابدیرمق، متقاعد ضابطانله  
 عسکرلرکدن مخرج چاووشلری بو وظیفه ایله توظیف و کویلره،  
 ناحیه لره کوندرمک ده نمره نافعده ویره بیلیر. خللق تعلیم مسیره لرینه  
 طوبلانمارینی تشویق ایچون، داووللر، زورنالر، موزیقلر  
 بولندورمق، موفقیت کوسترنلره مکافاتلر ویرمک خصوصلری ده  
 دریش ایدیلیدیر. هر محلك اخذ عسکر شعبه لری، حکومت  
 ملکیه مأمورلری بو فعالیتک ادامه وانتظامی تأمین ایله مکلف  
 طوتولمالیدیر.

تعمیم معارف مسئله سی برتمدین و تربیه مسئله سی کبی دوشونملی بز  
 دیمشدک، بونکله معارفدن، شمدی به قدر آکلاشیلدینی کبی، ساده جه  
 یازدیروب اوقوتدیرمق ویا یوکسک تحصیل کوس-تروب شاعر،  
 فیلسوف، محرر، مأمور.. یقشیدیرمک طرزنده برمضا قصدا یتدی کمزی  
 آکلاتمق ایسته مشدک. تعمیم معارفله عرفانی، اقتصادی واجتماعی  
 بر مجموعه حرکات آکلاشیلمالیدیر. بو حرکاتک برنجی ساحه انکشافی  
 کویلر اولمق ایجاب ایدیر. فقط بزده هر کویده بواوچ نوع حرکاتک  
 انکشافه مساعد مؤسسه لر آچمق امکانی یوقدر. کویلر مزدن برچوخی  
 اعظمی یکریمی اوتوز خانه دن عبارتدر. بر چوق یرلرده ده کوی  
 اولری بربرلرندن یکریمی اوتوز دقیقه لک مسافدرله آیریلشلردر.  
 بوملاحظه به منی یدی سنه اول نشر ایتدی کمز برارده کویلر ایچون  
 لیلی منطقه مکتبلری تأسیس فکرینی اورتایه آتمشدق [۱]. منطقه  
 [۱] خرافاندن حقیقه اثرضک منطقه مکتبلری بحثه مراجعت.

مکتبلی ، کوپلو اولادی ایچون برر تمدین یوواسی اوله جنی کبی حیات ایچون اقتضا ایدن اقتصادی، عرفانی واجتماعی معلومات و تربیه یی ویرمکه ، کوپک محتاج اولدینی ابتدائی ضاعتلری تعلیم ایتمه مساعد شرائطی ده احتوا ایده بیلیر .

وقتیه ایلری سورمیش اولدیمز بو فکرك مملکتده بر چوق طرفدار قازانمش اولدینی کورمکه بختیارز . اخیراً از میرده انعقاد ایدن اقتصاد قونفره سنک مذاکراتی آره سنده بو مسئله ده دریش ایدیش ، هرلوا داخلنده یکدیگرینه مناسب وجوار اولان قرای متعدده ایچون اراضی کافیه یی شامل لیلی بررمکتب ابتدائی تأسیسی تحت قراره آلمشدر .

لیلی منطقه مکتب لیرینک نه کبی شرائطه تابع اوله جقلری وبومکتب لیرک کوپلیرک تمدینی خصوصنده نه قدر مؤثر رول اوینایه جقلری وقتیه ایضاح ایدیش اولدیمز بورداه تفصیلاته کیریشمه لزوم کورمبورم . یالکز شونی سویله ییم که ، شرق اوردوسی قوماندان محترمی ( کاظم قره بکر) پاشانک شرق جبهه سی یتیملری ایچون تأسیس ایتمش اولدینی مؤسسه ، لزومی ادعا ایتدی کمز منطقه مکتب لیرینک فیضلی بر اورنکی در . منطقه مکتب لیرینک مملکتده نه عظیم بر انقلاب تمدینی باه جقلری تقدیر ایده بیلیمک ایچون شرق جبهه سی یتیملیرینک بو کونکی حاللری کورمک و بونی اسکی حاللریله مقایسه ایتک کافیدر . ناصل که یدی سنه اول بر تصور اوله رق ایلری سوردی کم لیلی منطقه مکتب لری فکری ، شرق یتیملری کوردکدن صوکره بنده صارصیلیمز بر ایمان حالی آلدی . تمی ایدرم که بو فکر ، هر کس ده بر قناعت حالی

آلسون و هرلوا داخلنده بو کبی مؤسسه لر کشادینه باشلانیلسون .  
 یو مکتبلر ، دوشونیلن شرائط دائره سنده آچیلیر و مطلوب طرزده  
 دوام ایتدیریلیرسه ، بشاون سنه صوکره ، مملکتک عرفانی ، اقتصادی  
 واجتاهمی بویوک بر انکشاف و اعتلا کوستره جکنده شبه یوقدر .

یکی تورکیانک معارف عمده سی ، تربیه ابتدائیه ده عمومی بر  
 وحدت ، تحصیلک متعاقب دوره لری ایچونده موجود و یایکیدن  
 کشاد ایدیلر جک اولان مکتبلری پروغرام و ماهیت اعتباریلر مملکتک  
 احتیاجاتنه کوره آیرمق اولمالیدر . مکتب و مدرسه ایکیلیکی آرتق  
 تاریخه انتقال ایتلیدر . ابتدائی تحصیلده وحدت تأمین ایدیلرک  
 مدرسه ده طبیه ، مهندسخانه ، ادبیات ، حقوق قا کولر لری کبی  
 اختصاصی مؤسسه اولمالیدر . بو کون مملکتتمز اک جوق اقتصادی  
 و عملی فردلره یعنی ایش آدملرینه محتاجدر ، کویلورلرک صاپان  
 دمیرینی یاپه جق . آیاق قابی دیکجک اک ابتدائی صنعتکارلر مفقود ،  
 زراعتمز قرون وسطی درجه سندن بیله کیری ، اقتصادیاتمز تمامیلر  
 یابانچیلره مودوع ایکن ، تحصیل ایچون کویندن ، قصبه سندن کلن  
 چوجوقلره فرانسه نک ادبیاتی ، ( داروین ) ک منشأ انواع نظریه سی ،  
 ( هکل ) ک ( انسان - مایمون ) غربیه سی ، عربلرک تشیه ضمیری  
 اوله رق نیچون ( ها ) دیوب ( هم ) دیمدک لرینی ، فرعونک ایمانله کیدوب  
 کیتمدیکنی ، ( سامری ) نک یابدینی بوزاغی نک سس چیقاروب  
 چیقارمادیقی حضرت صالحک دوه سنک قولقلرینک آلتوندن ویا  
 کوموشدن اولدینقی اوکرتمک چالیشمق ، صاف ذهنلری بوکبی شیلرله  
 یورمق و بوغق آغلانه جق بر فجیمه در .

بزی یوکسلته جک وقورماره جق معلومات نه لامارتینله آلفونس

دوده نك مقایسی ، نه ( داروین ) نظریه سی نه ده ( هكل ) لك انسانك  
 مایمونه تكامل ابتدیكی یولنده کی ادعاسنی تأیید ایچون ایکیسی آره سنده  
 تصور ایلدیكی مخلوقاتك اسملری نه ده اسقولانیک خرافه لریدر . مملکتی  
 یوکسلته جك معارف ، چوجوقلرمزی حیات مجادله سنه قارشى هر  
 خصوصده تجهیزا بده بیلن معارفدر . یارینه حاکم اوله بیلیمك ومملکتی  
 کیتدیجک یوکسلتمك آنجق کویدن باشلامق اوزره محتاج اولدیغمز  
 ساحه لرده عرفانی ، اقتصادی واجتماعی اساسلی برانکشافله تحققایدر .  
 حیاتی احتیاج ، فکری زیفته ، حیاتی لزوم ذوقی سوسه ترجیح ایدیلزسه  
 اوکره بیلن شیلر عموم حسابنه منفعتدن زیاده مضرتی ، اوکره نن فردلر  
 ایچونده باعث سعادت اولمقدن زیاده عامل فلاکت اولمنی استلزام ایدر .  
 شو حالده یکی نورکیانك معارف پردغرامی ، ملی هرث ، مدنی  
 حیات پردغرامی اولمالیدر .

ختم

## فهرست

صفحه	
۳	باشلانغیچ
۹	یر ملت مقدراتی آنجق کندی تعیین ایدر
۱۷	حاکمیت ملیه - سلطنت شخصییه
۲۷	تورک ظفری ملی روحک خارقه سیدر
۲۰	تورک تاریخک طانیدینی الک اسکی ملتزدن بریدر
۴۳	تاریخی تورک انموزج اجتماعیسنی ایلک محیطی یارانمیشدر
۵۵	تورک ترک مقدرات تاریخیه یوللرینی طبیعت احضار ایتیشدر
۶۴	تورک تاریخک ملت اوله رق طانیدینی الک قدیم اقوامدن بریدر
۸۲	تورک ترک تاریخک ساحه ضبطنه کیردکلری زماندن بوکونه { قدر دائما مستقل و حاکم یاشامیشلردر
۱۱۶	تورک لر واسلامیت
۱۲۶	اوغوز تورک لری اسلام عالمی نه حالده بولیشلردی
۱۵۳	تورک ترک اسلامیت اوغورنده کی فدا کارلقلری
۱۸۵	اهل صلیب قارشوسنده تورک لر
۲۳۳	سجایای قومیه
۲۴۱	تورک لرده حکومتجیلک و عسکرلک سجه می
۲۵۸	ملی توره و یاسالر
۲۷۰	ماضیدن آتی به کچرکن
۲۷۷	استقبالی قورمق و بوکسلیتمک ایچون
۲۸۰	نجات یولی
۲۸۵	حافظه کارلقی - جذریلک
۲۹۱	یکی تورکیا یکی بر اصول تربیه تعقیب ایتلیدر
۲۹۹	حاکمیت ملیه دورنده باب عالی روسی ده کیشمیلیدر
۳۰۳	یکی تورکیانک هدفلری
۳۰۴	تکثیر نفوس مسئله سی
۳۰۹	تعمیم و توحید معارف مسئله سی

# مفصل تورك تارىخى

الېكترىنى كىتاب

طبى ختام بولۇق اوزره اولان بو جلدله اصل تورك تارىخى كىرىلشدر .  
بو جلدك مباحثى ش-ونلردر : مىل دستان - توركلرك منشائى - طاغىلر -  
قويونلور - قويونلو دولتلك ادوار شوكت و استىلاسى - قويونلو دولتلك  
انحصاطى - قويونلو دولتلك انقساسى - شىمالى قويونلو دولتى و عاقبتى - جنوبى  
قويونلو دولتى و عاقبتى - چىندە قويونلور - اولوغ هان خانلىقى - چاغو  
خانلىقى - له آتغ خانلىقى - غرىبده قويونلور - هونلر - آقى قويونلور، ايتاليتلر -  
طوغوللور - ووهوانلر - سىيەن پىلر - جوجنلر - آوارلر - بويوك بوته چىلر -  
اوچونجى و دردنچى جلدلرده پىدېرى نىشر اولنه چقدىر .

## اسلام تارىخى

قبل الاسلام عرب تارىخىندن باحث اولان برنجى كىتاب انتشار اينمشدر .  
بو جلد ، شو مباحثلرى عىتودىر : عربستانك وضعيت طبعىيەسى - محيط ارضى  
اعتباريله عربستان - جزيرة العربده ساكن قبائل - سامى قوملر - قبل الاسلام  
عرب تارىخىنك ادوارى - عرب بائده - همالقه عربلىرى ( حورابى دولتى ) -  
شاسولر - عادقوى - عمود قوى - طسم و جدىس عربلىرى - ايدوما واسكى  
سككەسى - انباط دولتى و پترا شىرى - نبطيلرك لسان و يازىلىرى - تدىر  
دولت و مدىنىتى - تدىر خرابەسى - عربستانك شىمالنده كى اىم منفىره - مصريلر ،  
عربلر - آثوريلر ، عربلر - ايرانيلر ، عربلر - جنوبى عربستان - مەينيه دولتى -  
سبأ دولتى - حميريه دولتى - يمن ده جەيلر - يمن ده خرسىيانلىك نىشرى تىشېتى  
( وقعة فيل ) - يمن ده كى اقبال و اذواء - جيانيلر و قىتابانيلر - قريلر ، حضر موتيلر -  
يمن مدىنىت قدىمەسى - عدنانيلر - يمن خارچنده دول قىطاطيه - بنى هاشمان  
دولتى - بنى لخم دواتى - بنى كنده امارتى - اصرى القيس - صنعا عربلىرى -  
مككە مكرمه تارىخى - مدىنة منوره تارىخى  
دىكر جلدلرده پىدېرى نىشر اولنه چقدىر .

# تاریخ ادیان

اوج بویوک جلددن صرکب اولان بومهم اثرک انشار ایدن برنجی کتبابی  
مباحث آتیه سی محتویدر : علم ادیان ، فلسفه ادیان - علم ادیانک ظهور  
وانکشافی تاریخچه سی - علم ادیانک عالم اسلامده وضعیق - دین، بر علم  
مخصوص موضوعی اوله بیلیری ؟ - ( دین ) ک ماهیتی - دینلرک تصنیفی -  
علمای اسلامه کوره دینلرک تصنیفی - بشریت ایمون دینک لزومی - تهئیزم،  
آتهئیزم ، مونوتئیزم ، پولیتئیزم ، هانوتهئیزم - حیات دینی ک ابتدائی  
اشکالی - آئیزم نظریه سی حقنده انتقاد - ناتوریزم - ناتوریزم نظریه سنک  
انتقادی - فیتیشیزم - توتئیزم و تاریخچه سی - توتئیزی حیوان و انسان -  
[ توتئیزمک کونی سیستمی و جنس مفهومی - فرهی توتئیزم و جنسی توتئیزم -  
توتئیزم حقنده کی نظریه لر و بونلرک انتقادی - توتئیزم حقنده دورقایم  
نظریه سی - توتئیزی مانافیکرینک منشائی - آفریقاده کی وحشی قوملرک دینی -  
جنوبی آفریقا اقوامی دینلری - مرکزی آفریقا قبیله لری دینی - شمالی آفریقاده  
دینلری - آفریقا اقوام ابتدائییه سی دینلری - اوقیانوس اهابلیسی دینلری -  
چینده دین - بویوک و کوچوک کینفلر - سینیزم - قونفوجیوس، حیاتی  
ومذهبی - لاهوتسه و تاعوته کینغ - تاعوتئیزم - چینده بودیزم - چین  
[ فیلسوفلری - ژاپونیا لیرک دینی .

دیگر جلدلرده یاقینده نشر ایدله جکدر .

